

MECCA NAZ.  
Re Carlo Emanuele III

XIV

G

77

NAPOLI

77





2



L. ANNAEI  
SENECAE  
Philosophi

Continens opuscula  
Moralia.

PARISIIS.  
Apud  
Antonium Vitray.  
MDCXXXVII.





*Periit ad Con. S. Maric*  
*Carmina d. Arminii*  
V I T A

## L. ANNÆI SENECAE.

**N**ATIVUS est Corduba (ea vetus florensisq; in Hispaniâ Baticâ colonia est) è gente Annaâ, cui ominis causa ab annis videtur nomen factum, respondetq; cognomen Seneca, item ominis boni; est enim à Senex Senecis. Patrem habuit Marcum Annaum Senecam, quem Declamatoris nomine à filio ferè distinguunt. Matrem Elviam, item Hispanam, aut Hispaniensem, magni animi atque ingenij fœminam. Pater Augusti temporibus Romam migravit, cum coniuge & liberis, cumq; ipso hoc Seneca nostro adhuc tenello. Ibi in optimis artibus optimum ingenium adolevit. Eloquentiam à patre, ut videtur, didicit. Ipse verò non contentus domesticâ hac facultate, Philosophia simul animum adiecit, & insignes ac serios eius aui Philosophos assiduus audiuit: nominatim Attalum Stoicum, Sotionem eiusdem sectæ, itemq; Papyrium Fabianum. Sed & Demetrium Cynicum admiratus est & coluit. A Philosophis ad Rempublicam tractandam accessit, ac quaesturam primò gessit, praturam statim ab exilio, Agrippinâ faciente: nam sub Claudio, primo imperij eius anno, cum Iulia Germanici accusata adulterij esset, & ipsa extorric

â ij

est acta, & quasi inter adulteros Seneca in  
Corsicam relegatus. Consulatu etiam fun-  
ctum putat Lipsius, sed extra ordinem. At  
perpetuus ille eius honos, Principis Doctorem  
moderatoremq; fuisse, optimi sanè quamdiu  
huius consiliis monitisq; se dedit. Opum &  
ante aulam largus fuit. Nam pater eas re-  
liquerat. at in aulâ ipsâ ingentes opes ac-  
quisivit, ac panè regias, siue potius venientes  
ultrò admisit: plerasque enim ex Principis  
munificentia habuit. Atque hac partim na-  
tura, partim melioris ingenij cultura, partim  
denique fortuna bona fuerunt. Nunc quid  
de moribus & virtutibus eius dicam, qua-  
rum tanta in eo vis apparuit, ut nec magi-  
stratus splendor in tumorem dederit, nec au-  
la ad familiare & cognatum pane vitium  
adulationem flexerit, nec opes ad luxum  
prouocarint. Quàm nihili & propè contem-  
ptim has res haberet, satis ostendit, cum  
apud Neronem calumniis variè vellicatus,  
animosâ oratione principem accessit, com-  
meatum petens, & opes suas refundens, re-  
ferente Tacito. In victu mira frugalitas.  
ipse morum vitæq; sua censor & exactor ri-  
gidissimus. Ob has eminentes virtutes etiam  
illo auro ingens de eo opinio, & vel imperio  
destinabatur. Sicut autem puram eius men-  
tem non erexerunt prosperioris fortuna blan-  
dimenta, sic nec deiecerunt aduersa terricu-  
lamenta. Vixit in exilio annos circiter octo  
fortiter, imò ut ipse ait, feliciter vixit, opti-

mis studiis meditationibusq; intentus. Mortem quantopere non extimuerit hinc discere licet. Cum Praefectus Neronis necessitatem ultimam denuntiaret, nulla paenitentiae signa edidit, nihil triste in verbis eius aut vultu deprehensum. Flentes amicos modo sermone, modo intentior, in modum coercens, ad firmitudinem reuocauit. Et nouissimo quoque momento suppeditante eloquentia, aduocatis scriptoribus, praeclare multa differt, quae in vulgus edita sunt. En dignam Philosopho & quidem Stoico mortem. In ipsis sapientiae praeceptis vocem simul & spiritum extremum reddidit.



# FRAGMENTA

EX LIBRIS SENECAE

QUI INTERCIDERUNT.

*Quintil. cap. 111. lib. VIII.*

**N**OSTRI autem in iungendo, aut deriuando paullum aliquid ausi, vix in hoc satis recipiuntur. Nam memini iuuenis admodum inter Pomponium & Senecam etiam praefationibus esse tractatum, an *gradus eliminat* apud Attium in tragedia dici oportuisset.

*Cap. v. eiusdem libri.*

Facit quasdam sententias sola geminatio, qualis est Senecae in eo scripto, quod Nero ad Senatum misit occisam matrem, cum se periclitatum videri vellet: Saluum me esse adhuc nec credo, nec gaudeo.

*Cap. 11. lib. IX.*

Novi verò & praecipue declamatores, audacius, nec mehercules sine motu quodam imaginantur, ut Seneca in controuersia, cuius summa est, quòd pater filium & nouercam, inducente altero filio, in adulterio deprehensos occidit: Duc: sequor. accipe hanc senilem manum, & quocunque vis imprime. Et paullo post: Aspice, inquit, quod diu non credidisti. Ego verò non video, nox oboritur, &



EX LIBRIS SENECÆ.

crassa caligo. Habet hæc figura manifestius aliquid. Non enim narrari res, sed agi videtur.

*Ibidem.*

Nam in totum iurare, nisi ubi necesse est, grani viro parum convenit. Et est à Seneca dictum eleganter, Non patronorum hoc esse, sed testium.

*Plinius Nat. Hist. lib. vi. cap. xvii.*

Seneca etiam apud nos tetratâ Indiæ commentatione, l. x. amnes eius prodidit, gentes duodeviginti centumque. Par labor sit montes enumerare.

*Cap. liii. lib. ix.*

Æui piscium, memorandum nuper exemplum accepimus. Pausilypum villa est Campaniæ, haud procul Neapoli. in eâ in Cæsaris piscinis à Pollione Vedio coniectum piscem, sexagesimum post annum expirasse scribit Annaeus Seneca, duobus aliis æqualibus eius ex eodem genere, etiam tunc viventibus.

*Suetonius Tiberii cap. lxxiii.*

Seneca cum (Tiberium) scribit intellectâ defectione, exemplum anulum, quasi alicui traditurum, parumper tenuisse: dein rursus aprasse digito, &c.

*A. Gellius cap. ii. lib. xii. Noct. Atticarum.*

Seneca in lib. xxii. Epistolarum moralium quas ad Lucilium composuit, deridiculos versus Q. Ennium de Cethego antiquo viro fecisse hos dicit.

# FRAGMENTA

— Dictus ollis popularibus olim,  
Qui tum vivebant homines, atque  
æuum agitabant,

Flos delibatus populi & suada me-  
dulla.

Ac deinde scribit de iisdem versibus  
verba hæc : Admiror eloquentissimos vi-  
ros, & deditos Ennio, pro optimis ridi-  
cula laudasse. Cicero certè inter bonos  
eius versus & hos refert. Atque id etiam  
de Cicerone dicit. Non miror, inquit,  
fuisse qui hos versus scriberet, cum fue-  
rit qui laudaret : nisi fortè Cicero. sum-  
mus orator agebat causam suam, & vo-  
lebat hos versus videri bonos. Paulò  
post. Apud ipsum quoque, inquit Seneca,  
Ciceronem inuenies etiam in prosâ  
oratione quædam, ex quibus intelligas  
illum non perdidisse operam, quòd En-  
nium legit. Ponit deinde quæ apud Ci-  
ceronem reprehendat, quasi Enniana,  
quòd ita scripserit in libris de republi-  
ca, Vt Menelao Laconi fuit suauilo-  
quens iucunditas. & quòd alio in loco  
dixerit, Breuiloquentiam in dicendo co-  
lat. Deinde : Non fuit, inquit Seneca,  
Ciceronis hoc vitium, sed temporis. ne-  
cesse erat hæc dici, cum illa legerentur.  
Deinde adscribit, Ciceronem hæc ipsa  
interposuisse ad effugiendam infamiam  
nimis lasciuæ orationis & nitidæ. De  
Virgilio quoque eodem in loco verba

hæc ponit, Virgilius quoque noster non ex aliâ causâ duos quosdam versus, & enormes, & aliquid supra mensuram trahentes interpoluit, quàm vt Ennianus populus agnosceret in nouo carmine antiquitatis aliquid. Addit non multò post ex Seneca: Quidam sunt tam magni sensus Q. Ennii, vt licet scripti sint inter hircosos, possint tamen inter vnguentatos placere. Et cum reprehendisset versus quos supra de Cethego posuimus, Qui huiusmodi, inquit, versus amant, liceat sibi eosdem admirari & Soterici lectos. Audias tamen commemorari ac referri pauca quædam quæ ipse idem Seneca benè dixerit: quale est illud quod in hominem auarum & auidum & pecuniæ sitientem dixit, Quid enim refert quantum habeas? multo illud plus est quod non habes.

*Tertullianus de Anima, cap. XLII.*

Multò coactius Seneca: Post mortem, ait, omnia finiuntur, etiam ipsa.

*Lactantius diuinarum institutionum lib. I cap. IV.*

Annæus quoque Seneca, qui ex Romanis vel acerrimus Stoicus fuit, quàm sæpè summum Deum meritâ laude prosequitur? Nam cum de immatura morte disserteret, Non intelligis, inquit, auctoritatem, ac maiestatem iudicis tui? Rector is orbis terrarum, cælique & deorum

# FRAGMENTA

omnium Deus : à quo ista numina , quæ singula adoramus & colimus, suspensa sunt? Item in Exhortationibus: Hic, cùm prima fundamenta molis pulcherrimæ iaceret, & hoc ordiretur, quo neque maius quidquam nouit natura, nec melius, ut omnia sub ducibus suis irent, quamuis ipse per totum se corpus intenderat, tamen ministros regni sui deos genuit. Et quàm multa alia de Deo nostris similia locutus est? quæ nunc differo, quòd alijs locis oportuniora sunt.

## Cap. VII.

Ete est illud verum quod dixisse in Exhortationibus Senecam supra retuli, Genuisse regni sui ministros Deum.

## Eodem cap. VII.

Quod Seneca vir acutus in Exhortationibus suis vidit. Nos, inquit, aliunde pendemus. Itaque ad aliquem respicimus, cui quod est optimum in nobis, debeamus. Alius nos edidit, alius instruxit: Deus ipse se fecit.

## Eiusdem lib. cap. XVI.

Non illepidè Seneca, in libris morali philosophiæ, Quid ergo est, inquit, quare apud poëtas salacissimus Iupiter desierit liberos tollere? Verùm sexagenarius factus est, & illi lex Papia fibulam imposuit? an impetrauit ius trium liberorum? an tandem illi venit in mentem, Ab alio exspectes, alteri quod feceris, & timet, ne

EX LIBRIS SENECAE.

quis sibi faciat, quod ipse Saturno?

*Libri I I. cap. II.*

Rectè igitur Seneca in libris Morali-  
bus: Simulacra, inquit, deorum veneran-  
tur, illis supplicant genu posito: illa ado-  
rant: illis per totum assident diem, aut  
adstant: illis stipem iaciunt, victimas cæ-  
dunt: & eum hæc tantoperè suspiciant,  
fabros, qui illa fecere, contemnunt.

*Eiusdem lib. cap. IV.*

Meritò igitur etiam senum stultitiam  
Seneca deridet. Non, inquit, bis pueri su-  
mus (vt vulgò dicitur) sed semper. Ve-  
rùm hoc interest, quòd maiora nos ludi-  
mus.

*Cap. IX.*

Melius igitur Seneca, omnium Stoico-  
rum acutissimus, qui vidit nil aliud esse  
Naturam, quàm Deum. Ergo, inquit,  
Deum non laudabimus, cui naturalis est  
virtus? Nec enim illam didicistis ex vlllo.  
Immò laudabimus, quamvis enim natu-  
ralis illi sit, sibi illam dedit, quoniam  
Deus ipse natura est.

*Libri I I I. cap. XV.*

Eodem ductus errore Seneca (quis  
enim veram viam teneret, errante Cice-  
rone?) Philosophia, inquit, nihil aliud  
est, quàm recta viuendi ratio: vel, honestè  
viuendi scientia: vel, ars rectè vitæ agen-  
dæ. Non errabimus, si dixerimus philo-  
sophiam esse legem benè honesteque vi-

uendi. Et qui dixerit illam regulam vitæ, suum illi nomen reddiderit.

*Ibidem.*

Idem Seneca in Exhortationibus: Ple-  
rique, inquit, Philosophorum tales sunt,  
vt sint disertissimi in conuicium suum. quos si  
audias in auaritiam, in libidinem, in am-  
bitionem perorantes, professionis indi-  
cium putes: adeò redundant in ipsos ma-  
ledicta in publicum missa. quos non ali-  
ter intueri decet, quàm medicos, quorum  
tituli remedia habent, pyxides venena.

*Ibidem.*

Faciet sapiens, inquit idem Seneca,  
etiam quæ non probabit, vt etiam ad ma-  
iora transitum inueniat: nec relinquet  
bonos mores, sed temporibus aptabit: &  
quibus alij vtuntur in gloriam, aut vo-  
luptatem, vtetur agendæ rei causâ. Et  
paullo post: Omnia quæ luxuriosi faciunt,  
quæque imperiti, faciet & sapiens, sed  
non eodem modo, eodémque proposito.

*Cap. xvi. eiusdem libri.*

Et Seneca: Nondum sunt, inquit, mille  
anni; ex quo initia sapientiæ nota sunt.  
Multis ergo sæculis humanum genus si-  
ne ratione vixit.

*Cap. xxiii.*

Fuisse Seneca inter Stoicos ait: qui  
deliberaret, vtrumne Soli quoque suos  
populos daret: ineptè scilicet, qui dubi-  
tauerit.

EX LIBRIS SENECÆ.

*Cap. xxv.*

Platonem quidem redemisse Aniceris quidam traditur festeris v i i i. Itaque infectatus est conuiciis redemptorem Seneca, quod paruo Platonem æstima-  
*uerit. Lib. v. cap. ix.*

Qui volent scire omnia, Senecæ libros in manus sumant, qui morum vitiorum-  
que publicorum & descriptor verissimus,  
& accusator acerrimus fuit.

*Eiusdem libri cap. xiv.*

Rectè igitur Seneca, incongruentiam hominibus obiectans, ait: Summa virtus illis videtur magnus animus. & iidem eum, qui contemnit mortem, pro furioso habent. quod est utique summæ peruersitatis.

*Lib. vi. cap. xvii.*

Item Senecæ in libris Moralis philosophiæ dicentis: Hic est ille homo honestus, non apice, purpuræ, non lecto-  
rum insignis ministerio, sed nullâ re minor: qui cum mortem in vicino videt,  
non sic perturbatur, tamquã rem nouam viderit: qui, siue toto corpore tormenta patièda sunt, siue flamma ore recipièda est, siue extendendæ per patibulum manus, non quærit quid patiatur, sed quàm benè. Qui autem Deum colit, hæc patitur, nec timet.

*Cap. xxiv. lib. vi.*

Nec luerari se quisquam putes, si delicti

# FRAGMENTA

conscium non habebit. scit enim illa omnia, in cuius conspectu viuimus: nec si vniuersos homines, celare possumus: cui nihil absconditum, nihil potest esse secretum: Exhortationes suas Seneca mirabili sententiâ terminauit, Magnum, inquit, nescio quid, maiusque quàm cogitari potest, numen est. cui viuendo operam damus, huic nos approbemus. Nihil prodest inclusam esse conscientiam: patemur Deo. Quid verius dici potest ab eo qui Deum nosset, quàm dictum est ab homine veræ religionis ignaro?

*Ibidem.*

Idem in eiusdem operis primo: Quid agis? inquit. quid machinaris? quid abscondis? Custos te tuus sequitur. Alium tibi peregrinatio subduxit, alium mors, alium valetudo: hæret hic, quo carere nunquam potes. Quid locum abditum legis, & arbitros remoues? Putas tibi contigisse, vt oculos omnium effugias? Demens, quid tibi prodest non habere conscium, habenti conscientiam.

*Eiusdem, cap. x xv.*

Quanto melius & verius Seneca? Vultisne vos, inquit, Deum cogitare magnum & placidum, & maiestate leni verendum? amicum, & semper in proximo? non immolationibus, & sanguine multo colendum: quæ enim extrucidatione immerentium voluptas est? sed mente purâ,



bono honestoque proposito? Non templa illi, congestis in altitudinem saxis, struenda sunt: In suo cuique consecrandus est pectore.

*Lib. VII. cap. XV.*

Non inscitè Seneca Romanæ urbis tempora distribuit in ætates. Primam enim dixit infantiam sub rege Romulo fuisse, à quo & genita, & quasi educata sit Roma: deinde pueritiam sub ceteris regibus, à quibus & aucta sit, & disciplinis pluribus, institutisque formata: at verò Tarquinio regnante cum iam quasi adulta esse cœpisset, seruitium non tulisse, & reiecto superbæ dominationis iugo, maluisse legibus obtemperare, quàm regibus: cumque esset adolescentia eius sine Punici belli terminata, tum denique confirmatis viribus cœpisse iuvenescere. Sublatâ enim Carthagine, quæ tam diu æmula Imperij fuit, manus suas in totum orbem terrâ marique porrexit: donec regibus cunctis, & nationibus imperio subiugatis, cum iam bellorum materia deficeret, viribus suis malè vteretur, quibus se ipsa confecit. Hæc fuit prima eius senectus, cum bellis lacerata civilibus, atque intestino malo pressa, rursus ad regimen singularis imperij recidit, quasi ad alteram infantiam reuoluta. Amisâ enim libertate, quam Bruto duce & auctore defenderat, ita consenuit, tamquam susten-

tare se ipsa non valeret, nisi adminiculo regentium niteretur.

*B. Hieronymus aduersus Iovinianum  
libro primo.*

Claudia virgo Vestalis, cum in suspicionem venisset stupri, & simulacrum matris Idææ in vado Tyberis hæreret, ad comprobendam pudicitiam suam fertur cingulo duxisse nauem, quam multa millia hominum trahere nequiverant. Melius tamen, inquit Lucani poëtæ patruus, cum illa esset actum, si hoc quod euénit, ornamentum potius exploratæ fuisset pudicitiae, quàm dubiæ patrocini-  
nium.

*Eodem libro.*

Scripserunt Aristoteles, & Plutarchus, & noster Seneca de matrimonio libros, ex quibus & superiora nonnulla sunt, & ista quæ subiicimus. Amor, formæ obliuio est, & insanitiæ proximus, fœdum minimeque conueniens animo sospiti vitium; turbat consilia, altos & generosos spiritus frangit, à magnis cogitationibus ad humillimas detrahit: querulos, iracundos, temerarios, durè imperiosos, seruiliter blandos, omnibus inutiles, ipsi nouissimè amori, facit. Nam cum fruendi cupiditate insatiabili flagrat, plura tempora suspicionibus, lacrymis, conquestionibus perdit, odium sui facit, & ipse nouissimè sibi odio est.

EX LIBRIS SENECAE.

*Paullo infra.*

Refert prætereà Seneca cognouisse se quendam ornatum hominem, qui exiturus in publicum, fasciâ vxoris pectus colligabat, & ne puncto quidem horæ præsentia eius carere poterat; potionemque nullam nisi alterius tactam labris, vir & vxor hauriebant: alia deinceps non minus inepta facientes, in quâ improuida vis ardentis affectus erumpebat.

*In fine.*

Nam quid, ait Seneca, de viris pauperibus dicam? quorum in nomen mariti, ad eludendas leges quæ contra cælibes sunt, pars magna conducitur. Quomodo potest regere mores, & præcipere castitatem, & mariti auctoritatem tueri, qui nupsit?

*B. Augustinus de Ciuitate Dei lib. v i.*

*cap. x.*

Libertas sanè quæ huic defuit, ne istam urbanam theologiam theatricæ simillimam, apertè sicut illam reprehendere auderet, Annæo Senece, quem nonnullis indiciis inuenimus Apostolorum nostrorum claruisse temporibus, non quidem ex toto, verùm ex aliqua parte non defuit. Affuit enim scribenti, viuenti defuit. Nam in eo libro quem contra superstitiones condidit, multò copiosius ac vehementius reprehendit ipse ciuilem istam & urbanam theologiam, quam Var-

ro theatricam atque fabulosam Cum enim de simulacris ageret, Sacros, inquit, immortales, inuiolabilesque deos in materiâ vilissimâ atque immobili dedicant. Habitus illis hominum, ferarumque, & piscium; quidam verò mixtos ex diuersis corporibus induunt. Numina vocant, quæ si spiritu accepto subito occurrerent, monstra haberentur. Deinde aliquanto post, cum theologiam naturalem prædicans, quorundam philosophorum sententias digessisset, opposuit sibi questionem, & ait: Hoc loco dicet aliquis: Credam ego cœlum & terram deos esse, & supra lunam alios, infra alios? Ego feram aut Platonem, aut Peripateticum Stratonem, quorum alter fecit Deum sine corpore, alter sine animo? Et ad hoc respondens, Quid tandem? inquit: veriora tibi videntur T. Tatij, aut Romuli, aut Tulli Hostilij somnia? Cluacinam T. Tarius dedicauit deam, Picum Tiberinumque Romulus, Hostilius Pauorem atque Pallorem. teterrimos hominum affectus: quorum alter mentis territæ motus est, alter corporis, ne morbus quidem, sed color. Hæc numina potius credes, & cœlo recipies? De ipsis verò ritibus crudeliter turpibus, quàm liberè scripsit? Ille, inquit, viriles sibi partes amputat, ille lacertos secat. Vbi iratos deos timent, qui sic propitios habere me-

EX LIBRIS SENECAE.

rentur? dij autem nullo ipsi debent cōi genere, si & hoc volunt. Tantus est perturbatae mentis & sedibus suis pulsa furor, ut sic dij placentur, quemadmodum ne homines quidem sœuiunt. Teterrimi, & in fabulas traditæ crudelitatis tyranni, lacerauerunt. aliquorum membra, neminem sua lacerare iusserunt. In regia libidinis voluptatem castrati sunt quidam, sed nemo sibi ne vir esset, iubente domino, manus intulit. Se ipsi in templis contrucidant, vulneribus suis ac sanguine supplicant. Si cui intueri vacet quæ faciunt, quæque patiuntur: inueniet tam indecora honestis, tam indigna liberis, tam dissimilia sanis, ut nemo fuerit dubitaturus furere eos, si cum paucioribus furerent: nunc sanitatis patrocinium est, insanientium turba. Iam illa quæ in ipso Capitolio fieri solere commemorat, & intrepidè omnino coarguit, quis credat nisi ab irridentibus aut furentibus fieri? Nam cum in Sacris Ægyptiis Osirim lugeri perditum, mox autem de inuento magnum esse gaudium derisisset; cum perditio eius inuentioque fingatur, dolor tamen ille atque lætitia, ab eis qui nihil perdiderunt, nihilque inuenerunt, veraciter exprimatur: Huic tamen, inquit, furori certum tempus est. Tolerabile est, semel in animo insanire. In Capitolium perueni, pudebit publicatæ de-

## F R A G M E N T A

mentia, quod sibi vanus furor attribuit, officij. Alius numina Deo subijcit, alius horas Ioui nuntiat, alius lictor est, alius vnctor qui vano motu brachiorum imitatur vngentem. Sunt quæ Iunoni ac Mineruæ capillos disponant, longè à templo non tantùm à simulacro stantes, digitos mouent ornantium modo. Sunt quæ speculum teneant, sunt quæ ad vadimonia sua deos aduocent: sunt qui libellos offerant, & illos causam suam doceant. Doctus Archimimus senex iam decrepitus, quotidie in Capitolio minimum agebat, quasi dij libenter spectarent, quem homines desierant. Omne illic artificum genus, operantium diis immortalibus, desidet. Et paulopost: Hæc tamen, inquit, etiam si superuacuum vsum, non turpem nec infamem Deo promittunt: sedent quædam in Capitolio, quæ se à Ioue amari putant: nec Iunonis quidem, si credere poetis velis, iracundissimæ respectu terrentur. Hanc libertatem Varro non habuit, tantummodo poeticam theologiam reprehendere ausus est, ciuilem nõ ausus est, quam iste concidit. Sed si verum attendamus, deteriora sunt templa, vbi hæc aguntur, quàm theatra, vbi finguntur. Vnde in his sacris ciuilibus theologiæ has partes potius elegit Seneca sapienti, vt eas in animi religione non habeat, sed in actibus fingat. Ait

EX LIBRIS SENECAE.

enim: Quæ omnia sapiens seruabit tamquam legibus iussa, non tamquam diis grata; Et paullopòst: Quid quòd & matrimonia, inquit, deorum iungimus, & ne piè quidem, fratrum scilicet & sororum: Bellonam Marti collocamus: Vulcano Venerem: Neptuno Salaciam: quosdam tamen cœlibes relinquimus, quasi conditio defecerit: præsertim cùm quædam viduæ sint, vt Populonia, vel Fulgora, & diua Rumina, quibus non miror petitozem defuisse. Omnem istam ignobilem deorum turbam, quam longo æuo, longa superstitio congeffit, sic, inquit, adorabimus, vt meminerimus cultum eius magis ad morem, quàm ad rem pertinere. Nec leges ergo illæ, nec mos, in ciuili theologiâ id instituerunt, quod diis gratum esset, vel ad rem pertineret: sed iste, quem Philosophi quasi liberum fecerunt: tamen quia ILLUSTRIS POPULI ROMANI SENATOR erat, colebat quod reprehendebat, agebat quod arguebat, quod culpabat adorabat.

: *Cap. xi. de eodem Seneca*

Hic inter alias ciuilis theologiæ superstitiones reprehendit etiam sacramenta Iudæorum, & maximè sabbata: inutiliter id eos facere affirmans, quòd per illos singulos septem interpositos dies septimam ferè partem ætatis suæ

## F R A G M E N T A

perdant vacando, & multa in tempore  
urgentia non agendo lædantur. Christia-  
nos tamen iam tunc Iudæis inimicissi-  
mos, in neutram partem commemorare  
ausus est: ne vel laudaret contra suæ pa-  
triæ veterem consuetudinem, vel repre-  
henderet contra propriam forsitan vo-  
luntatem.

*Ibidem.*

De illis sane Iudæis cùm loqueretur,  
ait: Cùm interim vsque eò sceleratissi-  
mæ gentis consuetudo conualuit, vt per  
omnes iam terras recepta sit. Victi vi-  
ctoribus leges dederunt: Mirabatur hæc  
dicens, & quid diuinitus ageretur, igno-  
rans. Subiecit planè sententiam, quâ  
significaret, quid de illorum sacramen-  
torum ratione sentiret. Ait enim: Illi ta-  
men causas ritus sui nouerunt, & maior  
pars populi facit, quod cur faciat,  
ignorat.

*Scriptor vitæ P. Vergilij Maronis.*

Seneca tradidit, Iulium Montanum  
poetam solitum dicere inuolaturum se  
quædam Virgilio, si & vocem posset, &  
os, & hypocrisin: eosdem enim versus,  
eo pronuntiante, benè sonare; sine illo,  
inarescere quasi mutos.

*Seruius in vi Æneid.*

Seneca scripsit de situ & sacris Ægy-  
ptiorum. hic dicit, circa Siensem extre-  
mam Ægypti partem esse locum, quem



EX LIBRIS SENECAE.

Philas, hoc est Amicas vocant, ideò quòd illic est placata ab Ægyptiis Isis, quibus irascebatur, quòd membra mariti Osiridis non inueniebat, quem frater Typhon occiderat. Quæ inuenta postea cùm sepelire vellet, elegit vicinæ paludis tutissimum locum, quem ad transitum constat esse difficilem. limosa enim est & papyris referta.

*Idem Servius in 1 x. Æneid.*


Ganges fluuius Indiæ est, qui secundum Senecam in situ Indiæ nouem alueis fluit, secundum Melonem septem: qui tamen & ipse commemorat nonnullos dicere, quòd tribus alueis fluat.

*Priscianus lib. v 11.*

Seneca Ouidium sequens: Gausapa si sumpsit, gausapa sumpta proba.

*Concilium Turonense 11. Can. xv.*

Aliqui Laïci, dum diuersa perpetrante adulteria, hoc quod de se sciunt, in aliis suspicantur, sicut ait Seneca, pessimum in eo vitium esse, qui in id quod insanit, ceteros putat furere.





# L. ANNÆI SENECAE

DE IRA,

AD NOUATVM.

LIBER PRIMVS.

CAPVT I.



REGISTI à me, Nouate,  
vt scriberem quemadmodum  
posset ira leniri: nec immeri-  
tò mihi videris hunc præci-  
puè affectum pertinuiffe, maximè ex  
omnibus tetrum ac rabidum. Ceteris  
enim aliquid quieti placidique inest; hic  
totus concitatus, & in impetu doloris  
est: armorum, sanguinis, suppliciorum,  
minimè humanâ feruens cupiditate: dum  
alteri noceat, sui negligens; in ipsa ir-  
ruens tela, & ultionis secum multa tra-  
cturæ auidus. Quidam itaque è sapien-  
tibus viris iram dixerunt breuem insa-  
niam. æquè enim impotens sui est, deco-  
ris oblita, necessitudinum immemor, in  
quod cœpit pertinax & intenta, rationi  
consiliisque præclusa, vanis agitata cau-  
sis, ad dispectum æqui verique inhabilis,  
ruinis simillima, quæ super id quod op-  
pressere, franguntur. Vt autem scias non

A

esse sanos, quos ira possedit, ipsum illorum habitum intueri. Nam ut furentium certa indicia sunt, audax & minax vultus, tristis frons, torva facies, citatus gradus, inquietæ manus, color versus, crebra, & vehementius acta suspiria: ita irascentium eadem signa sunt. Flagrant, & micant oculi, multus ore toto rubor, exæstuante ab imis præcordiis sanguine; labia quatiuntur, dentes comprimuntur, horrent ac subriguntur capilli, spiritus coactus ac stridens, articulorum seipsos torquentium sonus, gemitus, mugitusque, & parùm explanatis vocibus sermo præruptus, & complosæ sæpiùs manus, & pulsata humus pedibus, & totum concitum corpus, magnasque minas agens, fœda visu & horrenda facies deprauantium se, atque intumescantium. Nescias, utrum magis detestabile vitium sit, an deforme. Cetera licet abscondere, & in abdito alere: Ira se profert, & in faciem exit: quantoque maior est, hoc effertur scit manifestius. Non vides, ut omnium animalium, simul ad nocendum insurrexerunt, procurrant notæ, ac tota corpora solitum quietumque egrediantur habitum, & feritatem suam exasperent? Spumant apris ora, dentes acuuntur attritu: taurosum cornua iactantur in vacuum, & arena pulsu pedum spargitur: leones fremunt, instantur iratis colla ser-

pentibus, rabidarum canum tristis aspectus est. Nullum est animal tam horrendum, tamque perniciosum naturâ, ut non appareat in illo, ubi ira inuasit, noua feritatis accessio. Nec ignoro, ceteros quoque affectus vix occultari; libidinem, metumque, & audaciam dare sui signa, & posse prænosci. neque enim vlla vehementior intra cogitatio est, quæ nihil moueat in vultu. Quid ergo interest? Quod alij affectus apparent, hic eminet.

CAP. II. Jam verò si effectus eius damnâque intueri velis, nulla pestis humano generi pluris stetit. Videbis cædes ac venena, & reorum mutuas sordes, & vrbiũ clades, & totarum exitia gentium, & principum sub civili hastâ capita venalia, & subiectas tectis faces, nec intra mœnia coercitos ignes, sed ingentia spatia regionum hostili flammâ relucentiâ. Aspice nobilissimarum ciuitatum fundamenta vix notabilia: has ira deiecit. aspice solitudines per multa milia sine habitatione desertas: has ira exhaustit: aspice tot memoriæ proditos duces, mali exempla fati. alium ira in cubili suo confodit: alium inter sacra mensæ ira percussit; alium inter leges celebrisque spectaculum fori lancinauit; alium filij patricidio dare sanguinem iussit; alium seruili manu regalem aperire iugulum, alium in cruces membra

diuidere. Et adhuc singulorum supplicia narro. quin si tibi libuerit, relictis in quos ira viritim exarsit, aspicere cæfas gladio conciones, & plebem immisso milite contrucidatam, & in perniciem promiscuam totos populos capitis damna passos, tanquam aut curam nostram deferentibus, aut auctoritatem contemnentibus. Quid gladiatoribus, quare populus irascitur, & tam iniquè, ut injuriam putet, quòd non libenter pereunt? contemni se iudicat, & vultu, gestu, ardore, de spectatore in aduersarium vertitur. Quidquid est, certè non est ira, sed quasi ira: sicut puerorum, qui si ceciderunt, terram verberari volunt, & sæpe nesciunt quidem, cui irascantur, sed tantum irascuntur sine causa & sine iniuria, non tamen sine aliqua iniuriæ specie, nec sine aliqua pœnæ cupiditate. Deluduntur itaque imitatione plagarum, & simulatis deprecantium lacrymis placentur, & falsâ vltione falsus dolor tollitur.

CAP. III. Irascimur, inquit, sæpe non illis qui læserunt, sed his qui læsuri sunt: ut scias iram non tantum ex iniuria nasci. Verum est, irasci nos læsuris: sed ipsâ cogitatione nos lædunt, & iniuriam qui facturus est, iam facit. Ut scias, inquit, non esse iram pœnæ cupiditatem, infirmissimi sæpe potentissimis irascuntur:

nec pœnam concupiscunt, quam non sperant. Primum diximus, iram cupiditatem esse pœnæ exigendæ, non facultatem: concupiscunt autem homines, & quæ non possunt. Deinde nemo tam humilis est, qui pœnam vel summi hominis sperare non possit. ad nocendum potentes sumus. Aristotelis finitio non multum à nostra abest. ait enim, Iram esse cupiditatem doloris reponendi. Quid inter nostram & hanc finitionem intersit, exsequi longum est. contra utrâque dicitur, feras irasci, nec iniuriâ irritatas, nec pœnæ dolorisve alieni causâ. Nam etiam si hoc efficiunt, non hoc petunt. Sed dicendum est, feras irâ carere, & omnia præter hominem. Nam cum sit inimica rationi, nusquam tamen nascitur, nisi ubi rationi locus est. Imperus habent feræ, rabiem, feritatem, incursum: iram quidem non magis, quàm luxuriam. Et in quasdam voluptates intemperantiores homines sunt. Non est quod credas illi qui dicit: *Non aper irasci meminit, non fidere cursu Cerva, nec armentis incurrere fortibus urss.* Irasci dicit, incitari, impingi. Irasci quidem non magis sciunt, quàm ignoscere. Muta animalia humanis affectibus carent: habent autem similes illis quosdam impulsus. Alioqui si amor in illis esset, & odium esset; si amicitia, & simultas; si dissensio, & concordia; quo-

rum aliqua in illis quoque exstant vesti-  
gia: ceterum, humanorum pectorum  
propria bona malaque sunt. Nulli nisi  
homini concessa prudentia est, diligen-  
tia, cogitatio: nec tantum virtutibus hu-  
manis animalia, sed etiam vitiis prohibi-  
ta sunt. Totum illorum ut extrà, ita intrà,  
forma humanæ dissimilis est. Regium  
illud & principale parum subtile, parum  
exactum: ut vox est quidem, sed non ex-  
planabilis, perturbata, & inefficax: ut  
lingua, sed deuincta, nec in motus varios  
soluta. Caput ergo visus speciesque re-  
rum, quibus ad imperus euocetur, sed  
turbidas, & confusas. Ex eo procursus  
illarum tumultusque vehementes sunt:  
mens aurem, sollicitudinesque, & tristi-  
tiæ & ira non sunt, sed his quædam simi-  
lia. Ad id cito cadunt, mutantur in con-  
trarium, & cum acerrime saeuierunt, ex-  
paueruntque, pascuntur & ex fremitu  
decursumque vasano statim quies sopor-  
que sequitur.

CAP. IV. Quid esset Ira, satis ex-  
plicatum est: quo distet ab iracundia, ap-  
paret: quo ebrius ab ebrioso, & timens  
a timido. Iratus potest non esse iracun-  
dus: iracundus potest aliquando iratus  
non esse. Cetera, quæ pluribus apud  
Græcos nominibus in species Iram di-  
stinguunt, quia apud nos vocabula sua  
non habent, præteribo: etiam si amarum



nos, acerbúmque dicimus, nec minús stomachosum, rabiosum, clamosum, difficilem, asperum: quæ omnia irarum differentia sunt. Inter hos morosum ponas licet, delicatum iracundiæ genus. Quædam enim sunt iræ, quæ intra clamorem confidant; quædam non minús pertinaçes, quàm frequentes; quædam sævæ manu, verbis parciores; quædam in verborum maledictorúmque amaritudinem effusæ, quædam ultra querelas & aversationes non exeunt; quædam altæ gravésque sunt, & introfús versæ. Mille aliæ species sunt mali multiplicis.

CAP. V. Quid esset Ira, quæsitum est: an in yllum aliud animal, quàm in hominem caderet: quo ab iracundia distaret, & quæ eius species sint: nunc quæramus, an Ira secundum naturam sit, & an utilis, atque ex aliquâ parte retinenda. An secundum naturam sit, manifestum erit, si hominem inspexerimus: quo quid est mirius, dum in recto animi habitu est? quid, autem irâ crudelius est? Homine quid aliorum amentius? quid irâ infestius? Homo in adiutorium mutuum generatus est: ira in exitium. Hic congregari vult, illa discedere: hic prodesse, illa nocere: hic etiam ignotis succurrere, ille etiam carissimos petere: hic aliorum commodis vel impendere separat, ira in periculum, dummodò deducat, descen-

dere. Quis ergo magis naturam rerum ignorat, quàm qui optimo eius operi, & commendatissimo, hoc ferum ac perniciosum vitium assignat? Ira, ut diximus, auida poenæ est: cuius cupidinem inesse pacatissimo hominis pectori, minimè secundum eius naturam est. Beneficiis enim humana vita consistit, & concordia: nec terrore, sed mutuo amore, in fœdus auxiliûmque commune constringitur. Quid ergo? non aliquando castigatio necessaria est? Quidni? sed hæc sincera, cum ratione. non enim nocet, sed medetur specie nocendi. Quemadmodum quædam hastilia detorta, ut corrigamus, adurimus, & adactis cuneis, non ut frangamus, sed ut explicemus, elidimus: sic ingenia vitio prava, dolore corporis animique corrigimus. Nempe Medicus primò in leuibus vitiis tentat, non multum ex quotidiana consuetudine inflectere, & cibis, potionibus, exercitationibus ordinem ponere, ac valetudinem tantum mutata vitæ dispositione firmare: proximum est, ut modus proficiat: si modus & ordo non proficit, subducit aliqua, & circumcidit: si ne adhuc quidem respondet; interdicit cibis, & abstinentiâ corpus exonerat. si frustra molliora cesserunt; ferit venam, membrisque, si adhærentia nocent, & morbum diffundunt, manus affert: nec vlla dura videtur curatio, cuius salutaris

effectus est. Ita legum præsidem, ciuitatísque rectorem decet, quamdiu potest, verbis, & his mollioribus, ingenia curare, vt facienda suadeat, cupiditatémque honesti & æqui conciliet animis, faciátque vitiorum odium, pretium virtutum: transeat deinde ad tristiores orationem, quâ moneat adhuc & exprobet: nouissimè ad pœnas, & has adhuc leues & reuocabiles decurrat: vltima supplicia sceleribus vltimis ponat, vt nemo pereat, nisi quem peccare etiam pereuntis intersit.

C A P. V I. Hoc vno medentibus erit dissimilis, quòd illi, quibus vitam non potuerunt largiri, facilem exitum præstant: hic, damnatum cum dedecore & traductione, vitâ exigit: non, quia delectetur vllius pœnâ (procul est enim à sapiente tam inhumana feritas) sed vt documentum omnium sint; & qui viui noluerunt prodesse, morte certè eorum respublica vtatur. Non est ergo natura hominis pœnæ appetens: & ideo nec ira quidem secundùm naturam hominis, quia pœnæ appetens est. Et Platonis argumentum adferam: quid enim prohibet alienis vti, ex parte quâ nostra sunt? Vir bonus, inquit, non lædit. pœna lædit. bono ergo pœna non conuenit: ob hoc nec ira: quia pœna iræ conuenit. Si vir bonus pœnâ non gaudet; non gaudebit nec eo quidem affectu, cui pœna

voluptati est: ergo non est naturalis ira.  
CAP. VII. Numquid, quamvis  
non sit naturalis ira, assumenda est, quia  
utilis sæpe fuit? Extollit animos, & incitat:  
nec quicquam sine illa magnificum  
in bello fortitudo gerit, nisi hinc flamma  
subdita est, & hic stimulus peragita-  
uit, misitque in pericula audaces. Opti-  
mum itaque quidam putant, temperare  
iram, non tollere: eoque detracto quod  
exundat, ad salutarem modum cogere: id  
verò retinere, sine quo languebit actio, &  
vis, ac vigor animi resolvetur. Primum,  
facilius est excludere perniciosam, quam  
regerè: & non admittere, quam admissa  
moderari. Nam cum se in possessione  
posuerunt, potentiora rectore sunt, nec  
recipi se minuire patiuntur. Deinde ra-  
tio ipsa, cui frangi traduntur, tamdiu po-  
tens est, quamdiu diducta est ab affecti-  
bus: si miscuit se illis, & inquinavit, non  
potest continere, quos submovere potuisset.  
Commota enim semel & concussa  
mens, ei feruit, à quo impellitur. Qua-  
rumdam rerum initia in nostra potesta-  
te sunt: ulteriora nos suâ vi rapiunt, nec  
regressum relinquunt. Ut in præceptis  
datis corporibus nullum sui arbitrium  
est, nec resistere morarive deiecta potue-  
runt, sed consilium omne & poenitentiam  
irreuocabilis præcipitatio abscidit, & non  
licet eò non peruenire, quò non ire li-

cuiſſet : ita animus, ſi in iram, amorem, alióſque ſe proiecit, affectus, non permittitur reprimere impetum. rapiat illum oportet, & ad imum agat ſuum pondus, & vitiorum natura procliuſ;

CAP. VIII. Optimũ eſt primum irritamentum iræ protipus ſpernere, ipſiſque repugnare ſeminibus, & dare operam ne incidamus in iram. nam ſi ceperit ferre tranſuerſos, difficilis ad ſalutem reſcuſus eſt. Quoniam nihil rationis eſt, ubi ſemel affectus inductus eſt, inſque illi aliquod voluntate noſtrâ datum eſt. Faciet de cætero quantum volet, non quantum permiferis. In primis, inquam, finibus hoſtis arcendus eſt: nam cum intrauit, & portis ſe intulit, modum à captiuis non accipit. Neque enim ſepoſitus eſt animus, & extrinſecus ſpeculatur affectus, vt illos non patiatut ultra quàm oportet procedere, ſed in affectum ipſe mutatur: ideóque non poteſt vtilem illam vim & ſalutarem, proditam iam infirmatamque, reuocare. Non enim, vt dixi, ſeparatas iſta ſedes ſuas ductasque habent; ſed affectus & ratio in melius peiúſque mutatio animi eſt. Quomodo ergo ratio occupata & oppreſſa vitiiſ reſurget, quæ iræ ceſſit? aut quemadmodum à confuſione ſe liberabit, in quâ peiorum mixtura præualuit? Sed quidam, inquit, in ira ſe continent.

A vj

Vtrum ergo ita, nihil ut faciant eorum quæ Ira dictat, an ut aliquid? Si nihil faciunt, apparet non esse ad actiones rerum necessariam iram: quam vos, quasi fortius aliquid ratione haberet, aduocabatis. Denique interrogo, valentior est quàm ratio, an infirmior? Si valentior: quomodo illi modum ratio poterit imponere, cum parere nisi imbecilliora non soleant? Si infirmior est: sine hac per se ad rerum effectus sufficit ratio, nec desiderat imbecillioris auxilium. At irati quidam constant sibi, & se continent. Quomodo? cum iam ira evanescit, & suâ sponte decedit, non cum in ipso feruore est: tunc enim potentior est. Quid ergo? non aliquando in ira quoque & dimittunt incolumes intactosque quos oderunt, & à nocendo abstinere? faciunt. Quomodo? cum affectus percussit affectum, aut metus, aut cupiditas aliquid imperavit. non rationis tunc beneficio quieuit, sed affectuum infidâ & malâ pace.

CAP. IX. Denique nihil habet in se utile, nec acuit animum ad res bellicas. Nunquam enim virtus vitio adiuuanda est, se contenta. Quoties impetu opus est, non irascitur, sed exurgit, & in quantum putauit opus esse, concitatur remittiturque: non aliter, quàm quæ tormentis exprimuntur tela, in potestate mittentis sunt, in quantum torqueantur. Ira, in-

quit Aristoteles, necessaria est : nec quicquam sine illa expugnari potest, nisi illa impleat animum, & spiritum accendat. Utendum autem illâ est, non ut duce, sed ut milite. quod est falsum. Nam si exaudit rationem, & sequitur quâ ducitur, iam non est ira : cuius proprium est contumacia. Si verò repugnat, & non ubi iussa est quiescit, sed libidine ferociâque prouehitur : tam inutilis animi minister est, quàm miles, qui signum receptui datum negligit. Itaque si modum adhiberi sibi patitur, alio nomine appellanda est : desinit ira esse, quam effrænatam indomitâque intelligo. si non patitur; perniciosa est, nec inter auxilia numeranda. Ita aut ira non est, aut inutilis est. Nam si quis pœnam exigit, non ipsius pœnæ audius, sed quia oportet; non est annumerandus iratus. Hic erit utilis miles, qui scit parêre consilio. Affectus quidem tam mali ministri, quàm duces sunt : Ideò nunquam assumet ratio in adiutorium improuidos & violentos impetus, apud quos nihil ipsa auctoritatis habeat : quos nunquam comprimere possit, nisi pares illis similésque opposuerit: ut iræ metum, inertiae iram, timori cupiditatem.

C A P. X. Absit hoc à virtute malum, ut vnquam ratio ad vitia confugiat. Non potest hic animus fidele otium capere:

quatiatur necesse est: fluctueturque, qui malis suis tutus est. qui fortis esse, nisi irascitur, non potest; industrius, nisi cupit; quietus, nisi timet: in tyrannide illi viuendum est, in alicuius affectus venientia feruitutem. Non pudet virtutes in clientelam vitiorum demittere? Deinde desinit quicquam ratio posse, si nihil potest sine affectu, & incipit par illi similisque esse. Quid enim interest, si æquè affectus inconsulta res est sine ratione, quàm ratio sine affectu inefficax? par vtrumque est, vbi esse alterum sine altero non potest. Quis autem sustineat affectum ex æquari rationi? Ira, inquit, utilis affectus est si modicus est. Imò si naturâ utilis est, sed si impatiens imperij rationisque est, hoc duntaxat moderatione consequetur, vt quò minor fuerit, minùs noceat. Ergo modicus affectus nihil aliud quàm malum modicum est.

CAP. XI. Sed aduersus hostes, inquit, necessaria est ira. Nasquam minùs: vbi non effusos esse oportet imperus, sed temperatos & obediētes. Quid enim est aliud, quòd Barbaros tanto robustiores corporibus, tantò patientiores laborum comminuat, nisi ira infestissima sibi? Gladiatores quoque arduetur, ira denuadat. Deinde quid opus est irâ, cum idem perficiat ratio? An tu puras venatorem irasci feris, vel cum & fugientes persequi?



tur, & venientes excipit? omnia illa sine ira facit ratio. Quid Cimbrorum, Theutonorumque tot millia superflua Alpibus ita sustulit, vt tantæ cladis notitiam ad suos non nuntius, sed fama pertulebit, nisi quod erat illis ira pro virtute? quæ vt aliquando perculit, strauitque obuia, ita sæpius sibi exitio est. Germanis quid est animosius? quid ad inuictum acrius? quid armorum cupidius? quibus ignascuntur innutriturque? quorum vnica illis cura est, in alia negligentibus. Quid induratus ad omnem patientiam? vt quibus magnâ ex parte non tegumenta corporum prouisa sunt, non suffugia aduersus perpetuum cæli rigorem? Hos tamen Hispani Gallique, & Asiæ Syriæque molles bello viri, antequam legio visatur, cædunt: ob nullam rem aliam opportunos, quàm ob iracundiam. Agedum, illis corporibus, illis animis delicias, luxum, opes ignorantibus, da rationem, da disciplinam: vt nihil amplius dicam, necesse erit nobis. certè mores Romanos repetere. Quo alio Fabius affectas imperij vires recreauit, quàm quod cunctari, & trahere, & morari sciuit, quæ omnia irati nesciunt? Perierat imperium, quod tunc in extremo stabat, si Fabius tantum ausus esset, quantum Ira suadebat. Habuit in consilio fortunam publicam, & æstimatis viribus, ex quibus iam perire nihil sine

vniverſo poterat, dolorem vltionémque ſepoſuit: in vnam vtilitatem occaſionis intentus, iram antè vicit, quàm Hannibalem. Quid Scipio? nōne relicto Hannibale, Pūnico exercitu, omnibūſque quibus irascendum erat, bellum in Africam tranſtulit, tam lentus, vt opinionem luxurię ſegnitięque malignis daret? Quid alter Scipio? non circa Numantiam multū diūque ſedit, & hunc ſuum publicūque dolorem æquo animo tulit, diutiū Numantiam quàm Carthaginem vinci? quam dum circumuallat, & includit hoſtem, eò compulſit, vt ferro ipſi ſuo caderent.

CAP. XII. Non eſt itaque vtilis, nec in præliis quidem aut in bellis Ira. In temeritatem enim prona eſt: & pericula dum inferre vult, non cauet. Illa certiffima eſt virtus, quæ ſe diu multūque circumſpexit, & rexit; & ex lento ac deſtinato prouexit. Quid ergo? inquit, vir bonus non irascetur, ſi cædi patrem ſuum viderit, ſi rapi matrem? Non irascetur: ſed vindicabit, ſed tuebitur. Quid autem times, ne parum illi magnus ſtimulus, etiam ſine ira, pietas ſit? Aut dic eodem modo; Quid ergo, cū viderit ſecari patrem ſuum, filiūve vir bonus non flebit, nec linquetur animo? quæ accidere feminis videmus, quoties illas levis periculi ſuſpicio perculit. Officia

sua vir bonus exequitur inconfusus, intrepidus: & sic bono viro digna faciet, ut nihil faciat viro indignum. Pater cæderetur? defendam. cæsus est? exsequar: quia oportet, non quia dolet. Cùm hoc dicis Theophraste, quæris invidiam præceptis fortioribus, & relicto iudice, ad coronam venis? quia vnusquisque in eiusmodi suorum casu irascitur, putas iudicatu-ros homines id fieri debere, quod faciunt. Fere enim iustum quisque affectum iudicat, quem agnoscit. Irascuntur boni viri pro suorum iniuriis? sed idem faciunt, si calida non benè præbeatur, si vitrum fractum est, si calceus luto sparsus est. Non pietas illam iram, sed infirmitas mouet: sicut pueri, qui tam parentibus, amissis flebunt, quàm nuci-  
bus. Irasci pro suis, non est pij animi, sed infirmi. Illud pulchrum dignumque, parentibus, liberis, amicis, ciuibus prodire defensorem, ipso officio ducente: volentem, iudicantem, prouidentem, non impulsam & rabidam. Nullus enim affectus vindicandi cupidior est, quàm ira: & ob id ipsum ad vindicandum inhabilis, prærapida & amens: ut omnis fere cupiditas ipsa sibi in id, in quod properat, opponitur. Itaque nec in pace, nec in bello, vnquam bona fuit. Pacem enim similem belli efficit: in armis verò obliuiscitur Martem esse communem, venit-

que in alienam potestatem, dum in suâ non est. Deinde non ideo vitia in usum recipienda sunt, quia aliquando aliquid boni effecerunt, nam & febres quaedam genera valitudinis leuant, nec ideo non ex toto illis caruisse melius est. Abominandum remedij genus est, sanitatem debere morbo. Simili modo ira, etiam si aliquando, ut venenum, & precipitatio, & naufragium, ex inopinato profuit, non ideo salutaris omnino iudicanda est, sæpè enim saluti fuere pestifera.

¶ **C**IA P. X. d. I. Deinde quæ habenda sunt in bonis, quò maiora, eò meliora & optabiliora sunt. Si iustitia bonum est, nemo dicet meliorem futuram, si quid detrahendum ex ea fuerit: si fortitudo bonum est, nemo illam desiderabit ex aliqua parte deminui: ergo & ira quò maiori, hoc melior, quis enim illius bonæ accessionem recusauerit? atqui augeri illam inutile est: ergo & esse. Non est bonum, quod incremento malum sit. Utilis, inquit, ira est, quia pugnaciores facit. Isto modo & ebrietas. Facit enim proteruos & audaces: multique meliores ad ferrum fuere malè sobrij. Isto modo, dic & phrenesim & insaniam viribus necessariam, quia sæpè validiores furor reddit. Quid? non aliquoties metus & contrario fecit audacem? & mortis timor etiam incertissimos excitauit in prælium? Sed ira,

ebrietas, timor, aliâque eiusmodi, fœda & caduca irritamenta sunt: nec virtutem instruant, quæ nihil vitis eget, sed segnem aliquando animum & ignauium paululum alleuant. Nemo irascendo fit fortior, nisi qui fortis sine ira non esset. Ira non in adiutorium virtutis venit, sed in vicem. Quid quod, si bonum esset ira, perfectissimum, quemque sequeretur? at qui iracundissimi, infantes, senesque, & ægri sunt, & inuvalidam omne naturâ querulum est.

CAP. XIV. Non potest, inquit Theophrastus, fieri, ut ne bonus vir irascatur malis. Isto modo, quo melior quisque, hoc iracundior erit. Vide ne contrâ placidior, solutusque affectibus, & cui nemo odior sit. Peccantes verò quid habet, cur oderit, cum error illos in huiusmodi delicta compellat, non est autem prudens, errantes odisse: alioquin ipse sibi odio erit. Cogitet quàm multa contra bonum morem faciat, quàm multa ex his quæ egit, penam desideret. Iam irascetur etiam sibi. Neque enim æquus iudex aliam de sua, aliam de aliena causa, sententiam fert. Nemo, inquam, inuenitur, qui se possit absoluerè: & innocentem quisque se dicit, respiciens testem, non conscientiam. Quanto humanius, mitem & pacatum animum præstare peccantibus, & illos non persequi,

sed reuocare? Errantem per agros ignorantiam viam, melius est ad rectum iter ad-mouere, quàm expellere. Corrigendus est itaque qui peccat, & admonitione, & vi, & molliter, & asperè: meliôrque tam sibi quàm aliis faciendus, non sine casti-gatione, sed sine ira. Quis enim cui me-detur, irascitur?

CAP. XV. At corrigi nequeunt, ni-hilque in illis spei bonæ capax est. Tollā-tur è cœtu mortalium, facturi peiora quæ contingunt: & quo vno modo possunt, desinant mali esse: sed hoc sine odio. Quid enim est cur oderim eum, cui tum maximè profum, cum illum sibi eripio? Num quis membra sua odit, tunc cum ab-scindit? non est illa ira, sed misera cura-tio. Rabidos effligimus canes, trucem atque immanis fœtum bouem cædimus, & morbidis pecoribus, ne gregem polluant, ferrum demittimus, portentosos fœtus extinguimus, liberos quoque, si debiles monstrôsique editi sunt, mergimus. Nō ira, sed ratio est, à sanis inutilia secer-nere. Nil minùs quam irasci punientem decet: cum eò magis ad emendationem pœna proficiat, si iudicio lata est. Inde est, quòd Socrates seruo ait: Cæderem te, nisi irascerer. Admonitionem serui in tempus saniùs distulit, illo tempore se admonuit. Cuius erit temperatus affe-ctus, cum Socrates non sit ausus se iræ

committere? Ergo ad coërcitionem errantium, sceleratorumque, irato castigatore non opus est. Nam cum Ira delictum animi sit, non oportet peccata corrigere peccantem.

CAP. XVI. Quid ergo? non irascar latroni? non irascar venefico? Non. Neque enim mihi irascor, cum sanguinem mitto. Omne pœnæ genus, remedij loco admoveo. Tu adhuc in prima parte versaris errorum, nec grauitè laboris, sed frequenter: Obiurgatio te primum secreta, deinde publica emendare tentabit. Tu longius iam processisti, quàm ut possis verbis sanari: Ignominia non contineberis. Tibi fortius aliquid & quod sentias, inurendum est: in exilium, & loca ignota mitteris. In te duriora remedia iam solida nequitia desiderat: & vincula publica, & carcer adhibebitur: Tibi insanabilis animus est, & sceleribus scelera contexens: & iam non causis, quæ nunquam malo defutura sunt, impelleris, sed satis tibi est magna ad peccandum causa, peccare. Perbibisti nequitiam, & ita visceribus immiscuisti, ut nisi cum ipsis exire non possit. Olim miser mori quæris. bene de te merebimur: Aufere-  
mus tibi istam, quâ vexaris, insaniam, & per tua alienaque volutato supplicia, id, quod vnum bonum tibi superest, repræsentabimus, mortem. Quare irascar, cui

cum maxime profum? Interim optimum  
 misericordiæ genus est, occidere. Si in-  
 trassem valetudinarium exercitatus &  
 sciens, aut domum dfuitis, non idem im-  
 perassem omnibus, per diuersa agrotan-  
 tibus. Varia in tot animis vitia video, &  
 ciuitati curandæ adhibitus sum. pro cu-  
 iusque morbo medicina quæratut. Hunc  
 sanat verecundiâ, hunc peregrinatio,  
 hunc dolor, hunc egestas, hunc ferrum.  
 Itaque etsi peruersa induenda magistra-  
 tui vestis, & conuocanda classico concio  
 est: procedam in tribunal, non furens, nec  
 infestus, sed vultu legis: & illa solennia  
 verba, seuerâ magis grauique, quàm rabi-  
 dâ voce concipiam. & agi iubebo non  
 iratus, sed seuerus. Et cum ceruicem no-  
 xio præcidi imperabo, & cum parricidam  
 in suam culleo, & cum mittam in suppli-  
 cium militare, & cum Tarpeio prodito-  
 rem hostemve publicum imponam, sine  
 irâ, eo vultu animoque ero, quo serpen-  
 tes, & animalia venenata percutio. Ira-  
 cundiâ opus est ad puniendum. Quid ti-  
 bi videtur lex irasci his quos non nouit,  
 quos non vidit, quos non futuros sperat?  
 Illius itaque sumendus est animus, quæ  
 non irascitur, sed constituit. Nam si bo-  
 no viro ob mala facinora irasci conuenit,  
 & ob secundas res malorum hominum  
 inuidere conueniet. Quid enim est indi-  
 gnus, quàm florere quosdam, & eos in-



dulgentiâ fortunæ abuti, quibus nulla potest satis mala inueniri fortuna? Sed tam commoda illorum, sine inuidia videbit, quàm scelera sine ira. Bonus iudex damnat improbanda, non odit. Quid ergo? non cum eiusmodi aliquid sapiens habebit in manibus, tangetur animus eius, eritque solito commotior? Fateor. Sentiet leuem quendam, tenuemque motum. Nam, ut dixit Zeno, in sapientis quoque animo, etiam cum vulnus sanatum est, cicatrix manet. Sentiet itaque suspensiones quasdam & umbras affectuum: ipsis quidem carebit. Aristoteles ait, affectus quosdam, si quis illis benè vratur, pro armis esse. Quod verum foret, si velut bellica instrumenta sumi deponique possent, induentis arbitrio. Hæc arma quæ Aristoteles virtuti dat, ipsa per se pugnant, non expectant manum. habent, & non habentur. Nil aliis instrumentis opus est: Satis nos instruxit ratione Natura. Hæc dedit telum, firmum, perpetuum, obsequens, nec anceps, nec quod in dominum remitti posset. Non ad prouidendum tantum, sed ad res gerendas satis est per se ipsa ratio. Etenim quid est stultius, quàm hanc ab iracundia petere præsidium: rem stabilem ab incerta, fidem ab infida, sanam ab ægra? Quid, quod ad actiones quoque, in quibus solis opera iracundiæ videtur necessaria, multò per

se ratio fortior est? Nam cùm iudicauit aliquid faciendū, in eo perseverat. nihil enim melius inuentura est seipsa, quomutetur: ideo stat semel constitutis. Iram sepe misericordia retrò egit. habet enim non solidum robur, sed vanum tumorem: violentisque principiis utitur, non aliter quàm qui à terra venti surgunt, & fluminibus paludibusque concepti, sine pertinacia vehementes sunt. Incipit magno impetu, deinde deficit ante tempus fatigata: & quæ nihil aliud quàm crudelitatem ac noua genera pœnarum versauerat; cùm animaduertendum est, iam infracta lenisque est. Affectus citò cadit: æqualis est ratio. Ceterùm etiam vbi perseverauerit ira, nonnunquam si plures sunt, qui perire meruerunt, post duorum triumve sanguinem, occidere desinit. Primi eius ictus acres sunt, sicut serpentium venena à cubili repentium nocent: innoxij dentes sunt, cùm illos frequens morsus exhaust. Ergo non paria patiuntur, qui paria commiserant: & sæpe qui minùs commisit, plus patitur; quia recentiori iræ obiectus est, & in totum inæqualis est. modò vltra quàm oportet, excurrit, modò citius debito resistit. Sibi enim indulget, ex libidine iudicat, & audire non vult, & patrocínio non relinquit locum, & ea tenet quæ inuasit, & eripi sibi iudicium suum, etiam si prauum est, non finit.

Ratio

Ratio utrique parti locum dat, & tempus dat. Deinde aduocationem etiam sibi petit, ut excutiendæ spatium veritati habeat: ira festinat. Ratio id iudicari vult, quod æquum est: ira id æquum videri vult, quod iudicauit. Ratio nihil præter ipsum, de quo agitur, spectat: ira vanis & extra causam obuersantibus commouetur. Vultus illam securior, vox clarior, sermo liberior, cultus delicatior, aduocatio ambitiosior, fauor popularis exasperat. Sæpè infesta patrono, reum damnat: etiam si ingeritur oculis veritas, amat & tuetur errorem: coargui non vult: & in malè cœptis, honestior illi pertinacia videtur, quàm pœnitentia. Cn. Piso fuit memoriâ nostrâ, vir à multis vitiis integer, sed prauus, & cui placebat pro constantia rigor. Is cum iratus duci iussisset eum, qui ex comœatu sine commilitone redierat, quasi interfecisset, quem non exhibebat, roganti tempus aliquod ad conquirendum, non dedit. damnatus extra vallum ductus est, & iam cervicem porrigebat, cum subito apparuit ille commilito, qui occisus videbatur. Tunc centurio supplicio prepositus, condere gladium speculatorem iubet: damnatum ad Pisonem reducit, redditurus Pisoni innocentiam, nam militem fortuna reddiderat. Ingenti concursu deducuntur, complexi alter alterum, cum ma-

gno gaudio castrorum, commilitones. Conscendit tribunal furens Piso, ac iubet duci vtrumque, & eum militem qui non occiderat, & eum qui non perierat. Quid hoc indignius? quia vnus innocens apparuerat, duo peribant: Piso adiecit & tertium. Nam ipsum centurionem, qui damnatum reduxerat, duci iussit. Constituti sunt in eodem illo loco perituri tres, ob vnus innocentiam. O quam solers est iracundia, ad fingendas causas furoris! Te, inquit, duci iubeo, quia damnatus es: te, quia causa damnationis commilitoni fuisti: te, quia iussus occidere, Imperatori non paruisti. Excogitauit quemadmodum tria crimina faceret, quia nullum inuenerat. Habet, inquam, iracundia hoc mali, non vult regi. Irascitur veritati ipsi, si contra voluntatem suam apparuerit: clamore, & tumultu, & totius corporis iactatione, quos destinauit, insequitur, adiectis conuiciis maledictisque. Hoc non facit ratio: sed si ita opus est, si lens quiesque, totas domos funditus tollit, & familias Reipublicae pestilentes cum coniugibus ac liberis perdit, recta ipsa diruit, & solo exaequat, & inimica libertati nomina extirpat. Haec non frendens, nec caput quassans, nec quicquam indecorum iudici faciens, cuius tum maxime placidus esse debet & in statu vultus, cum magna pronuntiat.

Quid opus est, inquit Hieronymus, cum velis cedere aliquem, prius tua labia mordere? Quid si ille vidisset, desilientem de tribunali proconsulem, & fasces lictori auferentem, & sua vestimenta scindentem, quia tardiùs scindebantur aliena? Quid opus est mensam euertere? quid pocula affligere? quid se in columnas impingere? quid capillos euellere? semum pectusque percutere? Quantam iram putas, quæ quia non tam citò in alium quam vult, erumpit, in se reuertitur? Teneatur itaque à proximis, & rogatur, vt ipse sibi placetur: quorum nihil facit, quisquis vacuus iræ, meritam cuique pœnam iniungit. Dimittit sapè cum, cuius peccatum deprehendit, si pœnitentia facti spem bonam pollicetur; si intelligit, non ex alto venire nequitiam, sed summo, quod aiunt, animo inhærere. Dabit impunitatem; nec accipientibus nocituram, nec dantibus: Nonnunquam magna scelera leuius, quàm minora compescet: si illa lapsu, non crudelitate commissa sunt; his inest latens & operta, & inueterata calliditas. Idem delictum in duobus non eodem modo afficiet; si alter per negligentiam admisit, alter curauit vt nocens esset. Hoc semper in omni animaduersione seruabit, vt sciat alteram adhiberi, vt emendet malos, alteram, vt tollat. In vtròque non præterita, sed futura intue-

bitur. Nam, ut Plato ait, Nemo prudens punit, quia peccatum est, sed ne peccetur: Reuocari enim præterita non possunt: futura prohibentur. & quos volet nequitia malè cedentis exempla fieri, palàm occidet: non tantum ut pereant ipsi, sed ut alios pereundo deterreant. Hæc cui expendenda, estimandæque sunt; vides quàm debeat omni perturbatione liber accedere ad rem summâ diligentiam tractandam, potestatem vitæ necisque. Malè irato ferrum committitur. Ne illud quidem iudicandum est, aliquid iram ad magnitudinem animi conferre. Non est enim illa magnitudo, tumor est: nec corporibus copiâ vitiosi humoris intensus, morbus incrementum est, sed pestilens abundantia. Omnes quos vâxors animus supra cogitationes extollit humanas, altum quidem & sublime sperare se credunt: ceterum nihil solidi subest, sed in ruinam prona sunt, quæ sine fundamentis creuere. Non habet ira cui insistat. non ex firmo mansuræque oritur, sed ventosa & inanis est: tantumque abest à magnitudine animi, quantum à fortitudine audacia, à fiducia insolentia, ab austeritate tristitia, à seueritate crudelitas. Multum, inquam, interest inter sublimem animum, & superbum. Iracundia nihil amplum decorumque molitur. Contra, mihi videtur eternossi & infelicitis animi, imbecillita-

tis sibi conscij, sæpè indolescere. Vt exulcerata & ægra corpora, ad ictus leuissimos gemunt; ita muliebri maxime & puerile vitium est. At incidit & in viros. nam viris quoque puerilia ac muliebria ingenia sunt. Quid ergo? non aliquæ voces ab iratis emittuntur, quæ magno emissæ videantur animo; veram ignorantibus magnitudinem? qualis illa dira & abominanda: Oderint, dum metuant. Sullano scias sæculo scriptam. Nescio utrùm sibi peius optauerit, ut odio esset, an ut timori. Oderint. Occurrit illi futurum, ut execrentur, infidientur, opprimant. Quid adijcit? Dij illi malefaciant, adeo reperit dignum odio remedium. Oderint. Quid? dum pareant? non. dum probent? non. Quid ergo? dum timeant. Sic nec amari quidem vellem. Magno hoc dictum spiritu putas? falleris. nec enim magnitudo ista est, sed immanitas. Non est quòd credas irascentium verbis: quorum strepitus magni, minaces sunt, intus mens pauidissima. Non est quòd existimes verum esse, quod apud disertissimum virum Liuium dicitur, Vir ingenij magni magis quàm boni. Non potest illud separari: aut magnum & bonum erit, aut nec magnum. quia magnitudinem animi inconcussam intelligo, & introrsus solidam, ab imo parem firmamque: qualis inesse malis ingeniis non potest. Terribilia enim

esse, & tumultuosa, & exitiosa possunt: magnitudinem quidem, cuius firmamentum roburque bonitas est, non habebunt: ceterum sermone, conatu, & omni extrâ paratu facient magnitudinis fidem. Eloquentur aliquid, quod tu magni putes sicut G. Cæsar, qui iratus cælo quod obstreperet pantomimis, quos imitabatur studiosius quàm spectabat, quodque commessatio sua fulminibus terretetur, prorsus parum certis: ad pugnam vocavit Iouem, & quidem sine missione, Homericum illum exclamans versum, *ἢ μὲν ἀνέρις, ἢ ἐγώ στυ.* Quanta dementia fuit? putauit, aut sibi noceri ne à Ioue quidem posse, aut se nocere etiam Ioui posse. Non puto parum momenti hanc eius vocem ad incitandum coniuratorum animos addidisse. vltimæ enim patientiæ visum est, eum ferre, qui Iouem non ferret. Nihil ergo in ira, ne cùm videtur quidem vehemens, deos hominésque despiciens, magnum, nihil nobile est: aut si videtur alicui magnum animum ira producere, videatur & luxuria. Ebore sustineri vult, purpurâ vestiri, auro regi, terras transferre, maria concludere, flumina præcipitare, nemora suspendere. Videatur & avaritia magni animi. aceruis auri argenti-que incubat, & prouinciarum nominibus agros colit, & sub singulis villicis latiores habet fines, quàm quos Consules sortie-



bantur. Videatur & libido magni animi, transnatat freta, puerorum greges castrar, sub gladium mariti venit vxor, morte contempta. Videatur & ambitio magni animi. non est contenta honoribus annuis: si fieri potest, vno nomine occupare fastos vult, per omnem orbem titulos disponere. Omnia ista non refert, in quantum procedant, extendantque se: angusta sunt, misera, depressa. Sola sublimis & excelsa virtus est: nec quicquam magnum est, nisi quod simul & placidum.

LIBER SECVNDVS  
CAPVT I.

**P**RIMVS liber, Nouate, benignior rem habuit materiam, facilis enim in procliuia vitiorum decursus est. nunc ad exiliora veniendum est. Querimus enim, vtrum ira iudicio, an impetu incipiat: id est, vtrum suâ sponte moueatur, an quemadmodum pleraque, quæ intra nos insciis nobis oriuntur. Debet autem in hæc se demittere disputatio, vt ad illa quoque altiora possis exurgere. Nam & in corpore nostro ossa, neruique & articuli, firmamenta totius, & vitalia, minimè speciosa visu, prius ordinantur: deinde hæc, ex quibus omnis in faciem aspectumque decor est: post hæc omnia, qui maxime oculos rapit color, vltimus

perfecto iam corpore affunditur. Iram  
 quin species oblata iniuriæ moueat, non  
 est dubium: sed vtrum speciem ipsam sta-  
 tim sequatur, & non accedente animo  
 excurrat, an illo assentiente moveatur,  
 quaerimus. Nobis placet, nil ipsam per  
 se audere, sed animo approbante. Nam  
 speciem capere acceptæ iniuriæ, & vi-  
 sionem eius concupiscere, & vtrumque  
 coniungere, nec lædi se debuisse, & vin-  
 dicari debere, non est eius imperus, qui  
 sine voluntate nostra concitetur. Ille  
 simplex est: hic compositus, & plura con-  
 tinens. Intellexit aliquid, indignatus  
 est, dampnavit, vlciscitur. hæc non possunt  
 fieri, nisi animus eius qui ragebatur, as-  
 sensus est.

CAP. II. Quorsus, inquis, hæc quaestio  
 pertinet? vt sciamus, quid sit ira. Nam si  
 inuitis nobis nascitur, nunquam rationi  
 succumbet. Omnes enim motus, qui non  
 voluntate nostrâ fiunt, inuiti & ineuil-  
 tabiles sunt: vt horror frigidâ aspersis,  
 ad quosdam ictus aspernatio, ad peiores  
 nuntios subriguntur pili; & rubor ad im-  
 proba verba suffunditur, sequiturque ver-  
 rigo prærupta cernentes. Quorum quia  
 nihil in nostra potestate est, nulla, quo-  
 minus fiant, ratio persuadet: Ira præce-  
 ptis fugatur. Est enim voluntarium ani-  
 mi vitium, non ex his quæ conditione  
 quâdam humanæ sortis eueniunt; ideo-

que etiam sapientissimis accidunt. Inter quæ & primus ille ictus animi ponendus est, qui nos post opinionem iniuriæ mouet. Hic subit etiam inter ludicra scenæ spectacula, & lectiones rerum vetustarum. sæpè Clodio Ciceronem expellenti, & Antonio occidenti, videmur irasci. Quis non contra Marij arma, & contra Sullæ proscriptionem concitatur? Quis non Theodoto & Achillæ, & ipsi puero, non puerile auso facinus, infestus est? Cantus nos nonnunquam & concitata modulatio instigat? Martius quoque ille tubarum sonus mouet mentes, & atrox pictura, & iustissimorum suppliciorum tristis aspectus. Inde est, quod arridemus arridentibus, & contristat nos turba mœrentium, & efferuescimus ad aliena certamina: quæ non sunt iræ, non magis quàm tristitia est, quæ ad conspectum inimici naufragi contrahit frontem: non magis quàm timor, qui Hannibale post Cannas mœnia circumfidente, lectoris percutit animum: sed omnia ista motus sunt animorum moueri volentium, nec affectus, sed principia præludentia affectibus. Sic enim militaris viri, in media pace iam rogati aures tuba suscitatur, equosque castrenses erigit crepitus armorum. Alexandrum aiunt, Xenophanto canente, manum ad arma misisse.

CAP. III. Nihil ex his quæ animum fortuitu impellunt, affectus vocari debet, ista, ut ita dicam, patitur magis animus, quàm facit. Ergo affectus est, non ad oblatas rerum species moueri, sed permittere se illis: & hunc fortuitum motum persequi. Nam si quis pallorem, & lacrimas procidentes, & irritationem humoris obscœni, altumve suspirium; & oculos subito acriores, aut quid his simile, indicium affectus, animique signum putat; fallitur, neq; intelligit, hos corporis esse pulsus. Itaque & fortissimus plerumque vir, dum armatur, expalluit: & signo pugna dato, ferocissimo militi paululum genua tremuerunt: & magno Imperatori, antequàm inter se acies arietarent, cor exiluit: & oratori eloquentissimo, dum ad dicendum componitur, summa riguerunt. Ira non moueri tantum, sed excurrere debet: est enim impetus. nunquam autem impetus sine assensu mentis est: neque enim fieri potest, ut de ultione & pœnâ agatur, animo nesciente. Putauit se aliquis læsum, voluit vlcisci: dissuadente aliquâ causâ, statim resedit. Hanc, iram non voco, sed motum animi, rationi parentem. Illa est ira, quæ rationem transfilit; quæ secum rapit. Ergo illa prima agitatio animi, quam species iniuriæ incussit, non magis ira est, quàm ipsa iniuriæ species: sed ille sequens impetus, qui

speciem iniuriæ non tantum accepit, sed approbavit. Ira est concitatio animi, ad ultionem voluntate & iudicio pergentis. Nunquid dubium est, quin timor fugam habeat, ira impetum? Vide ergo, an putes aliquid sine assensu mentis aut peti posse, aut caueri.

CAP. IV. Et ut scias, quemadmodum incipiant affectus, aut crescant, aut efferantur; est primus motus non voluntarius quasi preparatio affectus; & quædam comminatio. alter cum voluntate non contumaci, tanquam oporteat me vindicari, cum læsus sim: aut oporteat hunc poenās dare, cum scelus fecerit. tertius motus est iam impotens, qui non, si oportet, vitisci vult; sed vitique, qui rationem euicit. Primum illum animi ictum effugere ratione non possumus: sicut ne illa quidem, quæ diximus accidere corporibus, ne nos oscitatio aliena sollicitet; ne oculi ad intentionem subitam digitorum comprimantur. Ista non potest ratio vincere: consuetudo fortasse, & assidua observatio extenuat. Alter ille motus, qui iudicio nascitur, iudicio tollitur.

CAP. V. Illud etiamnum quærendum est. Hi qui vulgò sæviunt, & sanguine humano gaudent, an irascantur, cum eos occidunt à quibus nec acceperunt iniuriam, nec accepisse se existimant: qualis fuit Apollodorus, aut Phalaris. Hæc non

est ira: feritas est. non enim quia accepit iniuriam, nocet: sed parata est, dum noceat, velle accipere. nec illi verbera lacerationesque in ultionem petuntur, sed in voluptatem. Quid ergo? Origo huius mali ab ira est: quæ ubi frequenti exercitatione & satietate in obliuionem clementiæ venit, & omne fœdus humanum eiecit animo, nouissimè in crudelitatem transit. Rident itaque, gaudéntque, & voluptate multâ perfruantur, plurimùmque ab iratorum vultu absunt, per otium sæui. Hannibalem aiunt dixisse, cum fossam sanguine humano plenam vidisset: O formosum spectaculum! Quanto pulchrius illi visum esset, si flumen aliquod lacumque complisset? Quid mirum, si hoc maximè spectaculo caperis innatus sanguini, & ab infante cædibus admotus? sequer te fortuna crudelitatis tuæ per viginti annos secunda, dabitque oculis tuis gratum ubique spectaculum: videbis istud & circa Trasimenum, & circa Cannas, & nouissimè circa Carthaginem tuam. Volesus nuper sub diuo Augusto proconsul Asiæ, cum CCC. vñâ die securi percussisset, incedens inter cadauera vulu superbo, quasi magnificum quiddam conspiciendumque fecisset, Græcè proclamauit: O rem regiam! Quid hic rex fecisset? non fuit hæc ira, sed maius malum, & insanabile.

CAP. VI. Virtus, inquit, ut honestis rebus propitia est, ita turpibus irata esse debet. Quid si dicatur, virtutem & humilem & magnam esse debere? at qui hæc dicit, illam extolli vult, & deprimi. quoniam lætitia ob rectè factum, clara magnificaque est; ira ob alienum peccatum, sordida & angusti pectoris est: nec unquam committeret virtus, ut vitia, dum compescit, imitetur. ipsam iram castigandam habet, quæ nihilo melior est, sæpè etiam peior his delictis quibus irascitur. Gaudere lætarique, proprium & naturale virtutis est: irasci non est ex dignitate eius, non magis quàm morere. Atqui iracundiæ tristitia comes est: & in hanc omnis ira vel post pœnitentiam, vel post repulsam reuoluitur. Et si sapientis est, peccatis irasci, magis irascetur maioribus, & sæpè irascetur. sequitur, ut non tantum iratus sit sapiens, sed iracundus. Atqui si nec magnam iram, nec frequentem, in animo sapientis locum habere credimus: quid est, quare non ex toto hoc affectu illum liberemus? modus inquam esse non potest, si pro facto cuiusque irascendum est. Nam aut iniquus erit, si æqualiter irascetur delictis inæqualibus: aut iracundissimus, si toties excanduerit, quoties iram scelera meruerint. Et quid indignius, quàm sapientis affectum ex aliena pendere nequitia? desinet ille Socra-

res posse eundem vultum domum referre, quem domo extulerat.

CAP. VII. Atqui si irasci sapiens debet turpiter factis, & concitari, tristarique ob scelera, nihil est ærumnosius sapiente omnis illi per iracundiam incertumque vita transibit. Quod enim momentum erit, quo non improbanda videat? quoties processerit domo, per sceleratos illi, auarosque, & prodigos, & impudentes, & ob ista felices, incedendum erit: nusquam oculi eius flectentur, ut non quod indignentur, inueniant. Deficiet, si toties à se iram, quoties causa poscet, exegerit. Hæc tot millia ad forum primâ luce properantia, quàm turpes lites, quantò turpiores aduocatos habent? Alius iudicia patris accusat, quæ mereri satius fuit: alius cum matre consistit: alius delator venit eius criminis, cuius manifestior reus est. & iudex damnaturus quæ fecit, eligitur: & corona pro mala causa, bonâ patroni voce corrupta. Quid singula persequor? cum videris forum multitudinem refertum, & Septa concursu omnis frequentia plena, & illum Circum, in quo maximam sui partem populus ostendit: hoc scito, istic tantundem esse vitiorum, quantum hominum. Inter istos quos rogatos vides, nulla pax est: alter in alterius exitium leui compendio ducitur.



CAP. VIII. Nulli nisi ex alterius damno quæstus est : felicem oderunt, infelicem contemnunt : maiore grauantur, minori graues sunt : diuersis stimulantur cupiditatibus : omnia perditæ ob leuē voluptatem prædāque cupiunt. Non alia quā in ludo gladiatorio vita est, cum iisdem viuētiū pugnantīūque. Ferarum iste conuentus est : nisi quod illæ inter se placidæ sunt, morsūque similium abstinēt, hi mutuā laceratione satiantur, hoc vno ab animalibus mutis differunt, quod illa mansuescunt alentibus, horum rabies ipsos à quibus est nutrita, depascitur. Nunquam irasci desinet sapiens, si semel cœperit. omnia sceleribus ac vitiis plena sunt. plus committitur, quā quod possit cœrcitione sanari. Certatur ingenti quodam nequitie certamine : maior quotidie peccandi cupiditas, minor verecundia est. Expulso melioris æquiorisq; respectu, quocūque visum est, libido se impingit, nec furtiua iam scelera sunt : præter oculos eunt. adeoque in publicum missa nequitia est, & in omnium pectoribus eualuit, vt innocentia non rara, sed nulla sit. Numquid enim singuli aut pauci rupere legem vndique, velut signo dato, ad fas nefasq; miscendum coorti sunt.

— *Non hospes ab hospite tuus,*  
*Non socer à genere. fratrum quoque gratia*  
*rara est.*

*Imminet exitio vir coniugis, illa mariti.*

*Luvula terribiles miscent aconita nouerca.*

*Filius ante diem patrios inquit in annos.*

Et quota pars ista scelerum est? non descripsit castra ex vna parte contraria, parentum liberorumque sacramenta diuersa, subiectam patriæ ciuis manu flammam, & agmina infestorum equitum ad conquirendas proscriptorum latebras circumuolitantia, & violatos fontes venenis, & pestilentiam manu factam, & præductam obsessis parentibus fossam, plenos carceres, & incendia totas vrbes concremantia, dominationesque funestas, & regnorum publicorumque exitiorum clandestina consilia: & pro gloriâ habita, quæ quamdiu opprimi possunt, scelera sunt: raptus ac stupra, & ne os quidem libidini exceptum.

CAP. IX. Adde nunc publica perijuria gentium, & rupta fœdera, & in prædam validioris quicquid non resistebat, abductum; circumscriptiones, furta, fraudes, inficiationes, quibus trina non sufficiunt fora. Si tantum irasci vis sapientem, quantum scelerum indignitas exigit: non irascendum illi, sed insaniendum est. Illud potius cogitabis, non esse irascendum erroribus. quid enim si quis irascatur in tenebris parum vestigia certa ponentibus? quid si quis surdis, imperia non exaudientibus? quid si pueris, quod

neglecto dispectu officiorum, ad lusus & ineptos æqualium iocos spectent? quid si illis irasci velis, qui ægrotant, senescunt, fatigantur? Inter cetera mortalitatis incommoda, & hæc est caligo mentium: nec tantum necessitas errandi, sed errorum amor. Ne singulis irascaris, vniuersis ignoscendum: generi humano venia tribuenda est! Si irasceris, iuuenibus senibusque, quod peccant: irascere infantibus, quod peccatuti sunt. Num quis irascitur pueris: quorum ætas nondum novit rerum discrimina? Maior est excusatio & iustior, hominem esse, quam puerum. Hæc conditione nati sumus, animalia obnoxia non paucioribus animi, quam corporis morbis: non quidem obtrusa, nec tarda, sed acumine nostro male utentia, alter alteri vitiorum exempla. Quisque sequitur priores, male iter ingressos, quidni habeant excusationem, cum publicâ viâ errauerint?

CAP. X. In singulos severitas Imperatoris distringitur: at necessaria venia est, ubi totus deseruit exercitus. Quid tollit iram sapientis? turba peccantium. Intellectum quam iniquum sit, & periculosum, irasci publico vitio. Heracitus quoties prodierat, & tantum circa se male viventium, imo male pereuntium viderat, flebat, miserebatur omnium, qui sibi læti felicesque occurrebant, miti animo, sed ni-

mis imbecillo : & ipse inter deplorandos erat. Democritum contra aiunt, nunquam sine risu in publico fuisse : adeò nihil illi videbatur serium eorum, quæ serio gerebantur. Vbi istic iræ locus est ? aut ridenda omnia, aut flenda sunt. Non irascitur sapiens peccantibus. Quare quia scit, neminem nasci sapientem, sed fieri, scit paucissimos, omni ævo sapientes evadere : quia conditionem humanæ vitæ perspectam habet : nemo autem naturæ sanus irascitur. Quid enim si mirari velit, non in siluestribus dumis poma pendere ? Quid si miretur spineta sentesque non vtili, aliâ fruge compleri ? nemo irascitur, ubi vitium natura defendit. Placidus itaque sapiens & æquus erroribus, non hostis, sed corrector peccantium, hoc quotidie procedit animo. Multi mihi occurrent vino dediri, multi libidinosi, multi ingrati, multi avari, multi furis ambitionis agitati. Omnia ista tam propitius aspiciet, quam ægros suos medicus. Nunquid ille, cuius nauigium multam, vndique laxatis compagibus, aquam trahit, nautis ipsique nauigio irascitur ? occurrit potius, & aliam excludit vndam, aliam egerit, manifesta foramina præcludit, latentibus & ex occulto sentinam ducentibus labore continuo resistit : nec idèò intermittit, quia quantum exhaustum est, subnascitur. Lenio adiutorio opus est contra mala conti-

nua & fecunda; non vt desinant, sed ne vincant.

CAP. XI. Vtilis est, inquit, ira: quia contemptum effugit, quia malos terret. Primum ira si quantum minatur, valet; ob hoc ipsum quia terribilis est, & inuisa est. Periculosius est autem timeri, quam despici. Si verò sine viribus est, magis exposita contemptui est, & derisum non effugit. quid enim est iracundiâ in superuacuum tumultuante frigidius? Deinde non ideo quædam, quia terribiliora, potiora sunt: nec hoc sapientis dici velim, quòd ferè quoque telum est, timeri. Quid? non timeretur febris, podagra, vlcus malum? nunquid ideo quicquam in istis boni est? an contrà, omnia despecta, & fœda, & turpia, ipso quo timentur, sunt? Ira per se deformis est, & minimè metuenda: at timeretur à pluribus, sicut deformis persona ab infantibus. Quid, quod semper in auctores redundat timor, nec quisquam metuitur, ipse securus? Occurrat hoc loco tibi Laberianus ille versus, qui medio ciuili bello in theatro dictus, totum in se populum non aliter conuertit, quàm si missa esset vox publici affectus:

*Necesse est multos timeat, quem multi timent.*

Ita natura constituit, vt quod alieno metu magnum est, à suo non vacet. Leoni quàm pauida sunt ad leuissimos strepitus

pectora? acerrimas feras umbra, vox, & odor insolitus exagitat. quicquid terret, & trepidat. Non est ergo quare concupiscat quisquam sapiens, timeri.

CAP. XII. Nec ideo iram magnum quisquam putet, quia formidini est: quoniam quædam etiam contemptissima timeantur: venena, & ossa mortifera, & morsus. Nec est mirum, cum maximos ferarum greges, linea pennis distincta contineat, & in insidias agat: ab ipso effectu dicta formido. Vanis enim vana terrori sunt. Curriculi motus, rotarumque versata facies, leones redigit in caueam: elephantem porcina vox terret. Sic itaque ira metuitur, quomodo umbra ab infantibus, à feris rubens pinna. Non ipsa in se quicquam habet firmum aut forte, sed vanos animos mouet. Nequitia, inquit, de rerum naturâ tollenda est, si velis iram tollere: neutrum autem potest fieri. Primum, potest aliquis non algere, quamuis ex rerum natura hiems sit: & non æstuarere, quamuis menses æstiu sint. aut loci beneficio aduersus intemperiem anni tutus est; aut patientiâ corporis sensum vtriusque peruincit. Deinde verte istud. necesse est prius virtutem ex animo tollas, quàm iracundiam recipias: quoniam cum virtutibus vitia non coeunt. Nec magis quisquam eodem tempore & iratus potest esse, & vir bonus, quàm æger &

sanus. Non potest, inquit, omnis ex animo ira tolli: nec hoc hominis natura patitur. Atqui nihil est tam difficile: & arduum, quod non humana mens vincat, & in familiaritatem perducatur assidua meditatio: nullique sunt tam feri & sui iuris affectus, ut non disciplinâ perdomentur. Quodcunque sibi imperavit animus, obtinuit. Quidam ne vnquam riderent, consecuti sunt: vino quidam, alij Venere, quidam omni humore interdixere corporibus. Alius contentus breui somno, vigiliam indefatigabilem extendit: Didicerunt alij tenuissimis & aduersis funibus currere, & ingentia, vixque humanis toleranda viribus onera portare, & in immensam altitudinem mergi, ac sine vlla respirandi vice perpeti maria.

CAP. XIII.: Mille sunt alia, in quibus pertinacia impedimentum omne transcendit, ostenditque nihil esse difficile, cuius sibi ipsa mens patientiam indiceret. Istis, quos paulò ante retuli, aut nulla tam pertinacis studij, aut non digna merces fuit. Quid enim magnificum consequitur ille, qui meditatus est per intensos funes ire? qui sarcinæ ingenti ceruices supponere? qui somno non submittere oculos? qui penetrare in imum mare? & tamen ad finem operis, non magno auctoramento, labor peruénit. Nos non aduocabimus patientiam, quos tantum præ-

mium expectat, felicitis animi immota tranquillitas? Quantum est effugere maximum malum iram, & cum illâ rabiem, sæuitiam, crudelitatem, furorem, & alios comites eius affectus? Non est quod patrociniū nobis quæramus, & excusatam licentiam, dicentes, aut vtile id esse, aut inuitabile. cui enim tandem vitio aduocatus defuit? Non est quod dicas, excidi non posse. sanabilibus ægrotamus malis: ipsaque nos in rectum genitos natura, si emendari velimus, iuuat. Nec, vt quibūsdam dictum est, arduum in virtutes & asperum iter est: plano adeuntur. Non vanæ vobis auctor rei venio. Facilis est ad beatam vitam via: inite modò bonis auspiciis, ipsisque diis benè iuuantibus. Multò difficilius est, facere ista quæ facitis. Quid enim quiete otiosius animi, quid irâ laboriosius? Quid clementiâ remissius, quid crudelitate negotiosius? vacat pudicitia, libido occupatissima est, omnium denique virtutum tutela facilior est: vitia magno coluntur. Debet ira remoueri? hoc ex parte fatentur etiam, qui dicunt esse minuendam. Tota dimittatur! nihil profutura est. sine illa facilius rectiusque scelera tollentur: mali punientur, & traducentur in melius.

• C A P. X I V. Omnia, quæ debet sapiens, sine vilius malæ rei ministerio efficiet; nihilque admittebit, cuius modum



solicitus obseruet. Nunquam itaque iracundia admittenda est: aliquando simulanda, si segnes audientium animi concitandi sunt, sicut tardè consurgentes ad cursum equos stimulis, facibusque subditis, excitamus. Aliquando incutiendus est his metus, apud quos ratio non proficit. Irasci quidem non magis vtile est, quam morere, quam metuere. Quid ergo? non incidunt causæ, quæ iram lacerant? Sed tunc maximè illi opponendæ manus sunt: nec est difficile, vincere animum: cum athletæ, quoque in vilissimâ sui parte occupati, tamen ietus dolorisque patiantur, ut vires cadentis exhauriant, nec cum ira suadet, feriunt, sed cum occasio. Pyrrhum maximum præceptorem certaminis gymnici, solitum aiunt his quos exercebat, præcipere, ne irascerentur. Ira enim perturbat artem, & quâ noceat tantum, non quâ caueat, aspicit. Sæpè itaque ratio patientiam suadet, ira vindictam: & qui primis defungi malis potuimus, in maiora deuoluimur. Quosdam vnus verbi contumelia, non æquo animo lata, in exilium protexit: & qui leuem iniuriam silentio ferre noluérant, grauissimis malis obruti sunt, indignati, que aliquid ex plenissima libertate dimitti, seruile in sese attraxerunt iugum.

CAP. XV. Ut scias, inquit, iram habere in se generosi aliquid, liberas vide-

bis gentes quæ iracundissimæ sunt: ut Germanos & Scytas. Quod evenit, quia fortiora solidâque naturâ ingenia, antequam disciplinâ molliantur, præna iram sunt. Quædam enim non nisi melioribus innascuntur ingeniis. sicut valida arbuta & læta, quamvis neglecta tellus creat: alia fecundi soli filia est. Itaque & ingenia naturâ fortia iracundiam ferunt, nihilque tenue & exile capiunt, ignea & feruida: sed imperfectus ille vigor est, ut omnibus quæ sine arte, ipsius tantum naturæ bono, exsurgunt, sed nisi citò domita sunt, quæ fortitudini apta erant, audaciæ temeritatique consuescunt. Quid? non mitioribus animis vitia leniora coniuncta sunt? ut misericordia, amor, & verecundia. Itaque tibi sæpè bonam indolem in malis quoque ostendam. sed non ideo vitia non sunt, si naturæ melioris indicia sunt. Deinde omnes istæ feritate liberæ gentes, leonum luporumque ritu, ut servire non possunt, ita nec imperare. Non enim humani vim ingenij, sed feri & intractabilis habent. Nemo autem regere potest, nisi qui & regi.

C A P. X V I. Ferè itaque imperia penes eos fuere populos, qui mitiore cælo utantur: in frigora Septentrionemque vergentibus immansueta ingenia sunt, ut ait Poëta,

*— suisque simillima cælo.*

Animalia,

Animalia, inquit, generosissima habentur, quibus multum inest iræ. Errat, qui ea in exemplum hominis adducit, quibus pro ratione est impetus: homini pro impetu, ratio est. Sed nec illis quidem omnibus idem prodest. Iracundia leones adiuvat, pavor ceruos, accipitrem imperus, columbam fuga. Quid, quod ne illud quidem verum est, optima animaliz esse iracundissima? Ferâsne putem, quibus ex raptu alimenta sunt, meliores, quod iratiores? Patientiam laudauerim boum, & equorum frânos sequentium. Quid autem est, cur hominem ad tam infelicia exempla reuoces: cum habeas mundum, Deumque, quem ex omnibus animalibus, ut solus imitetur, solus intelligit? Simplicissimi, inquit, omnium habentur iracundi. Fraudulentis enim & versutis comparantur: & simplices videntur, quia expōiti sunt. quos quidem non simplices dixerim, sed incautos. Stultis, luxuriosis, nepotibusque hoc nomen imponimus, & omnibus vitiis parum callidis.

C A P. XVII. Orator, inquit, iratus aliquando melior est. Imò imitatus iratum. Nam & histriones in pronuntian- do non irati populum mouent, sed iratum benè agentes. Et apud iudices itaque, & in concione, & ubicunque alieni animi ad nostrum arbitrium agendi sunt, modò iram, modò metum, modò misc-

ricordiam, ut aliis inuentiamus, ipsi singu-  
labimus: & saepe id quod veri affectus  
non effecisset, effecit imitatio affectuum.  
Languidus, inquit, animus est, qui irā ca-  
ret. Verum est, si nihil habet irā valen-  
tius. Nec latronem oportet esse, nec pre-  
dam, nec misericordem, nec crudelem. il-  
lius nimis mollis animus, huius nimis  
durus est. Temperatus sit sapiens: & ad  
res fortius agendas non iram, sed vim  
adhibeat dolansque utroque inermis illi sit.

CAP. XV. II. Quoniam quae de  
ira quaeruntur, tractauimus, accedamus  
ad remedia eius. Duo autem, ut opinor,  
sunt: ne incidamus in iram, & ne in ira  
peccemus. Ut in corporum cura, alia de  
tuenda valetudine, alia de restituenda,  
praecepta sunt: ita aliter iram debemus re-  
pellere, aliter compescere, ut vincamus.  
Quaedam ad vniuersam vitam pertinen-  
tia praecipuntur: ea in educationem, & in  
sequētia tempora diuidentur. Educatio  
maximam diligentiam, plurimumque pro-  
futuram desiderat. facile est enim, tene-  
ros adhuc animos componere: difficulter  
reciduntur vitia, quae nobiscum creue-  
runt. Opportunissima ad iracundiam fer-  
uidi animi natura est: nam cum elemen-  
ta sint quatuor, ignis, aqua, aer, & terra:  
potestates pares his sunt, frigida, feruida,  
arida, atque humida. Et locorum itaque,  
& animalium, & corporum, & morum va-

**DE IRA, Lib. II.** abibros rictates, mixtura elementorum facit, & proinde in aliquos magis incumbunt ingenia, prout alicuius elementi maior vis abundat. Inde quasdam humiditas vocamus, aridasque regiones, & calidas, & frigidas. Eadem animalium & hominum discrimina sunt.

**CAP. XIX.** Refert quantum quisque humidi in se calidique contineat. cuius in illo elementi portio praeualebit, inde mores erunt. Iracundos feruidi mixtura faciet: est enim actiuosus & pertinax ignis. Frigidi mixtura frigidos facit: pigrum est enim contractumque frigus. Volunt itaque quidam ex nostris iram in pectore moueri, efferuescente circa cor sanguine. Causa, cur hic potissimum assignetur irae locus, non alia est, quam quod in toto corpore calidissimum pectus est. Quibus humidi plus inest, eorum paulatim crescit ira: quia non est paratus illis calor, sed motu acquiritur. Itaque puerorum feminarumque irae acres magis, quam graues sunt, leuiioresque dum incipiunt: sic et aetatibus vehemens robustaque ira est, sed sine incremento, non multum sibi adiciens, quia inclinatum calorem frigus insequitur. Senes difficiles & queruli sunt, ut agri & conualescentes, & quorum aut lassitudine, aut detractio sanguinis exhaustus est calor. In eadem causa sunt siti fameque rabidi, & quibus exangue-

52 **L. ANNÆI SENECÆ** *quidam*  
corpus est, maligneque alitur & deficit.  
Vinum incendit iram: quia calorem au-  
get pro cuiusque natura.

**CAP. XX.** Quidam ebrij efferue-  
scunt, quidam sicci. Neque vllā alia caus-  
sa est, cur iracundissimi sint flavi ruben-  
tesque: quibus talis natura color est, qua-  
lis fieri ceteris inter iram solet. mobilis  
enim illis agitatursque sanguis est. Sed  
quemadmodum natura quosdam procli-  
uos in iram facit: ita multae incidunt  
causae, quae idem possint quod natura.  
Alios morbus aut iniuria corporum in  
hoc perduxit, alios labor, & continua per-  
uigilia, noctesque sollicitae, & desideria,  
amoresque: & quicquid aliud aut corpori  
nocuit aut animo, agram mentem inque-  
relas parat. Sed ista omnia initia capillae-  
que sunt, plurimumque potest consuetu-  
do: quae si grauis est, alit vitium. Natu-  
ram quidem mutare, difficile est: nec licet  
semel mixta nascentium elementa con-  
uertere. Sed in hoc nosse profuit, ut ca-  
lentibus ingentis subtrahatur vinum:  
quod pueris Plato negandum putat, &  
ignem vetat igne incitari. Nec cibis qui-  
dem implendi sunt. distendantur enim  
corpora, & animi cum corpore tume-  
scunt. Labor illos citra lassitudinem ex-  
erceat: ut minuatur, non ut consumatur  
calor, nimisque ille feruor desparet.  
Lulus quoque proderunt. modica enim

voluptas laxat animos, & temperat. Humidioribus, siccioribus & frigidis non est ab ira periculum, sed maiora vitia metuenda sunt, paucor, difficultas, & desperation, & suspicio.

**Capitulum XXIII.** Mollienda itaque fouendaque talia ingenia, & in letitiam euocanda sunt. Et quia aliis contra iram, aliis contra tristitiam remediis vrendum est, nec dissimilibus tantum ista, sed contrariis curanda sunt, semper ei occurrere debemus, quod in creuerit. Plurimum, inquam, proderit pueros statim salubriter institui. Difficile autem regimen est: quia dare debemus operam ne aut iram in illis nutriendam, aut indolem reprimamus. Diligentior observatione res indiget. Verumque enim & quod extollendum, & quod deprimendum est, similibus alitur. Facile autem etiam attendentem similia decipiant. Crescit licentia spiritus, seruitute committitur, assurgit, si laudatur, & in spem sui bonam adducitur: sed eadem ista insolentiam & iracundiam generant. Sic itaque inter utrumque regendus est, ut modo frenis utamur, modo stimulis; nihil humile, nihil seruire patiarur. Nunquam illi necesse sit rogare suppliciter: nec profuturum rogasse. potius causam suam, & prioribus factis, & bonis in futurum promissis doneatur. In certaminibus aequalium nec vincillum patiarur, nec irasci.

demus operam, ut familiaris sit his, cum quibus contendere solet: ut in certamine assuescat non nocere velle, sed vincere. Quoties superauerit, & dignum aliquid laude fecerit, attolli, non gestire patiamur. Gaudium enim exultatio, exultationem tumor, & nimia æstimatio sui sequitur. Dabimus aliquod laxamentum: in desidiâ verò oriûmque non resolue-  
mus, & procul à contractu deliciarum retinebimus. Nihil enim magis facit iracundos, quàm educatio mollis & blanda. Ideò vnicis quò plus indulgetur, pupillisque quò plus licet, corruptior animus est. Non resistet offensis, cui nihil vnquam negatum est, cui lacrimas sollicita semper mater absterfit, cui de pædago satis factum est. Non vides, yma maiorem quamque fortunam maior ira comiteretur? Indivitiis nobilibusque & magistratibus præcipue apparet, cum quicquid leue & inane in animo erat, secunda se aurâ sustulit. Felicitas iracundiam nutrit, ubi aures superbas assentatorum turba circumstetit. Tibi enim ille respondeat? Non pro fastigio te tuo metiris: ipse te proijcis: & alia, quibus vix sanæ, & ab initio benè fundatæ mentes, restiterint. Longè itaque ab assentatione pueritia remouenda est. Audiat verum, & timeat: interim vereatur: semper maioribus assurgat. Nihil per iracundiam exoret. Quod sienti



negatum fuerat, quieto offeratur: & diuitias parentum in conspectu habeat, non in usu. Exprobrentur illi perperam facta.

CAP. XXII. Pertinebit ad rem, præceptores paedagogosque pueris placidos dari. Proximis applicatur omne quod tenerum est, & in eorum similitudinem crescit. nutricum & paedagogorum retulere mox in adolescentiam mores. Apud Platonem educatus puer, cum ad parentes relatus, vociferantem videret patrem: Nunquam, inquit, hoc apud Platonem vidi. Non dubito quin citius patrem imitatus sit, quam Platonem. Tenuis ante omnia sit victus, & non pretiosa vestis, & similis cultus cum aequalibus. Non irascetur aliquem sibi comparari, quem ab initio multis parem feceris. Sed hæc ad liberos nostros pertinent. In nobis liquidem fors nascendi & educatio nec vitij locum, nec iam præcepti habet: sequentia ordinanda sunt. Contra primas itaque causas pugnare debemus. Causa autem iracundiæ, opinio iniuriæ est, cui non facile credendum est, nec apertis quidem manifestisque statim accedendum. Quædam enim falsa, veri speciem ferunt. Dandum semper est tempus: veritatem dies aperit. Ne sint aures criminantibus faciles. hoc humana naturæ vitium suspectum notumque nobis sit: quod quæ

inuiti audimus, libenter credimus, & antequam iudicemus, trāscimur.

CAP. XXIII. Quid, quod non criminationibus tantum, sed suspicionibus impellimur, & ex vultu risuque alieno peiora interpretati, innocentibus trāscimur? Itaque agenda est contra se causa absentis, & in suspensō ira retinenda. Potest enim pœna dilata exigī, non potest exacta reuocari. Notus est ille tyrannicida, qui imperfecto opere comprehensus, & ab Hippia tortus, ut consciōs indicaret, circumstantes amicos tyranni nominauit, quibus quā maximē caram salutem eius sciebat. Et cum ille singulos, ut nominati erant, occidi iussisset, interrogauit, Equis superesset? Tu, inquit, solus: neminem enim alium, cui carus es, reliqui. Effecit ira, ut tyrannus tyrannicidæ manus commodaret, & praesidia sua gladio suo caderet. Quanto animo suus Alexander: qui cum legisset epistolam matris, quā admonebatur, ut à veneno Philippi medici caueret, acceptam potionem non deterritus bibit? Plus sibi de amico suo credidit. Dignus fuit qui innocentem haberet, dignus qui faceret. Hoc eō magis in Alexandro laudo, quia nemo tam obnoxius iræ fuit. Quò rarior autem moderatio in regibus, hoc laudanda magis est. Fecit hoc & C. Cæsar, ille qui victoriā civili clementissimē vsus est.

cum scrinia deprehendisset epistolarum ad Pompeium missarum ab iis, qui videbantur aut in aduersis, aut in neutris fuisse partibus; combussit: quamuis enim moderate solet irasci; maluit tamen non posse. Gratissimum putauit genus venię, nescire quid quisque peccasset. Plurimum mali credulitas facit. sepe ne audiendum quidem est; quoniam in quibusdam rebus satius est decipi, quam diffidere.

CAP. XXIV. Tollenda ex animo suspicio & coniectura, fallacissima irritamenta. Ille me parum humane salutauit, ille osculo meo non adhæsit, ille inchoatum sermonem citò abrupit, ille ad cenam non vocauit, illius vultus auerfior visus est. Non decet suspicioni argumentatio: simplicitate opus est, & benignā rerum estimatione. Nihil nisi quod in oculis incurrit, manifestumque erit, credamus: & quoties suspicio nostra vana appaueit, obiurgemus credulitatem. Hac enim castigatio consuetudinem efficit non facile credendi.

CAP. XXV. Inde & illud sequitur; ut minimis sordidisque rebus non exacerbemur. Barum agilis est puer; aut tepidior aqua potui, aut turbatus torus, aut mensa negligentius posita. Ad ista concitari, insania est. agere & infelicitis valedudinis est, quem leue aura contraxit: affecti oculi, quos candida vestis obturbat:

dissolutus deliciis; cuius latus alieno labore condoluit. Mindyridem aiunt fuisse ex Sybaritarum ciuitate; qui cum vidisset fodientem, & altius rastrum alleuantem, lassum se fieri questus, reuertit illum opus in conspectu suo facere. idem saepius questus est, quod foliis rosae duplicatis incubuisset. Vbi animum simul & corpus voluptates corrumpere, nihil tolerabile videtur: non quia dura, sed quia molles patimur. Quid enim est cur tussis alicuius, aut sternutamentum, aut musca parum curiosè fugata; nos in rabiem agat, aut versus calix, aut clavis negligenter ferui manibus elapsa? Feret iste a quo animo ciuile conuitium, & ingesta in concione curiaue maledicta, cuius aures tracti subsellij stridor offendit? Perpetietur hic famem, & aestiuae expeditionis sitim, qui puero male diluenti niuem, irascitur?

CAP. XXVI. Nulla itaque res magis iracundiam alit, quam luxuria intemperans & impatiens: durè tractandus animus est, ut ictum non sentiat, nisi grauem. Irascimur aut his à quibus nec accipere iniuriam potuimus, aut his à quibus accipere potuimus. Ex prioribus quaedam sine sensu sunt: ut librum, quem minutioribus literis scriptum saepe proiecimus, & mendosum lacerauimus: ut vestimenta, quae quia displicebant, scidimus. His irasci quàm stultum est: quae iram no-

iram, nec meruerunt, nec sentiunt? Sed nos offendunt videlicet, qui illa fecerunt. Primum; isapè antequam hoc apud nos distinguamus, irascimur: deinde fortasse ipsi quoque, artifices excusationes iustas afferent. Alius non potuit melius facere, quàm fecit: nec ad tuam contumeliam parum didicit. alius non in hoc, ut te offenderet, fecit. Ad ultimum, quid est dementius, quàm bilem in homines collectam, in res effundere? Atqui ut his irasci dementis est, quæ animæ carent, sic & multis animalibus: quia nulla est iniuria, nisi à consilio profecta. Nocere itaque nobis possunt, ut ferrum aut lapis: iniuriam quidem facere non possunt. Atqui contemni se quidam putant, ubi equi iidem obsequentes alteri equiti, alteri contumaces sunt: tanquam iudicio, non consuetudine, & arte tractandi, quædam quibusdam subiectiora sint.

CAP. XXVII. Atqui ut his irasci stultum est, ita pueris, & non multum à puerorum prudentia distantibus. Omnia enim ista peccata apud æquum iudicem, pro innocentia habent imprudentiam. Quædam sunt, quæ nocere non possunt, nullamque vim nisi beneficam & salutarem habent: ut dij immortales, qui nec volunt obesse, nec possunt. Natura enim illis mitis & placida est, tam longè remota ab aliena iniuria, quàm à sua. Demen-

res itaque & ignari ventris, illis imputant leuitiam maris, immodicos umbres, pertinaciam hiemis: cum interim nihil horum, quæ nobis noscent profuturæ, ad nos proprie dirigatur. Non enim nos causa mundi sumus, hiemem æstatemque referendi. suas ista leges habent, quibus diuina exercentur. nimis nos suspicimus, si digni nobis videmur, propter quos tanta moueantur. nihil ergo horum in nostram iniuriam fiti. imò contrà, nihil non ad salutem. Quædam esse diximus, quæ nocere non possunt. quædam, quæ nolunt. In his erunt boni magistratus, parentesque, & præceptores, & iudices: quorum castigatio sic accipienda est, quomodo scalpellum & abstinencia, & alia quæ profutura torquent. Affecti sumus poenâ? Succurrat non tantum quid patiamur, sed quid fecerimus. in consilium de vita nostra mittamur. Si veram ipsi dicere nobis voluerimus, plurius litem nostram æstimabimus. Si volumus æqui omnium rerum iudices esse, hoc primum nobis suadeamus, neminem nostrum esse sine culpa. Hinc enim maxima indignatio oritur. Nihil peccaui, nihil feci: imò nihil fateris. Indignamur aliquâ admonitione aut coercitione nos castigatos: cum illo ipso tempore peccemus, quo adijcimus malefactis arrogantiam & contumaciam. Quis est iste qui se profitetur

omnibus legibus innocentem? Ut hoc ita sit, quàm angusta innocentia est, ad legem bonum esse? quanto latius officiorum patet, quàm iuris regula? quàm multa pietas, humanitas, liberalitas, iustitia, fides exigunt? quæ omnia extra publicas tabulas sunt?

CAP. XXVIII. Sed ne ad illam quidem arctissimam innocentie formulam præstare nos possumus. Alia fecimus, alia cogitavimus: alia optavimus, aliis famimus: in quibusdam innocentes sumus, quia non successit. Hoc cogitantes, equiores simus delinquentibus, cedamus obiurgantibus: utique nobis ne irascamur (cui enim non, si nobis quoque?) minimè diu. Non enim illorum, sed lege mortalitatis patimur, quicquid incommodi accidit. At morbi doloresque incurrunt. Utique aliqua fugiendum est, domicilium putre sortiris. Diceretur aliquis malè de te loutus, cogita an prior feceris, cogita de quàm multis loquaris. Cogitemus, inquam, alios non facere iniuriam, sed respondere: alios pronos facere, alios coactos facere, alios ignorantes: etiam eos qui volentes scientesque faciunt, ex iniuriâ nostrâ non ipsam iniuriam petere. Aut dulcedine urbanitatis prolapsus est, aut fecit aliquid, non ut nobis obesset, sed quia consequi ipse non poterat, nisi nos repulisset. Sæpè adulatio, dum blandi-

tur, offendit. Quisquis ad se retulerit,  
 quotiens ipse in suspicionem falsam inci-  
 derit, quam multis officiis suis fortuna  
 speciosa iniuria induerit, quam multos  
 post odium amare coeperit, poterit non  
 statim irasci, utique si sibi tacitus ad sin-  
 gula quibus offenditur, dixerit. Haec se  
 ipse commisit. Sed ubi tam aequum iudic-  
 eum inuenies? Is qui nullius non uxorem  
 concupiscit, & satis auctam causam putat  
 amandi, quod aliena est, idem uxorem  
 suam aspici non vult, & fidei acerrimus  
 exactor, est perfidus, & mendacia posce-  
 quitur, ipse periturus, & literis sibi inferri  
 ægerimæ calumniator palitur. Pudici-  
 tiam seruulorum suorum attentari non  
 vult, qui non pepercit suæ. Aliena vitia  
 in oculis habemus: à tergo nostra sunt.  
 Inde est, quod tempestiva filij conuicia  
 pater deterior filio castigat. Nihil alie-  
 nae luxuriæ ignoscit, qui nihil suæ nega-  
 uit, & homicidæ tyrannus irascitur: &  
 punit furta sacrilegus. Magna pars ho-  
 minum est, quæ non peccatis irascitur,  
 sed peccantibus. Faciet nos moderatio-  
 res respectus nostri, si consuluerimus nos.  
 Nunquid & ipsi aliquid tale commisi-  
 mus? Nunquid sic errauimus? Expeditne  
 nobis ista damnari? Maximum remedium  
 est iræ, morari. Nec ab illa peccati initio, ut  
 ignoscat, sed ut iudicet, desinet, si expe-  
 ctat, nec vniuersam illam tentaueris tol-



lere, grandes habet impetus primos: tota  
vincitur, dum partibus capitur.  
CAP. XXIX. Ex his quæ nos of-  
fendunt, alia renuntiantur nobis; alia ipsi  
audimus aut videmus. His quæ narrata  
sunt, non debemus cupere credere. Multi  
ententiamus, & decipiamur multis, quia de-  
cepti sunt: plures et in innotatione gratiam ca-  
pant, & fingit iniuriam, ut videatur doluisse  
factam. Est aliquis malignus, & qui  
amicitias coherentes diducere velit: est  
suspicans, & qui spectare indos cupiat, ut  
ex longinquo rursusque speculetur, quos  
collisit. De parvula summa iudicatur op-  
tibi res sine teste non probatur; testis  
sine iure iurando non valet totumque par-  
ti daret aduocationem, daret tempus, nec  
semel audires: magis enim veritas elucet,  
quod sæpius ad manum vbius, africanum  
condemnas de presentibus, antequam au-  
dias, antequam interroges illi, antequam  
aut acculatorem suum nosse liceat, aut  
crimen, irasceris? Iamlenim iam, quid  
vtrinque diceretur, audisti. Hic ipse qui  
ad te delulit, desine dicere, si probare de-  
buerit. Non est, inquit, quod me protra-  
has. ego productus negabo. Alioqui ni-  
hil vaquam tibi dicam. Eodem tempore  
& instigat, & ipse se certamini & pugnae  
subtrahit. Qui dicere tibi nisi clam non  
vult, pænè non dicit. Quid est iniquius,  
quam secreto credere, palam irasci?

**CAP. XXX.** Quorundam ipsi testes sumus: In his naturam excutiemus, voluntatenique facientium. Puer est? ætati donetur, nescit, an peccet. Pater est? aut tantum profuit, ut illi etiam iniuriæ ius sit: aut fortassis ipsum hoc meritum eius est, quo offendimur. Mulier est? errat. Iussus est? necessitati quis, nisi iniquus, succenset? Læsus est? non est iniuriâ, pati quod prior feceris. Iudex est? plus illius credas sententiæ, quam tuæ. Rex est? si nocentem punit, cede iustitiæ: si innocentem, cede fortunæ. Mutum animal est, aut simile muto? imitaris illud, si irasceris. Morbus est, aut calamitas? leuius transiliet sustinentem. Deus est? tam perdis operam eum illi irasceris, quam cum illum alteri precaris iratum. Bonus vir est, qui iniuriam fecit? noli credere. Malus? noli mirari. Dabit pœnas alteri, quas debet tibi: etiam sibi dedit, qui peccauit. Duo sunt, ut dixi, quæ iracundiam concitant. Primum, si iniuriam videmur accepisse: de hoc satis dictum est. Deinde, si iniquè accepisse: de hoc dicendum est. Iniqua quædam iudicant homines, quia pati non debuerint: quædam, quia non sperauerint. Indigna putamus, quæ inopinata sunt. Itaque maxime commoueat, quæ contra spem, expectationemque euenerunt. Nec aliud est, quare in domesticis minima offendant: in amicis iniuriam, vocemus negligentiam.

25 **CAP. XXXI.** Quomodo, ergo, inquit, inimicorum nos iniurię mouente quā non expectauimus illas, aut certe non tantas. Hoc efficit amor nostri nimius. iniuolatos nos etiam inimicis iudicamus esse debere. Regis quisque intra se animum habet, ut licentiam sibi dari velit, in se nolit. Aut ignorantia nos itaque rerum, aut insolentia iracundos facit. Ignorantia. Quid enim mirum est, niales mala facinorosa edere? Quid noui est, si iniurię nocet, amicus offendit, filius labitur, seruus peccat? Turpissimam aiebat Fabius Imperatori excusationem esse, Non putauit ego turpissimam homini puto. Omnia pura, expecta, etiam in bonis moribus aliquid existet asperius. Fert humana natura insidiosos amicos, fert ingratos, fert cupidos, fert impios. Cum de moribus vnus iudicabis, de publicis cogita. vbi maxime gaudebis, maxime metues: vbi tranquilla tibi omnia videntur, ibi nocitura non desunt, sed quiescunt. semper futurum aliquid, quod te offendat, existima. Gubernator nunquam ita totos sinus explenit securus, ut non expedita ad contrahendum armamenta disponeret. Illud ante omnia cogita, foedam esse & execrabilem vim nocendi, & alienissimam homini, cuius beneficio etiam fera mansuescunt. Aspice elephantorum iugo colla submissa, taurorum pueris pariter ac fe-

minis perſultantibus terga impune calca-  
 ta, & repentes inter pocula ſinuſque inno-  
 xio lapſi dracones, & intra domum viſo-  
 rum leonumque ora placida tractantibus,  
 adulanteſque dominum ſeras: pudebit  
 cum animalibus permutaſſe mores. Ne-  
 fas eſt nocere patriæ: ergo cum quoque  
 nam hic pars patriæ eſt. Sanctæ partes  
 ſunt, ſi vniuerſum venerabile eſt: ergo &  
 homo homini. nam hic in maiore tibi vr-  
 be ciuis eſt. Quid ſi nocere velint manus  
 pedibus? manibus oculis? Vt omnia inter  
 ſe membra conſentiunt, quia ſingula ſer-  
 uari, totius intereſt: ita homines ſingulis  
 parcent, quia ad ceterum genti ſignus, ſal-  
 ua autem eſſe ſocietas niſi amore & eu-  
 ſtodia partium non poteſt. Ne viperas  
 quidem & natiues, & ſi qua morſu aut  
 iſtu nocent, effingeremus, ſi vt reliqua  
 manuſuſcitare poſſemus, aut efficere, ne  
 nobis aliſve periculo eſſent. Ergo ne ho-  
 mini quidam nocebimus, quia peccatur,  
 ſed ne peccet: nec vniquam ad præteritum,  
 ſed ad futurum poena referetur: non enim  
 irāſcitur, ſed cauſet. Nam ſi puniendus  
 eſt, cuiusque prauum maleſicūque in-  
 genium eſt, poena neminem excipiet.  
 C A P. XXXII. At enim ira habet ali-  
 quam voluptatem: & dulce eſt, dolorem  
 reddere. Minime. non enim vt in bene-  
 ficiis honeſtum eſt, merita meritis re-  
 penſare: ita iniurias iniuriis. illic, vinci

curpe est: hinc, vincere. Inhumānum verū-  
 bum est, & quidem pro iusto receptum;  
 Ultio: & à contumelia non differt nisi or-  
 dine. Qui dolorem regerit, tantum ex-  
 cusatiùs peccat. M. Catonem in balneo  
 quidam percussit imprudens: quis enim il-  
 li sciens faceret iniuriam? postea satisfac-  
 ienti Cato, Non memini, inquit, percul-  
 sum me. Melius putavit, non agnoscere,  
 quàm vindicare. Nihil, inquis, post tan-  
 tam petulantiam mali factum est? Imò  
 multum boni, coepit Catonem nosse. Ma-  
 gni animi est, iniurias despiciere: ultionis  
 contumeliosissimum genus est, non esse  
 visum dignum, ex quo peteretur ultio.  
 Multi leues iniurias altius sibi demiseret,  
 dum vindicant: ille magnus & nobilis est,  
 qui more magnæ feræ, latrans minio-  
 rum canum lecurus exaudit. Minus, risi-  
 quit, contemnemur, si vindicauerimus in-  
 iuriam. Si tanquam ad remedium veni-  
 mus, sine ira veniamus: non quasi dulce  
 sit vindicari, sed quasi utile. Sæpè autem  
 satius fuit dissimulare, quàm vlcisci.

CAP. XXXIII. Potentiorum iniu-  
 riæ hilari vultu, non patienter tantum fe-  
 rendæ sunt. Facient iterum, si se fecisse  
 crediderint. Hoc habent pessimum ani-  
 mi magnâ fortunâ insolentes, quos lae-  
 runt & oderunt. Notissima vox est eius,  
 qui in cultu regum consueverat: cum il-  
 lum quidam interrogaret, Quomodo ra-

riſſimam rem in aulâ conſecutus eſſet, ſe-  
nectutem? Iniurias, inquit, accipiendo, &  
gratias agendo. Sæpè adeo iniuriam vin-  
dicare non expedit, vt ne fateri quidem  
expediat. C. Cæſar Paſtoris ſplendidi equi-  
tis Romani filium cum in custodia ha-  
buiſſet, munditiis erus & cultiſſimis ca-  
pillis offenſus: rogante patre, vt ſalutem  
ſibi filij concederet, quaſi de ſupplicio  
eius admonitus, duci protinus iuſſit. Ne  
tamen omnia inhumane faceret aduerſum  
patrem, ad cœnam illum inuitauit eo die.  
venit Paſtor, nihil vultu exprobrante.  
Propinauit illi Cæſar heminam: & poſuit  
illi cuſtodem. perdurauit miſer, non ali-  
ter, quàm ſi filij ſanguinem biberet. Vn-  
guentum & coronas miſit, & obſeruare  
iuſſit an ſumeret: ſumpſit eo die, quo fi-  
lium extulerat, imò quo non extulerat.  
Iacebat conuiua centeſimus, & poriones  
vix honeſtas natalibus liberorum, poda-  
gricus ſenex hauriebat: cum interim non  
lacrimas emiſit, nec dolorem aliquo ſi-  
gno erumpere paſſus eſt. Cœnauit, tan-  
quam pro filio exoraſſet. Quæris, quare?  
habebat alterum. Quid ille Priamus? non  
diſſimulauit iram, & Regis genua com-  
plexus eſt? funeſtam perſuſamque cruore  
filij manum, ad os ſuum retulit, & cœna-  
uit, ſed tamen ſine vnguento, ſine coro-  
nis: & illum hoſtis ſæuiſſimus multis ſo-  
latiis, vt cibum caperet, hortatus eſt, non

ut pocula ingentia, super caput posito custode, sictaret. Contempsisset Pastorem, si sibi timuisset: nunc iram compescuit pietas. Dignus fuit, cui permitteret a conuiuio ad ossa filij legenda discedere. Ne hoc quidem permittat. benignus interim & comis adolescens propinationibus senem crebris, ut cura leniretur, lacessebat: contra ille se latum, & oblitum quid eo esset actum die, præstitit. Perierat alter filius, si carnifici conuiuia non placuissent.

CAP. XXXIV. Ergo ira abstinendum est, siue par est qui lacesendus est, siue superior, siue inferior. Nam cum pare contendere, anceps est: cum superiore, furiosum: cum inferiore, sordidum. Pusilli hominis & miseri est, repetere mordentem, mures & formicæ, si manum admoventis, ora conuertunt: imbecillia se ladi putant, si tanguntur. Faciet nos mitiores, si cogitauerimus, quid aliquando nobis profuerit ille, cui irascimur, & meritis offensa redimeretur. Illud quoque occurrat, quantum commendationis nobis allatura sit clementiæ fama, & quam multos venia amicos utiles fecerit. Ne irascamur inimicorum & hostium liberis. Inter Syllanæ crudelitatis exempla est, quod à republica liberos proscriptorum submouit. Nihil est iniquius, quam aliquem heredem paterni odij fieri. Cogitemus, quotiens ad ignoscendum difficiles erimus, an ex-

pediat omnes nobis inexorabiles esse. Quam saepe veniam qui negavit, petita quam saepe pedibus eius aduolutus est, quem à suis repulit? Quid est gloriosius, quam iram amicitia mutare? Quos Populus Rom. fidiiores habet socios, quam quos habuit pertinacissimos hostes? quod hodie esset imperium, nisi salubris providentia victos permiscuisset victoribus? Irascetur aliquis? tu contra beneficiis prouoca. Cadit statim similtas, ab altera parte deserta, nisi par non pugnat. Si utrinque certabitur, ille est melior, qui prior pedem retulit: victus est, qui vicit. Percussit te? recede, referiendo enim, & occasionem saepius ferendi dabis, & excusationem. non poteris reuelli, cum voles. Nunquid vellet quisquam tam grauitè hostem ferire, vt relinquat manum in vulnere, & se ab ictu reuocare non possit: atqui tale ira telum est, vix retrahitur.

Q. A. P. XXXV. Arma nobis expedita prospicimus, gladium commodum & habilem: non vitabimus imperus animi, his graues magis, furiosos & irreuocabiles? Ea demum velocitas placet, quæ vbi iussa est, vestigium sistit, nec vltra destinata procurrat, & quæ flecti, & à cursu ad gradum reduci potest. Egros scimus nervos esse, vbi inuitis nobis mouentur. senex, aut infirmi corporis est, qui cum ambulare vult, currit. animi motus eos pu-



remus sanissimos validissimosque, qui nostro arbitrio ibunt, non suo ferentur. Nihil tamen eque profuit, quam primum inrueri deformitatem rei, deinde periculum. Non est ullius affectus facies turbatio pulcherrima, ora scedavit, totos vultus ex tranquillissimis reddidit. Lique decor omnis iratos: & siue amictus illius compositus sit ad legem, attrahet vestem, omnemque curam sui effundet. Si capillorum natura vel arte iacentium non informis est habitus; cum animo inhorrescunt, tumescunt venæ, concutitur crebro spiritus pectus, rabida vocis eruptio colla distendit. tunc artus trepidi, inquieti manus, totius corporis fluctuatio. Qualem intra putas esse animum, cuius extra insurgo tam scæda est? quanto illi intra pectus terribilior vultus, actior spiritus est, intensior impetus, rupturus se nisi eruperit? Quales sunt hostium, vel ferarum cædemadentium, aut ad cædem euntium aspectus; qualia poëtae inferna monstra finxere, succincta serpentibus, & igneo flatu; quales ad bella excitanda, discordiamque in populos diuidendam, pacemque lacerandam teterrimæ inferum exeunt Furia: talem nobis iram figuremus, flammâ lumina ardentia, sibilo mugituque & gemitu & stridore, & si qua his iniunior vox est, perstreptentem, tela manu utraque quatientem. neque enim illi tegere se, cura

est. toruam, cruentamque, & cicatricosam,  
 & verberibus suis liuidam, incessibus ve-  
 sanis, offusam multâ caligine, incurſitan-  
 tem, vastantem, fugantemque, & omnium  
 odio laborantem, sui maxime: si aliter no-  
 cere non possit, terras, maria, cælum rue-  
 re cupientem, infestam pariter, inuisam-  
 que. Vel, si videtur, sit qualis apud Yates  
 nostros est:

*Sanguineum quatiens dextrâ Bellona fla-  
 gellum,*

*Aut scissâ gaudens vadit Discordia pallâ.*

aut si qua magis dira facies excogitari  
 diri affectus potest.

C A P. X X X V I. Quibusdam, ut ait  
 Sextius, iratis profuit aspexisse speculum.  
 perturbauit illos tanta mutatio sui: velut  
 in rem præsentem adducti non agnoue-  
 runt se, & quantum ex vera deformita-  
 te imago illa speculo repercussa reddebat?  
 animus si ostendi, & si in yllâ materiâ per-  
 lucere posset, intuentes nos confunderet,  
 ater maculosusque, æstuans, & distortus,  
 & tumidus. Nunc quoque tanta defor-  
 mitas eius est per ossa carnesque, & tot  
 impedimenta, effluentis: quid si nudus  
 ostenderetur? Speculo equidem neminem  
 deterritum ab ira credo. quid ergo? qui  
 ad speculum venerat, ut se mutaret, iam  
 mutauerat. Iratis quidem nulla est for-  
 mosior effigies, quam atrox & horrida,  
 qualesque esse, etiam videri volunt. Ma-  
 gis

gis illud videndum est, quàm multis ira  
per se nocuerit. Alij nimio seruire rup-  
tæ venas, & sanguinem supra vires elatus  
clamor egestit, & luminum suffudit aciem  
in oculos vehementius humor egestus,  
& in morbos agri recidere. nulla cele-  
rior ad insaniam via est. Multi itaque  
continuauerunt iræ furorem; nec quam  
expulerant mentem, vnquam receperunt.  
Aiace in mortem egit furor, in furorem  
ira. Mortem liberis, egestatem sibi, rui-  
nam domui imprecantur: & irasci se ne-  
gant, non minus quàm insanire, furiosi.  
Amicissimis hostes, vitandique carissimis:  
legum, nisi quæ nocent, immemores, ad  
minima mobiles. non sermone, non offi-  
cio, aditu faciles. Omnia per vim gerunt,  
gladiis & pugnare parati, & incumbere.  
Maximum enim malum illos cepit, &  
omnia exuperans vitia. Alia paulatim  
intran: repentina & vniuersa vis huius  
est. omnes denique alios affectus sibi  
subijcit: amorem ardentissimum vincit.  
Transfoderunt itaque amata corpora, &  
in eorum quos occiderant, iacere com-  
plexibus. Avaritiam durissimum malum,  
minimumque flexibile ira calcavit; adacta  
opes suas spargere, & domui, rebusque in  
vnum collatis injicere ignem. Quid non  
ambitiosus magno æstimata proiecit in si-  
gnia, honoremque delatum repulit? nullus  
affectus est, in quem non ira dominetur.

D

## LIBER TERTIVS.

CLARUS: Quod non est

**Q**UOD maxime desiderasti, Nouare, nunc facere tentabimus, iram excidere animis; aut certe refranare, & impetus eius inhibere. Id aliquando palam aperteque faciendum est, vbi maior vis mali patitur: aliquando ex occulto; vbi nimium ardet, omnique impedimento exasperatur & crescit. Refert, quantas vires, quamque integras habeat. utrumne verberanda & agenda retro sit, an cedere ei debeamus, dum tempestas prima defauit, ne remedia ipsa secum ferat: consilium pro moribus cuiusque capiendum erit. Quosdam enim preces vincunt: quidam insultant, instantque submissis. Quosdam terrendo placabimus: alios obiurgatio, alios confessio, alios pudor cepto deiecit: alios mora, lentum præcipitis mali remedium, ad quod nouissime descendendum est. Ceteri enim affectus dilationem recipiunt, & curari tardius possunt: huius incitata, & seipsa rapiens violentia, non paulatim procedit, sed dum incipit, tota est. Nec aliorum more vitiorum sollicitat animos, sed abducit, & impotentes sui, cupidosque vel communis mali, exagitat: nec in ea tantum, in quæ destinauit, sed in occurrentia obiter furit.

Cetera vitia impellunt animos: ira præcipitat. V Ceteris etiam si resistere contra affectus suos non licet, at certe affectibus ipsis licet stare: hæc non secus quam fulmina procellæque, & si qua alia irrenocabilia sunt, quia non eunt, sed cadunt vim suam magis ac magis tendit. Alia vitia à ratione, hæc à sanitate desciscit, alia accessus lenes habent, & incrementa fallentia; in irâ deiectus animorum est. Nulla itaque res vrget magis attonita, & in vires suas prona; & sure successit, superba; sine frustratur, insana; ne repulsâ quidem in medium acta, ubi aduersarium fortuna subduxit, in seipsam morsus suos vertit: nec refert, quantum sit, ex quo surrexit. Ex leuissimis enim in maxima euadit.

CAP. II. Nullam transit aetatem: nullum hominum, genus excipit. Quædam gentes beneficio egestatis non nouere luxuriam, quædam, quia exercitæ & vagæ sunt, effugere pigritiam, quibus incultus montos, agrestis vita est, circumscriptio ignota est, & fraus, & quodcuq; in foro malum nascitur: nulla gens est, quam non ira instiget, tam inter Græcos quàm barbaros potens: non minus perniciose leges metuentibus, quàm quibus iura distinguunt modus viriam. Denique cetera singulos corripunt: hic vnus affectus, est, qui interdum publice concipitur. Nunquam vnuerfus populus vnius femine

amore flagrauit : nec in pecuniam aut lucrum tota ciuitas spem suam misit, ambitio viritim singulos occupat. Impotentia non est malum publicum : saepe in iram vno agmine itum est. viri, feminae, senes, pueri, principes, vulgusque consensere : & tota multitudo paucissimis verbis concitata ipsum concitatore antecessit. Ad arma protinus ignesque discursum est, & indicta finitimis bella, aut gesta cum ciuibus. Totę cum stirpe omni crematę domus, & modò eloquio fauorabilis habitus, in medio honore, iram suę concionis excepit. in Imperatorem suum legiones pila torserunt. Dissedit plebs tota cum patribus : publicum consilium, senatus, non expectatis dilectibus, nec nominato Imperatore, subitos irę suę duces legit : ac per recta vrbis, nobiles consecratus viros, supplicium manu sumpsit. Violauit legationes rupto iure gentium, rabiesque infanda ciuitatem tulit. nec datum tempus, quo resideret rumor publicus : sed deductę protinus classes, & oneratę tumultuario milite. Sine more, sine auspiciis, populus ductu irę suę egressus, fortuita raptaque pro armis gessit : deinde magnā ciade temeritatem audacis irę luit.

C A P. I I I. Hic barbaris fortē ruen-  
tibus in bella exitus est. cū mobiles  
animos species iniurię perculit ; aguntur  
statim : & quā dolor traxit, ruinę modo

regionibus incidunt incompositi, interriti, incauti, pericula appetentes sua: gaudent feriri, & instare ferro, & tela corpore urgere, & per suum vulnus exire. Non est, inquis, dubium, quin magna ista & pestifera sit vis: ideo quemadmodum sanari debeat, monstra. Atqui, ut in prioribus libris dixi, stat Aristoteles defensor iræ, & vetat illam nobis exsecari. Calcar ait esse virtutis: hac erepta, inermem animum, & ad conatus magnos pigrum, inertemque fieri. Necessarium est itaque sceditatem eius ac feritatem coarguere, & ante oculos ponere, quantum monstri sit, homo in hominem furens; quantoque impetu ruat, non sine perniciæ sua perniciosus. & ea deprimens, quæ mergi nisi cum mergente non possunt. Quid ergo? sanum hunc aliquis vocat, qui, velut tempestate correptus, non ita, sed agitur, & furenti malo seruit? nec mandat ultionem suam, sed ipse eius exactor, animo simul ac manu sauit, carissimorum, eorumque quos mox amissos fleturus est, carnifex? Hunc aliquis affectum virtuti adiutorem commitemque dat; consilia, sine quibus virtus gerit nihil, obturbantem? Caduææ sinistraeque sunt vires, & in malum suum validæ, in quas ægrum morbus & accessio erexit. Non est ergo, quod me putes tempus in superuacuis consumere, quod iram, quasi dubiæ apud homines opinio-

nis sit, infamem, cum aliquis sit, & quidem de illustribus philosophis, qui illi indicat operas, & tanquam utilem ac spiritus subministrantem in prælia, in actus rerum, ad omne quodcumque calore aliquo gerendum est, vocet. Ne quem fallat, tanquam aliquo tempore, aliquo loco profutura, ostendenda est rabies, eius effrænata & attonita; apparatusque illi reddendus est suus, eculei, & fidiculae, & ergastula, & cruces, & circumdant defixis corporibus ignes, & cadauera quodque trahens vincus, varia vinculorum genera, varia poenarum, lacerationes membrorum, inscriptiones frontis, & bestiarum immanium cauez. Inter hæc instrumenta collocetur ira, dirum quiddam atque horridum stridens, omnibus per quæ fuerit tetrior.

CAP. IV. Ut de ceteris dubium sit, nulli certè affectui peior est vultus, quem in prioribus libris descripsimus, asperum & acrem, & nunc subito terrorum sanguine fugato, pallentem, nunc in os omni calore ac spiritu verso, subrubicundum, & similem cruento, ventis tumentibus, oculis nunc trepidis & exsiliantibus, nunc in vno obtutu defixis & hærentibus. Adice dentium inter se arietatorum, & aliquem esse cupientium, non alium sonum quam est apris, tela sua attritu acuentibus. Adice articulorum crepitum, cum se ipsa ma-



nus frangunt, & pulsatum sapius pectus,  
 anhelitus crepro, tractosque altius ge-  
 mitus, instabile corpus, incerta verba su-  
 bitis exclamationibus, trementia labra,  
 interdumq; compressa, & dirum quiddam  
 exhibilantia. Ferarum, mehercules, siue  
 illas fames exagitat, siue infixum visceri-  
 bus ferrum, minus tetra facies est, etiam  
 cum venatorem suum semianimes morfu  
 victimo petunt, quam hominis irâ flagran-  
 tis. Age, si exaudire voces ac minas va-  
 cet, qualia excarnificati animi verba sunt?  
 nonne reuocare se quisque ab ira volet,  
 cum intellexerit illam à suo primùm ma-  
 lo incipere? Non vis ergo admoneam  
 eos qui iram in summâ potentiâ exer-  
 cent, & argumentum virium existimant;  
 & in magnis magnæ fortunæ bonis po-  
 nunt paratam ultionem, quàm non sit po-  
 tens, imò nec liber quidem dici possit,  
 irâ captus? non vis admoneam, quò dili-  
 gentior quisque sit, ut ipse se circumspi-  
 ciat: alia animi mala ad pessimos quos-  
 que pertinere, iracundiam etiam eruditis  
 hominibus, & in alia sanis, irrepere? adeò  
 ut quidam simplicitatis indicium iracun-  
 diam dicant, & vulgo credatur facillimus  
 quisque huic obnoxius.

C A P. V. Quorsus, inquis, hoc perti-  
 ner? Ut nemo se iudicet tutum ab illa:  
 cum lentos quoque naturâ, & placidos,  
 in sequiriam ac violentiam euocet. Quem-

admodum aduersus pestilentiam nihil prodest firmitas corporis, & diligens valetudinis cura: promissa enim imbecilla robustaene inuadit: ita ab ira radi in quicvis moribus periculum est, quàm tñm potest & remissis; quibus corruptior ac periculosior est, quò plus in illis mutat. Sed cum primum fit, non irasci; secundum, retinere; tertium, aliene ire mederi dicam primum; quemadmodum in iram non incidens; deinde; quemadmodum ab illa liberemur; nouissimè, quemadmodum irascentem retineamus placemurque, & ad sanitatem reducamus. Ne irascamur, prestabimus, si omnia vitia iræ nobis subinde proposuerimus; & illam bene testimauerimus. Acquiescenda est apud nos, dampnata; perscrutanda eius mala, & an medium protrahenda sentiri, ut qualis sit appareat, comparanda cum pellimis: est. Avaritia acquirit, & contrahit, & quod aliquis melior natura ora alitpe dat: paucis gratia est. Isti modum domiti quosdam in fugam sequos egit, quosdam in mortem: quanto plus irascendo, quàm id erat propter quod irascebatur, amittit dra patri ductum; marito diuotium attulit, magistratui odium, candidato repulsam. Peior est iram quàm luxuria: quoniam illa suâ voluptate fruitur, hæc alieno dolore. Vincit malignitatem & inuidiam: illa enim infelicem fieri volunt, hæc fa-

scire. illa fortassis malis delectantur: hæc  
 non potest expectare fortunam nocere ei  
 quem odit, non nocere vult. Nihil est si-  
 mulatibus gratius: has ira conciliat. ni-  
 hil est bello suavestius: in hoc potentium  
 ira præcipit ceteris: etiam illa plebeia  
 ira & privata, inermis, & sine viribus bel-  
 lunt est. Præterea ira, ut seponamus quæ  
 mox secutura sunt damna, infidias, per-  
 petuam ex certaminibus mutuis solici-  
 tudinem, dat pœnas dum exigit: naturam  
 hominis mutat. Illa in amorem horta-  
 tur, hæc in odium: illa prædesse iubet, hæc  
 nocere. Adijce, quod cum indignatio  
 eius in animo sui suspectu veniat, & ani-  
 mosus videatur, pusilla est & angusta: ne-  
 mo enim non eo, à quo se contemptum  
 iudicat, minor est. At ille ingens animus,  
 & verus æstimator sui, non vindicat iniu-  
 riam, quia non sentit. Ut tela à duro re-  
 siliunt, & cum dolore cadentis solida fe-  
 riuntur: ita nulla magnum animum iniu-  
 ria ad sensum sui adducit, fragilior eo  
 quod petit. Quanto pulchrius est, velut  
 nulli penetrabilem telo, omnes iniurias  
 contumeliasque respicere? Vltio, doloris  
 confessio est: non est magnus animus,  
 quem incutiat iniuria. Aut potentior re,  
 aut imbecillior læsit. Si imbecillior, parce  
 illi: si potentior, tibi.

CHAP. V. In quo Nihil est argumentum  
 magnitudinis fortius quam nihil posse,

quo instigeris, accidere. Pars superior mundi & ordinatior, ac propinqua sideribus, nec in nubem cogitur, nec in tempestatem impellitur, nec versatur in turbine: omni tumultu caret. inferiora fulminant. Eodem modo sublimis animus, quiescens semper, & in statione tranquilla collocatus, intra se premeus quibus ira contrahitur, modestus & venerabilis est & compositus: quorum nihil inuenies in irato. Quis enim traditus dolori & furis, non primam reiecit verecundiam? quis impetu turbidus, & in aliquem ruens, non quicquid in se verecundi habuit, abiecit? cui officiorum numerus aut ordo constitit incitato? quis linguæ temperavit? quis ullam partem corporis tenuit? quis se regere potuit? In immensum proderit nobis illud Democriti salutare præceptum, quo monstratur tranquillitas, si neque priuatim, neque publice multa, aut maiora viribus nostris egerimus. Nunquam tam feliciter in multa discurrerent negotia dies transit, ut non aut ex homine, aut ex re offensa nascatur, quæ animū in iras parat. Quemadmodum per frequentia urbis loca properanti in multos incurritandum est, & alicubi labi necesse est, alicubi retineri, alicubi respergi: ita in hoc vitæ actu dissipato & vago, multa impedimenta, multæ querelæ incidunt. Abus spem nostram fefellit, alius

distulit, alius interceptit: non ex destinato proposita fluxerunt. nulli fortuna tam dedita est, ut multa tentanti ubique responderet. Sequitur ergo, ut is cui contra quam proposuerat, aliqua cesserunt, impatiens hominum rerumque sit, ex leuissimis causis irascatur, nunc persona, nunc negotio, nunc loco, nunc fortuna, nunc sibi. Itaque ut quierus possit esse animus, non est iactandus, nec multarum, ut dixi, rerum actu fatigandus, nec magnarum, supraque vires appetitarum. Facile est, leuia aptare ceruicibus, & in hanc aut in illam partem transferre sine lapsu: at quæ alienis in nos manibus imposita egre sustinemus, vincti in proximos effundimus, & dum stamus sub sarcina, impares oneri vacillamus.

CAP. VII. Idem accidere in rebus civilibus ac domesticis, scias, negotia expedita & habilia sequuntur actorem: ingentia, & supra mensuram agentis, nec dant se facile; & si occupata sunt, premunt atque adducunt administrantem, tenerique iam visa, cum ipso cadunt. Itaque sit, ut frequenter irrita sit eius voluntas, qui non quæ facilia sunt, aggreditur, sed vult facilia esse, quæ aggressus est. Quotiens aliquid conaberis, te simul & ea quæ pararas, quibusque pararis, ipse metire. Faciet enim te asperum pœnitentia operis infecti. Hic interest, vtrum quis seruidi

fit ingenij, an frigidi, atque humilis. generoso repulsa iram exprimet, languido inertique tristitiam. Ergo actiones nostra nec pravae sunt, nec audaces, nec improbae. in vicinum spes exeat. nihil eonemur, quod mox adepti quoque successisse miremur.

C A P. V I I I. Demus operam, ne accipiamus iniuriam, quam ferre nescimus. Cum placidissimo & facillimo, & minime anxio morosoque vivendum est. Sumuntur à conversantibus mores: & ut quidam in contactos corporis vitia transiliunt, ita animus mala sua proximis tradit. Ebriosus convectores in amorem vini traxit; impudicorum cœtus fortem quoque & silicem virum emollit. Avaritia in proximos virus suum transfudit. Eadem ex diverso ratio virtutum est, ut omne quod secum habent, mitigent. nec tam valetudini profuit utilis regio & salubrius cœlum, quam animis parum firmis, si turba meliorum versari. Quæ res quantum possit, intelliges, si videris feras quoque convectu nostro mansuescere: nullique immani bestiae vim suam permanere, si hominis contubernium diu passa est. Recunditur omnis asperitas, paulatimque inter placida dediscitur. Accedit huc, quod non tantum exemplo melior fit, qui cum quietis hominibus vivit: sed quod causas irascendi non inue-

nit, nec vitium suum exerceat. Fugere itaque debet omnes, quos irritaturos iracundiam sciet. Qui sunt, inquis, isti multi ex variis causis idem facturi. Offendet te superbus contemptu, dives contumelia, perulans iniuria, huius malignitate, pugna contentione, ventosus & mendax vanitate, non feres à suspicioso timeri, à pertinace vinci, à delicato fastidiri. Elige simplices, faciles, moderatos; qui iram tuam nec eurent, & ferant. Magis adhuc proderunt submissi & humani, & dulces, non tamen usque in adulationem. nam iracundos nimia assentatio offendit. Erat certe amicus noster, vir bonus, sed iræ paratioris, cui non magis erat tutum blandiri, quam maledicere. Caelium oratorem fuisse iracundissimum constat. cum quo, ut aiunt, cenabat in cubiculo lectæ patientiæ cliens. sed difficile erat illi in crapulam coniecto, rixam eius cum quo edebat, effugere. Optimum iudicavit, quicquid dixisset, sequi, & secundas agere. Non tulit Caelius assentientem, sed exclamavit: Dic aliquid contra, ut duo simus. Sed ille quoque, quod non irasceret iratus, citò sine adversario desit. Eligamus ergo vel hos potius, si conscij nobis iracundiæ sumus, qui vultum nostrum ac sermonem sequantur, facient quidem nos delicatos, & in malam consuetudinem inducent,

nihil contra voluntatem audiendi: sed proderit, vitio suo interuallum & quietem dare. Difficilis quoque & indomita natura, blandientem feret: & nihil asperum tetrumque palpani est. Quotiens disputatio longior & pugnacior erit, in primâ resistamus, antequam robur accipiat. Alit se ipsam contentio: demissos alius tenet. Facilius est se a certamine abstineret, quam abducere. V. X. 9. A. O.

CAP. IX. Studia quoque grauiora, iracundis omittenda sunt, aut certe citra lassitudinem exercenda: & animus non inter plura versandus, sed artibus amicis tradendus. Lectio illum carminum obleniat, & historia fabulis detineat, mollis delicatiusque traeterur. Pythagoras perturbationes animi lyrà componebat. quis autem ignorat, lituos & cubas concitamenta esse, sicut quosdam cantus blandimenta, quibus mens resoluatur. Confusis oculis profunt virentia, & quibusdam coloribus infirma acies acquiescit, quorundam splendore præstringitur: sic mentes ægras studia læta permulcent. Forum, aduocationes, iudicia fugere debemus, & omnia quæ exulcerant vitium: æque cauere lassitudinem corporis. consumit enim, quicquid in nobis mite placidumque est, & acia concitat. Ideo quibus stomachus suspectus est, processuri ad res agendas maioris negotij, bilem cibo tem-



perant, quam maximè mouet fatigatio  
 siue quia calorem inedia compellit, & no-  
 cet sanguini, cursumque ciliis, venis labo-  
 rantibus, sistit: siue quia corpus attenua-  
 tum & infirmum incumbit animo, certe  
 ob eandem causam iracundiores sunt  
 valetudine aut ætate fessi. Famēs quoque  
 & sitis ex eisdem causis, viranda est exas-  
 perat enim & incendit animos.

CAP. X. Vetus dictum est, Alasso-  
 rixam queri. Aque autem & ab esurien-  
 te, & a sitiente, & ab omni homine quem  
 aliqua res vixit. Nam ut vlcera ad leuē  
 tactum, deinde etiam ad suspicionem tal-  
 ctus condolefcunt: ita animus affectus  
 minimis offenditur, adeo ut quibdam fa-  
 luteratio, epistola, oratio, & interrogatio in-  
 litem euocent. Nāquam sine querelā  
 ægra tanguntur. Optimum est itaque, ad  
 primum mali sensum, mederi sibi: tum  
 verbis, quoque suis, minimum libertatis  
 dare, & inhibere impetum. Facile est au-  
 tem, affectus suos, cum primum oriuntur,  
 deprehendere, morbum signa præcur-  
 runt. Quemadmodum, tempestatis ac  
 pluuie, ante ipsas notæ veniunt, ita iræ,  
 amoris, omniumque istarum procellarum  
 animos vexantium, sunt quedam præ-  
 nuntia. Qui comitali vitio solent corri-  
 pi, iam aduentare valetudinem intelli-  
 gunt, si calor summa deseruit, & incen-  
 tum lumen, neruorumque trepidatio est,

si memoria sublabitur, caputque versatur. Solitis itaque remediis incipientem cal-  
 lum occupant, & odore gustuque quic-  
 quid est quod alienat animos, repellitur:  
 aut fomentis contra frigus rigoremque  
 pugnatur: aut si parum medicina profe-  
 cit, vitauerunt turbam, & sine teste occi-  
 derunt. Proderit morbum suum nosse, &  
 vires eius antequam spaciatur, opprime-  
 re. Videamus quid sit, quod nos maxime  
 concitet. Alium verborum, alium rerum  
 contumelia mouent. hic vult nobilitati  
 suae, hic formae suae parci: ille eleganti-  
 mus haberi cupit, ille doctissimus. hic su-  
 perbiae impatiens est, hic contumacia: il-  
 le seruos non putat dignos, quibus ira-  
 scatur: hic intra domum saeuus est, foris  
 mitis. ille rogari, intudiam indicat: hic,  
 non rogari, contumeliam. Non omnes  
 ab eadem parte feriuntur. *pp. 218. angem.*

CAP. XI. Scire itaque oportet, quid in  
 te imbecillum sit, vt id maxime protegas.  
 Non expedit omnia videre, omnia audi-  
 re. multae nos iniuriae transeant: ex quib-  
 us pleraeque non accipis, si qui noloit.  
 Non vis esse iracundus, ne sis curiosus.  
 Qui inquit quid in se dictum sit, qui ma-  
 lignos sermones, etiam si fecerit haberi  
 sint, eruit, se ipse inquietat. Quaedam in-  
 terpretatio eo perducit, vt videantur in-  
 iuriae. Itaque alia differenda sunt, alia  
 deridenda, alia donanda. Circumsciti-

benda multis modis ira est; pleraque in  
 lusum iocumque vertantur. Socratem  
 aiunt, colapso percussum nihil amplius  
 dixisse, quam Molestum esse, quod nesci-  
 rent homines: quando cum galea prodire  
 deberent. Non quemadmodum facta sit  
 iniuria refert, sed quemadmodum lata.  
 Nec video quare difficilis sit moderatio,  
 cum sciam tyrannorum quoque, tumida  
 & fortunâ & licentiâ ingenia, familiarum  
 sibi saevitiâ repressisse. Pisistratum con-  
 trè, Atheniensium tyrannum, memoria  
 proditur, cum multa in crudelitatem eius  
 ebrius conuiuia dixisset, nec deessent qui  
 vellent manus ei commodare, & alius  
 hinc, alius illinc faces subderent; placido  
 animo tulisse, & hoc irritantibus respon-  
 disse, Non magis illi se succensere, quam  
 si quis obligatis oculis in se incurrisset.  
 Magna pars querelas manu fecit, aut fal-  
 sa suspicando, aut leuia aggrauando.

CAP. XII. Sæpè ad nos ira venit,  
 sæpius nos ad illam, quæ nunquam acce-  
 senda est: etiam cum incidit, rejiciatur.  
 Nemo dicit sibi: Hoc propter quod ira-  
 scor, aut feci, aut fecisse potui. Nemo ani-  
 mum facientis, sed ipsum æstimat factum.  
 atqui ille inuendus est, an voluerit, an in-  
 ciderit: coactus sit, an deceptus: odium se-  
 cutus sit, an præmium: sibi morem gesse-  
 rit, an manum alteri commodauerit.  
 Aliquid peccantis ætas facit, aliquid for-

tuna : ut ferre ac pari, aut humanum, aut humile sit. Eo loco nos constituamus, quo ille est cui irascimur. nunc facit iracundos iniqua nostri æstimatio : & quæ facere vellentus, pati nolumus. Nemo se differt. atqui maximum remedium iræ, dilatio est : ut primus eius feruor relaxescat, & caligo quæ premit mentem, aut residat, aut minus densa sit. Quædam ex his quæ te præcipitem ferebant, hora, non tantum dies, molliet : quædam ex toto euanescent. Si in hoc erit petita aduocatio, apparebit iam iudicium esse, non iram. Quicquid voles quale sit scire, tempori trade. nihil diligenter in fluctu cernitur. Non potuit impetrare Plato à se tempus, cum seruo suo irasceretur, sed ponere illum statim tunicam, & præbere scapulas verberibus iussit, suâ manu ipse percussurus. Postquam intellexit irasci se, sicut sustulerat manum, suspensam detinebat, & stabat percussuro similis. Interrogatus deinde ab amico, qui forte interuenerat, quid ageret ? Exigo, inquit, pœnas ab homine iracundo. velut stupens, gestum illum lauituri deformem sapienti viro seruabat, oblitus iam serui : quia alium quem potius castigaret, inuenerat. Itaque abstulit sibi in tuos potestatem, & ob peccatum quoddam commotior. Tu, inquit, Speusippe seruulum istum verberibus obiurga : nam ego irascor. Ob hoc non cæ-

cideret, propter quod alius cecidisset. Irascor, inquit, plus faciam quam oportet: libentius faciam. non sit iste seruus in eius potestate, qui in suâ non est. Aliquis vult irato committi ultionem, cum Plato sibi ipse imperium abrogauerit? Nihil tibi liceat, dum irasceris. quare? quia vis omnia licere. Pugna tecum ipse. si iram vincere non potes, illa te incipit vincere. Si absconditur, si illi exitus non datur, signa eius obtriamus: & illam, quantum fieri potest, occultam secretamque teneamus.

CAP. XII. Cum magnâ id nostrâ molestia fiet. Cupit enim exilire, & incendere oculos, & mutare faciem: sed si inminere illi extra nos licuit, supra nos est. In imo pectoris secessu recondatur, feraturque, non ferat: imò in contrarium omnia eius indicia spectamus. Vultus remittatur, vox lenior sit, gradus lentior: paulatim cum exterioribus interiora formentur. In Socrate ira signum erat, vocem submittere, loqui parcius: apparebat tunc illum sibi obstare. Deprehendebatur itaque a familiaribus & coarguebatur: nec erat illi exprobratio latitantis iræ ingrata. Quid nîgauderet, quòd iram suam multi intelligerent, nemo sentiret? sensisset autem, nisi ius amicis oburgandi se dedisset, sicut ipse sibi in amicos sumpterat. Quanto magis hoc nobis faciendum est: rogemus amicissimum quemque, ut

tunc maxime aduersus nos libertate vram, cum minime illam pari poteramus: nec assentiatur ira nostra. Contra potens malum, & apud nos gratiosum, dum conspicimus, dum nostri sumus, aduocemus.

CAP. XIV. Qui vinum male ferunt, & ebrietatis suae temeritatem ac petulantiam metuunt, mandant suis, ut e conuiuio auferantur. Intemperantiam in morbo suam experti, parere sibi in aduersa valitudine verant. Optimum est, notis vitiis impedimenta prospicere, & ante omnia ita componere animum, ut & grauissimis rebus subitisque concussus iram aut non sentiat, aut magnitudine inopinatae iniuriæ exortam in altum retrahat, nec dolorem suum profiteatur. Id fieri posse apparebit, si pauca ex ingenti turbâ exempla protulerò ex quibus utrumque discere licet, quantum mali habeat ira, ubi hominum præpotentium potestate totâ virtus quantum sibi imperare possit, ubi metu maiore compressa est. Cambyse regem nimis deditum vino, Præxaspes unus ex carissimis monebat, ut parcius biberet. Turpem esse dicens ebrietatem in rege, quem oculi omnium auresque sequerentur. Ad hoc ille: Ut scias, inquit, quemadmodum nunquam excidam mihi, approbabo iam, & oculos post vinum in officio esse, & manus. Bibit deinde libera-

liùs quàm aliàs, capàcioribus scyphis : & iam grauis, & remulentus, obiurgatoris sui filium procedere vltra limen iubet, al-leuatâque super caput sinistrâ manu stare. Tunc intendit arcum, & ipsum cor adole-scentis (id enim se petere dixerat) figit, recisoque pectore hærens in ipso corde spiculum ostendit : ac respiciens patrem, An satis certam haberet manum interro-gauit. At ille negauit Apollinem potuisse certiùs dimittere. Dij illum malè per-dant, animo magis quàm conditione mancipium. Eius rei laudator fuit, cuius nimis erat spectatorem fuisse. Occasio-nem blanditiarum putauit, pectus filij in duas partes diductum, & cor sub vulnere palpitans. Controuersiam illi facere de gloria debuit, & reuocare iactum, vt regi libèret in ipso patre certio rem manum ostendere. O Regem cruentum ! ô di-gnum in quem omnium suorum arcus verterentur ! Cùm execrati fuerimus il-lum, conuiuia supplicij funebusque sol-uentem, tamen sceleratiùs telum illud laudatum est, quàm missum. Videbimus quomodo se pater gerere debuèrit, stans super cadaver filij sui, cademque illam, cuius & testis fuerat & causa : id de quo nunc agitur, patet, iram supprimi posse. Non maledixit regi, nullum emisit ne ca-lamitosi quidem verbum, cùm æquè cor suum, quàm filij, transfixum videret.

Potest dici, merito deuotasse verba; nam si quid tanquam iratus dixisset, nihil tanquam pater facere potuisset. Potest, inquam, videri sapientius se in illo casu gessisse, quam cum de potandi modo prædiceret: quem satius erat vinum quam sanguinem bibere, cuius manus poculis occupari par erat. Accessit itaque ad numerum eorum, qui magnis cladibus ostenderunt, quanti constarent regum amicis bona consilia.

C. A. P. XV. Non dubito, quin Harpagus quoque tale aliquid regi suo Persarumque suaserit, quo offensus, liberos illi epulandos apposuit, & subinde quæsit, an placeret conditura. Deinde vt satis illam plenum malis suis vidit, afferri capita illorum iussit, & Quomodo esset acceptus, interrogauit. Non desuerunt misere verba, non os concurrat. Apud regem, inquit, omnis cena iucunda est. Quid hæc adulatione profecit, ne ad reliquias, invitaretur. Non vero patrem damnare regis sui factum, non vero querere dignam tam truci portento penam: sed hoc interim intelligo; posse etiam ex ingentibus malis nascentem iram abscondi, & ad verba contraria sibi cogi. Necessaria est ista doloris refractio, vique hoc sortium vitæ genus, & ad regiam adhibitis mensam. Sic estur apud illos, sic bibitur, sic responderetur: funeribus suis aridendum est. An



tanti sit vita, videbimus. Alia ista quaestio est. Non consolabimur tam triste ergastulum, non adhorrabimur ferre imperia carnificum, ostendemus in omni servitute apertam libertati viam. Si aeger animus, & suo vitio miser est, huic miseras finire secum licet. Dicam & illi qui in regem incidit, sagittis pectora amicorum petentem, & illi cuius dominus liberorum visceribus patres saturat. Quid gemis demens, quid expectas, ut te aut hostis aliquis per exitium gentis tuae vindicet, aut rex a longinquo potens aduolet? Quocunque respexeris, ibi malorum finis est. Vides illum praecipitem locum, illac ad libertatem descenditur. Vides illud mare, vides illud firmen, illum putonem? libertas illic in imo sedet. Vides illam arborem, breuem, retorridam, infelicem? pendet inde libertas. Vides iugulum tuum, guttur tuum, eor tuum? effugia servitutis sunt. Nimis mihi operosos exitus monstras, & multum animi ac robotis exigentes. Quæris, quod sit ad libertatem iter? qualibet in corpore tuo vena.

CAP. XVI. Quandiu quidem nihil tam intolerabile nobis videtur, ut nos expellat e vita, iram, in quocunque erimus statim removeamus. Perniciosa est servientibus omnis enim indignatio in tormentum suum proficit, & imperia graviora sentit, quod contumacius patitur. Sic

laqueos fera dum iactat, astringit, si oves  
 viscum, dum trepidantes excutunt, plu-  
 mis omnibus illinunt. Nullum tam ar-  
 ctum est iugum, quod non minus ladar-  
 ducentem, quam repugnantem. Vnum  
 est leuamentum malorum ingentium, pa-  
 ti, & necessitatibus suis obsequi. Sed cum  
 utilis sit seruientibus, affectuum suorum,  
 & huius præcipue rabidi atque effrenis  
 continentia, utilior est regibus. Perie-  
 runt omnia, vbi quantum suadet ira, for-  
 tuna permittit: nec diu potest, quæ mul-  
 torum malo exercetur, potentia stare.  
 Periclitantur enim, vbi eos qui separatim  
 gemunt, communis metus iunxit. Ple-  
 rosque itaque modò singuli macerauerunt,  
 modò vniuersi, cum illos conferre in  
 vnum iras publicis dolor coegisset. At-  
 que plerique sic iram, quasi insigne re-  
 gium, exercuerunt: sicut Darius, qui pri-  
 mus, post ablatum Mago imperium, Per-  
 sas & magnam partem Orientis obtinuit.  
 Nam cum bellum Scythis indixisset,  
 Orientem cingentibus, rogatus ab Oeba-  
 zo nobili sene, vt ex tribus liberis vnum  
 in solatium patri relinqueret, duorum  
 operâ vteretur: plus quam rogabarut pol-  
 licitus, omnes se illi dixit remissurum: &  
 occisos in conspectu parentis abiiecit,  
 crudelis futurus, si omnes abduxisset.

C A P. XVII. At quanto Xerxes  
 facilior? qui Pythio, quinque filiorum pa-  
 tri,

tri, vnius vacationem petenti, quem vellet, eligere permisit: deinde quem elegerat, in partes duas distractum ab utroque viâ latere posuit; & hac victimâ iustauit exercitum. Habuit itaque quem debuit exitum: victus, & late longeque fusus, ac stratum ybique ruinam suam cernens, medius inter suorum cadauera incessit. Hac barbaris regibus feritas in ira fuit: quos nulla studiorum, nullus litterarum cultus imbuerat: dabo tibi ex Aristotelis sinu regem Alexandrum, qui Clitum carissimum sibi & vnâ educatum, inter epulas transfodit; & manu quidem suâ, parum adulantem, & pigre ex Macedonê ac libero, in Persicam seruitutem transeuntem. Nam Lysimachum, æquè familiarem sibi, leoni obiecit. Nunquid ergo hic Lysimachus, felicitate quâdam dentibus leonis clapsus; ob hoc, cum ipse reguaret, mitior fuit? Nam Telephorum Rhodium amicum suum vndique decurtatum, cum aures illi nasumque abscidisset, in caueâ velut nouum animal aliquod & inusitatum diu pavit, cum oris detruncati, mutilatiq; deformitas humanâ faciem perdidisset. Accedebat fames & squalor & illuies corporis, in stercore suo destituti, callosis super hæc genibus manibusque, quas in vsum pedum angustiae loci cogebant, lateribus verò attritu exulceratis, non minus fœda quàm terri-

bilis erat formae eius visceribus: factusque  
 poenâ suâ monstrum; misericordiam quo-  
 que amiserat: tamen, cum dissimillimus  
 esset homini, qui illa patiebatur, dissimi-  
 lior erat, qui faciebat. *mutinogrupm*  
 CATULI XLV. I. I. Utinam ista seuitia  
 intra peregrina mansisset exempla, nec in  
 Romanos mores cum aliis aduenticiis vi-  
 tiis, & suppliciorum, irarumque barbaria  
 transisset. M. Marius, cui vocatim populus  
 statuas posuerat, cui thure & vino Roma-  
 nus populus supplicabat, ibi Sylla per-  
 fringi crura, et in oculos amputari manus  
 iussit, & quasi totiens occideret, quotiens  
 vulnerabat, paulatim & per singulos artus  
 laceravit. Quis erat huius imperij mini-  
 ster, quis, nisi Catilina, iam in omne faci-  
 nus manus exercens: hic illum ante bu-  
 stum. Quae Catuli carpebat, gravissimis mi-  
 tissimi viri caperibus: supra quos vir mali  
 exempli popularis tamen, & non tam im-  
 merito, quam nimis amatus, per fillicidia  
 sanguinem dabat. Dignus erat Marius  
 qui illa patere tur, Sylla qui iuberet, Catil-  
 ina qui faceret: sed indigna Respublica,  
 quae in corpus suum pariter, & hostium &  
 civium gladios reciperet. Quid antiqua  
 perferunt? modo, C. Caesar Sertum Pa-  
 pinium, cui pater erat consularis, Belie-  
 num Bassum, quaestorem suum, Procura-  
 toris sui filium, alios Senatores & equites  
 Romanos, vno die flagellis occidit, torfit,

non questionis, sed animi causâ. Deinde  
 adeo impanens, fuit differenda volupta-  
 tis, quam ingens crudelitas sine ditatione  
 poscebat, ut in xysto matronarum hortor-  
 um, qui porticum à ripa separat, inambu-  
 lant, quosdam ex illis tum matronis at-  
 que alios senatoribus ad lucernam deco-  
 laret. Quid instabat? quod periculum,  
 aut pri datum, aut publicum, qua nox mi-  
 nabatur? quantum fuit, lucem expecta-  
 res denique ne senatores populi Romani  
 soleat occideret, illeque unusquisque  
 CAP. XIX. Quam superba fuerit cru-  
 delitatis, ad rem pertinet scire, quanquam  
 aberrare aliud possumus videri, & in de-  
 nium exire: sed hoc ipsum pars erit iræ,  
 super solita sevientis. Cæciderat flagel-  
 lis senatores: ipse effecit, ut dici posset,  
 Solet fieri, torserat per omnia quæ in æ-  
 rum naturâ tristissima sunt, fidiculis, ta-  
 bularibus, eculeo, igne, vultu suo. Et hoc  
 loco respondebitur, magnam rem si tres  
 senatores, quasi nequam incipia, inter-  
 verbera & flammâ fluit, homo a quo de  
 toto senatu trucidandum cogitabatur op-  
 tabat, ut populus Romanus tantæ cerui-  
 cem haberet, ut foetora sua tot locis ac  
 rethoribus diducta, cum vnum istum &  
 vultu dicere cogeret. Quid ita inuide-  
 tum, quam nocturnum supplicium? cum  
 atrocitatem tenebris abscondi soleat, aut  
 inquisitiones, in quò notiores sunt, plus ad

exemplum emendationemque proficiunt. Et hoc loco respondebitur mihi: Quod tantopere admiraris, isti bellæ quotidiana num est, ad hoc viuit, ad hoc vigilar, ad hoc lucubrat. Nemo certe inuenietur alius, qui imperauerit his, in quos animaduerti rubebat, os inserta spongia includi, ne vocis emittendæ haberent facultatem. Cui ynquam morituro, non est relictum, quâ gemeret? timuit, ne quam liberio rem vocem extremus dolor mitteret: ne quid quod noller, audiret. Sciebat autem innumerabilia esse, quæ obicere illi nemo, nisi periturus, auderet. Cum spongiæ non inuenirentur, scindi vestimenta miserorum, & in os farciri pannos imperauerit. Quæ ista sæuitia est? liceat vltimum spiritum trahere: da exitum animæ locum: liceat illam non per vulnus emittere.

C A P. XX. Adiscere his longum est, quot patres quoque occisorum eadem nocte, diuisis per domos centurionibus, confecit: id est, homo misericors luctu liberauit. Non enim Caij sæuitiam, sed iræ malum propositum est scribere: quæ non tantum viritum furit, sed gentes totas lancinat, sed vrbes, sed flumina & tota ab omni sensu doloris conuerberat. Sicut rex Persarum, totius populi iras recidit in Syria: inde Rhinocelura loci nomen est. Pepercisse illum iudicas, quod non tota capita præcidit? nouo genere pœnæ

delectatus est. Tale aliquid passi forent  
 Æthiopes, qui ob longissimum vitæ spa-  
 tium Macrobij appellantur. in hos enim,  
 quia non supinis manibus exceperant ser-  
 vitutem, missisque legatis libera responsa  
 dederant, quæ contumeliosa, reges vo-  
 cant, Cambyzes fremebat: & non prouisis  
 comitatibus, non exploratis itineribus,  
 per inuia, per arentia trahebat omnem  
 bello utilem turbam: cui intra primum  
 iter deerant necessaria, nec quicquam sub-  
 ministrabat sterilis & inculta, humano-  
 que ignota vestigio regio. Sustinebant  
 famem primo tenerissima frondium, & ca-  
 cumina arborum, tum coria igne mollita,  
 & quicquid necessitas cibum fecerat: post-  
 quam inter arenas radices quoque & her-  
 bæ defecerant, apparuitque inops etiam  
 animalium solitudo, decimum quemque  
 sortiti, alimentum habuerunt fame læ-  
 uius. Agebat adhuc ira regem præcipi-  
 tem, cum partem exercitus amisisset, par-  
 tem comedisset: donec timuit, ne & ipse  
 vocaretur ad sortem. tum demum signum  
 receptum dedit. Seruabantur interim illi  
 generosa aues, & instrumenta epularum  
 camelis vehabantur: cum sortirentur mi-  
 lites eius, quis male periret, quis peius  
 viveret.

CAP. XXI. Hic iratus fuit genti, &  
 ignota, & immerita, censura tamen: Cy-  
 rus, flumine. Nam cum Babylonem op-

pugnaturus festinaret ad bellum, cuius maxima momenta in occasionibus sunt. Gynden latè fufum amnem vado transire tentavit: quod vix tutum est etiam cum sensit æstatem, & ad minimum deductus est. Ibi vnus ex his equis, qui trahere regium currum albi solebant, abreptus, vehementer commouit regem, iurauit itaque amnem illum regis equis meatum auferentem, eò se redacturum, vt transiri calcariq; etiam a feminis posset. Huc deinde omnem transtulit belli apparatus, & tandiu assedit operi, donec o. & lxxx. cuniculis diuisum alueum in coc. & lxx. riuos dispergeret, & sic cum relinqueret in diuersum fluentibus aquis. Perit itaque & tempus, magna in vanis rebus iactura, & militum ardor, quem inuicibus labor fregit, & occasio agrediendi imparatos, dum ille bellum indictum hosti cum flumine gerit.

CAP. XXII. Hic furor (quid enim aliud voces?) Romanos quoque contigit. C. enim Cæsar villam in Herculanensi pulcherrimam, quia mater sua aliquando in illa custodia erat, diruit, fecitque eius per hoc notabilem fortunam. Itantem enim prænaugabamus: nunc causa diruta cecidit. Et tam hæc cogitanda sunt exempla, quæ vires; quam illæ contralio, quæ sequaris, moderata, lenia, quibus nec ad irascendum causa desuit, nec ad victi-



scendum potestas. Quid enim facilius  
fuit Antigono, quam duos manipulares  
duci iubere, qui incumbentes regio ta-  
bernaculo faciebant, quod homines & pe-  
riculosissime & libentissime faciunt, de  
rege suo male existimant? Audierat om-  
nia Antigonus, utpote cum inter dicentes  
& audientem palla interesset: quam ille  
leuiter commouit, & Longius, inquit, ac-  
cedite, ne vos rex audiat. Idem quadam  
nocte, cum quosdam ex militibus suis ex-  
audisset, omnia mala imprecantes regi, qui  
iplos in illud iter & inextricabile lutum  
deduxisset, accessit ad eos qui maxime  
laborabant: & cum ignorantes a quo ad-  
iungarentur, explicuisset. Nunc, inquit, ma-  
ledicite Antigono, cuius vitio in has mi-  
serias incidistis: ei autem bene optate, qui  
vos ex hac voragine eduxit. Idem tam-  
misi animo hostium suorum maledicta,  
quam ciuium tulit. Itaque cum in paruo  
lo quodam castello Græci obsiderentur,  
& fiducia loci contemnentes hostem mul-  
ta in deformitatem Antigoni iocarentur,  
& nunc statum humilem, nunc cossisum  
nasum deriderent: Gaudeo, inquit, & ali-  
quid boni spero: si in castris meis Silenum  
habeo. Cum hos dicaces fame domuisset,  
captis sic usus est, ut eos qui militia  
viles erant, in cohortes describeret, cete-  
ros præconi subijceret: id quoque se ne-  
gauit facturum fuisse, nisi expediret his

E. m.

dominum habere, qui tam malam haberent linguam. Huius nepos fuit Alexander, qui lanceam in conuiuas suos torquebat, qui ex duobus amicis quos paulo ante reruli, alterum ferræ obiecit, alterum sibi. Ex his duobus tamen, qui leoni obiectus est, vixit.

CAP. XXIII. Non habuit hoc autum ille vitium, ne paternum quidem, nam si qua alia in Philippo virtus, fuit & contumeliarum patientia, ingens instrumentum ad tutelam regni. Demochares ad illum, *Parrhesiastes* ob nimiam & procacem linguam appellatus, inter alios Atheniensium legatos venerat: audita benigne legatione, Philippus. Dicite, inquit, mihi, facere quid possum, quod sit Atheniensibus gratum? Excepit Demochares: Te, inquit, suspendere. Indignatio circumstantium ad tam inhumanum responsum exorta est: quos Philippus conticescere iussit, & Therstitam illum saluum, incolumemque dimittere. At vos, inquit, ceteri legati nunciate Atheniensibus, multo superbiores esse, qui ista dicunt, quam qui impune dicta audiunt. Multa & diuus Augustus digna memoria fecit, dixitque: quibus appareat illi iram non imperasse. Timagenes historiarum scriptor, quædam in ipsum, quædam in uxorem eius, & in totam domum dixerat, nec perdidit dicta, magis enim circum-

fertur, & in ore hominum est, temeraria  
 urbanitas. Sæpe illum Cæsar monuit, ut  
 moderatius lingua uteretur: perseveran-  
 ti, domo sua interdixit. Postea Timage-  
 nes in contubernio Pollionis Asinij con-  
 senuit, ac tota ciuitate dilectus est. nullum  
 illi limen præclusa, Cæsar's domus abstu-  
 lit. Historias postea quas scripserat, re-  
 citauit, & combussit; & libros acta Cæsa-  
 ris Augusti continentes in ignem posuit.  
 inimicitias gessit cum Cæsare. Nemo ami-  
 citiam eius extimuit, nemo quasi fulguri-  
 tum refugit: fuit qui præberet tam alte  
 cadenti solum. Tulit hoc, ut dixi, Cæsar  
 patienter, ne eo quidem motus, quod lau-  
 dibus suis, rebusque gestis manus attule-  
 rat. Nunquam cum hospite inimici sui  
 questus est: hoc duntaxat Pollioni Asinio  
 dixit, *Ne ego peccis*. Paranti demum excu-  
 sationem, obstitit. Fruere, inquit, mi Pol-  
 lio, fruiere. Et cum Pollio diceret: Si nu-  
 bes Cæsar, statim illi domo mea interdi-  
 cam. Hoc me, inquit, putas facturum,  
 cum ego vos in gratiam reduxerim? Fue-  
 rat enim aliquando Timageni Pollio ira-  
 tus: nec ullam aliam habuerat causam de-  
 sinendi, quam quod Cæsar cœperat.

CAP. XXIV. Dicat itaque quisque si-  
 bi, quoties lacescit: Nunquid potentior  
 sunt Philippo? illi tamen impune maledi-  
 ctum est. Nunquid in domo mea plus  
 possum, quam toto orbe terrarum diuis

Augustus posuit. Ille tamen contentus fuit. Conuictatore suo sedere. Quid est, quare ego ferui mei hilarius responsum, & contumaciorum vultum, & non peruenientem usque ad me murmurationem, flagellis & compedibus eripiem? quis sum, cuius aures laedi nefas sit? Ignouerunt multi hostibus: ego non ignoscam pigris, negligentibus, garrulis. Puerum aetas excuset, feminam sexus, extraneum libertas, domesticum familiaritas. Nunc primam offendit? cogitemus, quandiu placuerit. Saepè & alias offendit: feramus quod diu tulimus. Amicus est? fecit quod noluit. Inimicus est? fecit quod debuit. Prudentiori cedamus: stultiori remittamus. pro quocunque illud respondeamus nobis, sapientissimos quoque viros multa delinquere: neminem esse tam circumspectum, cuius non diligentia aliquando sibi ipsi exidat: neminem tam maturum, cuius non grauitatem in aliquo seruidius factum casus impingat: neminem tam timidum offensarum, qui non in illas, dum vitat, incidat.

Quomodo homini pulchro solatium in malis fuit, etiam magnorum virorum titubare fortunam, & equiore animo filium in angulo flevit, qui vidit acerba funera: etiam ex regia ductis animo aequiore ferret ab aliquo laedi, ab aliquo contempni, cuicumque venit in men-

tem; nullam esse tantam potentiam, in quam non incurat iniuria. Quod si etiam prudentissimi peccant; cuius non error bonam causam habet. Respiciamus, quoties adolefcentia nostra in officio parum diligens fuerit, in sermone parum modesta, in vino parum temperans. Si iratus est, demus illi spatium, quo dispicere quid fecerit, possit, se ipse castigabit. Denique dabit poenās, non est quod cum illo paria faciamus. Illud non venit in dubium, quin se exonerat turba, et altius steterit, quam quis desuper latellentes. proprium est magnitudinis vere, non se sentire percussum. Sic immanis fera ad latrarem eandem lenta respexit, sic lituus ingenti scopulo fluctus affuit. Qui non irascitur, inconcussus iniuriā persurat; qui irascitur, motus est. At ille quem modò altiore omni in commodo posui, tenet quodam amplexu summum bonum, nec homini tantum, sed ipsi fortune respondet. Omnia licet facias, minor es, quam ut serenitatem meam obducas. Vetat hoc ratio, cui vitam regendam dedi, plus mihi noceat ira, quam iniuria. Quid ni plus illius modus certus est; ista quousque me letura sit, incertum est.

CAP. XXVI. Non possum, inquis, pati graue est, iniuriam sustinere. Mentiris. quis enim iniuriam non potest ferre, qui potest iram? Adice nunc, quod id agis ut

& iram, feras, & iniuriam. Quare fets  
 ægræ rabiem, & phrenetici verba à puero-  
 rum proteruas manus, nempe quia vi-  
 dentur nescire, quid faciant. Quid inter-  
 est, quo quisque vicio fiat imprudens? Im-  
 prudentia par in omnibus patrocinium  
 est. Quid ergo? inquis, impune illi erit?  
 puta te velle: tamen non erit. Maxima  
 est enim factæ iniuriæ poenæ, fecisse: nec  
 quisquam grauius afficitur, quàm qui ad  
 supplicium poenitentia traditur. Denique  
 ad conditionem rerum humanarum re-  
 spiciendum est, vt omnium accidentium  
 æqui iudices simus: iniquus autem est, qui  
 commune vitium singulis obiecit. Non  
 est Æthiopis inter suos insignitus color:  
 nec rufus crinis & coactus in nodum apud  
 Germanos, utrumque decet. Nihil in vno  
 iudicabis notabile aut fœdum, quod gen-  
 ti suæ publicum est. At ista quæ retuli,  
 vnius regionis atque anguli consuetudo  
 defendit: vide hunc quanto in his iustior  
 venia sit, quæ per totum genus humanum  
 vulgata sunt. Omnes inconsulti, & im-  
 providi sumus, omnes incerti, queruli,  
 ambitiosi. Quid lenioribus verbis vl-  
 cus publicum abicondo? omnes mali su-  
 mus. Quicquid itaque in alio reprehen-  
 ditur, id vnusquisque in suo sinu inueniet.  
 Quid illius pallorem, illius maciem no-  
 tas? pestilentia est. Placidiores itaque in-  
 vicem simus: mali inter malos viuimus.

Vna res nos facere potest quietos, mutua facilitatis conuentio. Ille mihi iam nocuit: ego illi nondum. sed iam aliquem fortasse laesti: sed laedes.

CAP. XXVII. Noli aestimare hanc horam, aut hunc diem: totum inspicere mentis tuæ habitum. etiam si nihil mali fecisti, potes facere. Quanto latius est, sanari iniuriam, quam videri? Multum temporis ultio absument. multis se iniuriis obijcit, dum vnâ dolet. Diutius irascimur omnes, quam laedimur: quanto melius est, abire in diuersum, nec vitia vitis componere? Num quis satis constare sibi videatur, si mulam calcibus repetat, & canem morsu? Ista, inquis, peccare se nesciunt. Primum, quàm iniquus est, apud quem hominem esse, ad impetrandam veniam nocet: deinde, si cetera animalia iræ tuæ subducit, quòd consilio carent: colloco tibi sit, quisquis consilio caret. Quid enim refert, animalia mutis dissimilia habeat, si quod in omni peccato muta defendit, similem habet caliginem mentis? Peccat. hoc enim primum, hoc enim extremum. Non est quòd illi credas etiam si dixit. Iterum non faciam. Et iste peccabit, & in istum alius, & tota vitâ inter errores volutabitur. Mansuetè immanis uera tractanda sunt. Quod in luctu dici solet, efficacissimè, & in ira dicetur: Vtrum aliquando desines, an nunquam.

si aliquando; satius est iram relinquere,  
 quam ab ira relinqui. Sin semper hac cogi-  
 tatio durabit; vides quam impacatam  
 tibi denunties vitam, qualis enim esse  
 semper timentis? *De Consolatione* XXVIII. Adice tunc, quod nisi  
 bene te ipse succenderis, & subinde cau-  
 sas quibus stimuleris, renouaueris, sua  
 sponte ira discedet, & vires illi dies sub-  
 trahet. quanto satius est à te illam vineri,  
 quam à te. Huic irasceris, deinde illi ser-  
 uis, deinde libertis, parentibus, deinde li-  
 beris, notis, deinde ignotis. Vbiq̃ue enim  
 causae supersunt, nisi deprecator animus  
 accessit. Hinc te illò furor rapiet, & il-  
 line aliò; & notis subinde irrisamentis  
 orientibus, continuabitur rabies. Age  
 infelix, & quando amabis? O quam bo-  
 num tempus in remalâ perdis. Quanto  
 nunc satius erat, amicos parare, inimicos  
 mitigare. Rempublice administrare, trans-  
 ferre in res domesticas operam: quam cit-  
 cumspicere quid alicui possis facere mali?  
 quod aut dignitati, diu, aut patrimonio,  
 aut corpori vultus infligas. & cum id tibi  
 contingere sine certamine ac periculo  
 non possit, etiam si cum inferiore concut-  
 ses. Vinctam licet accipias, & ad arbi-  
 trarium tuum, omni patientiae, expositum:  
 saepe nimia vis cadentis, aut articulum  
 loco mouit, aut neruum in hâs quos fre-  
 gerat, dentibus fixit. Multos iracundia



mancoſ; multoſ debiles fecit; etiam ubi  
patientia eſt naſta. materiam. Adijco  
nunc; quod nihil tam imbecille natum  
eſt; ut ſine elideptis periculo percaro im-  
becilloſ valentiſſimis aliaſ dolor; aliaſ ca-  
ſuſ exæquat. Quid; quod pleraque eorum  
propter quæ traſcimus; offendunt noſ  
magis; quàm lædunt. multum autem in-  
ter eſt; utrum aliquiſ voluptati meæ ob-  
ſtet; an deſit; eripiat; an non det. Atqui in  
æquo ponimus; utrum aliquiſ auferat; an  
neget; utrum ſpem noſtram præcidat; an  
differat; utrum contra noſ faciat; an pro  
ſe amore alteriſ; an odio noſtri. Quid  
dam verò non tantum iuſtaſ cauſaſ ſtan-  
di contra noſ; ſed etiam honeſtaſ habent.  
Aliuſ patrem tuetur; aliuſ fratrem; aliuſ  
patrem; aliuſ amicum. hiſ tamen non  
ignoſcamuſ id facientibuſ; quod niſi face-  
rent; improbaremuſ. imò; quod eſt incre-  
dibile; ſæpè de facto bene exiſtimamuſ;  
de faciente male.

CAP. XXIX. At meherculeſ vir ma-  
gnuſ ac iuſtuſ; fortiſſimuſ. quemque ex  
hoſtibuſ ſuiſ; & pro libertate ac ſalute  
patruſ pertinaciſſimuſ ſuſpicit; & talem  
ſibi ciuem; talem militem contingere op-  
tat. Turpe eſt; odiſſe quem laudeſ; quan-  
to verò turpiuſ; ob id aliquem odiſſe; pro-  
pter quod miſericordiæ dignuſ eſt. Si ca-  
ptiuſ in ſervitutem ſubito depreſſuſ re-  
liquiaſ libertatiſ tener; nec ad ſordida ac

laboriosa ministeria agilis occurrit, si ex  
 otio piger equum vehiculūque domini  
 cursu non exæquat, si inter quotidianas  
 vigilias fessum somnus oppressit, si rusti-  
 cum laborem recusat, aut non fortiter  
 obit, à seruitute urbanā & feriata transla-  
 tus ad durum opus. Distinguamus, vtrum  
 aliquis non possit, an nolit. multos absol-  
 uemus, si cœperimus ante iudicare, quam  
 irasci. Nunc autem primum impetum se-  
 quimur, deinde quamuis vana nos conci-  
 tauerint, perseveramus, ne videamur ec-  
 pisse sine causa, & quod iniquissimum est,  
 pertinaciores nos facit iniquitas nostra.  
 Retinemus enim illam, & augemus: quasi  
 argumentum sit iuste irascendi, gratiter  
 irasci. Quanto melius est, iniuria ipsa per-  
 spicere, quam leuia sum, quam innoxia?  
 Quod accidere vides in animalibus mu-  
 ris, idem in homine deprehendes: frivolis  
 turbamur, & inanibus.

CA. XXX. Taurum color rubi-  
 cundus excitat, ad umbram aspis exsur-  
 git, visos leonesque mappa proritat. Om-  
 nia quæ naturâ fera ac rabida sunt, con-  
 sternantur ad vana. Idem inquietis & sto-  
 lidis ingeniis euenit: rerum suspitione fe-  
 riuntur. adeo quidem, ut interdum iniu-  
 rias vocent modica beneficia: in quibus  
 frequentissima, certè acerbissima iracun-  
 diæ materia est. Carissimis enim irasci-  
 mur, quod minora nobis præstiterint,

quàm mente concepimus, quàm quæ alijs  
 tulerint: eùm vtriusque rei paratum re-  
 medium sit. Magis alteri indulgèi nostra  
 nos sine cõparatione delectent, nun-  
 quam erit felix, quem torquebit feliciore  
 Minus habeo quàm speravi, sed fortasse  
 plus speravi, quàm debui. Hæc pars ma-  
 ximè metuenda est: hinc perniciosissimæ  
 iræ nascuntur, & sanctissima quæque in-  
 uasuræ. Diuum Iulium plures amici con-  
 fecerunt, quàm inimici, quorum non ex-  
 pleuerat spes inexplebiles. Voluit qui-  
 dem ille: neque enim quisquam liberastus  
 victoriâ usus est, ex qua nihil sibi vindi-  
 cavit, nisi dispensandi potestatem, sed  
 quemadmodum sufficere, tam improbis  
 desideriis posset, eùm tantum omnes  
 concupiscerent, quantum poterat vnus.  
 Vidit itaque strictis circa sellam suam  
 gladiis, commilitones suos, Cimbrium  
 Tillium acerrimum paulò antè suarum  
 patrium defensorem, aliosque post Pom-  
 peium demum Pompeianos.

CAP. XXXI. Hæc res sua in reges ar-  
 ma conuertit, fidissimosque eò compulsi,  
 vt de morte eorum cogitarent, pro qui-  
 bus & ante quos mori, vtrum habuerant.  
 Nulli ad aliena respicienti, sua placent.  
 Inde diis quoque irascimur, quòd aliquis  
 nos antecedit, obliu quantum sequatur  
 à tergo ingentis inuidiæ. Tanta tamen  
 importunitas hominum est, vt quamuis

nultum acceperint, iniuria loco sit, plus accipere potuisse. Dedit mihi praturam? sed consulatum speraueram. Dedit duodecim fasces? sed non fecit ordinarium consulem. A me numerari voluit annum? sed deest mihi ad sacerdotium. Cooptatus in collegium suum? sed cur in unum consummauit dignitatem meam? sed patrimonio nihil contulit. Ea dedit mihi, quae debebat alicui dare: de suo nihil protulit. Age potius gratias, pro his quae accepisti: reliqua expecta, & nondum plenum te esse gaude. Inter voluptates est, superesse quod speres. Omnes vicisti? primum te esse in animo amici tui letare: multi te vincunt: considera, quanto antecedas plures, quam sequaris.

**C. A. XXXII.** Quod sit in te maximum visum, quantis fallas rationes conficis: data magnis aestimas, accepta paruo. Aliud in alio nos deterreat, quibusdam timeamus irasci, quibusdam vereamur, quibusdam fastidiamur. Magnam rem sine dubio fecerimus, si scrupulum in celitenti in ergastulum miserimus. Quid properamus verberare statim, crura protinus frangere? non peribit potestas ista, si differetur. sine id tempus veniat, quo ipsi iubeamus: nunc ex imperio irae loquimur. cum illa abierit, tunc videbimus, quanti sit ista lis aestimanda. In hoc enim praecipue fallimur, ad ferrum venimus,

ad capitalia supplicia: & vinculis, carcere, fame, vindicamus rem, castigandam flagitis lenioribus. Quomodo, inquis, nos iubes intueri, quam omnia per quæ lædi videmur, exigua, misera, paucula sint. Ego verò nihil magis luaserim, quam sumere ingentem animum, & hæc propter quæ hrigamus, discurremus, anhælamus, videre quam humilia & abiecta sint, nulli qui altum quiddam aut magnificum cogitat, respicienda. Circa pecuniam plurimum vociferationis est: hæc fora defatigat, patres liberosque committit, venena misceat, gladios tam percussoribus quam legionibus tradit. hæc est sanguine nostro delibuta: propter hanc vxorum maritorumque noctes strepunt litibus, & tribunalia magistratum premit turba: reges feriunt, rapiuntque, & ciuitates longo seculorum labore constructas evertunt, vitæ aurum argentumque in cinere vrbium feruntur.

CAP. XXXIII. Libet intueri fideles in angulo iacentes. Hi sunt, propter quos oculi clamo re exprimuntur: fremitu radorum basilica resonant: euocati ex longinquis regionibus iudices sedent: iudicatur, utritus iustior auaritia sit. Quid si ne propter fidelem quidem, sed pugnum æris, aut imputatum a seruo denarium, fenebre sine hærede mortuus stomacho dirumpitur? Quid si propter vxoriam aut

millesimam, valetudinarius feenerator  
 distortis pedibus, & manibus ad compu-  
 tandum modò relictis, clamat, ac per va-  
 ditonia lasses suos in ipsi morbi accen-  
 sionibus vindicat? Si totam mihi ex om-  
 nibus metallis, quæ cum maxime depro-  
 nimus, pecuniam proferas, si in medium  
 projicias quicquid thesauri tegunt, avari-  
 tiâ iterum sub terras referentem quæ male  
 egresserat; omnem istam congeriem di-  
 gnam non putem, quæ frontem viri boni  
 contrahat. **Quanto** risu prosequenda  
 sunt, quæ nobis lacrimas educunt?

**CAP. XXXIV.** Cedo nunc; perse-  
 quere cetera, cibos, potiones, horti quæ-  
 causâ paratam ambitionem, munditias,  
 verba, contumelias, & motus corporum  
 parum honorificos, & suspiciones, & con-  
 tumacia iumenta, & pigra mancipia, in-  
 terpretationes malignas vocis alienæ,  
 quibus efficitur, ut inter iniurias naturæ  
 numeretur sermo homini datus. Crêde  
 mihi, leuia sunt: propter quæ non leuiter  
 excandescimus, qualia quæ pueros in fi-  
 xam & iurgium concitant. Nihil ex his  
 quæ tam tristes agimus, ferium est, nihil  
 magnum. **Itedo**, inquam, vobis ira & in-  
 sania est, quòd exigua magno æstimatis.  
 Auferre hic mihi hereditatem voluit: hic  
 me diu spem supremam captatum eriminatus  
 est; hic scortum meum contupsit. **Quod**  
 vinculum amoris esse debebat, seditio-

nis atque odij causa est, idem velle.  
 CAP. XXXVII. Alter angustum rixas  
 transeuntium concitat: diffusa & late pa-  
 tens via ne populos quidem collidit. Ita  
 quæ appetitis, quia exigua sunt, nec pos-  
 sunt ad alteram, nisi alteri trêpta, trans-  
 ferri: eadem affectantibus pugnam & iur-  
 giam excitant. Respondisse tibi indignaris  
 libertum, & uxorem, & clientem: deinde  
 idem de Repub. libertatem sublatam que-  
 reris, quam domi sustulisti. Rursus si ta-  
 quit interrogatus, contumaciam vocas.  
 Et loquatur, & taceat, & rideat. coram  
 domino, & inquis. omnò. coram patrefami-  
 lias. Quid clamas? quid vociferaris? quid  
 flagella media occipis, quod servi lo-  
 quuntur, quod non eodem loco turba  
 concionis est, & silentium solitudinis? In  
 hoc habes aures, vnisi modulata tantum  
 & mollia, & ex dulci tracta compositaque  
 accipiant? Et risum audias oportet, & fle-  
 tum, & blandicias, & lites, & prospera, &  
 tristitia, & hominum voces, & fremitus ani-  
 malium, lattratusque. Quid miser ex-  
 uescis ad clamorem serui, ad tinntum  
 æris, ad ianue impulsim? cum tam deli-  
 catus fueris, tonitrua audienda sunt. Hoc  
 quod de auribus dictum est, transfer ad  
 oculos: qui non minus fastidio laborant,  
 si malè insistanti sunt: maculâ offenduntur  
 & sordibus, & argento parùm splendi-  
 do, & stagnò non ad solam perlucente.

Hi nempe oculi, qui non ferunt nisi vix-  
 rium, ac recenti cura utens marmor, qui  
 mensam nisi crebris distinctam naviis,  
 qui nolunt domi nisi auro pretiosa calca-  
 re. & exquisito animo foris, & scabras lu-  
 tosaque semitas spectant, & maiorem  
 partem occurrentium squalidam, parietes  
 insularum excelsos, ruinosos, inaequales.  
 CAP. XXXVI. Quid ergo aliud est  
 quod illos in publico non offendat, quod  
 domi moueat, quam opinio illis, quod & pa-  
 tiens, domi morosa & querula. Omnes  
 sensus perducendi sunt ad firmitatem na-  
 turam patientes sunt, si animus illos desi-  
 nat corrumpere, qui quotidie ad rationem  
 reddendam vocandus est. Paciebat hoc  
 Sextius, ut consummato die cum se ad no-  
 cturnam quietem recepisset, ingressus esset  
 animum suum. Quod hodie malum tuum  
 sanasti? cum viro obstinisti? quâ parte mel-  
 lior es? Desinet ira, & seridus moderatior,  
 quasi ciens sibi quotidie ad iudicem esse ve-  
 niendum. Quid ergo pulchrius hac con-  
 suetudine excutiendi totam diem? qualis  
 illi somnus post recognitionem sui sequi-  
 tur, quàm tranquilluss, alius ac liber, cum  
 aut laudatus est animus, aut admonitus,  
 & speculator sui censorque secretus, co-  
 gnoscit de moribus suis? Vxor hac pote-  
 state, & quotidie apud me causam dico.  
 cum sublatum est conspectu lumen est, &  
 contigit vxor moris iam mei conscia.



totum diem mecum scrutor, facta ac dicta  
 mea rememoro. Nihil mihi ipse abscon-  
 do, nihil transeo: quare enim quicquam  
 ex erroribus meis timeam quicquam  
 dicere. Vide ne istud amplius facias, nunc  
 tibi ignosco. In illa disputatione pugna-  
 ris locutus es: noli postea congregare cum  
 imperitis: nolunt discere, qui nunquam  
 didicerunt. Illum liberius admonuisti,  
 quam debebas: itaque non emendasti,  
 sed offendisti. De cetero vide, non tantum  
 amicum sit quod dicit, sed an ille cui  
 dicitur, veripatens sit.

**CAP. XXXV. I.** Admoneri bonus  
 gaudet: pessimus quisque, correptorem as-  
 perim: patitur. In conuiuio, quorun-  
 dam re sales, & in dolorem tuum, iacta  
 verba tetigerunt: visare vulgarem conui-  
 uium memento. solutior est post vinum  
 licentia, quia ne sobriis quidem pudor est.  
 Iratum vidisti amicam tuam: ostiario  
 cauidici alicuius aut diuitis, quod in-  
 trantem submouerat, & ipse pro illo ira-  
 tus: extremo mancipio fuisti. Irascaris  
 ergo cathenario canis & hic cum multum  
 latrat, obiecto cibo mansuescit: recede  
 longius, & ride. Nunc iste aliquem se pu-  
 tat, quod custodit: ligato rura turba li-  
 men obsessum. nunc ille qui intra iacet,  
 felix fortunatusque est: & beati hominis  
 ac potentis iudicat indicium: difficilem  
 ianuam, nescit, durissimum esse ostium

carceris. Præsume animo, multa esse tibi patienda. Numquis se hieme algere miratur? numquis in mari nauiscare, in viâ concuti? Fortis est animus, ad quæ præparatus venit. Minus honorato loco positus, irasci cœpisti conuiuatori, vocatori, ipsi qui tibi præferebatur. Demens, quid interest, quam lecti premas partem? honestiorem te, aut turpiorem, potest facere puluinus? Non æquis quendam oculis vidisti, quia de ingenio tuo malè locutus est. Recipis hanc legem? ergo te Ennius, quo non delectaris, odisset: & Hortensius similitates tibi indiceret: & Cicero, si derideres carmina eius, inimicus esset.

CAP. XXXVIII. Vis tu æquo animo pati candidatus suffragia? Contumeliam tibi fecit aliquis: nunquid maiorem quàm Diogeni, philosopho Stoico? cui de irâ cum maxime differenti; adolescens proteruus inspuir. tulit hoc iste leniter ac sapienter. Non quidem, inquit, irascor: sed dubito tamen, an irasci oporteat. Cato noster melius: cui eum causam agenti, in frontem mediam, quantum poterat attractâ pingui saluâ; inspuisset Lentulus, ille patrum nostrorum memoriâ factiosus & impotens, absterxit faciem; & Affirmabo, inquit, omnibus, Lentule, falli eos, qui te negant os habere.

CAP. XXXIX. Contigit iam nobis, Nouare, benè componere animum,  
 si aut

si aut non sentit iracundiam, aut superior est: videamus quomodo alienam iram leniamus: nec enim sani esse tantum volumus, sed sanare. Primam iram non audebimus oratione mulcere, furda est & amens: dabimus illi spatium. remedia in remissionibus profunt: nec oculos tumentes tentabimus, vim rigentem mouendo incitaturi, nec cetera vitia dum feruent. Initia morborum quies curat. Quantum, inquis, prodest remedium tuum, si suâ sponte desinentem iram placat? Primum, ut citius desinat, efficit: deinde custodiet, ne recidat: ipsum quoque impetum, quem non audet lenire, fallit. Remouebit omnia ultionis instrumenta, simulabit iram, ut tanquam adiutor & doloris comes plus auctoritatis in consiliis habeat. moras necet: & dum maiorem querit poenam, praesentem differet. omni arte requiem furori dabit. Si vehementior erit; aut pudorem illi cui non resistat, incutiet, aut metum. Si infirmior, sermones inferet, vel gratos, vel novos, & cupiditate cognoscendi auocabit. Medicum aiunt, cum regis filiam curare deberet, nec sine ferro posset, dum tumorem mammam leniter fouet, scalpellum spongiâ tectum induxisse. Repugnasset puella remedio palam admoto: eadem, quia non expectauit, dolorem tulit.

CAP. XL. Quædam non nisi dece-

F

pta sanantur. Alteri dices: Vide ne inimicis iracundia tua voluptati sit. Alteri: Vide ne magnitudo animi tui, creditumque apud plerosque robur, cadat. Indignor mehercule, & non invenio dolendi modum: sed tempus expectandum est, dabit pœnas. Serua istud in animo tuo, cum potueris, & pro morâ reddes. Castigare verò irascentem, & yltrò obuiam ire ei, incitare est. Varie aggredieris, blandequē: nisi forte tanta persona eris, ut possis iram comminuere: quemadmodum fecit diuus Augustus, cum cœnaret apud Vedium Pollionem. Fregerat vœus ex seruis eius crystallinum, rapi eum Vedius iussit, nec vulgari quidem perituro morte: murænis obijci iubebatur, quas ingens piscina continebat. Quis non hoc illum putaret luxuriæ causâ facere? scuitia erat. Euasit ē manibus puer, & confugit ad Cæsaris pedes: nihil aliud petiturus, quam ut aliter periret, nec esca fieret. Motus est nouitate crudelitatis Cæsari, & illum quidem mitti, crystallina autem omnia coram se frangi iussit, complerique piscinam. Fuit Cæsari sic castigandus amicus: benè vsus est viribus suis. E conuiuio rapi homines imperas, & noui generis pœnis lancinari? si calix tuus fractus est, viscera hominis distrahentur? tantum tibi placebis, ut ibi aliquem duci iubeas vbi Cæsar est?

CAP. XLI. Sic instandum potentiae est, ut iram ex superiori loco aggredi possit. male tractabilem, ac talem duntaxat, qualem modò retuli, feram, immanē, sanguinariam, quæ tam insanabilis est, nisi maius aliquid extimuit. Pacem demus animo, quam dabit præceptorum salutarium assidua meditatio, actusque rerum boni, & intenta mens ad vnius honesti cupiditatem. Conscientiæ satis fiat. nil in famam laboremus: sequatur vel mala, dum bene merearis. At vulgus animosa miratur, & audaces in honore sunt: placidi pro inertibus habentur. primo forsitan aspectu, sed simulac æqualitas vitæ fidem facit, non segnitiam illam animi esse, sed pacem, veneratur idem illos populus collaque. Nihil ergo habet in se utile teter ille & hostilis affectus; at omnia è contrario mala, ferrum, ignes: pudore calcato, cædibus inquinavit manus, membra liberorum disperfit. Nihil vacuum reliquit à scelere, non gloriæ memor, non infamiæ metuens, inemendabilis cum ex ira in odium occalluit.

CAP. XLII. Careamus hoc malo, purgemusque mentem, & extirpemus radicibus ea vitia, quæ quamvis tenuia undecunque hæserint, renascentur: & iram non temperemus, sed ex toto remoueamus. Quod enim malæ rei temperamentum est? poterimus autem, adnitamur

modo. Nec vlla res magis proderit, quam cogitatio mortalitatis: sibi quisque ut alteri dicat: Quid iuuat, tanquam in æternum genitos iras indicere, & breuissimam ætatem dissipare? quid iuuat, dies quos in voluptatem honestam impendere licet, in dolorem alicuius tormentumque transferre? non capiunt res istæ iacturam, nec tempus vacat perdere. Quid ruimus in pugnam? quid certamina nobis accersimus? quid imbecillitatis obliui, ingentia odia suscipimus, & ad frangendum fragiles consurgimus? Iam istas inimicitias, quas implacabili gerimus animo, febris aut aliud malum corporis veraciter geram par acerrimum media mors dirimet. Quid tumultuamur, & vltimam seditionem conturbamus? stat super caput factum, & peruentis dies imminet, propiusque ac propius accedit. Istud tempus quod alienæ destinās morti, fortasse citratum est.

CAP. XLIII. Quin potius vitam breuiem colligis, placidamque & tibi & ceteris præstas? quin potius amabilem te, dum viuis, omnibus desiderabilem, cum excesseris, reddis? Et quid illum, nimis ex alto tecum agentem, detrahare cupis? quid illum oblātrantem tibi, humilem quidem & contemptum, sed superioribus æquum ac molestum, exterrere viribus tuis tentas? Quid seruo? quid domino? quid regi?

quid clienti tuo irasceris? sustine paululum. venit ecce mors, quæ nos pares faciat. Ridere solemus inter matutina arenae spectacula, tauri & vrsi pugnam inter se colligatorum: quos, cum alter alterum verarit, sus confector expectat. Idem facimus. aliquem nobiscum alligatum laceramus: cum victo victorique finis equæ maturus immineat. Quieti potius pacatique, quantulumcunque superest, exigamus. nulli cadauer nostrum iaceat inuisum. Sæpè rixam conclamatum in vicino incendium soluit: & interuentus feræ, latronem viatoremque diducit. Colluctari cum minoribus malis non vacat, ubi metus maior apparuit. Quid nobis, cum dimicatione & insidiis? numquid amplius isti cui irasceris, quam mortem optas? etiam te quiescente morietur. perdis operam: facere vis, quod futurum est. Nolo, inquis, utique occidere, sed exilio, sed ignominia, sed damno afficere. Magis ignosco ei, qui vulnus inimici, quam qui pusulam concupiscit. hic enim non tantum mali animi est, sed pusilli. Siue de vltimis suppliciis cogitas, siue de leuioribus, quantulum est temporis, quo aut ille poenâ suâ torqueatur, aut tu malum gaudium ex aliena percipias? Iam ipsum spiritum exspuimus, interim dum trahimus. Dum inter homines sumus, colamus humanitatem: non timori cuiquam, non pe-

riculo simus: detrimenta, iniurias, conui-  
cia, vellicationes contemnamus, & ma-  
gno animo breuia feramus incommoda.  
Dum respicimus, quod aiunt, versamus-  
que nos, iam mortalitas adorat.

L. ANNÆI SENECAE  
AD HELVIAM MATREM  
DE CONSOLATIONE

LIBER VNVS

I. LIPS. *Carmina hic visum transcri-  
bere, quæ Seneca tribuuntur, & certè exi-  
lium eius tangunt. Siue ab ipso igitur, siue  
de ipso scripta, ad argumentum & lucem  
libelli spectant.*

EPIGRAMMATA VSUPER EXILIO  
L. ANNÆI SENECAE.

AD CORSICAM.

CORSICA Phocæo tellus habitata  
colono,

Corsica, quæ Græco nomine Cymus eras:  
Corsica Sardinia breuior, porrectior Ithua:  
Corsica piscosis peruia fluminibus:  
Corsica terribilis, cum primum incanduie  
ætas:

Sæuior, ostendit cùm ferus ora capis:  
Parce relegatis, hoc est, iam parce sepultis.



CONSOLATIO AD HEAVIAM. 127

Vinorum cineri sit tua terra levis.

I. D. E. B. A. D. E. M.

Barbara praeiurata inclusa est Corfica sa-

lis.

Horrida, desertis undique vasta locis.

Non poma Autumnus, segetes non edu-

cat Aestas :

Canatq; Palladio munere Bruma caret:

Vmbrarum nullo Ver est latabile foetu,

Nullaq; in infauſto nascitur herba ſolo:

Non panis, non haustus aquae, non ulti-

mus ignis :

Hic ſola haec duo ſunt, exul, & exilium.

III. Q. V. E. R. B. L. A.

Occidi iugulum quiſquis ſcrutaris amici,

Tu miſerum necdum me ſatis eſſe putas:

Deſere conſolium: victori vulnus iniquo

Mortiferum impreſſit mortua ſape ma-

nus.

IV. E. P. I. G. R. A. M. A. T. I. A. M. M. A. R. C. I. E.

Quiſquis es, & nomen dicam? dolor om-

nia cogit,

Qua neſtrum cinerem nunc, inimice,

premiſ.

Et non contentus tantis, ſubitiſq; ruinis,

Stringis in exſtinctū tela cruenta caput.

Crede mihi, vires aliquas Natura ſepul-

chris

Atribuit: tumulos vindicat umbra ſuos.

Ipfos crede Deos hoc nunc tibi dicere,

Livor,

Hoc tibi nunc Manes dicere crede meos:

F. iij

Res est facta, miser. Noli mea tægere fata.

Sacrilegæ bustis abstinuere manus.

V. I T E M: cadolov al

Carmina mortifero tua sunt suffusa ve-  
neno.

Et sunt criminibus pectora nigra magis.  
Nemo tuos fugiat, non vir, non femina  
dentes,

Haud puer, haud ætas vindi- q: tura senis.  
Vix furens totas immitit saxa per vrbes  
In populum: sic tu verba maligna iactas.  
Sed toler infans populus compescere sa-  
nus:

Et repetunt motum saxa remissa caput.  
In te nunc stringit nullus non carmina  
vires,

Inque tuam rabiem publica Musa furit.  
Dum sua compositus nondum bene con-  
cutit arma

Miles, & è nostrâ lancea torta manu:  
Bellus homo, & validè capitalia crimina  
ludis:

Deque ruis manant atra venena iocis.  
Sed tu perque iocum dicis vinumque.  
quid ad rem,

Si plorem? risus si tuus ista facit?

Quare tolle iocos, non est iocus esse ma-  
lignum.

Nunquam sunt grati, qui nocuere sales.

VI. A D A M I C V M.

Crispe, meæ vires, lassarumque ancora  
rerum:

Caïphe vel antiquo conspiciendo foro e  
Crispe potens nunquam; nisi cum prodes-  
se volebas; M 2 T I

Naufragio ditrus, rursaque terra mea.  
Solutus honor nobis, arx & tutissima nobis:

En nunc afflicto sola quies animo.  
Caïphe, fides dulcis, placidaque acerrima  
virtus:

Cuius Cecropio postera melle madent.

Maxima facundo, vel auro, vel gloria passu

Quo solo cergeat si quis, in exilio est.

An tu cui jaceo saxis telluris adhærens;

Mens tecum est, nullâ quæ cohibetur

humo.

VII. De QUIETATE TEMPORIS.

Omnia tempus edax depascitur, omnia

Tempus, nil sibi quod non sit, non sibi quod non sit.

Omnia se de mouet, nil finit esse diu.

Flumina deficiunt, profugum mare litto-

ris ardeat, non al. stion b x.

Subsidunt montes, & inga celsa ruunt.

Quid tam parua loquor? moles pulcher-

rima celi.

Ardebat flammis tota repente suis.

Omnia mors poscit. Lex est, non poena,

perire.

Hi cuncti mundus tempore nullus erit.

VIII. V O T V M.

Sic mihi sit frater; maiorque, minorque

superstes.

Erudo me doleat, nil, nisi morte mea.

Sic illos vincā, sic vincar rursus amando:

Mutuus inter nos sic benè certet amor.  
Sic dulci Marcus qui nunc sermone frī-  
tinnit,

Facundo patruos prouocet ore duos.

*Hæc in schidæ Pythæanis palam Seneca  
adferbantur: est & aliud, quod ob argu-  
menti similitudinem viri docti pariter ad-  
signant.*

IX. A D C O R D U B A M.

Corduba solue comas, & tristes indue  
vultus:

Inlacrimans cineri munera mitte meo.  
Nunc longinqua tuum deplora, Cordu-  
ba, vatem:

Corduba non alio tempore mœsta ma-  
gis.

Tempore non alio, quo versis viribus  
Orbis,

Incubuit belli tota ruina tibi.

Cùm geminis oppressa malis vtrimque  
peribas:

Et tibi Pompeius, Cæsar & hostis erat.  
Tempore non alio, quo ter tibi funera  
centum,

Heu! nox vna dedit, quæ tibi sūma fuit.  
Non, Lusitanus quateret cū mœnia latro,

Figeret & portas lancea torta tuas.

Ille tuus quondam magnus, tua gloria,  
cuius

Infigar scopulo. Corduba solue comas,  
Et gratare tibi, quòd te Natura supremo  
Alluit Oceano: tardiùs ista doles.

TOME 101100 Quid viderem tibi zelum  
**S**ed etiam mater optima, impetum cē-  
 pi consolandi te, sæpè conuinci. Vt  
 autem, multa me impellebant. primum,  
 videbam depositurus omnia incommoda,  
 cum lacrimas tuas, etiam si suppressere  
 non potuissē, interim certe abiter fuissem.  
 deinde plus habiturum me auctoritatis  
 non dubitabam ad excitandam te, si prior  
 ipse confluere fuissem præterea timebam,  
 ne à me non victa fortuna aliquem meo-  
 rum vinceret. Itaque utcumque conabar,  
 manū super plagam meam impositā, ad  
 obliganda vulnera vestra reptare. Hoc  
 propositum meum, erant rursus quæ re-  
 tardarent. Dolori tuo, dum recens sæui-  
 set, sciebam occurrendum non esse, ne il-  
 lum ipsa solatia irritarent, & accenderent.  
 nam in morbis quoque nihil est pernicio-  
 sius, quàm immatura medicina. Expe-  
 ctabam itaque dum ipse vires suas fran-  
 geret, & ad sustinenda remedia morā mi-  
 tigatus, tangi se ac tractari pateretur.  
 Præterea, cum omnia clarissimorum in-  
 geniorum monumenta, ad compescen-  
 dos moderandosque luctus composita  
 euoluērem, non inueniebam exemplum  
 eius qui consolatus suos esset, cum ipse ab  
 illis comploraretur. Ita in re nouā hæsi-  
 tabam, verebarque, ne hæc non consola-  
 tio, sed exulceratio esset. Quid quòd no-  
 uis verbis, nec ex vulgari & quotidianā

sumptis allocutione, opus erat homini ad  
 consolandos suos ex ipso rogo caput ab-  
 leuanti. Omnis autem magnitudo doloris  
 modum excedentis necesse est dilectum  
 verborum eripiat, eundem sæpe vocem quo-  
 que ipsam intercludat. Vtūque con-  
 nitat: non fiducia ingenij, sed quia pos-  
 sum instar efficacissimæ consolationis ef-  
 se, consolator. Qui nihil negares, huius  
 hoc utique te non esse negaturum. (licet  
 omnis niceret consumax sit) spero, ut des-  
 siderio tuo vellis à me modum statui. . . .  
 Cap. III. Vide quantum de indulgen-  
 tiâ tuâ promiserim mihi: potentibrem me  
 futurum apud te non dubito, quam dolo-  
 rem tuum: quo nihil est apud miseros po-  
 tentius. Itaque ne statim conideo concu-  
 ram, addero prius illi, & quibus excitetur  
 ingeram: omnia proferam, & rescindam  
 quæ iam obducta sunt. Dicit aliquis:  
 Quod hoc genus est consolandi, oblite-  
 rata mala reuocare, & animum in om-  
 nium ærumnarum suarum conspectu col-  
 locare, vix vnus patientem? Sed is cogi-  
 tet, quæcūque vsque eo perniciofa sunt,  
 vt contra remedium conualuerint, ple-  
 rumque contrariis curari. Omnes ita-  
 que luctus illi suos, omnia lugubria ad-  
 mouebo: hoc erit non molli viâ mederi;  
 sed vrere ac secare. Quid consequar? vt  
 pudeat animum, tot miseriarum victo-  
 rem, ægrè ferre vnum vulnus, in corpore

tam cicatricoso. Elcant itaque diutius,  
 & gemant, quorum delicatas mentes enervauit longa felicitas, & ad leuissimarum iniuriarum motus collabantur: et quorum omnes anni per calamitates transierunt, grauissima quoque fossi & immobili constantia perferant. Vnum habet aspidua infelicitas boni, quod quos saepe vexat, nouissime indurat. Nullam tibi fortuna vacationem dedit à grauissimis luctibus: ne natalem quidem tuum excepit. Amisisti matrem statim nata, imò dum nascereris: & ad vitam quodammodo exposita es. Creuisti sub nouerca: quam tu quidem omni obsequio, & pietate, quanta vel in filia conspici potest, matrem fieri coëgisti: nulli tamen non magno constitit & bona nouerca. Auunculum indulgentissimum, optimum ac fortissimum virum, cum aduentum eius expectares, amisisti. Et ne scruitiā suam fortuna leuiorem ducendo faceret, intra tricesimum diem, carissimum virum tuum, ex quo mater trium liberorum eras, extulisti. Lugenti tibi luctus nuntiatus est, omnibus quidem absentibus liberis: quasi de industria in id tempus coniectis malis tuis, ut nihil esset ubi se dolor tuus reclinaret. Transeo tot pericula, tot metus, quos sine interuallo in te incurstantes pertulisti: modò in eundem finem, ex quo tres nepotes emiseras, ossa

trium nepotum receperis. Intra vicissimum diem, quam filium meum in manibus & in osculis tuis mortuum funeraueras, raptum me audisti. hoc illi hoc defuerat tibi,ingere vias zigam elqi idim ogo  
*CAP. III.* Gratissimum est ex omnibus, quæ unquam in corpore tuo descendebant, recens vulnus & fatis. non summani cuncti rupit pectus, & viscera ipsa diuisa. Sed quemadmodum tirones pleuites facij tamen vociferantur, & manibus quædam eorum magis, quam ferum horrent, ac veterani, quamvis confossi, patienter ac sine gemitu, velut aliena corpora, excruciantur. ita tu nunc debes quæ foris præbere curationi. Lamentationes quidem & ululatus, & alia ipsi quæ ferè mulieribus de horum tumultuatur, amque perdidisti enim tot mala, si nondum misera esse didicisti. Es quid videor tecum huiusmodi egisse? nil tibi subduxi ex malis quibus, sed omnia coacturata ante te posui. Magno id animo feci: constitui enim vincere dolorem tuum, non circumscribere. *Ita*

*CAP. IV.* Vincam, puto. primum si ostendero nihil me pati, propter quod possim dici miser, nedum propter quod miseros etiam, quos contingo, faciam: deinde si ad te transiero, & probauero, ne tuam quidem grauem esse fortunam, quæ tota ex meâ pender. Hoc prius aggrediar, quod pietas tua audire gestit, ni-



hic mali esse mihi, si hoc tibi demonstrare  
 non potero; ipsas res quibus me putas  
 premi, non esse intolerabiles, faciam ma-  
 nifestum. Si id credi non potuerit: ac  
 ego mihi ipse magis placebo, quod inter  
 eas res beatus ero, quam miseros soleat fa-  
 cere. Non est quod de me alius credas:  
 ipse tibi, ne quid incertis opinionibus  
 perturbetur, indico me non esse miserum.  
 Adiciam, quod securior sis, nec fieri qui-  
 dem possem miserum. MASTICION NOMES  
 28. MASTICION Bonâ conditione condi-  
 sumus, si eam non deseruerimus. Id egit  
 rerum natura, ut ad bene vivendum non  
 magno apparatus opus esset: unusquisque  
 facere se beatum potest. Leno moni-  
 tum in adventitiis rebus est, & quod in  
 neutram partem magnas vires habeat:  
 nec secunda sapientem cecunt, nec ad-  
 versa demittunt. Laboravit enim semper,  
 ut in se plurimum poneret, intra se om-  
 ne gaudium peteret. Quid ergo? sapien-  
 tem me esse dico? minimè: nam id qui-  
 dem si profiteri possem, non tantum ne-  
 gare miserum me esse, sed omnium for-  
 tunatissimum, & in vicinum Deo perdu-  
 ctum prædicarem. Nunc, quod satis est  
 ad omnes miseras leniendas, sapientibus  
 viris me dedi; & nondum in auxilium  
 mei validus, in aliena castra confugi, eo-  
 rum scilicet, qui facile se & sua tuentur.  
 Illi me iusserunt stare assidue, velut in

praesidio positum, & omnes conatus fortunae, & omnes imperus prospicere multo  
 to ante quam intendant. Illis gravis est, quibus  
 est repentina, & facile eam sustinet, qui  
 semper expectat. Nam & hostium  
 adventus eos praeteritis, quos inopinare  
 occupavit: at qui futuro se bello ante bellum  
 paraverunt, compositi & aptati, primum,  
 qui tumultu offensus est, & qui facile  
 excipiunt. Nunquam ego voraciter  
 credidi, etiam si videretur paucam agentem  
 omnia illa, quae in ingenio & ingenio  
 conferbat, pecuniam, honorem, gloriam  
 eo loco posui, unde posset ea sine metu  
 meo repetere. Intervallum inter me &  
 illa magnum habui. itaque abstinui, non  
 quibus. Neminem aduersa fortuna  
 comminuit, nisi quae in se ipsa addit  
 illi qui in periculis rebus suis perperam  
 amaverunt, qui se propter illa suscipere  
 luerunt: iacent & moerent cum vanis &  
 pueriles animos, omnis solida voluptas  
 ignaros, & falsa de mobilibus oblectamenta  
 destituant. Arille qui se laetis rebus non  
 instat, nec mutatis contrahit, & ducit  
 utrumque statim inuietum amittit, nec  
 explorata iam firmitatis, nam in ipsa  
 felicitate, quid contra infelicitatem  
 haberet, expectus est. Itaque ego in illis  
 omnes optant, existimant se perpetuis  
 bonis esse, quin inania, & speciosa  
 deceptio iusto circumlecta inueniunt, iura

nihil habentia fronti sua simile. Nam in illis quæ mala vocantur, nihil tam terribile ac durum inuenio, quàm opinio, vulgi minabatur. Verbum quidem ipsum, persuasione quâdam & consensu iam aperiùs ad aures venit, & audientes tantumquam triste, & execrabile ferit: ita enim populus iussit: sed populi sententia ex magna parte sapientes abrogant.

CAP. VI. Remoto igitur iudicio plerumque, quos prima rerum facies, vitæ quæ creditæ est, auferit, videamus quid sit exilium: nempe, loci commutatio est. Angustare ne videamur vim eius, & quicquid pessimum in se habet, subtrahere: hanc commutationem loci, sequuntur incommoda, paupertas, ignominia, contemptus. Aduersus ista postea configam: interim primum illud intueri volo, quid acerbi afferat ipsa loci commutatio. Carere patriâ, intolerabile est. Aspice agendum hanc frequentiam, cui vix urbis immensæ recta sufficiunt: maxima pars illius turbe patriâ caret: ex municipiis & coloniis suis, ex toto denique orbe terrarum confluxerunt. Alios adducit ambitio, alios necessitas officij publici, alios imposita legatio, alios luxuria, opulentum & opportunum vitiis locum quærens: alios liberalium studiorum cupiditas, alios spectacula: quosdam traxit amicitia, quosdam industria, latam ostendendæ virtuti nata ma-

teriam: quidam venalem formam attulerunt, quidam venalem eloquentiam. Nullum non hominum genus concurrit in urbem, & virtutibus & vitiis magnapretia ponentem. Iube omnes istos ad nomen citari, & Vnde domo quisque sit, quare: videbis maiorem partem esse, quæ relictis sedibus suis, venerit in maximam quidem ac pulcherrimam urbem, non tamen suam. Deinde ab hac ciuitate discede, quæ velut communis patria potest dici: omnes vrbes circumi, nulla est, ubi magnam partem peregrinæ multitudinis non inuenias. Nunc transi ab his quarum amœna positio, & opportunitas regionis plures allicit: deserta loca, & asperitimas insulas, Sciarthum & Scriphum, Gyaritum & Cosuram pere, nullum inuenies exilium, in quo non aliquis animi causa moreretur. Quid tam nudum inueniri potest, quid tam abruptum vndique, quam hoc solum? quid ad copias respicienti ieiunius? quid ad homines immanisuerina? quid ad ipsum loci situm horridius? quid ad cæli naturam intemperantius? plures tamen hic peregrini, quam ciues consistunt. Usque eo ergo computatio ipsa locorum grauis non est, ut hic quoque locus à patria quosdam abduxerit. Inuenio qui dicant, inesse naturalem quandam animis irritationem commutandi sedes, & transferendi domicilia. Mobilis enim

& inquieti mens homini data est: nunquam superet, & spargitur; & cogitationes suas in omnia moeta atque ignota dimittit, vagatur, & quiescit impatiens, & novitate rebus iterissimis. Quid non miraberis, si primam eius originem aspexeris? Non est ex terreno, & pariter concreta corpore, & ex illo caelesti spiritu descendit. celestium autem natura semper in motu est: fugit, & velocissimo cursu agitur. Aspicere licet, amandam illam pariter: nullam eorum perstat, labitur assidue, & locum ex illo mutat: quamvis cum universo coetaret, in contrarium nihilominus ipsi magis referretur, per omnes signorum partes discursu, & per tota diu agitando, & rursus de aliis per migrationem. Omnia volucantur semper, in transitu sunt, & ut lex & naturae necessitas ordinavit, aliunde aliud deferuntur. Cum per certa annorum spatia orbis suos explicuerint, iterum ibant per quae venerant. In uno, & animam humanam, ex hisdem quibus divina constant compositum seminis, moleste ferre puram transitum ac migrationem: cum Dei natura, assidue & incessantissima commutatione, vel delectet se, vel consequetur. A caelestibus, agendum, & humana conuertere videbis gentes, populosque mutasse sedem. Quod sibi volunt in modis Barbarorum regionibus Graecae vires, quid inter Indos Persasque Mace-

donicus sermo? Scythia, & totus ille ferarum indomitaeque gentium tractus, ciuitates Achaiae Ponticis impositas, lit-  
toribus ostentat. Non perpetuae hiemis  
seueritas, non hominum ingenia, ad simili-  
tudinem caeli sui horrenna transferenti-  
bus domus suas obstituerunt. Atheniensis  
in Asia turba est: Miletus LXXV. urbium  
populum in diuersa effudit: totum Italiae  
latus, quod infero mari alligitur, maior  
Graecia fuit. Tuscos Asia sibi vindicat:  
Tyrii Africam incolunt: Hispaniam Pon-  
ti: Graeci se in Galiam immiserunt: in  
Graciam Galli: Pyrenaeus Germanorum  
transitus non inhibuit: per inuia, per in-  
cognita versauit se humana leuitas. Li-  
beros, coniugesque, & graues senio pa-  
rentes traxerunt. Alij longo errore ia-  
ctati, non iudicio elegerunt locum, sed  
lassitudine proximum occupauerunt: alij  
armis sibi ius in alienam terram fecerunt:  
quasdam gentes, cum ignota peterent,  
mare hausit: quasdam ibi confederunt, ubi  
illas rerum inopia deposuit. Nec omni-  
bus eadem causa relinquendi, queren-  
diue patriam fuit. Alios excidia urbium  
suarum, hostilibus armis elapsos, in alic-  
na, spoliatos suis, expulerunt: alios dome-  
stica seditio submouit: alios nimia super-  
fluentis populi frequentia, ad exoneran-  
das vires emisit: alios pestilentia, aut fre-  
quens terrarum hiatus, aut aliqua intole-

tantia infelicis soli vitia ciecerunt: quosdam fertilis oræ, & in manus laudatæ, fama corrupit: alios alia causa exciuit, donibus suis. Illud itaque est manifestum, nihil eodem loco mansisse, quo gentium est: assiduus humani generis discursus est. quoties aliquid in tam magno orbe mutatur: Nova vitium fundamenta iaciunt: nova gentium nomina, extinctis prioribus, aut per accessionem validioris conuersis, oriuntur. Omnes autem imperatorum transportationes, quid aliud, quam publica exilia sunt?

CAP. VII. Quid tam longo te circumtrahit? Quid interest enumerare Antenorē Patavij conditorem, & Euandrum in Lupa Tiberis regna Arcadum collocantem: quid Diomedem, aliosq; quos Troiam bellum, victor simul victoreque, per alienas terras dissipavit? Romanum imperium nempe auctorem exulem respicit: quem profugum, capta patria, exiguas reliquias trahentem, necessitas & victoris metus, longinqua quarentem, in Italiam detulit. Hic deinde populus quot colonias in omnes prouincias misit: ubicunque vixit Romanus, habitat. Ad hanc commutationem locorum libenter nomina dabat, & relictis aris suis trans maria sequebatur colonus senex.

CAP. VIII. Res quidem non desiderat plurimum enumerationem: vnum tamen

adijciam, quod in oculos se ingerit. Hæc  
 ipsa insula sæpè jam cultores mutauit. Vt  
 antiquiora quæ ueritas obducit, transfe-  
 ram, Phocidæ relicta, Graij qui nunc Ma-  
 siliam colunt, prius in hac insula con-  
 derunt. Ex quæ quid eos fugauerit, in-  
 certum est: uerum cæli grauitas, an præ-  
 potētis Italiæ conspectus, an natura im-  
 portuosi maris: nam in caussa non fuisse  
 feritatem accolarum, eo apparet, quod  
 maxime tunc crucibus & inondatis Gal-  
 lia populis se interposuerunt. Transie-  
 runt deinde Ligures in eam, transierunt  
 & Hispani, quod ex similitudine ritus ap-  
 paret. eadem enim tegumenta capitiunt  
 idemque genus calceamentis, quod Can-  
 tabris est: & uerba quædam, nam totus  
 sermo, conuersatione Græcorum Ligu-  
 rumque, à patrio descripta. Deductæ dein-  
 de sunt duæ ciuitates Romanorum colo-  
 niæ, altera à Mario, altera à Sylla. Toties  
 huius aridi & spinosi faxi mutatus est po-  
 pulus. Vix dehinc inuenies ullam ter-  
 ram, quam etiam nunc indigenti colant.  
 permixta omnia & insititia sunt: alius alij  
 successit. Hic concupiuit, quod alij fasti-  
 dio fuit: ille unde expulerat, eiectus est.  
 Ita fato placuit, nullius rei eodem semper  
 loco stare fortunam. Aduersus ipsam  
 mutationem locorum, detractis ceteris  
 incommodis quæ exilio adhærent, satis  
 hoc remedij putat Varro, doctissimus Ro-



manorum, quòd quocunq̃ue venimus, eadē rerum naturā vrendum est. M. Brutus satis hoc putat, quòd licet in exilium euntibus virtutes suas ferre secum. Hæc etiam si quis singula parū iudicat efficacia ad consolandum exulem, vtrāque in vnum collata fatebitur plurimum posse. Quantulum enim est, quòd perdidimus? duo quæ pulcherrima sunt, quocunq̃ue nos mouerimus, sequentur natura communis, & propria virtus. Id actum est, mihi crede, ab illo, quisquis formator vniuersi fuit, siue ille Deus est potens omnium, siue incorporalis ratio ingentium operum artifex, siue diuinus spiritus per omnia, maxima, minima, æquali intentione diffusus, siue fatum & immutabilis causarum inter se cohærentium series: id, inquam, actum est, vt in alienum arbitrium, nisi vilissima quæque, non caderent. Quicquid optimum homini est, id extra humanam potentiam iacet: nec dari, nec eripi potest. Mundus hic, quo nihil neque maius, neque ornatius, rerum Natura genuit: animus contemplator, admiratorque mundi, pars eius magnificentissima, propria nobis, & perpetua, tandiu nobiscum mansura, quandiu ipsi manebimus. Alacres itaque & erecti quocunq̃ue res tulerit, intrepido gradu properemus.

CAP. IX. Emetiamur quascunq̃ue terras, nullum inuenturi solum intra mun-

dum, quod alienum homini sit. vnde cum-  
 que ex æquo ad cælum erigitur acies: pa-  
 ribus interuallis omnia diuina ab omni-  
 bus humanis distant. proinde dum oculi  
 mei ab illo spectaculo, cuius insatiabiles  
 sunt, non abducantur, dum mihi lunam  
 solemque intueri liceat, dum cæteris in-  
 hæreré sideribus, dum ortus eorum, oc-  
 casus, interuallaque, & causas inuestiga-  
 re velocius meandi, vel tardius, spectare  
 tot per noctem stellas micantes, & alias  
 immobiles, alias non in magnum spatium  
 exeuntes, sed intra suum se circumagen-  
 tes vestigium, quasdam subito erumpen-  
 tes, quasdam igne fuso perstringentes  
 aciem, quasi decidant, vel longo tractu  
 cum luce multâ præteruolantes; dum  
 cum his sim, & cælestibus, quæ homini  
 fas est, immiscear; dum animum ad co-  
 gnatarum rerum conspectum tenden-  
 tem, in sublimi semper habeam: quantum  
 refert meâ, quid calcem? Atqui non est  
 hæc terra frugiferarum aut lætarum ar-  
 borum ferax: non magnis & nauigabili-  
 bus fluminum alueis irrigatur: nihil gi-  
 gnit, quod aliæ gentes petant, vix ad tu-  
 telam incolentium fertilis: non pretiosus  
 hic lapis cæditur, non auri argenti que ve-  
 næ eruuntur. Angustus animus est, quem  
 terrena delectant. ad illa abducendus est,  
 quæ ubique æquè apparent, ubique æquè  
 splendent: & hoc cogitandum est, ista  
 veris

veris bonis per falsa & prauè credita ob-  
 stare. Quò longiores porticus expedie-  
 rint, quò altiùs turres sustulerint, quò la-  
 tiùs vicos porrexerint, quò depressiùs  
 æstiuos specus foderint, quò maiori molè  
 fastigia cœnationum subuexerint : hoc  
 plus erit, quò illis cælum abscondat. In  
 eam te regionem casus eiecit, in quâ la-  
 tissimum receptaculum casa est. Næ tu  
 pusilli animi es, & sordidè se consolantis,  
 si idè id fortiter pateris, quia Romuli ca-  
 sam nosti. Dic illud potiùs : Istud humi-  
 le tugurium nempe virtutes recipit. iam  
 omnibus templis formosus erit, cùm il-  
 lic iustitia conspecta fuerit, cùm conti-  
 nentia, cùm prudentia, pietas, omnium of-  
 ficiorum rectè dispensandorum ratio, hu-  
 manorum diuinorumque scientia. Nul-  
 lus angustus est locus, qui hanc tam ma-  
 gnarum virtutum turbam capit : nullum  
 exilium graue est, in quo licet cum hoc  
 ire comitatu. Brutus in eo libro quem  
 de Virtute composuit, ait, se vidisse Mar-  
 cellum Mitylænis exulantem, & quantum  
 modò natura hominis pateretur, beatissi-  
 mè viuentem, neque vnquam bonarum  
 artium cupidiorum quàm illo tempore.  
 Itaque adiecit, visum sibi se magis in exi-  
 lium ire, qui sine illo rediturus esset, quàm  
 illum in exilio relinquere. O fortunatio-  
 rem Marcellum, eo tempore, quo exilium  
 suum Bruto approbavit, quàm quo popu-

lo R. consulatum! Quantus vir ille fuit, qui effecit, ut aliquis exul sibi videretur, quod ab exule recederet? qui in admirationem sui adduxit hominem, etiam Catoni suo mirandum? Idem Brutus ait, C. Cæsarem Mitylenas præteruectum, quia non sustineret videre deformatum virum. Illi quidem reditum impetrauit Senatus, publicis precibus, tam sollicitus ac mœstus, ut omnes illo die Bruti habere animum viderentur, & non pro Marcello, sed pro se deprecari, ne exules essent, si sine illo fuissent: sed plus multo consecutus est, quo die illum exulem Brutus relinquere non potuit, Cæsar videre, Contigit enim illi testimonium vtriusq;. Brutus sine Marcello reuerti se doluit: Cæsar erubuit. Num dubitas, quin ille tantus vir, sic ad tolerandum æquo animo exilium se ipse adhortatus sit? Quod patriâ cares, non est miserum. Ita te disciplinis imbuisti, ut scires omnem locum sapienti viro patriam esse. Quid porro hic qui te expulit, non ipse per annos decem continuos patriâ caruit? propagandi sine dubio imperij causâ: sed nempe caruit. nunc ecce trahit illum ad se Africa resurgentis belli minis plena, trahit Hispania, quæ fractas & afflictas partes refovet, trahit Ægyptus infida, totus denique orbis, qui ad occasionem concussi imperij intentus est. cui primum rei occurret?

cui parti se opponet? Aget illum per omnes terras victoria sua. Illum suspiciant & colant gentes: tu viue Bruto miratore contentus. Benè ergo exilium tulit Marcellus: nec quicquam in animo eius mutauit loci commutatio, quamuis cum paupertas sequeretur, in quâ nihil mali esse, quisquis modò nondum peruénit in insaniam omnia subuertentis auaritiæ, atque luxuriæ, intelligit. Quantulum est enim, quod in tutelam homini necessarium sit? & cui deesse hoc potest, vllam modo virtutem habenti? Quod ad me quidem pertinet, intelligo me non opes, sed occupationes perdidisse. corporis exigua desideria sunt: frigus submouere vult, alimentis famem ac sitim extinguere: quicquid extra concupiscitur, vitis, non vñibus laboratur. Non est necesse omne perferutari profundum, nec strage animalium ventrem onerare, nec conchyliâ vltimi maris ex ignoto littore erûere. Dij istos deæque perdant, quorum luxuria tam inuidiosi imperij fines transcendit. Ultra Phasim capi volunt, quod ambitiosam popinam instruat: nec piget à Parthis, à quibus nondum pœnas repetimus, aures perere. Vndique conuehunt, omnia nota fastidienti gulæ. Quod dissolutus deliciis stomachus vix admittat, ab vltimo portatus Oceano. Vomunt vt edant, edunt vt vomant: & epulas, quas

toto orbe conquirunt; nec concoquere dignantur. Ista si quis despicit, quid illi paupertas nocet? si quis concupiscit, illi paupertas etiam prodest. Inuitus enim sanatur: & si remedia ne coactus quidem recipit, interim certè dum non potest, nolenti similis est. C. Cæsar, quem mihi videtur rerum natura edidisse, ut ostenderet quid summa vitia in summâ fortunâ possent, centies sestertio cœnauit vno die: & in hoc omnium adiutus ingenio, vix tamen inuénit, quomodo prouinciarum tributum vna cœna fieret. O miserabiles, quorum palatum nisi ad pretiosos cibos non excitatur! pretiosos autem, non eximius sapor, aut aliqua faucium dulcedo; sed raritas, & difficultas parandi facit. Alioquin si ad sanam illis mentem placeat reuerri, quid opus est tot artibus ventri seruiantibus? quid mercaturis? quid vastatione silvarum? quid profundî perscrutatione? passim iacent alimenta, quæ rerum natura omnibus locis disposuit: sed hæc velut cæci transeunt, & omnes regiones peruagantur; maria traiciunt, & cum famem exiguo possint sedare, magno irritant.

CAP. X. Libet dicere: Quid deducitis naues? quid manus & aduersus feras & aduersus homines armatis? quid tanto tumultu discurretis? quid opes opibus aggeritis? non vultis cogitare, quàm parua vo-

bis corpora sint? Nónne furor, & vltimus mentium error est, cùm tam exiguum capias, cupere multum? Licèt itaque augeatis census, promoueatis fines: nunquam tamen corpora vestra laxabitis. Cùm benè cesserit negotiatio, multum militia retulerit, cùm indagati vndique cibi coërint, non habebitis vbi istos apparatus vestros collocetis. Quid tam multa conquiritis? Scilicet maiores nostri, quorum virtus etiam nunc vitia nostra sustentat, infelices erant, qui sibi manu suâ parabant cibum: quibus terra cubile erat: quorum tecta nondum auro fulgebant: quorum templa nondum gemmis nitabant. Itaque tunc per fictiles deos religiosè iurabatur: qui per illos inuocauerant, ad hostem morituri, ne fallerent, redibant. Scilicet minùs beatè vivebat dictator noster, qui Samnitum legatos audit, cùm vilissimum cibum in foco ipse manu suâ versaret: illâ, quâ iam sæpè hostem percusserat, laureamque in Capitolini Iouis gremio reposuerat. quàm Apicius nostra memoria vixit, qui in eâ vrbe, ex qua aliquando Philosophi, velut corruptores iuventutis, abire iussi sunt, scientiam popinæ professus, disciplinâ suâ sæculum infecit: cuius exitum nosse, operæpretium est. Cùm sestertium millies in culinam congerisset, cùm tot congiaria Principum, & ingens Capitolij vectigal singulis comesta-

tionibus exorbisset; ære alieno oppressus, rationes suas tunc primum coactus inspexit. superfuturum sibi sestertium centies computavit: & velut in ultimâ famo victurus, si sestertio centies vixisset, veneno vitam finiuit. Quanta luxuria erat, cui sestertium centies egestas fuit? I nunc, & puta pecuniæ modum ad rem pertinere, non animi.

CAP. XI. Sestertium centies aliquis extimuit: & quod alij voto petunt, veneno fugit. Illi verò tam prauæ mentis homini vltima potio saluberrima fuit. Tunc venena edebat bibebatque, cum immensis epulis non delectaretur tantum, sed gloriaretur, cum vitia sua ostentaret, cum ciuitatem in luxuriam suam conuerteret, cum iuuentutem ad imitationem sui sollicitaret, etiam sine malis exemplis, per se docilem. Hæc accidunt diuitias non ad rationem reuocantibus, cuius certi sunt fines: sed ad vitiosam consuetudinem, cuius immensum & incomprehensibile arbitrium est. Cupiditati nihil satis est: naturæ satis est etiam parum. Nullum ergo paupertas exulis incommodum habet: nullum enim tam inops exilium est, quod non alendo homini abundè fertile sit. At vestem, an domum desideraturus est exul? Si hæc quoque ad vsum tantum desiderabit, neque tectum ei deerit, neque velamen. æquè enim exiguo tegitur corpus,



quàm alitur. nihil homini natura, quod necessarium faciebat, fecit operosum. Si desiderat saturatam multo conchylio purpuram, intextam auro, variisque coloribus distinctam & artibus: non fortunæ iste vitio, sed suo pauper est. etiam si illi, quicquid amisit, restitueris, nihil ages. plus enim restituto deerit ex eo quod cupit, quàm exuli ex eo, quod habuit. Si desiderat aureis fulgentem vasis supellectilem, & antiquis nominibus artificum argentum nobile, æs paucorum insaniâ pretiosum, & seruatorum turbam, quæ quamvis magnam domum angustet, iumentorum corpora differta, & coacta pinguescere, & nationum omnium lapides: ista congerantur licet, nunquam explebunt inexplabilem animum. non magis, quàm vllus sufficiet humor ad satiandum eum, cuius desiderium non ex inopia, sed ex æstu ardentium viscerum oritur. non enim sitis illa, sed morbus est. Nec hoc in pecuniâ tantum, aut alimentis evenit: eadem natura est in omni desiderio, quod non ex inopia, sed ex vitio nascitur. quicquid illi congesseris; non finis erit cupiditatis, sed gradus. Qui continebit itaque se intra naturalem modum, paupertatem non sentiet: qui naturalem modum excedet, eum in summis opibus quoque paupertas sequetur. Necessariis rebus & exilia sufficiunt: superuacuis nec regna. Animus est

qui diuites facit. hic in exilia sequitur, & in solitudinibus asperrimis, cum quantum satis est sustinendo corpori, inuenit, ipse bonis suis abundat & fruitur. Pecunia nihil ad animum pertinet. non magis, quàm ad deos immortales omnia ista, quæ imperita ingenia, & nimis corporibus suis addicta, suspiciunt. Lapides, aurum & argentum, & magni leuatique mensarum orbes, terrena sunt pondera: quæ non potest amare sincerus animus, ac naturæ suæ memor, leuis ipse, & quandoque emissus fuerit, ad summa emicaturus. interim, quantum per moras membrorum, & hanc circumfusam grauem sarcinam licet, celeri & volucris cogitatione diuina perlustrat. Ideoque nec exulare vnquam potest, liber, & diis cognatus, & omni mundo omniq̃ æuo par. Nam cogitatio eius circa omne cælum, & in omne præteritum futurumq̃ tempus immittitur. Corpusculum hoc, custodia & vinculum animi, huc atque illuc iactatur: in hoc supplicia, in hoc latrocinia, in hoc morbi exercentur. animus quidem ipse sacer & æternus est, & cui non possunt iniici manus.

CAP. XII. Nec me putes ad eleuanda incommoda paupertatis, quam nemo grauem sentit, nisi qui putat, vti tantum præceptis sapientum. Primum aspice, quanto maior pars sit pauperum, quos nihilo

notabis. tristiores sollicitioresque diuiti-  
bus : imò nescio an eò lætiores sint , quò  
animus eorum in pauciora distringitur.  
Transeamus à pauperibus : veniamus ad  
locupletes. quam multa sunt tempora,  
quibus pauperibus similes sunt! Circum-  
cisæ sunt peregrinantium sarcinæ:& quo-  
tiescunq; festinationem necessitas itineris  
exigit , comitum turba dimittitur. Mili-  
tantes quotam partem rerum suarum se-  
cum habent? cùm omnem apparatus ca-  
stræsis disciplina submoueat. Nec tantùm  
conditio illos temporum , aut locorum  
inopia, pauperibus exæquat. sumunt quos-  
dam dies , cùm iam illos diuitiarum tæ-  
dium cepit, quibus humi cœnent, & remo-  
to auro, argentoque, fictilibus vtantur. De-  
mentes! hoc quod aliquândo concupiscunt,  
semper timent. O quanta illos caligo  
mentium, quanta ignorantia veritatis ex-  
ercet, qui fugiunt quod voluptatis causa  
imitantur! Me quidem, quoties antiqua  
exempla respexi , paupertatis vti solatiis  
pudet. quoniam quidem eò temporum lu-  
xuria prolapsa est, vt maius viaticum exu-  
lum sit , quam olim patrimonium princi-  
pum fuit. Vnum fuisse Homero seruum,  
tres Platoni , nullum Zenoni , à quo cœ-  
pit Stoicorum rigida ac virilis sapientia,  
satis constat. num ergo quisquam eos mi-  
seros vixisse dicet , vt non ipse miserrim-  
us ob hoc omnibus videatur? Menenius.

Agrippa, qui inter patres ac plebem publicæ gratiæ sequester fuit, ære collato funeratus est. Attilius Regulus, cum Pœnos in Africâ funderet, ad Senatum scripsit, mercenarium suum discessisse, & ab eo desertum esse rus. quod Senatus publicè curari, dum abesset Regulus, placuit. Fuit tanti, servum non habere, ut colonus eius populus R. esset. Scipionis filia ex ærario dotem acceperunt: quia nihil illis reliquerat pater. Æquum, mercurius erat populus R. tributum Scipioni semel conferre, cum à Carthagine semper exigeret. O felices viros puellarum, quibus populus R. loco soceri fuit! Beatiorēsne istos putas, quorum pantomimæ decies sestertio nubunt, quàm Scipionem, cuius liberi à senatu tutore suo, in dotem æs graue acceperunt? Dedignatur aliquis paupertatem, cuius tam claræ imagines sunt indignatur exul aliquid sibi deesse, cum defuerit Scipioni dos, Regulo mercenarius, Menenio funus? cum omnibus illis, id quod deerat, ideò honestius suppletum sit, quia defuerat? His ergo aduocatis non tantum tuta est, sed etiam gratiosa paupertas.

CAP. XIII. Responderi potest: Quid artificiosè ista diducis, quæ singula sustineri possunt, collata non possunt? Commutatio loci tolerabilis est, si tantum locum mutes: paupertas tolerabilis est, si

ignominia absit, quæ vel sola opprimere animos solet. Aduersus hunc, quisquis me malorum turbâ terrebit, his verbis vtendum erit. Si contra vnâ quamlibet partem fortunæ satis tibi roboris est, idem aduersus omnes erit. cûm semel animum virtus indurauit, vndique inuulnerabilem præstat. Si auaritia dimisit, vehementissima generis humani pestis; moram tibi ambitio non faciet. Si vltimum diem non quasi pœnam, sed quasi naturæ legem aspicias; ex quo pectore mortis metum eieceris, in id nullius rei timor audebit intrare. Si cogitas, libidinem non voluptatis causâ hominî datam, sed propagandi generis; quem non violauerit hoc secretum & infixum visceribus ipsis exitium, omnis alia cupiditas intactum præteribit. Non singula vitia ratio, sed pariter omnia prostermit: in vniuersum semel vincit. Ignominia tu putas quemquam sapientem moueri posse, qui omnia in se reposuit, qui ab opinionibus vulgi secessit? Plus etiam quàm ignominia, est mors ignominiosa. Socrates tamen eodem illo vultu, quo aliquando solus triginta tyrannos in ordinem redegerat, carcerem intrauit, ignominiam ipsi loco detractus. neque enim poterat carcer videri, in quo Socrates erat. Quis vsque eò ad conspiciendam veritatem excæcatus est, vt ignominiam putet M. Ca-

tonis fuisse, duplicem in petitione præturæ & consulatus repulsam? ignominia illa præturæ & consulatus fuit, quibus ex Catone honor habebatur. Nemo ab alio contemnitur, nisi a se ante contemptus est. Humilis & proiectus animus fit isti contumeliæ opportunus: qui verò aduersus læuissimos casus se extollit, & ea mala quibus alij opprimuntur, euertit, ipsas miseras infularum loco habet: quando ita affecti sumus, ut nihil equè magnam apud nos admirationem occupet, quàm homo fortiter miser. Ducebatur Athenis ad supplicium Aristides: cui quisquis occurrerat, deiecit oculos, & ingemiscebat, non tanquam in hominem iustum, sed tanquam in ipsam iustitiam animaduertenter. Inuentus est tamen, qui faciem eius inspiceret, poterat ob hoc moleste ferre, quod sciebat neminem id ausurum purioris. At ille absterxit faciem, & subridens ait comitanti se Magistratui: Admone istum, ne postea tam improbè osciter. Hoc fuit contumeliæ ipsi contumeliam facere. Scio quosdam dicere, contemptu nihil esse grauius, mortem ipsis potiore videri. His ego respondebo, & exilium sæpè contemptione omni carere: si magnus vir cecidit, magnus iacuit; non magis illum contemni, quàm cum ædium sacrarum ruinæ calcantur, quas religiosi æquè ac stantes adorant.

CAP. XIV. Quoniam meo nomine nihil habes, mater carissima, quod te in infinitas lacrimas agat, sequitur ut causæ tuæ te stimulent. Sunt autem duæ. nam aut illud te mouet, quod præsidium aliquod videris amisisse: aut, quod desiderium ipsum per se pati non potes. Prior pars mihi leuiter perstringenda est. noui enim animum tuum, nihil in suis præter ipsos amantem. Viderint illæ matres, quæ potentiam liberorum muliebri impotentiâ exercent; quæ, quia feminis honores non licet gerere, per illos ambitiosæ sunt; quæ patrimonia filiorum & exhauriunt, & captant; quæ eloquentiam commodando aliis fatigant. Tu liberorum tuorum bonis plurimum gauisa es, minimum vasa; tu liberalitati nostræ semper imposuisti modum, cum tuæ non imponeres: tu filia familias, locupletibus filiis vltro contulisti: tu patrimonia nostra sic administraisti, ut tanquam in tuis laborares, tanquam alienis abstineres: tu gratiæ nostræ, tanquam alienis rebus vtereris, pepercisti, & ex honoribus nostris nihil ad te nisi voluptas & impenſa pertinuit. nunquam indulgentia ad vtilitatem respexit. Non potes itaque erepto filio desiderare, quæ incolumi nunquam ad te pertinere duxisti.

CAP. XV. Illò omnis consolatio mihi vertenda est, vnde vera vis materni dolo-

ris oritur. Ego complexu filij carissimi careo; non conspectu eius, non sermone fruor. ubi est ille, quo viso tristem vultum relaxavi, in quo omnes sollicitudines meas deposui? ubi colloquia, quorum in explebilis eram? ubi studia, quibus libentius quàm femina, familiarius quàm mater, intereram? ubi ille occursum? ubi matre visâ semper puerilis hilaritas? Adicis istis loca ipsa gratulationum & conuictuum, & ut necesse est, efficacissimas ad vexandos animos recentis conuersationis notas. Nam hoc quoque aduersus te crudeliter fortuna molita est, quod te ante tertium demum diem quàm percussus sum, securam, nec quicquam tale metuentem, aggredi voluit. bene nos longinquitas locorum diuiserat: bene aliquot annorum absentia huic te malo præparauerat: redisti, non ut voluptatem ex filio perciperes, sed ne consuetudinem desiderij perderes. Si multò antè abfuisses, fortius tulisses, ipso interuallo desiderium molliente: si non recessisses, vltimum certè fructum biduo diutius videndi filium tulisses. Nunc crudele fatum ita composuit, ut nec fortunæ meæ interesses, nec absentiae assuesceres. Sed quanto ista duriora sunt, tanto maior tibi virtus aduocanda est, & velut cum hoste noto, ac sæpè iam victo, acrius est congregiendum. Non ex intacto corpore tuo sanguis hic



fluxit a pet. ipsas eicatrices percussa es.

CAP. XVI. Non est quod vtaris excusatione nominis muliebris, cui pænè concessum est immoderatum in lacrimas ius, non immensum tamen: & ideò maiores decem mensium spatium lugentibus viros dederunt, vt cum pertinaciâ muliebris mæroris publicâ constitutione decideret. non prohibuerunt luctus, sed finierunt. Nam & infinito dolore, cum aliquem ex carissimis auuleris, affici, stulta indulgentia est: & nullo, inhumana duritia. Optimum interpretatem & rationem temperamentum est, & sentire desiderium, & opprimere. Non est quod ad quasdam feminas respicias, quarum tristitiam semel sumptam mors finiuit. nosti quasdam, quæ amissis filiis, imposita lugubritate nunquam exuerunt. à te plus exigit vita ab initio fortior. non potest muliebris excusatio contingere ei, à qua omnia vitia muliebria abfuerunt. Non te maximum sæculi malum, impudicitia, in numerum plurimum adduxit: non gemmæ te, non margaritæ flexerunt: non tibi diuitiæ, velut maximum generis humani bonum, refulerunt: non te benè in antiquâ & severâ institutam domo, periculosa etiam probis pejorum detorsit imitatio. Nunquam te fœcunditatis tuæ, quasi exprobraret ætatem, puduit: nunquam more aliarum, quibus omnis commendatio ex forma

petitur, tumescentem vterum abscondisti, quasi indecens onus, nec intra viscera tua conceptas spes liberorum elisisti. Non faciem lenociniis ac coloribus polluisti. nunquam tibi placuit vestis, quæ nihil amplius quam nudam componeret: vnicum tibi ornamentum, pulcherrima, & nulli obnoxia ætati, forma; maximum decus, visa est pudicitia. Non potes itaque, ad obtinendum dolorem, muliebri nomen prætere, ex quo te virtutes tuæ seduxerunt. tantum debes à seminarum lacrimis abesse, quantum à viriis. Ne feminae quidem te sinent intabescere vulnere tuo, sed leuiori necessario mœrore cito defunctam, iubebunt exsurgere: si modo illas intueri voles feminas, quas conspecta virtus inter magnos viros posuit. Corneliam ex duodecim liberis ad duos fortuna redegit. Si numerare funera Cornelie velles, amiserat decem: si æstimare, amiserat Gracchos. Flentibus tamen circa se, & fatum eius execrantibus interdixit, Ne fortunam accusarent, quæ sibi filios Gracchos dedisset. Ex hac feminâ debuit nasci, qui diceret in concione: Tu matri meæ maledicas, quæ me peperit? Multo mihi videtur animosior vox matris. Filius magno æstimabat Gracchorum natales: mater & funera. Rutilia Cottam filium secuta est in exilium, & usque eo fuit indulgentia constricta, ut

mallet exilium pati, quàm desiderium:  
 nec antè in patriam, quàm cum filio re-  
 diit. Eundem iam reducem, & in Repub.  
 florentem tam fortiter amisit, quàm se-  
 cuta est: nec quisquam lacrimas eius post  
 elatum filium notauit. In expulso virtu-  
 tem ostendit, in amisso prudentiam. nam  
 & nihil illam à pietate deterruit, & nihil  
 in tristitiâ superuacua stultâque detinuit.  
 Cum his te numerari feminis volo, qua-  
 rum vitam semper imitata es: earum in  
 coërcendâ comprimendâque ægritudine  
 optimè sequêris exemplum. Scio rem  
 non esse in nostrâ potestate, nec vllum af-  
 fectum seruire: minimè verò eum, qui ex  
 dolore nascitur. Ferox enim, & aduersus  
 omne remedium contumax est. volumus  
 eum interim obruere, & deuorare gemitus:  
 per ipsum tamen compositum fictum-  
 que vultum lacrimæ profunduntur. Lu-  
 dis interim aut gladiatoribus animum  
 occupamus: at illum inter ipsa, quibus  
 auocatur, spectacula, levis aliqua desiderij  
 nota subiuit. Ideò melius est, illum vin-  
 cere, quàm fallere. Nam qui aut delusus  
 voluptatibus, aut occupationibus abdu-  
 ctus est, resurgit, & ipsa quiete impetum  
 ad sæuiendum colligit: at qui rationi ces-  
 sit, in perpetuum componitur. Non sum  
 itaq; monstraturus illa, quibus vsos mul-  
 tos esse scio, vt peregrinatione te vel lon-  
 gâ detineas, vel amœnâ delectes; vt ratio-

num accipiendarum diligentia, patrimonio-  
 nij administratione multum occupa-  
 re temporis; ut semper nouo te aliquo nego-  
 tio implices: omnia ista ad exiguum mo-  
 mentum profunt, nec remedia doloris;  
 sed impedimenta sunt. ego autem malo  
 illum desinere, quam decipi. Itaque illud  
 te ducō, quod omnibus qui fortunam fu-  
 giunt, confugiendum est, ad liberalia stu-  
 dia: illa sanabunt vulnus tuum, illa om-  
 nem tristitiam tibi euellent. His etsi  
 nunquam assuesces, nunc utendum erat:  
 sed quantum tibi patris mei antiquus ri-  
 gor permisit, omnes bonas artes non qui-  
 dem comprehendisti, attigisti tamen.  
 Utinam quidem virorum optimus, pater  
 meus, nimis maiorum consuetudini dedi-  
 tus, voluisset te sapientum praeceptis eru-  
 di potius, quam imbui! non parandum  
 tibi nunc contra fortunam esset auxilium,  
 sed proferendum. Propter istas quae lit-  
 teris non ad sapientiam utuntur, sed ad  
 luxuriam instituuntur, minus est indulge-  
 re studiis passus. beneficio tamen rapacis  
 ingenij plus, quam pro tempore, hausisti:  
 iacta sunt disciplinarum omnium funda-  
 menta. Nunc ad illas reuertere: tutam te  
 praestabunt: illae consolabuntur, illae de-  
 lectabunt; illae si bonam fide animum tuum  
 intraverint, nunquam amplius intrabit  
 dolor, nunquam sollicitudo, nunquam af-  
 flictionis irritae superuacua vexatio: nulli

horum patebit pectus tuum: nam ceteris  
 vitis iam pridem clusum est. Hæc qui-  
 dem certissima præsidia sunt, & quæ sola  
 te fortunæ eripere possint: sed quia dum  
 in illum portum, quem studia promit-  
 tunt, peruenieris, adminiculis quibus in-  
 nitaris opus est; volo interim solatia tua  
 tibi ostendere. Respice fratres meos, qui-  
 bus salvis, fas tibi non est accusare fortu-  
 nam. in utroque habes quod te diuersâ  
 virtute delectet: alter honores industriâ  
 consecutus est, alter sapienter contempsit.  
 Acquiesce alterius filij dignitate, alterius  
 quiete, utriusque pietate. noui fratrum  
 meorum intimos affectus. alter in hoc  
 dignitatem excolit, ut tibi ornamento sit:  
 alter in hoc se ad tranquillam quietam-  
 que vitam recepit, ut tibi vacet. Bene il-  
 leros tuos & in auxilium, & in oblecta-  
 mentum, fortuna disposuit: potes alterius  
 dignitate defendi; alterius otio frui.  
 Certabunt in te officijs: & vnus desi-  
 derium, duorum pietate supplebitur.  
 Audacter possum promittere: nihil tibi  
 deerit, præter numerum. Ab his ad ne-  
 potes quoque respice. Marcum blandis-  
 simum puerum, ad cuius conspectum nul-  
 la potest durare tristitia: nihil tam ma-  
 gnum, nihil tam recens in cuiusquam pe-  
 ctore fuerit, quod non circumfusus ille  
 permulceat. Cuius non lacrimas illius  
 hilaritas suppressat? cuius non contra-

Etiam sollicitudine animum illius argutia  
 soluant? quem non in iocos vocabit illa  
 lascivia? quem non in se conuertet, & ab-  
 ducet infixum cogitationibus; illamemi-  
 nem fatiatura garrulitas? Deos oro, con-  
 tingat hunc habere nobis superstitem.  
 In me omnis fatorum crudelitas lassata  
 consistat: quicquid matri dolendum fuit,  
 in me transferit: quicquid auia; in me.  
 Floreat reliqua in suo statu turba: nihil  
 de orbitate, nihil de conditione mea  
 querar. Fuerim tantum, nihil amplius  
 doliturae domus piamentum. Tene in  
 gremio tuo citò tibi daturam pronepotes  
 Nouatillam: quam sic in me transtule-  
 ram, sic mihi adscripseram, ut possit videri,  
 quòd me amisit, quamuis saluo patre,  
 pupilla. hanc & pro me dilige. Abstulit  
 illi nuper fortuna matrem: tua potest effi-  
 cere pietas, ut perdidisse se matrem do-  
 leat tantum, non & sentiat. Nunc mores  
 eius compone, nunc formam: altiùs præ-  
 cepta descendunt, quæ teneris imprimun-  
 tur ætatibus. Tuis assuescat sermonibus,  
 ad tuum fingatur arbitrium. multum illi  
 dabis, etiam si nihil dederis præter exem-  
 plum. Hoc iam tibi solemne officium,  
 pro remedio erit. non potest animum pie  
 dolentem à sollicitudine auertere, nisi aut  
 ratio, aut honesta occupatio. Numerarem  
 inter magna solatia patrem quoq; tuum,  
 nisi abesset. nunc tamen ex affectu tuo,

quid illius interfit; cogita: intelliges, quanto iustius sit, te illi seruari, quàm mihi impendi: quoties te immodica vis doloris inuaserit, & sequi se iubebit, patrem cogita. cui tu quidẽ tot nepotes pro nepotesque dando; effecisti ne vnica esses: consummatio tamen ætatis actæ feliciter, in te vertitur. Illo viuo, nefas est te, quòd vixeris, queri.

CAP. XVII. Maximum adhuc solatium tuum tacueram, sororem tuam: illud fidelissimum pectus tibi, in quod omnes curæ tuæ pro indiuiso transferuntur, illum animum omnibus nobis maternum. Cum hac tu lacrimas tuas miscuisti, in huius primùm respirasti sinu: Illa quidem affectus tuos semper sequitur: in meâ tamen personâ non tantùm pro te dolet. Illius manibus in urbem perlatus sum: illius pio maternoq; nutricio per longum tempus ager conualui: illa pro quæsturâ meâ gratiam suam extendit: & quæ ne sermonis quidem, aut claræ salutationis sustinuit audaciam, pro me vicit indulgentiâ verecundiam. Nihil illi seductum vitæ genus, nihil modestia, in tantâ feminarum petulantia, rustica, nihil quies, nihil secreti & ad otium repositi mores obstiterunt, quò minùs pro me etiam ambitiosa fieret. Hæc est, mater carissima, solatium, quo reficiaris illi quantum potes te iunge, illius ætatis

amplexibus alliga. Solent mœrentes, ea  
 quæ maximè diligunt, fugere, & liber-  
 tatem dolori suo quærere: tu ad illam  
 te, & quicquid cogitaueris, confer: siue  
 seruare habitum istum voles, siue depo-  
 nere, apud illam inuenies vel finem dolo-  
 ri tuo, vel comitem. Sed si prudentiam  
 perfectissimæ feminae noui, non patietur  
 te nihil profuturo mœrore consumi, &  
 exemplum tibi suum, cuius ego etiam spe-  
 ctator fui, narrabit. Carissimum virum  
 amiserat, auunculum nostrum, cui virgo  
 nupserat, in ipsa nauigatione: tulit tamen  
 eodem tempore & luctum, & metum, cui-  
 ctisque tempestatibus corpus eius naufra-  
 ga cœxit. O quàm multarum egregia  
 opera in obscuri iacent! Si huic illa sim-  
 plex admirandis virtutibus contigisset  
 antiquitas: quanto ingeniorum certami-  
 ne celebraretur vxor, quæ oblita imbecil-  
 litatis, oblita etiam firmissimis metuendi  
 maris, caput suum periculis pro sepulturâ  
 obiecit, & dum cogitat de viri funere, ni-  
 hil de suo timuit? Nobilitatur carminibus  
 omnium, quæ se pro coniuge vicariam  
 dedit. hoc amplius est, discrimine vitæ  
 sepulchrum viro quærere: maior est amor,  
 qui pari periculo minus redimit. Post  
 hoc nemo miratur, quòd per sedecim an-  
 nos, quibus maritus eius Ægyptum obti-  
 nuit, nunquam in publico conspecta est,  
 neminem prouincialem domum suam ad-



misit: nihil à viro petiit, nihil à se peti pas-  
 sa est. Itaque loquax, & ingeniosa in con-  
 tumelias præfectorum prouincia, in quâ  
 etiam qui vitauerunt culpam, non effu-  
 gerunt infamiam, velut vnicum sanctita-  
 tis exemplum suspexit: & quod illi diffi-  
 cillimum est, cui etiam periculosi sales  
 placent, omnem verborum licentiam con-  
 tinuit: & hodie similem illi, quamuis nun-  
 quam speret, semper optat. Multum erat,  
 si per sedecim annos illam prouincia pro-  
 basset: plus est, quod ignorauit. Hæc non  
 ideò refero, vt eius laudes exsequar, quas  
 circumscribere est, tam parcè transcurrere:  
 sed vt intelligas, magni animi esse fe-  
 minam, quam non ambitio, non avaritia,  
 comites omnis potentiae & pestes, vice-  
 runt: non metus mortis eam, exarmatâ  
 naui naufragium suum spectantem, deter-  
 ruit, quò minus exanimi viro herens, quæ-  
 reret, non quemadmodum inde exiret, sed  
 quemadmodum efferret. Huic parem vir-  
 tutem exhibeas oportet, & animum à lu-  
 ctu recipias, & id agas, ne quis te putet  
 partus tui pœnitere. Ceterum quia ne-  
 cesse est, cum omnia feceris, cogitationes  
 tamen tuas subinde ad me recurrere, nec  
 quemquam nunc ex liberis tuis frequen-  
 tius tibi obuersari: non quia illi minùs  
 cari sint, sed quia naturale est, manum sæ-  
 pius ad id referre quod doleat: qualem  
 me cogites, accipe. Latum & alacrem,

velut optimis rebus, sunt autem optimæ, quum animus omnis cogitationis expertus operibus suis vacat, & modò se leuioribus studiis oblectat, modò ad considerandam suam vniuersique naturam, veri audus insurgit. Terras primùm, situmque earum quærit. deinde conditionem circumfusi maris, cursusque eius alternos & recursus: tunc quicquid inter cælum, terrasque plenum formidinis interjacet, perspicit, & hoc tonitribus, fulminibus, ventorum flatibus, ac nimborum niuisque & grandinis jactu tumultuosum spatium: tum peragratis humilioribus, ad summa prorumpit, & pulcherrimo diuinorum spectaculo fruitur, æternitatisque suæ memor, in omne quod fuit, futurumque est omnibus sæculis, vadit.

---

## L. ANNÆI SENECAE

LIBER

DE CONSOLATIONE

AD POLYBIUM

ΑΚΕΦΑΛΟΣ.

EX CAP. XX.

\*\*\* nostra corpora compares, firma sunt: si redigas ad conditionem naturæ omnia destruentis, & vnde edidit eodem reuocantis, caduca sunt. Quid enim immortale

mortale manus mortales fecerint? Septem illa miracula, & si qua his multo mirabiliora sequentium annorum extruxit ambitio, aliquando solo æquata visentur. Ita est. nihil perpetuum, pauca diuturna sunt. aliud alio modo fragile est: rerum exitus variantur: ceterum quicquid cœpit, & desinit. Mundo quidam minantur interitum, & hoc vniuersum, quod omnia diuina humanaque complectitur, si fas putas credere, dies aliquis dissipabit, & in confusionem veterem tenebrasque demerget. Eat nunc aliquis, & singulas compleret animas: Carthaginis ac Numantiæ Corinthique cinerem, & si quid altius cecidit, lamentetur: cum etiam hoc, quod non habet quò cadat, sit interiturum. Eat aliquis, & fata tantum aliquando nefas ausura, sibi non pepercisse conqueratur.

CAP. XXI. Quis tam superbæ impotentisque arrogantiae est, ut in hac naturæ necessitate omnia ad eundem finem reuocantis, se vnum ac suos seponi velit: ruinæque, etiam ipsi mundo imminenti, aliquam domum subtrahat? Maximum ergo solatium est, cogitare id sibi accidisse, quod ante se passi sunt omnes, omnesque passuri: & idcirco mihi videtur rerum natura, quod grauissimum fecit, commune fecisse, ut crudelitatem fati consolaretur æqualitas. Illud quoque te non mi-

nimùm adiuuerit, si cogitaueris nihil profuturum dolorem tuum, nec illi quém desideras, nec tibi. noles enim longum esse, quod irritum est. Nam si quicquam tristitiâ profecturi sumus, non recusò, quicquid lacrimarum fortunæ meæ superfuit, tuæ affundere. inueniam etiam nunc, per hos exhaustos iam fletibus domesticis oculos, quod effluat, si modò id tibi futurum bono est. Quid cessas? conquæramur. atque adeò ipse hanc litem meam faciam. Iniquissima omnium iudicio fortuna, adhuc videbaris ab eo homine te continuisse, qui munere tuo tantam venerationem receperat, ut, quod rarò vlli contingit, felicitas eius effugeret inuidiam. Ecce cum dolorem illi, quem saluo Cæsare accipere maximum poterat, impressisti: & cum benè illum vndique circumisses, intellexisti hanc partem tantummodo pateri tuis. Quid enim illi aliud faceres? pecuniam eriperes? nunquam illi obnoxius fuit. nunc quoque quantum potest, illam à se abijcit, & in tantâ felicitate acquirendi, nullum maiorem ex ea fructum, quàm contemptum eius petit. Eriperes illi amicos? sciebas tam amabilem esse, ut facilè in locum amissorum posset alios substituere. Vnum enim hunc ex his quos in Principali domo potentes vidi, cognouisse videor: quem omnibus amicis habere cum ex-

pediat, magis tamen etiam libet. Eriperes illi bonam opinionem? solidior est hæc apud eum, quàm ut à te quoque ipsa concuti posset. Eriperes bonam valitudinem? sciebas animum eius liberalibus disciplinis, quibus non innutritus tantum, sed innatus est, sic esse fundatum, ut supra omnes corporis dolores emeretur. Eriperes spiritum? quantulum nocuisses? longissimum illi eum ingenij fama promissit. Id egit ipse, ut meliore sui parte duraret, & compositis eloquentiæ præclaris operibus, à mortalitate se vindicaret. **Q**uandiu fuerit ullus litteris honor, quandiu steterit aut Latinæ linguæ potentia, aut Græcæ gratia, vigebit cum maximis viris: quorum se ingeniis vel contulit, vel, si hoc verecundia eius recusar, applicuit.

**C A P. XXII.** Hoc ergo unum excogitasti, quomodo illi maxime posses nocere. Quo melior enim est quisque, hoc sapientius ferre te consuevit, sine ullo delectu furentem, & inter ipsa beneficia meruendam. **Q**uantulum erat, tibi immunem ab iniuria præstare cum hominem, in quem videbatur indulgentia tua ratione cæcâ peruenisse, & non ex tuo more temere incidisse? Adijciamus, si vis, ad has querelas, ipsius adolescentis interceptam inter prima incrementa indolem. **D**ignus fuit ille te fratre: tu certè eras di-

gnissimus, qui nec ex indigno quidem quicquam doleres fratre. Redditur illi testimonium æquale omnium hominum: desideratur in tuum honorem, laudatur in suum: nihil in illo fuit, quod non libenter agnosceres. Tu quidem etiam minus bono fratri fuisses bonus: sed in illo pietas tua idoneam hæc materia, multo se liberius exercuit. Nemo potentiam eius injuriâ sensit, nunquam ille te fratrem ulli minatus est. Ad exemplum se modestiæ tuæ formauerat, cogitabatque quantum tu & ornamentum tuorum esses, & onus. Suffecit ille huic sarcinæ. O dura fata, & nullis æqua virtutibus: antequam felicitatem suam nosset frater tuus, exemptus est. Parum autem me indignari scio: nihil est enim difficilius, quam magno dolori paria verba reperire. Iam nunc tamen si quid proficere possumus, conqueramur. Quid tibi voluisti tam iniusta, & tam violenta fortuna? Tam citò indulgentiæ tuæ te pœnituit: quæ ista crudelitas est, in medios fratres imperum facere, & tam cruentâ rapinâ concordissimam turbam imminuere, tam benè stipatam optimorum adolescentium domum, in nullo fratre degenerantem, turbare, & sine ullâ causâ delibare voluisti? Nihil ergo prodest innocentia ad omnem legem exacta, nihil antiqua frugalitas, nihil felicitatis summæ potentia, summâ

conseruata abſtinentiâ , nihil ſincerus & purus litterarum amor , nihil ab omni labe mens vacans? Luget Polybius, & in vno fratre, quid de reliquis poſſit metuere, admonitus, etiam de iſſis doloris ſui ſolatiis timet. Facinus indignum! luget Polybius, & aliquid propitio dolet Cæſare. hoc ſine dubio impotens fortuna captiſti, vt oſtenderes neminem contra te, ne à Cæſare quidem, poſſe defendi.

C A P. XXIII. Diutiùs accuſare fata poſſumus, mutare non poſſumus. ſtant dura & inexorabilia. nemo illa conuicio, nemo fletu, nemo cauſſâ mouet: nihil vnquam parcut vlli, nec remittunt. Proinde parcamus lacrimis, nihil proficientibus. faciliùs enim nos illi dolor adijciet; quàm illum nobis reducet. Qui ſi nos torquet, non adiuuat, primo quoque tempore deponendus eſt: & ab inanibus ſolatiis, atque amarâ quâdam libidine dolendi, animus recipiendus. Nam lacrimis noſtris, ni ratio ſinem fecerit, fortuna non faciet. Omnes agedùm mortales circumſpice: larga vbique flendi, & aſſidua materia. alium ad quotidianum opus laborioſa egeſtas vocat: alium ambitio nunquam quieta ſollicitat: alius diuitias quas optauerat, metuit, & voto laborat ſuo: alium ſollicitudo, alium labor torquet, alium ſemper veſtibulum obſidens turba: hic habere ſe dolet liberos, hic per-

didisse. Lacrimæ nobis deerunt, antequam causæ dolendi. Non vides qualem vitam nobis rerum natura promiserit, quæ primum nascentium omen fletum esse voluit? Hoc principio edimur, huic omnis sequentium annorum ordo consentit: sic vitam agimus: ideoque moderate id fieri debet à nobis, quod sæpe faciendum est: & respicientes, quantum à tergo rerum tristitiam immineat, si non finire lacrimas, ac certe reservare debemus. Nulli parcendum est rei magis quam huic, cuius tam frequens usus est. Illud quoque te non minimum adiuverit, si cogitaveris, nulli minus gratum esse dolorem tuum, quam ei cui præstari videtur. Torqueri ille te aut non vult, aut non intelligit: nulla itaque eius officij ratio est, quod ei cui præstat, si nihil sentit, superuacuum est; si sentit, ingratum.

CAP. XXIV. Neminem toto orbe terrarum esse, qui delectetur lacrimis tuis, audacter dixerim. Quid ergo? quem nemo adversus te animum gerit, cum esse tu credis fratris tui, ut cruciatu tuo noceat tibi: ut te velit abducere ab occupationibus tuis, id est, à studio, & Cæsare? non est hoc simile veri. Ille enim indulgentiam tibi tanquam fratri præstitit, venerationem tanquam parenti, cultum tanquam superiori: ille desiderio tibi esse vult, tormento esse non vult. Quid itaque



iuuat dolori intabescere:quem, si quis defunctis sensus est, finiri frater tuus cupit? De alio fratre, cuius incerta posset voluntas videri, omnia hæc dubiè ponerem, & dicerem: Siue te torqueri lacrimis nunquam desinentibus frater tuus cupit, indignus hoc affectu tuo est: siue non vult. utique inutilem dolorem dimitte: nec impius frater sic desiderari debet, nec pius sic velit. In hoc verò, cuius tam explorata pietas est, pro certo habendum est, nihil esse illi posse acerbius, quam hic si tibi casus eius atterbus est, si te vlllo modo torquet, si oculos tuos, indignissimos hoc malo, sine vlllo flendi sine conturbat idem & exhaurit. Pietatem tuam tamen nihil æquè à lacrimis tam inutilibus abducat, quam si cogitaueris, fratribus te tuis exemplo esse debere, fortiter hanc fortunę iniuriam sustinendi. Quod duces magni faciunt, rebus affectis, ut hilaritatem de industria simulent, & aduersas res adumbratâ lætitiâ abscondant, ne militum animi, si fractam ducis sui mentem viderint, & ipsi collabantur: id nunc tibi quoque faciendum est. Indue dissimilem animo tuo vultum, & si potes, projice omnem ex toto dolorem: sin minùs, introrsùs abde & contine, ne appareat; & da operam, ut fratres tui te imitentur: qui honestum putabunt, quodcunque facientem viderint, animumque ex vultu tuo sument. Et so-

latium debes esse, & consolator illorum: non poteris autem horum mœrori obstare, si tuo indulseris.

CAP. XXV. Potest & illa res à luctu te prohibere nimio, si tibi ipse renuntiaveris, nihil horum quæ facis posse subduci. Magnam tibi personam hominum consensus imposuit: hæc tibi tuenda est. Circumstat te omnis ista consolantium frequentia, & in animum tuum inquit, ac perspicit quantum roboris ille aduersus dolorem habeat, & utrūne tu tantum rebus secundis dexterè vti scias, an & aduersas possis viriliter ferre. obseruantur oculi tui. Liberiora omnia sunt iis, quorum affectus tegi possunt: tibi nullum secretum liberum est, in multâ luce fortuna te posuit. omnes scient, quomodo te in isto tuo gesseris vulnere: utrūne statim percussus arma submiseris, an in gradu steteris. Olim te in altiorē ordinem & amor Cæsaris extulit, & tua studia deduxerunt. nihil te plebeium decet, nihil humile. Quid autem tam humile ac muliebre est, quàm consumendum se dolori committere? Non idem tibi in luctu pari, quod tuis fratribus licet. multa tibi non permittit opinio de studiis ac moribus tuis recepta: multum à te homines exigunt, multum expectant. Si volebas tibi omnia licere; ne conuertisses in te ora omnium. nunc autem tibi præstan-

dum est, quantum promissisti omnibus illis, qui opera ingenij tui laudant, qui describunt: quibus cum fortunâ tuâ opus non sit, ingenio opus est. Custodes animi tui sunt nihil vnquam itaque potes indignum facere perfecti & eruditi viri professione, vt non multos admirationis de te suæ pœniteat. Non licet tibi flere immodicè: nec hoc tantummodo non licet, nec somnum quidem extendere in partem diei licet, aut à tumultu rerum in otium ruris, gratia quietis confugere, aut assiduâ laboriosi officij statione fatigatum corpus voluntaria peregrinatione recreare, aut spectaculorum varietate animum detinere, aut ex tuo arbitrio diem disponere.

CAP. XXVI. Multa tibi non licent, quæ humillimis & in angulo iacentibus licent. Magna seruitus est, magna fortuna. Non licet tibi quicquam arbitrio tuo facere. audienda sunt tot hominum milia, tot disponendi libelli, tantus rerum ex orbe toto accurrentium congestus. Vt possit per ordinem suum principis maximi officium geri, quieti animi est. Non licet tibi, inquam, flere: vt multos flentes audire possis: vt periclitantium, & ad misericordiam mitissimi Cæsaris peruenire cupientium lacrimæ prosint, tibi ruæ afficandæ sunt. Hoc tamen etiam non in leuioribus remediis adiunabit. cum voles

H v

omnium rerum obliuisci; cogita Cæsarem: vide quantam huius in te indulgentiae fidem, quantam industriam debeas. intelliges non magis tibi incuruari licere, quam illi, si quis modo est fabulis traditus; cuius humeris mundas innititur. Cæsari quoque ipsi, cui omnia licent, propter hoc ipsam multa non licent. Omnium domos illius vigilia defendit; omnium otium illius labor, omnium delicias illius industria, omnium vacationem illius occupatio. Ex quo se Cæsar orbi terrarum dedicauit; sibi eripuit. & sideram modo, quæ irrequieta semper cursus suos explicant; nunquam illi licet nec subistere, nec quicquam suum facere. Ad quemdam itaque modum tibi quoque eadem necessitas iniungitur: non licet tibi ad utilitates tuas, ad studia tua respicere. Cæsare orbem terrarum possidente; impartiri te nec voluptati, nec dolori, nec ulli rei potes: totum te Cæsari debes. Adijce nunc, quod cum semper prædices cariorem tibi spiritum tuo Cæsarem esse; fac tibi non est, salvo Cæsare, de fortuna queri. Hoc incolumi, salui tibi sunt tui: nihil perdidisti non tantum siccos oculos tuos esse, sed etiam lätos oportet. In hoc tibi omnia sunt: hic pro omnibus est. Quod longè à sensibus tuis prudentissimis piissimisque abest, aduersus felicitatem tuam parum gratus es, si tibi quic-

quam, hoc saluo, flere permittis. Monstrabo etiamnum, non quidem firmiter remedium, sed familiarius. Si quando te domum receperis, tunc erit tibi metuenda tristitia. nam quandiu numen tuum intueberis, nullum illa ad te inueniet accessum: omnia in te Cæsar tenebit: cum ab illo discesseris; tunc, velut occasione datâ, insidiabitur solitudini tuæ dolor, & requiescenti animo tuo paulatim irrepet. Itaque non est, quod ullum tempus vacare patiaris à studiis, tunc tibi litteræ tuæ, tam diu ac fideliter amatae, gratiam referant: tunc te illæ antistitem & cultorem suum vindicent: tunc Homerus & Virgilius, tam benè de humano genere meriti, quàm tu de omnibus & de illis meruisti, quos pluribus notos esse voluisti quàm scripserant, multum tecum morentur. tunc id erit omne tempus, quod illis tuendum commiseris. Tunc Cæsaris tui opera, vt per omnia sæcula domestico narrentur præconio, quantum potes compone. nam ipse tibi optimè formandi condendique res gestas, & materiam dabit, & exemplum.

CAP. XXVII. Non audeo te vsque eò producere; vt fabellas quoque & Æsopæos logos, intentatum Romanis ingeniis opus, solitâ tibi venustate connectas. difficile est quidem, vt ad hæc hilariora studia tam vehementer perculsus ani-

mis, tam citò possit accedere: hoc tamen  
 argumentum habeto, iam corroborari  
 eius, & redditi sibi, si poterit se à seuerio-  
 ribus scriptis ad hec solutiora producere.  
 In illis enim quamuis ægrum eum ad-  
 huc, & secum reluctantem, aduocabit ipsa  
 rerum quas tractabit austeritas: hæc quæ  
 remissa fronte commentanda sunt, non  
 feret, nisi eum iam sibi ab omni parte con-  
 stiterit. Itaque debebis eum seueriore  
 materiâ primum exercere, deinde hila-  
 riore temperare. Illud quoque magno  
 tibi erit leuamento, si sæpe te sic interro-  
 gaueris: Vtrumne meo nomine doleo, an  
 eius qui decessit? Si meo; perit meâ indul-  
 gentiæ iactatio, & incipit dolor, hoc vno  
 excusatus, quod honestus est, cum ad vti-  
 litatem respicit, à pietate desiscere. Ni-  
 hil autem minus bono viro conuenit,  
 quam in fratris luctu calculos ponere.  
 Si illius nomine doleo; necesse est, alter-  
 utrum ex his duobus esse iudicem. Nam  
 si nullus defunctis sensus est, euasit om-  
 nia frater meus vitæ incommoda, & in  
 eum restitutus est locus, in quo fuerat  
 antequam nasceretur: & expertus omnis  
 mali, nihil timet, nihil cupit, nihil patitur.  
 Quis iste est furor, pro eo me nunquam  
 dolere desinere, qui nunquam doliturus  
 est? Si est aliquis defunctis sensus; nunc  
 animus fratris mei, velut ex diutino car-  
 cere emissus, tandem sui iuris & arbitrij

gestit, & rerum naturæ spectaculo fruitur, & humana omnia ex superiore loco despicit; diuina verò, quorum rationem tandiu frustra quæsierat, propius intuetur. Quid itaque eius desiderio maceror, qui aut beatus, aut nullus est beatum desistere, inuidia est, nullum, dementia.

CAP. XXVIII. An hoc te mouet, quod videtur ingentibus, & cum maxime circumfusis, bonis caruisse? Cum cogita ueris multa esse quæ perdidit, cogita plura esse quæ non timet. Non ira eum torquet, non morbus affliget, non suspicio laceffet, non edax & inimica semper alienis processibus inuidia confestabitur, non metus sollicitabit, non leuitas fortunæ citò munera sua transferentis inquietabit. Si benè computes, plus illi remissum, quàm ereptum est. Non opibus fruetur, non tuâ simul ac suâ gratiâ, non accipiet beneficia, non dabit. Miserum putas quod ista amisit, an beatum quod non desiderat? mihi crede, is beator est, cui fortuna superuacua est, quàm is cui parata est. Omnia ista bona, quæ nos speciosa, sed fallaci voluptate delectant, pecunia, dignitas, potentia, aliaque complura, ad quæ generis humani cæca cupiditas obstupescit, cum labore possidentur, cum inuidia conspiciuntur: eosque ipsos quos exornant, & premunt; plus minantur, quàm profunt. Lubrica & incerta

sunt: nunquam bene tenentur: nam ut nihil de tempore futuro timeatur, ipsa tamen magnae felicitatis tutela sollicita est. Si velis credere aliud veritatem intuentibus, omnis vita supplicium est. In hoc profundum inquietumque projecti mare, alternis aestibus reciprocum, & modò alteuans nos subitis incrementis, modò maioribus damnis deferens, assidueque iactans, nunquam stabili consistimus loco: pendemus & fluctuamur, & alter in alterum illidimur, & aliquando naufragium facimus, semper timemus. In hoc tam procelloso, & in omnes tempestates exposito mari nauigantibus, nullus portus nisi mortis est. Ne itaque inuideris fratri tuo: quiescit tandem liber, tandem tutus, tandem aeternus est: superstitem Caesarem, omnemque eius prolem, superstitem te cum omnibus habet fratribus. Antequam quicquam ex suo favore fortuna mutaret, stantem adhuc illam, & muna plena manu congerentem reliquit. Fruitur nunc aperto & libero caelo, ex humili atque depresso in eum emicuit locum, quisquis ille est, qui solutas vinculis animas beato recipit sinu: & nunc liberè vagatur, omniaque rerum naturae bona cum summâ voluptate perspicit. Erras. non perdidit lucem frater tuus, sed securiorem sortitus est. omnibus illò nobis commune est iter. Quid fata deflemus?



non relinquit ille nos, sed antecessit.  
 CAP. XXIX. Est, mihi crede, magna felicitas in ipsâ felicitate moriendi. Nihil ne in totum quidem diem certi est. quis in tam obscurâ & inuolutâ veritate diuinat, utrumne fratri tuo mors inuiderit, an consuluerit? Illud quoque, quâ iustitiâ in omnibus rebus es, necesse est re adiuet cogitantem, non iniuriam tibi factam, quod talem fratrem amisisti, sed beneficium datum, quod tandiu pietate eius tibi uti fruiquâ licuit. Iniquus est, qui muneri sui arbitrium danti non relinquit: auidus, qui non lucri loco habet quod accepit, sed damni, quod reddidit. Ingratus est, qui iniuriam vocat finem voluptatis: stultus, qui nullum fructum esse putat bonorum, nisi præsentium. qui non & in præteritis acquiescit, & ea iudicat certiora quæ abierunt, quia de illis ne desinant non est timendum. Nimis angustat gaudia sua, qui eis tantummodo quæ habet ac videt, frui se putat, & habuisse eadem pro nihilo ducit. citò enim nos omnis voluptas relinquit, quæ fuit & transit, & pænè antequam veniat, auferitur. Itaque in præteritum tempus animus mittendus est, & quicquid nos vnquam delectauit, reducendum, ac frequenti cogitatione pertractandum est. Longior fideliorque est memoria voluptatum, quàm præsentia. Quod habuisti

ergo optimum fratrem, in summis bonis pone. Non est quod cogites, quanto diutius habere potueris. sed quandiu habueris. Rerum natura illum tibi sicut ceteris fratribus, non mancipio dedit, sed commodavit: cum visum est deinde, repetiit, nec tuam in eo satietatem secuta est, sed suam legem. Si quis pecuniam creditam soluisse se moleste ferat, eam præsertim cuius usum gratuitum acceperit, nonne iniustus habebitur? Dedit natura fratri tuo vitam, dedit & tibi: quæ suo iure usa, à quo voluit, debitum suum citius exegit. non illa in culpa est, cuius nota erat conditio, sed mortalis animi spes audax, quæ subinde quid rerum natura sit obliuiscitur, nec unquam sortis suæ meminit, nisi cum admonetur. Gaude itaque habuisse te tam bonum fratrem, & usumfructum eius, quamvis breuior voto tuo fuerit, boni consule. Cogita iucundissimum esse, quod habuisti: humanum, quod perdidisti. Nec enim quicquam minus inter se consentaneum est, quam aliquem moueri, quod sibi talis frater parum diu contrigerit: non gaudere, quod tamen contrigerit. At inopinanti creptus est. Sua quemque credulitas decipit: & in eis quæ diligit, voluntaria mortalitatis obliuio. Natura nulli se necessitatis suæ gratiam facturam esse testata est. Quotidie præter oculos nostros transeunt notorum igno-

torumque funera : nos tamen aliud agimus, & subitum id putamus esse, quod nobis totâ vitâ denunciatur futurum. Non est itaque ista factorum iniquitas, sed mentis humanæ prauitas, insatiabilis rerum omnium : quæ indignatur inde se exire, quò admissa est precario.

C A P. XXX. Quanto ille iustior, qui nuntiata filij morte, dignam magno viro vocem emisit? Ego cum genui, tum moriturum sciui. Prorsus non mireris ex hoc parum esse, qui fortiter mori posset. Non accepit tamquam nouum nuntium, filij mortem : quid est enim noui, hominem mori, cuius tota vita nihil aliud quam ad mortem iter est? Ego cum genui, tum moriturum sciui. Deinde adiecit rem maioris & prudentiæ & animi: Huic rei sustuli. Omnes huic rei tollimur: quisquis ad vitam editur, ad mortem destinatur. Gaudeamus ergo omnes eo quod datur, reddamusque id cum reposcemur. alium alio tempore fata comprehendent, neminem præteribunt. In procinctu stet animus: & id quod necesse est, nunquam timeat: quod incertum est, semper expectet. Quid dicam duces, ducumque progenies, & multis aut consularibus conspicuos, aut triumphis, sorte defunctos inexorabili? tota cum regibus regna, populi que cum gentibus tulere fatum suum. Omnes, imò omnia in vltimum diem spectant.

non idem vniuersis finis est. Alium in medio cursu vita deserit, alium in ipso aditu relinquit, alium in extremâ senectute fatigatum iam & exire cupientem vix emittit: alio quidem atque alio tempore, omnes tamen in eundem locum tendimus. Vtrumne stultius sit nescio, mortalitatis legem ignorare, an impudentius, recusare. Agedum illa quæ multo ingenij tui labore celebrata sunt, in manus sume, vtriuslibet auctoris carmina: quæ tu ita resoluiſti, vt quamuis structura illorum recesserit, permaneat tamen gratia. Sic enim illa ex aliâ linguâ in aliam tranſtulisti, vt (quod difficillimum erat) omnes virtutes in alienam te orationem secutæ sint. Nullus erit in illis scriptis liber, qui non plurima varietatis humanæ incertorumque casuum & lacrimarum, ex alia atque alia causa fluentium, exempla tibi suggerat. Lege, quo spiritu ingentibus intonueris rebus: pudebit te subito deficere, & ex tantâ orationis magnitudine decidere. Ne commiseris, vt quisquis extemplo ac modò scripta tua mirabatur, quærat quomodo tam grandia, tamque solida, tam fragilis animus conceperit. Potius ab istis quæ te torquent, ad hæc tot & tanta quæ consolantur, conuerſe, ac respice optimos fratres, respice uxorem, filium respice. Pro omnium horum salute, hac tecum portione fortuna

decidit. Multos habes in quibus acquiescas.

CAP. XXXI. Ab hac te infamiâ vindica, ne videatur omnibus plus apud te valere vnus dolor, quàm hæc tam multa solatia. Omnes istos vnâ tecum percussos vides, nec posse tibi subuenire, imò etiam vltro expectare, vt à te subueantur, intelligis: & ideo quanto minus in illis doctrinæ minusque ingenii est, tanto magis resistere te necesse est communi malo. Est autem hoc ipsum solacii loco, inter multos dolorem suum diuidere: qui quia dispensatur inter plures, exigua debet apud te parte subsidere. Non desinam totiens tibi offerre Cæsarem illo moderante terras, & ostendente, quanto melius beneficiis imperium custodiatur, quàm armis, illo rebus humanis præsidente, non est periculum, ne quid perdidisse te sentias. in hoc vno tibi satis præsidij, satis solacii est. Attolle te: & quotiens lacrimæ suboriantur oculis tuis, totiens illos in Cæsarem dirige: siccabuntur maximi & clarissimi conspectu numinis. Fulgor eius illos, vt nihil aliud possint aspicere, præstringet, in se hærentes detinebit. Hic tibi, quem tu diebus intueris ac noctibus, à quo nunquam deijcis animum, cogitandus est, hic contra fortunam aduocandus: nec dubito, cum tanta illi aduersus omnes suos sit mansuetudo, tantaque indulgen-

tia, quin multis iam solatiis tuum istud vulnus obduxerit, nonnulla quæ dolori obstarent tuo congesserit. Quid porro? ut nihil horum fecerit, nonne protinus ipse conspectus per se tantummodo, cogitatusque; Cæsar, maximo solatio tibi est? Dij illum Deeq; omnes terris diu commodent. acta hic D. Augusti, & annos vincat, ac quantum diu mortalis erit, nihil ex domo suo mortale esse sentiat. Rectorem Romano imperio filiū longā fide approbet, & ante illum consortem patris, quam successorem accipiat. Sera, & nepotibus demū nostris dies nota sit, quā illum gens sua cælo asserat.

CAP. XXXII. Abstine ab hoc manus tuas fortuna, nec in isto potentiam tuam, nisi eā parte quā prodes, ostenderis, patere illum generi humano iam diu ægro & affecto mederi: patere, quicquid prioris Principis furor concussit, in locum suum restituere ac reponere. Sidus hoc, quod præcipitato in profundum, ac demerso in renebras orbi refulsit, semper luceat. Hic Germaniam pacet, Britanniam aperiat, & patris triumphos ducat, & novos: quorum me quoque. spectatorem futurum, quæ primum obtinet locum ex virtutibus eius, promittit clementia. nec enim sic me deiecit, ut noller erigere: imò ne deiecit quidem, sed impulsus à fortuna & cadentem sustinuit, & in præceps euntem leniter, diuinæ manus usus moderatione deposuit.

Deprecatus est pro me senarum, & vitam mihi non tantum dedit, sed etiam petiit. Viderit, qualem volet aestimari causam meam: vel iustitia eius bonam perspicier, vel clementia faciet: vtrumque in æquo mihi eius beneficium erit; siue innocentem me scierit esse; siue voluerit. Interim magnum miseriarum mearum solatium est, videre misericordiam eius; totum orbem peruagantem: quæ cum ex ipso angulo, in quo ego defossus sum, complures multorum iam annorum ruinâ obrutos effoderit, & in lucem reduxerit, non veretur ne me vnum transeat. Ipse autem optime nouit tempus, quo cuique debeat succurrere: ego omnem operam dabo, ne peruenire ad me erubescat. O felicem clementiam tuam Cæsar! quæ efficit, ut quietiorem sub te agant vitam exules, quam nuper sub Caio egere principes. Non trepidant; nec per singulas horas gladium expectant; nec ad omnem nauium conspectum pauent. Per te habent, ut fortunæ scilicet modum; ita spem quoque melioris eiusdem, ac præsentis quietem. Scias licet ea demum fulmina esse iustissima, quæ etiam percussit eolunt.

CAP. XXXIII. Hic itaque princeps, qui publicum omnium hominum solatium est, aut me omnia fallunt, aut iam recreauit animum tuum, & tam magno vulnerei maiora adhibuit remedia?

iam te omni confirmavit modo: iam omnia exempla, quibus ad animi æquitatem compellereris, renacissimam memoriā reculit: iam omnium præcepta sapientum assuetā sibi faciendā explicuit. Nullus itaque melius has alloquendi partes occupauerit: aliud habebunt hoc dicente pondus verba, velut ab oraculo emissa, omnem vim doloris tui diuina eius confunderet auctoritas. Hunc itaque tibi puta dicere: Non te solum fortuna desumpsit sibi, quem tam ingratum afficeret iniuriā. nulla domus in toto orbe terrarum aut est, aut fuit sine aliqua comploratione. Transibo exempla vulgaria, quæ etiam si minora, tamen mura sunt: ad fastos te, & annales perducam publicos. Vides omnes has imagines, quæ implere Cæsareum atrium? nulla non harum aliquo suorum incommodo insignis est: nemo non existis, in ornamentum sæculorum refulgentibus viris, aut desiderio suorum tortus est, aut à suis cum maximo animi cruciatu desideratus est. Quid tibi referam Scipionem Africanum, cui mors fratris in exilio nuntiata est? Is frater qui eripuit fratrem carcere, non potuit eripere fato: & quam iuris æqui impatiens pietas Africani fuerit, cunctis apparuit: eodem enim die, quo viatoris manibus fratrem abstulerat, tribuno quoque plebis priuatus intercessit. tam magno tamen



fratrem desideravit hic animo, quam defenderat. Quid referam Æmilianum Scipionem, qui vno pæne eodemque tempore, spectavit patris triumphum, duorumque fratrum funera? adolescentulus tamen, ac propemodum puer, tanto animo tulit illam familię suę, super ipsum Pauli triumphum concidentis subitam vastitatem, quanto debuit ferre vir in hoc natus, ne urbi Romanę aut Scipio decisset, aut Carthago superesset.

CAP. XXXIV. Quid referam duorum Lucullorum direptam morte concordiam? Quid Pompeios? quibus ne hoc quidem seniens reliquit fortuna, vt vnâ denique conciderent ruinâ. Vixit Sextus Pompeius, primum sorori superstes, cuius morte optimè coherentis Romanę pacis vincula resoluta sunt. Idemque vixit superstes optimo fratri: quem fortuna in hoc erexerat, ne minus altè eum deijceret, quam patrem deiecerat: & post hunc tamen casum non tantum dolori, sed bello suffecit. Innumerabilia vndique exempla separatorum morte fratrum succurrunt, imò contrà, vix vlla vnquam horum paria conspecta sunt, vnâ senescentia: sed contentus nostrę domus exemplis ero. Nemo enim tam expers erit sensus ac sanitatis, vt fortunam vlli queratur luctum intulisse. quam sciet etiam Cæsarium lacrimas concupisse. Diuus Augustus

amisit Octaviam sororem carissimam, & ne ei quidem rerum natura lugendi necessitatem abstulit, cui cœlum destinauerat: imò verò idem omni genere orbitatis vexatus, sororis filium successioni præparatum suæ perdidit. Denique ne singulos eius luctus enumerem, & generos ille amisit, & liberos, & nepotes: ac nemo magis ex omnibus mortalibus hominem esse se, dum inter homines erat, sensit. Tamen tot tantosque luctus cepit rerum omnium capacissimum eius pectus, victorque Diuus Augustus non gentium tantummodo externarum, sed etiam dolorum fuit. Caius Cæsar, Diui Augusti auunculi mei nepos, circa primos iuuentutis suæ annos Lucium fratrem carissimum sibi, princeps iuuentutis principem eiusdem iuuentutis amisit, in apparatu Parthici belli: & grauiore multò animi vulnere, quàm postea corporis, ictus est: quod utrumque piissimè idem, & fortissimè tulit. Cæsar patruus meus, Drusum Germanicum patrem meum, minorem natu quàm ipse erat fratrem, intima Germaniæ recludentem, & gentes ferocissimas Romano subijcientem imperio, in complexu & osculis suis amisit: modum tamen lugendi non sibi tantum, sed etiam aliis fecit: ac totum exercitum, non solum mœstum, sed etiam attonitum, corpus Drusi sui sibi vindicantem, ad morem  
 Romani

Romani luctus redegit: iudicauitque non militandi tantum disciplinam esse seruandam, sed etiam dolendi. Non potuisset ille lacrimas alienas compescere, nisi prius precessisset suas.

CAP. XXXV. M. Antonius auus meus, nullo minor nisi eo à quo victus est, tunc cum Rempub. constitueret, & triumvirali potestate præditus, nihil supra se, exceptis verò duobus collegis, omnia infra se cerneret, fratrem interfectum audiuit. Fortuna impotens, quales ex humanis malis tibi ipsa ludos facis! Eo ipso tempore, quo M. Antonius ciuium suorum vitæ sedebat mortisque arbiter, M. Antonij frater duci iuebatur ad supplicium. Tulit hoc tamen tam triste vulnus eadem magnitudine animi, quâ omnia alia aduersa tolerauerat: & hoc fuit ei lugere, viginti legionum sanguine fratri parentare. Sed ut omnia alia exempla præteream, ut in me quoque ipso alia taceam funera, bis me fraterno luctu fortuna aggressa est: bis intellexit ledi me posse, vinci non posse. Amisi Germanicum fratrem: quem quomodo amauerim, intelligit profectò, quisquis cogitat quomodo suos fratres pij fratres ament. Sic tamen affectum meum rexi, ut nec relinquerem quicquam quod exigi deberet à bono fratre, nec facerem quod reprehendi posset in Principe. Hæc ergo puta tibi

parentem publicum referre exempla, eundem ostendere. quàm nihil sacrum intactumque sit fortunæ, quæ ex his penatibus ausa est funera ducere, ex quibus erant deos petitura! Nemo itaque miretur, aliquid ab illa aut crudeliter fieri, aut iniquè. Potest enim hæc aduersus priuatas domos ullam æquitatem nosse, aut ullam modestiam, cuius implacabilis sæuitia torrens ipsa funestauit puluinaria! Faciamus licet illi conuicium, non nostro tantum ore, sed etiam publico: non tamen mutabitur: aduersus omnes se preces, omnesque querimônias erigetur. Hoc fuit in rebus humanis fortuna, hoc erit: nihil inausum sibi reliquit: nihil intactum relinquet. Ibit violentior per omnia, sicut semper est solita, eas quoque domos ausa iniuriæ causa intrare, in quas per templa aditur, & atram laureatis foribus inducere vestem.

CAP. XXXVI. Hoc unum obtineamus ab illa votis ac precibus publicis, si nondum illi genus humanum placuit consumere, si Romanum adhuc nomen propitia respicit, hunc Principem, lapsis hominum rebus datum, sicut omnibus mortalibus, sibi esse sacrosanctum velit. discat ab illo clementiam, atque à mitissimo omnium Principum mitis fieri. Debes itaque omnes intueri eos, quos paulò antè retuli, aut adscitos cælo, aut proxi-

mos, & ferre æquo animo fortunam, ad te quoque porrigentem manus: quas ne ab eis quidem, per quos iuramus, abstinet. Debes illorum imitari firmitatem in perferendis & euincendis doloribus, & in quantum modò homini fas est, per diuina ire vestigia. Quamuis in aliis rebus dignitatum magna discrimina sint, virtus in medio posita est: neminem dedignatur, qui modò dignum se illâ iudicet. Optime certè illos imitaberis, qui cùm indignari possent non esse ipsos expertes huius mali, tamen in hoc vno se ceteris exæquari hominibus, non iniuriam, sed ius mortalitatis iudicauerunt; tuleruntque nec nimis acerbè & asperè quod acciderat, nec molliter & effœminatè. Nam & non sentire mala sua, non est hominis: & non ferre, non est viri. Non possum tamen, cùm omnes circumiuerim Cæsares, quibus fortuna fratres & sorores eripuit, hunc præterire ex omni Cæsarum numero excerpendum: quem rerum natura in exitum opprobriumque humani generis edidit, à quo imperium euersum funditus, Principis piissimi recreat clementia. C. Cæsar, amissâ sorore Drusillâ, is homo qui non magis dolere quàm gaudere Principaliter posset, conspectum conuersationemque ciuium suorum profugit, exsequiisque sororis suę non interfuit, iusta sorori non præstitit, sed in Albanum

suum secessit. At foro & aduocatis, & huiusmodi aliis occupationibus acerbissimi funeris leuabat mala! Pro pudor imperij. principis Romani lugentis sororem, alea solatium animi fuit. Idem ille Caius furiosâ inconstantia, modò barbam capillumque submittens, modò Italiae ac Siciliae oras errabundus permetiens, & nunquam satis certus utrùm lugeri vellet, an coli sororem. Eodem enim tempore, quo templa illi constituebat ac puluinaria, eos qui parùm mœsti fuerant, crudelissimâ afficiebat animaduersione. Eâdem enim intemperie animi aduersarum rerum ictus ferebat; quâ secundarum elatus euentu, supra humanum intumescebat modum. Procul istud exemplum ab omni Romano viro, luctum suum aut intempestiuus auocare lusibus, aut sordium ac squallores foeditate irritare, aut alienis malis oblectare, minimè humano solatio. Tibi verò nihil ex consuetudine mutandum tuâ. quoniam quidem ea instituisti amare studia, quæ & optimè felicitatem extollunt, & facillimè minuunt calamitatem: eademque & ornamenta hominum maxima sunt, & solatia.

CAP. XXXVII. Nunc itaque te studiis tuis immerge altius, nunc illa tibi velut munimenta animi circunda; nec ex ulla tui parte inueniat introitum dolor: Fratri quoque tui produce memoriam aliquo

scriptorum monumento tuorum. hoc enim vnum est rebus humanis opus, cui nulla tempestas noceat, quod nulla consumat verustas: cetera, quæ per constructionem lapidum, & marmoreas moles, aut terrenos tumulos in magnam eductos altitudinem constant, non propagabunt longam diem: quippe & ipsa intereunt. Immortalis est ingenij memoria: hanc tuo fratri largire, in hac cum colloca: melius illum duraturo semper consecrabis ingenio, quàm irritò dolore lugebis. Quod ad ipsam fortunam pertinet, etiam si nunc agi apud te causa eius non potest: omnia enim illa quæ nobis dedit, ob hoc ipsum, quòd aliquid eripuit, inuisa sunt. tunc tamen erit agenda, cum primum æquiores te illi iudicem dies fecerit: tunc enim poteris in gratiam cum illâ redire. Nam multa prouidit, quibus hanc emendaret iniuriam: multa, etiam nunc dabit quibus redimat: denique ipsum quod abstulit, ipsa dederat tibi. Noli ergo contra te ingenio vti tuo, noli adesse dolori tuo. Potest quidem eloquentia tua, quæ parua sunt approbare pro magnis: rursus magna attenuare, & ad minima deducere: sed aliud ista vires seruet suas, nunc tota se in solatium tuum conferrat. Sed tamen dispice, ne hoc iam quoque sit superuacuum, aliquid enim à nobis natura exigit: plus vanitate contrahitur.

Nunquam autem ego à te, ne ex toto mœ-  
reas, exigam. Et scio inueniri quosdam  
duræ magis quàm fortis prudentiæ vi-  
ros, qui negent doliturum esse sapientem.  
Hi verò videntur nunquam in huiusmo-  
di casum incidisse. alioquin excussisset il-  
lis fortuna superbam sapientiam, & ad  
confessionem eos veri etiam inuitos com-  
pulsisset. Satis præstiterit ratio, si id vnum  
ex dolore, quod & superest & abundat,  
exciderit. nam vt quidem nullum omni-  
no esse cum patiatur, nec sperandum vlli,  
nec concupiscendum est. Hunc porius  
modum seruet, qui nec impietatem imi-  
tetur, nec insaniam: & nos in eo teneat  
habitu, qui & piæ mentis est, nec emotæ.  
Fluant lacrimæ, sed eædem desinant: tra-  
hantur ex imo pectore gemitus, sed iidem  
& finiantur. Sic rege animum tuum, vt &  
sapientibus te approbare possis, & fratri-  
bus. effice, vt frequenter fratris tui me-  
moriâ tibi velis occurrere, vt illum &  
sermonibus celebres, & assiduâ recorda-  
tione repræsentes tibi. Quod ita deni-  
que consequi poteris, si tibi memoriâ  
eius iucundam magis, quàm flebilem fe-  
ceris. naturale est enim, vt semper ani-  
mus ab eo refugiat, ad quod cum tristitiâ  
reuertitur. Cogita modestiam eius, cogi-  
ta in rebus agendis solertiam, in exse-  
quendis industriam, in promissis constan-  
tiam. Omnia dicta eius ac facta & aliis



expone, & tibi met ipse commemora. Qualis fuerit cogita, qualisque sperari potuerit. quid enim de illo non tuto sponderi fratre posset? Hæc, utcumque potui, longo iam situ obsoleto & hebetato animo composui: quæ si aut parum respondere ingenio tuo, aut parum mederi dolori videbuntur, cogita quàm non facillè Latina ei verba succurrant, quem Barbarorum inconditus grauisque fremitus circumsonat.

## L. ANNÆI SENECAE

AD MARCIAM

DE CONSOLATIONE

LIBER VNVS.

CAPVT I.

**N**ISI te, Marcia, scirem tam longè ab infirmitate muliebris animi, quàm à ceteris vitiis recessisse, & mores tuos velut antiquum aliquod exemplar aspici: non auderem obuiam ire dolori tuo, cui viri quoque libenter hærent & incubant. nec spem concepissem, tam iniquo tempore, tam inimico iudice, tam inuidioso crimine, posse me efficere, ut fortunam tuam absolueres. Fiduciam mihi dedit exploratum iam robur animi, & magno experimento approbata virtus tua. Non

I iij

est ignotum, qualem te in personam patris tui gesseris : quem non minus quam liberos dilexisti : excepto eo, quod non optabas superstitem. nec scio an & optaveris. Permittit enim sibi quædam & contra bonum morem magna pietas. Mortem Al. Cremutij Cordi, parentis tui, quantum poteras, inhibuisti. Postquam tibi apparuit, inter Sejanianos satellites illam vnam patere servitutis fugam, non fauisti consilio eius, sed dedisti manus, vincta, fuditque lacrimas clam, & gemitus delirasti quidem, non tamen hilari fronte rexisti : & hoc illo sæculo, quo magna pietas erat, nihil impiè facere. Ut vero aliquam occasionem mutatio temporum dedit : ingenium patris tui, de quo sumptum erat supplicium, in usum hominum reduxisti, & a vera illum vindicasti morte : ac restituiisti in publica monumenta libros, quos vir ille fortissimus sanguine suo scripserat. Optime meruisti de Romanis studiis ; magna illorum pars arserat : optime de posteris, ad quos venierant corrupta rerum fides ; auctori suo magno imputata : optime de ipso, cuius vigeret vigebitque memoria, quandiu fuerit in pretio Romana cognosci ; quandiu quisquam erit, qui reueri velit ad acta maiorum ; quandiu quisquam qui velit scire, quid sit vir Romanus ; quid subactis iam ceruicibus omnium, & ad Sejanianum iugum adactis,

indomitus sit homo, ingenio, animo, manu liber. Magnum mehercule detrimentum Resp. ceperat, si illum ob duas artes pulcherrimas in obliuionem coniectum, eloquentiam & libertatem, non eruisses. Legitur, floret, in manus hominum, in pectora receptus, vetustatem nullam timet. At illorum carnificum citò scelera, quibus solis memoriam meruerunt, tacebuntur. Hæc magnitudo animi tui vetuit me ad sexum tuum respicere: vetuit ad vultum, quem tot annorum continua tristitia, vt semel obduxit, tenet. Et vide quàm non surrepam tibi, nec furtum facere affectibus tuis cogitem. Antiqua mala in memoriam reduxi. & vis scire hanc quoque plagam esse sanandam? ostendi tibi æquè magni vulneris cicatricem. Alij itaque molliter agant, & blandiantur: Ego configere cum tuo mœrore constitui, & defessos exhaustosque oculos, si verum audire vis, magis iam ex consuetudine, quàm ex desiderio fluentes; continebo. si fieri potuerit, fauente re remediis tuis; sin minùs, vel inuitâ. teneas licet & amplexeris dolorem tuum, quem tibi in filij locum superstitem fecisti. Quis enim erit finis? omnia in superuacuum tentata sunt. fatigatæ allocutiones amicorum; auctoritates magnorum & affinium tibi virorum; studia, hereditarium & paternum bonum, surdas aures, irri-

to ac vix ad breuem occupationem proficiente solatio, transeunt. illud ipsum naturale remedium temporis, quod maximas ætumnas quoque componit, in te vñam suam perdidit. Tertius iam præterit annus, cum interim nihil ex primo illo impetu cecidit, renouat se, & corroborat quotidie luctus: & iam sibi ius moræ fecit, eoque adductus est, vt putet turpe desinere. Quemadmodum omnia vitia penitus insidunt, nisi dum surgunt, oppressa sint: ita quoque hæc tristitia & misera, & in se sæuentia, ipsa nouissimo acerbitate pascuntur, & sit infelicitis animi praua voluptas dolor. Cupissem itaque primis temporibus ad istam curationem accedere. leuiore medicinâ fuisset oriens adhuc restinguenda vis: vehementius contra inueterata pugnandum est. Nam vulnorum quoque sanitas facilis est, dum à sanguine recentia sunt: tunc & vruntur, & in altum reuocantur, & digitos scrutantium recipiunt. vbi corrupta in malum vlcus verterunt, difficilius curantur. Non possum nunc per obsequium, nec molliter assequi tam durum dolorem: frangendus est.

CAP. II. Scio, à præceptis incipere omnes qui monere aliquem volunt, & in exempla desinere: mutari hunc interim morem expedit. Aliter enim cum alio agendum est. quosdam ratio ducit: quibusdam nomina clara opponenda sunt,

& auctoritas, quæ liberum non relinquit  
 animum ad speciosa stupentem. Duo tibi  
 ponam ante oculos maxima, & sexus, &  
 sæculi tui, exempla: alterius, fœminæ,  
 quæ se tradidit ferendam dolori; alterius,  
 quæ pari affecta casu, maiore damno, non  
 tamen dedit longum in se malis suis do-  
 minium, sed cito animum in sedem suam  
 reposuit. Octavia & Livia, altera soror  
 Augusti, altera vxor, amiserunt filios iu-  
 uenes, utraq; spes futuri principis certa.  
 Octavia Marcellum, cui & auunculus &  
 socer incumbere coeperat, in quem onus  
 imperij reclinaret. adolescentem animo  
 alacrem, ingenio potentem; sed & frugali-  
 tatis continentiaque in illis aut annis aut  
 opibus non mediocriter admirandum; pa-  
 tientem laboris, voluptatibus alienum;  
 quantumcunque imponere illi auuncu-  
 lus, & (ut ita dicam) inædificare voluisset,  
 laturum. Bene legerat nulli cessura pon-  
 deri fundamenta. Nullum finem, per om-  
 ne vitæ suæ tempus, flendi gemen-  
 dique fecit: nec ullas admisit voces, salutare ali-  
 quid afferentes. ne auuari quidem se pas-  
 sa est. Intenta in vnam rem, & toto ani-  
 mo affixa, talis per omnem vitam fuit,  
 qualis in funere. non dico non ausa con-  
 surgere, sed alleuari recusans: secundam  
 orbitatem iudicans, lacrimas omittere.  
 Nullam habere imaginem filij carissimi  
 voluit, nullam sibi fieri de illo mentio-

nem. Oderat omnes matres, & in Liviā  
maximē furebat: quia videbatur ad illius  
filium transisse sibi promissā felicitas.  
Tenebris & solitudini familiarissimā, no  
ad fratrem quidem respiciens, carmina  
celebranda Marcelli membra composu  
it, aliosque studiorum honores reiecit, &  
aures suas adversus omne solatium clau  
sit, & solemnibus officiis seducta, & ipsam  
magnitudinis fraternitatis circumfus  
centem formam in nosas defodierat, & ab  
didit. Affluentibus tiberis pontibus,  
lugebrem vestem non deponere non sine  
contumelia omnium suorum quibus sal  
vis orba sibi videbatur. DE VITIIS, LIV. 10 p.  
CAP. III. Livia amiserat filium Dru  
sum, magnū futurū principem, iam  
magnū ducem. Intrauerat pennis Ger  
maniam, & ibi signa Romana fixerat, ubi  
vix illos esse Romanos notum erat. In  
expeditione victor decesserat, ipsi illum  
hostibus pegrum cum veneratione & pa  
ce mutua prosequentibus, nec optare  
quod expediebatur aude quibus. Accedebat  
ad hanc mortem, quam ille pro Rep. ob  
ierat, ingens civium provinciarumque, &  
totius Italiæ desiderium: per quam effusus  
in officium lugubre municipiis coloniis  
que, usque in urbem ductum erat funus  
triumpho simillimum. Non licuerat ma  
tri ultima filij oscula, gratumque extremi  
sermonem oris haurire, longo itinere re-

liquias Drusi sui prosecuta, tot per omnem Italiam ardentibus rogis, quasi totiens illum amitteret, irritata. Ut primum tamen intulit tumulto, simul & illum, & dolorem suum posuit, nec plus doluit quam aut honestum erat, aut Cæsare, aut equo maius. Non desit itaque Drusi sui celebrare nomen, ubique illum sibi priuatim, publiceque representare, & libentissime de illo loqui, de illo audire: cum memoriam alterius nemo posset retinere ac frequentare, quia illam tristem sibi redderet. Elige itaque, vtrum exemplum putas probabilius, si illud prius sequi vis, eximis te numero viuorum, auerfaberis & alienos liberos & tuos; ipsumque desiderans, triste matribus omen occurrere. Voluptates honestas, permissas, tanquam parum decoras fortunæ tuæ reijciens, inuisam habebis lucem: & ætati tuæ, quod non præcipitet te quamprimum, & finiat, infestissima eris: quod turpissimum alienissimumque est animo tuo, in meliorem noto partem, ostendes te vivere nolle, mori non posse. Si ad hoc maximæ formidinis te exemplum applicueris, moderatius ac mitius: non eris in ærumnis, nec te tormentis macerabis. Quæ enim, malum, amentia est, pœnas à se infelicitatis exigere, & mala sua augere? Quam in omni vita seruasti, morum probitatem & verecundiam, in hac quoque

re præstabis. est enim quædam & dolendi  
modestia; illum ipsum iuuenem dignissi-  
mum quiete, semper nominans, cogitant-  
que, melioris pones loco, si matris suæ,  
qualis vivus solebat, hilaris, & cum gau-  
dio occurrat.

Cap. IV. Nec te ad fortiora ducam  
præcepta, ut inhumano ferre humanam in-  
beam modo, ut ipso funebri die oculos  
matris exsiccem, ad arbitrium tecum ve-  
niam: hoc inter nos quaereretur, utrum ma-  
gnus esse debeat, an perpetuus dolor.  
Non dubito, quin Liviæ Augustæ, quam  
familiariter coluisti, magis tibi placeat  
exemplum. Illa te ad suum consilium  
vocat: illa in primo furore, cum maxi-  
mè impatientes ferocesque sunt miseriae,  
se consolandam. Arcæ Philosopho viri sui  
præbuit, & multum eam rem profuisse si-  
bi confessa est: plus quàm populum Ro-  
manum, quem nolebat tristem tristitia  
suâ facere: plus quàm Augustum, qui sub-  
ducto altero adminiculo titabatur, nec  
luctu suorum inclinandus erat: plus quàm  
Tiberium filium, cuius pietas efficiebat,  
ut in illo acerbo & deserto gentibus fune-  
re, nihil sibi nisi numerum deesse sentiret.  
Hic, ut opinor, aditus illi fuit, hoc prin-  
cipium apud sceminam opinionis suæ cu-  
stodem diligentissimam. *Vsq; in hunc  
diem Livia (quantum quidem ego sciam, as-  
siduus viri tui comes, cui non tantum qua in*



publicum emittuntur: nota sunt: sed omnes quoque secretiores animum vestrorum morum) dedisti operam ne quid esset: quod in te quisquam reprehenderat. Nec ad in maioribus modo observasti, sed do minimis, ne quid faceres, cui famam, liberrimam Principum iudicem: velles ignoscere. Nec quicquam pulchrius existimo in fastigia collocatis, quam multarum rerum veniam dare nullam petere. Servandus itaque is qui in hac re tuus mos est, ne quid committas, quod minus aliterve factum velis.

CAP. VI. Deinde oro atque obsecro; ne te difficilem amicis, & intractabilem praestes. Non est enim quod ignores, omnes hoc nescire quem admodum se gerant loquantur aliquid coram te de Druso, an nihil miratur obliuio clarissimi iuuenis illi faciat iniuriam, aut mentior tibi. Cum secessimus, & in unum conuenimus, facta eius dictaque quanto meruit suspensum celebramus: coram te, autem nobis de illo silentium est. Caret itaque maxima volupscato filij tui laudibus, quas non dubito quin vel impendio vitae, si potestas datur, in aeternum omnes sis prorogatura. Quare patere, imo accesse sermones, quibus ille narretur; & aperitas aures praesto ad nomen memoriamque filij tui: nec hoc graue duxeris, ceterorum more, qui in eiusmodi casibus partem mali putant, audire solatia. Nunc incubuisti tota in alteram partem, & oblita meliorum, fortunam tuam, quam deterior est,

aspicis. Non conuerſis te ad conſpectus filij tui, occuſuſq; incundos, non ad pueriles dulceſq; blanditias, non ad incrementa ſtudioſam: ultimum illam faciem rerum premis in illam, nunquam parum ipſa per ſe horrida ſit, quicquid poteris congeris. Ne obſecro te, concupieris peruerſiſſimam gloriam, infeliciffimam videri.

CAP. VI. Simul cogita, non eſſe magnum, ſe rebus proſperis fortem gerere, ubi ſecundo curſu vita procedit: nec gubernatoris quidem artem, tranquillam mare & obſequens ventus oſtendit: aduerſi aliquid incurrat oportet, quod animum prober. Proinde ne ſubmiſeris te, imò contra ſige ſtabilem gradum: & quicquid operam ſupra cecidit, ſuſtine, primo dumtaxat ſtrepitu concerrita. Nulla te major multitudo fortune ſit, quam aquo animo. Poſt hoc oſtendit illi filium incolumem, oſtendit ex amiſſo nepotes. Tum illic Marcia negotium actum, tibi Areus aſſedit: te mutata perſonâ conſolatus eſt. Sed puta, Marcia, ereptum tibi amplius quam vlla unquam mater amiſſerit (non permulceo te, nec extenuo calamitatem tuam) ſi fletibus fata vincuntur, conferamus: eat omnis inter luctus dies: noctem ſine ſomno triſtitia consumat: nigerantur lacerato pectori manūs, & in ipſam faciem impetus fiat: atque omni ſe genere ſenſitæ proſecturus mœror exerceat. Sed ſi nullis planctibus deſuncta

reſocantur; ſi ſors immota, & in æternum  
ſtra, nullâ miſeriâ mutatur; & mors tenet  
quicquid abſtulit; deſinat dolor, qui perit.  
Quare regamus: nec nos iſta vis tranſuer-  
ſos auferat. Turpis eſt nauigij rector, cui  
gubernacula fluctus eripuit, qui fluctuan-  
tia vela deſeruit, permittit tempeſtati ra-  
tem: at ille vel in naufragio laudandus,  
quem obruit mare: clauum tenentem &  
obnixum.

C. A. P. V. I. I. *As enim naturale deſi-  
derium ſuorum eſt. Quis negat, quandis  
modicum eſt? nam in diſceſſu, non ſolum  
amiſſione, cariſſimorum neceſſarius mor-  
ſus eſt, & firmiſſimorum quoque animo-  
rum contractio. Sed plus eſt, quod opi-  
nio adiicit, quàm quod natura imperauit.  
Aſpice mutorum animalium, quàm con-  
citata ſint deſideria, & tamen quàm bre-  
uia. Vaccatum vno die altero ve mugitus  
auditur: nec diutiùs equarum vagus ille  
amenſque diſcurſus eſt. Feræ cum veſti-  
gia carulorum conſectatæ ſunt, & ſiluas  
peruagatæ, cum ſæpè ad cubilia expilata  
redierint, rabiem intra exiguum tempus  
exſtinguunt. Aues, cum ſtridore magno  
inanes nidos circumfremuat: intra mo-  
mentum tamen quietæ, volatus ſuos repe-  
runt. Nec vlli animali longum ſœtus ſui  
deſiderium eſt, niſi homini: qui adeſt do-  
lori ſuo, nec tantum quantum ſentit, ſed  
quantum conſtituit, afficitur. Vt ſcias au-*

tem non esse hoc naturale, luctibus frangi, primum magis foeminas quam viros, magis barbaros quam placidos eruditæque gentis homines, magis indoctos quam doctos, eadem orbitas vulnerat. Atqui ea, quæ à natura vim acceperunt, eandem in omnibus servant. Apparet non esse naturale, quod varium est. Ignis omnes ætates, omnium urbium ciues, tam viros quam foeminas, vret: ferrum in omni corpore exhibebit secandi potentiam: quare? quia vires illi à natura datæ sunt, quæ nihil in personam constituit. Paupertatem, luctum, orationem alius aliter sentit, prout illum consuetudo infecit: & imbecillum impatientemque reddit præsumpta opinio de non timendis terribilis.

CAP. VIII. Deinde quod naturale est, non decrescit morâ: dolorem dies consumit, licet contumacissimum, quotidie insurgentem, & contra remedia effervescentem, tamen illum, efficacissimum mitigandæ ferociæ, tempus enervat. Manet quidem tibi, Marcia, etiamnum ingens tristitia, & iam videtur duxisse calum, non illa concitata, qualis initio fuit, sed pertinax & obstinata: tamen hanc quoque ætas tibi minutatim eximet. Quoties aliud egeris, animus relaxabitur: nunc te ipsa custodis. multum autem interest, utrum tibi permittas morere, an imperes.

Quanto magis hoc morum tuorum elegantia conuenit, finem luctus positus facere, quàm expectare: nec illum opperiri diem, quo te inuita dolor desinat: ipsa illi renuntia.

CAP. IX. Vnde ergo tanta nobis pertinacia in deploratione nostri, si id non sit naturæ iussu: quod nihil nobis mali, antequam eueniat, proponimus, sed ut immunes ipsi, & aliis pacatius ingressi iter, alienis non admonemur casibus, illos esse communes. Tot præter domum nostram ducuntur exsequiæ: de morte non cogitamus. tot acerba funera: nos togam nostrorum infantium, nos militiam, & paternæ hereditatis successionem animo agitamus. tot diuitum subita paupertas in oculos incidit: & nobis nunquam in mentem venit, nostras quoque opes equè in labrico positas. Necesse est itaque magis cortuamus, qui quasi ex inopinato ferimur. Quæ multo antè prouisa sunt, languidiùs incurrunt: Vis tu scire te ad omnes expositam ictus stare, & illa quæ alios tela fixerunt, circa te vibrasse? velut murum aliquem, aut obsessum multo hoste locum, & arduum ascensu, inermis adeas, expecta vulnus, & illa supernè volantia cum sagittis pilisque saxa, putà in tuum vibrata corpus. Quoties aut ad latus, aut post tergum ceciderint, exclama: Non decipies me fortuna, nec securam aut negli-

gentem opprimes. scio quid pares. alium percussisti, me petisti. Quis vnquam res suas, quasi periturus, aspexit? quis vnquam nostrum de exilio, de egestate, de luctu cogitare ausus est? quis non, si admoneretur ut de suis cogitet, tamquam dirum omen respuat, & in capita inimicorum aut ipsius intempestiui monitoris abire illa iubeat? Non putavi futurum. Quicquam tu putas non futurum, quod multis scis posse fieri, quod multis vides euersisse? Egregium versum & dignum audiui. est enim e populo. *nil. nihilimozq. m. 7*  
*Cuius potest accidero, quod cuiquam potest.*

Ille amisit liberos: & tu amittere potes? ille damnatus est: & tua innocentia sub ictu est. Hic nos error decipit, hic effeminat, dum patimur, qui nunquam pati nos posse prauidimus. Aufert vim presentibus malis, qui futura prosperit.

**CAP. IX.** Quicquid est hoc, Marcia, quod circa nos ex aduenticio fulget, liberi, honores, opes, ampla atria, & exclusorum clientium turbâ referta vestibula, clara, nobilis, aut formosa coniux, ceteraque ex incertâ & mobili sorte pendentia: alieni commodatiq; apparatus sunt. nihil horum dono datur: collaticiis, & ad dominos redituris instrumentis scæna adornatur. Alia ex his primo die, alia secundo referentur: pauca vsque ad finem perseuerabunt. Ita non est quod nos suspi-

ciamus, tamquam inter nostra positi: mutuo accepimus. Vtusfructus noster est, cuius tempus ille arbiter muneris sui temperat: nos oportet in promptu habere, quæ in incertum diem data sunt, & appellatos; sine querela reddere. Pessimi est debitoris; creditori facere conuicium. Omnes ergo nostros, & quos superstites lege nascendi optamus, & quos precedere iustissimum ipsorum vorum est, sic amare debemus, tamquam nihil nobis de perpetuitate, imò nihil de diuturnitate eorum promissum sit. Sæpe admonendus est animus, amet ut recessura; imò tamquam recedentia: quicquid à fortuna datum est, tamquam extemplo abiturum possideat. Rapite ex liberis voluptates; fruendos vos inuicem liberis date, & sine dilatione omne gaudium haurite: nihil de hodierna die promittitur. Nimis magnam aduocationem dedi: nihil de hac horâ. Festinandum est. instat & tergo mors: iam deficiet iste comitatus: iam contubernia ista sublato clamore soluentur. Rapina rerum omnium est. Miseri nescitis fuga viuere. Si mortuum tibi filium doles, eius temporis quo natus est, crimen est: mors eniã ibi nascenti determinata est. In hanc legem datus: hoc factum ab utero statim prosequabatur. In regnum fortunæ & quidem durum atque iniustum peruenimus; illius arbitrio di-

gna atque indigna (passuri : corporibus nostris impotenter, contumeliosè, crudeliter aburetur : alios ignibus peruret, vel in pœnam ad mortis, vel in remedium : alios nudos mari iactabit, & fluctatos cum fluctibus, ne in arenam quidem aut litus explodet, sed in alicuius ventrem immensa beluæ detruhet : alios morborum variis generibus emaceratos, diu inter vitam mortemque detinebit. Ut varia & libidinosa, mancipiorumque suorum negligens domina, & pœnis & muneribus errabit. Quid opus est partes desicere? tota vita flebilis est. Urgebunt noua incommoda, priusquam veteribus satisfaceris. Moderandus est itaque vobis animus ad hæc maximè, quæ immoderatè feris, & in metus, & in dolores humanum pectus dispensandum.

CAP. XI. Quæ demum ista tuæ publicæque conditionis obliuio est? Mortalis nata es, mortales peperisti: putre ipsa fluidumque corpus, & casibus morbisque reperiita, sperasti tam imbecillâ materiâ solida & æterna gestasse? Decessit filius tuus, id est, decucurrit ad hunc finem, ad quem, quæ feliciora partu tuo putas, properant. Huc omnis ista quæ in foro litigat, in theatris desidet, in templis precatur turba, dispari gradu vadit. Et quæ veneraris, & quæ despicias, vnus ex æquabit cinis. Hoc iubet illa Pythicis oraculis adscripta



vox, NOSCE TE. Quid est homo? quodlibet quassum vas, & quodlibet fragile: iactatu, non tempestate magnâ, vt dissiparis, est opus. Vbiunque arietaueris, solueris. Quid est homo? imbecillum corpus, & fragile, nudum, suapte naturâ incrimine, alienæ opis indigenis, ad omnem fortunæ contumeliam proiectum: cum benè lacertos exercuit, cuiuslibet feræ pabulum, cuiuslibet victima: ex infirmis fluidisque contextum, & lineamentis exterioribus nitidum, frigoris, æstus, laboris impatiens: ipso cursu situ & otio iturum in tabem: alimenta metuens sua, quorum modò inopiâ, modò copiâ rumpitur: anxie sollicitæque tutelæ, precarij spiritus, & malè herentis, quâ parùm repentinum audiet, ex improviso sonus auribus grauis excutit: soli semper sibi nutrimentum vitiosum & inutile. Miramur in hoc mortem vniuersi, quâ singulis opus est? Numquid enim vt concidat, res magni molimenti est? Odor illi saporque, & lassitudo, & vigilia, & humor, & cibus, & sine quibus viuere non potest, mortifera sunt. Quocunque se mouet, infirmitatis suæ statim conscius, non omne cœlum ferens, aquarum nouitatibus, flatuque non familiaris auræ, & tenuissimis causis atque offensionibus morbidum, putre, cassum, à fletu vitam auspicatum: cum interim quantos tumultus hoc tam contem-

ptum animal mouet? in quantas cogitationes oblitum conditionis suæ venit? Immortalia, æterna volutat animo, & in nepotes pronepotesque disponit: cum interim longa conantem eum mors opprimit: & hoc quod senectus vocatur, pauci sunt circuitus annorum.

CAP. XII. Dolor tuus, ô Marcia, si modo illi vlla ratio est, vtrum sua spectat incommoda, an eius qui decessit? Vtrumne amisso filio mouet, quod nulla ex illo voluptates cepisti: an quod maiores, si diutius vixisset, percipere potuisti? Si nullas te percepisse dixeris; tolerabilius efficies detrimentum tuum: minus enim homines desiderant ea, ex quibus nihil gaudij lætitiæque perceperunt. Si confessa fueris percepisse magnas voluptates, oportet te non de eo quod detractum est queri, sed de eo gratias agere quod collegisti. Prouenerunt enim satis magni fructus laborum tuorum ex ipsa educatione: nisi fortè hi, qui catulos auesque, & friuola animorum oblectamenta, summâ diligentia nutriunt, fruuntur aliquâ voluptate ex visu tactuque & blandâ adulatione mutorum: liberos nutrientibus, non fructus educationis, ipsa educatio est. Licet itaque tibi nihil industria eius contulerit, nihil diligentia custodierit, nihil prudentia quæsierit: ipsum quod habuisti, quod amasti, fructus est. At potuit longior esse,  
&

& maior. Melius tamen tecum actum est, quam si omnino non contigisset. quoniam si ponatur electio, vtrum satius sit, non diu felicem esse, an nunquam: melius est, discessura nobis bona, quam nulla contingere. Vtrumne malles degenerem aliquem, & numerum tantum nomenque filij expleturum habuisse; an tantę indolis, quantę tuus fuit? Iuuenis citò prudens, citò pius, citò maritus, citò pater, citò omnis officij curiosus, citò sacerdos, omnia tam propera. Nulli ferè & magna bona, & diuturna, contingunt. non durat, nec ad vltimum exit, nisi lenta felicitas. Ilium tibi dij immortales non diu daturi, statim talem dederunt, qualis diu effici potest. Ne illud quidem dicere potes, electam te à diis, cui frui non liceret filio. Circui per omnem notorum & ignotorum frequentiam oculis: occurrent tibi vbique maiora. Senferunt ista magni duces, senferunt principes. ne deos quidem fabulę immunes reliquerunt; puto vt nostrorum funerum leuamentum esset, etiam diuina concidere. Circumspice, inquam, omnes. nullam tam miseram nominabis domum, quę non inueniat in miseriore solatium. Non, mehercule, tam malè de moribus tuis sentio, vt putem posse te leuius pati casum tuum, si tibi ingentem numerum lugentium produxero. maliuoli solatij genus est, turba miserorum.

Quosdam tamen referam: non ut scias, hoc solere hominibus accidere: ridiculum est enim, mortalitatis exempla colligere: sed ut scias fuisse multos, qui lenierunt aspera, ferendo placide. A felicissimo incipiam. L. Sylla filium amisit: nec ea res aut malitiam eius, & acerrimam virtutem in hostes ciuesque, contudit: aut effecit, ut cognomen illud usurpasse saluo videretur, quod amisso filio assumpsit: nec odia hominum veritus, quorum malis, illius nimis secundæ res constabant: nec inuidiam deorum, quorum illud crimen erat, Sylla tam felix. Sed istud inter res nondum iudicatas habeatur, qualis Sylla fuerit, etiam inimici fatebuntur, bene illum arma sumpsisse, bene posuisse: hoc de quo agitur constabit, non esse maximum malum, quod etiam ad felicissimos peruenit. Nec nimis admiretur Græcia illum patrem, qui in ipso sacrificio nunciata filij morte, tibicinem tantum tacere iussit, & coronam capiti detraxit, cetera rite perfecit.

CAP. XIII. Pulvillus hoc fecit pontifex, cui postem tenenti, & Capitolium dedicanti, mors filij nunciata est: quam ille exaudisse dissimulans, & sollempnia pontificalis carminis verba concepit, gemitu non interrompente preceationem, & ad filij sui nomen Ioue propitiato. Putasses eius luctus aliquem finem esse debere, cu-

ius primus dies, primus impetus ab altaribus publicis, & fausta nuncupatione, non abduxit patrem. Dignus mehercule fuit memorabili dedicatione, dignus amplissimo sacerdotio, qui colere deos ne iratos quidem destitit. Idem tamen, ut rediit domum, & implevit oculos, & aliquas voces flebiles misit: & peractis, quæ mos erat præstare defunctis, ad Capitolium hilari rediit vultu. Paullus circa illos nobilissimi triumphi dies, quo victum ante currum egit Persen, incliti regis nomen, duos filios in adoptionem dedit: quos sibi seruauerat, extulit. Quales rotentos putas, cum inter commodatos Scipio fuisset? Non sine motu vacuum Paulli currum populus Romanus aspexit. concionatus est tamen, & egit diis gratias, quod compos voti factus esset. Precatum enim se, ut si quid ob ingentem victoriam inuidiæ dandum esset, id suo potius, quam publico damno, lucretur. Vides quam magno animo tulerit? orbitati suæ gratulatus est. Ecqueni magis poterat mouere tanta mutatio? solatia simul atque auxilia perdidit: non contigit tamen tristem Paullum Persi videre.

CAP. XIV. Quid nunc te per innumera-  
bilia magnorum virorum exempla du-  
cam; & quæram miseros? quasi non diffi-  
cilius sit; inuenire felices. Quota quæ-  
que domus usque ad exitum omnibus

partibus suis constitit, in quâ non aliquid turbatum sit? Vnum quemlibet annum occupa: & ex eo magistratus cita. Lucium, si vis, Bibulum, & C. Cæsarem, videbis inter collegas inimicissimos concordem fortunam. L. Bibuli, melioris quàm fortioris viri, duo simul filij interfecti sunt: Ægyptio quidem militi ludibrio habiti: vt non minus ipsa orbitate, auctor eius, digna res lacrimis esset. Bibulus tamen, qui, toto honoris sui anno, ob inuidiam collegæ, domi latuerat, postero die quàm geminum funus renunciatum est, processit ad solita & publica officia. Quid minus poterat, quàm vnum diem duobus filiis dare? tam citò liberorum luctum finiuit, qui consulatum anno luxerat. C. Cæsar cum Britanniam peragraret, nec Oceano felicitatem suam continere posset, audiuit decessisse filiam, publica secum fata ducentem. In oculis erat iam Cn. Pompeius, non æquo laturus animo quemquam alium esse in Repub. magnū, & modum impositurus incrementis, quæ grauiâ illi videbantur, etiam cū in commune crescerent: tamen intra tertium diem imperatoria obiit munia, & tam citò, dolorem vicit, quàm omnia solebat.

C A P. X V. Quid aliorum tibi funera Cæsarum referam? quos in hoc mihi interim videtur violare fortuna, vt sic quoque

generi humano profint, ostendentes, ne eos quidem, qui diis geniti deosque genituri dicantur, sic suam fortunam in potestate habere, quemadmodum alienam. Diuus Augustus amissis liberis, nepotibus, exhaustâ Cæsarum turbâ, adoptione desertam domum fulsit: Tulit tamen fortiter, tamquam eius iam res ageretur, cuius cum maxime iaceret, de diis neminem queri. Tib. Cæsar, & quem genuerat, & quem adoptauerat, amisit: ipse tamen pro rostris laudauit filium; stetitque in conspectu posito corpore, interiecto tantummodo velamento, quod pontificis oculos à funere arceret, & fletu populo Romano non flexit vultum: experiendum se dedit Seiano ad latus stanti, quam patienter posset suos perdere. Vidēsne quanta copia virorum maximorum sit, quos non excepit hic omnia prosteruens casus, in quos tot animi bona, tot ornamenta publice priuarimque congesta erant? Sed videlicet it in orbem ista tempestas: & sine dilectu vastat omnia, agitque vt sua. Iube singulos conferre rationem: nulli contigit impunè nasci.

CAP. XVI. Scio quid dicas: Oblitus es scæmiuam te consolari: virorum refers exempla. Quis autem dixerit naturam malignè cum muliebris ingeniiis egisse, & virtutes illarum in arctum retraxisse? Par illis; mihi crede, vigor, par ad honesta

(libeat) facultas est: laborem doloremque ex æquo, si consueverè, patiuntur. In quâ istud vrbe, dii boni loquimur: in quâ regem Romanis capitibus: Lucretia & Brutus deiecerunt: Bruto libertatem debemus, Lucretiæ Brutum. In quâ Clæliam, contempto hoste & summe, ob insignem audaciam tantum non in viros transcripsimus. Equestri insidens statura, in sacra viâ, celeberrimo loco, Clælia exprobrat iuuenibus nostris puluinem ascendentibus, in eâ illos vrbe siq ingredit, in quâ etiam foeminas equo donauimus. Quod tibi si vis exempla referri foeminarum, quæ suos fortiter desiderauerunt, non ostiatim querant: ex vnâ tibi familiâ duas Cornelias dabo. Primam Scipionis filiam, Græchorum matrem. duodecim illa parrus, totidem funeribus recognouit, & de ceteris facile est, quos nec editos, nec amissos ciuitas sensit: Tibi Græchum, & Caium, quos etiam qui bonos viros negauerit, magnos fatebitur, & occisos vidit, & insepultos: consolantibus tamen miseramque dicatibus, *Nunquam inquit, non felicem me dicam, quia Græchos peperit.* Cornelia Linium Drusum, clarissimum iuuenem, illustri ingenij, vadentem per Græchorum vestigia, imperfectis interrogationibus, intra penates interemptum suos amiserat, incerto tædis auctore: tamen & acerbam mortem filij, & inultam,



tam magno animo tulit, quàm ipse leges  
 tulerat. Iam cum fortuna in gratiam,  
 Marcia, reuertêris, si tela, quæ in Scipio-  
 nes, Scipionumque matres ac filios egit,  
 quibus Cæsares petiit, ne à te quidem con-  
 tinuit. Plena & infesta variis casibus vita  
 est: à quibus nulli longa pax, vix induciæ  
 sunt. Quatuor liberos sustuleras, Marcia.  
 nullum aunt frustra cadere telum, quod  
 in confectum agmen immissum est. Mi-  
 rum est, tantam turbam non potuisse sine  
 inuidia damnòve præteruchi? At hoc ini-  
 quior fortuna fuit, quòd non tantùm fi-  
 lios eripuit, sed elegit. Nunquam tamen  
 iniuriam dixeris, ex equo cum potentiore  
 diuidere: duas tibi reliquit filias, & harum  
 nepotes: & ipsum quem maximè luges,  
 prioris oblita, non ex toto abstulit. Ha-  
 bes ex illo duas filias. si malè fers, magna  
 onera: si benè, magna solatia. In hoc te  
 perduxit, vt illas cum videris, admonca-  
 ris filij, non doloris. Agricola, euersis ar-  
 boribus, quas aut ventus radicitus euul-  
 sit, aut contortus repentino impetu turbo  
 perfregit, subolem ex illis residuam fo-  
 uet, & amissarum semina statim plantas-  
 que disponit: & momento (nam vt in dam-  
 na, ita ad incrementa rapidum veloxque  
 tempus est) adulescunt amissis lætiora.  
 Has nunc Metilij tui filias in eius vicem  
 substitue: & vacantem locum exple.  
 Vnum dolorem, geminato solatio leua.

Hæc quidem natura mortalium est, ut nihil magis placeat, quam quod amissum est. iniquiores sumus aduersus relictæ, ereptorum desiderio. sed si æstimare uolueris, quam tibi valde fortuna, etiam cum frueris, pepererit, soles te habere plus quam solatia. Respice tot nepotes, duas filias.

CAP. XVII. Dic illud quoque, Marcia. moueretur me, si esset cuique pro moribus fortuna, nunquam mala bonos sequerentur. nunc video, exemplo distinguere, & eodem modo, malos bonosque iactare. Graue est tamen, quem educaveris iuuenem, iam matri, iam patri præsidium ac decus, amittere. Quis negat graue esse? sed humanum est. Ad hoc uerba es ut perderes, ut perires, ut sperares, metueres, alios reque inquietares, morrem & time- res, & optares, & quod est pessimum, non quam scires cuius esses status. Si quis Syracusas petenti diceret: Omnia incommoda, omnes voluptates futuræ peregrinationis tuæ antè cognosce, deinde ita nauiga. Hæc sunt quæ mirari possis. videbis primùm ipsam insulam ab Italia angusto intercisam freto, quam continenti quondam co hæsisse constat. subitum illò mare irrupit, & Hesperium Siculo latus abscidit. deinde videbis (licebit enim tibi auidissimum maris verticem stringere) illam fabulosam, Charybdim dico, quam

diu ab Austro vacat, quietam, ac si quis in-  
 de ventus spirauit, hiatu magno profun-  
 doque nauigia sorbentem. Videbis cele-  
 brauissimum cataminibus fontem Arcthu-  
 sam, nidiſſimi, ac perlucidæ ad imum ſta-  
 gni, gelidiſſimas aquas profundentem: ſi-  
 ue illas, ibi primum naſcentes inuenit,  
 ſiue immerſum terris flumen integrum  
 ſubter tot maria, ſiue à conſuſione peioris  
 undæ ſeruatum, reddidit. Videbis por-  
 tum quietiſſimum omnium, quæ ſæue na-  
 tura poſuit in tutelam claſſium, aut adiu-  
 uit manus, ſic tutum, ut ne maximarum  
 quidem tempeſtatum furori locus ſit. Vi-  
 debis ubi Athenarum potentia fraſta: ubi  
 tot millia capientium, illæ exeiſis in infi-  
 nitam, ad uidentem faxis, nobilis carcer  
 incluſerat, & ipſam ingentem ciuitatem, &  
 laxius territorium, quàm multarum vr-  
 bium fines, ſine: tepidiſſima hiberna, &  
 nullam diem ſine interuentu ſolis. Sed  
 cum omnia iſta Cognoueris, grauis & in-  
 ſalubris æſtas inſeruiſſet illi beneficia cor-  
 rumperet. Erit Didorhus illic tyrannus,  
 libertatis, iuſtitie, legum exitium, domi-  
 nationis cupidus, etiam poſt Platonem,  
 vitæ, etiam poſt exilium: aliis vix, alios  
 vtrahabit, alios ob leuem offenſam iube-  
 bit decurſari: acceſſit ad hiſpidinem ma-  
 ris, feminæque: & inter ſcedos regis in-  
 teſtæ greges, parum erit ſimul bi-  
 nis coire. Audisti quid te inuiſare poſſet,

quid abstergere: proinde aut nauiga, aut  
resiste. Post hanc denunciationem, si quis  
dixisset intrare se Syracusas velle, falsum  
iustam querelam de villo, nisi de se, ha-  
bere posset, qui non incidisset in illa, sed  
prudens sciensque venisset. Dicit omni-  
bus nobis natura: Neminem decipio. Tu  
si filios sustuleris, poteris habere formo-  
sos, poteris & deformes: & si fortasse tibi  
multi nascentur, esse ex illis aliquis tam  
seruator patriæ, quam proditor poterit.  
Non est quod desperes tantæ dignationis  
futuros, ut nemo tibi propter illos male-  
dicere audeat: propone tamen & tantæ  
futuros turpitudinis, ut ipsi maledictum  
sint. Nihil vetat illos tibi suprema præ-  
stare, & laudari te à liberis tuis: sed sic te  
para, tanquam in ignem positura, vel pue-  
rum, vel iuuenem, vel senem. Nil enim  
ad rem pertinent anni: quoniam nihil  
non acerbum finis est, quod parens se-  
quitur. Post has leges propositas, si libe-  
ros tollis, omni deos inuidiâ liberas, qui  
tibi nihil sponponderunt.

CAP. XVIII. Ad hanc imaginem age-  
dam totius vitæ introitum referamus.  
Syracusas visere deliberanti tibi, quicquid  
delectare poterat, quicquid offendere, ex-  
posui: puta nascenti me tibi venire in con-  
siliium. intratura es urbem diis homini-  
busque communem, omnia complexam,  
certis legibus æternisque deuinctam; in-

defatigata cælestium officia voluentem. Videbis illic innumerabiles stellas, miraberis vno sidere omnia impleri, solem quotidiano cursu diei noctisque spatia signantem, annum in æstatem hiememque æqualiter diuidentem. Videbis nocturnam lunæ successionem à fraternis occurrionibus lenè remissumque lumen mutuantem, & modò occultam, modò toto ore terris imminentem, accessionibus damnisque mutabilem, semper proximæ dissimilem. Videbis quinque sidera diuersas agentia vias, & in contrarium præcipiti mundo nitentia: ex horum leuissimis moribus fortunæ populorum dependent, & maxima ac minima proinde formantur prout æquum iniquumve sidus incessit. Miraberis conlecta nubila, & cadentes aquas, & obliqua fulmina, & cæli fragorem. Cum satiatis spectaculo supernorum in terram oculos deieceris, excipiet te alia forma rerum, aliterque mirabilis. Hinc camporum in infinitum patentium fusa planities; hinc montium magnis & nivalibus surgentium iugis, erecti in sublime vertices, deiectus fluminum, & ex vno fonte in Orientem Occidentemque defusi amnes, & summis cacuminibus nemora nutantia, & tantum siluarum, cum suis animalibus, auiumque concentu dissono. Varij vrbiū situs, & seclusæ nationes locorum difficultate. quarum aliæ se-

in erectos subtrahunt montes; alia ripis, lacu, vallibus, palude circumfunduntur: ad tanta cultu feges, & arbuta sine cultore fertilia; & riuorum lenis inter præta discursus; & amœni sinus; & littora in porum recedentia, sparsæ tot per vastum insulae, quæ interuentu suo maria distinguunt. Quid lapidum gemmarumque fulgor; & inter rapidorum cursum torrentium aurum arenas interfluens; & in medijs terris; medioque rursus mari hidentes ignium faces; & vinculum terrarum Oceanus; continuationem gentium triplici sinu scindens; & ingenti licentiæ exæstans? Videbis his inquieris; & sine vento fluctuantibus aquis immani & fidem excedenti magnitudine terrentia animalia, quædam graua & alieno se magisterio moquentia, quædam velocia, concitatis perniciores remigils, quædam haurientia yndas; & magno prænauigantium periculo efflantia. Videbis hic nauigia, quas non nouere terras quærentia. Videbis nihil humana audacie intentatum, erisque expectatrix; & ipsa pars magna conantium: discēs, docēbilque artes, alias quæ vitam instruant; alias quæ ornent, alias quæ regant. Sed istic erunt mille corporum & animorum pestes, & bella; & latrocinia; & venenæ; & naufragia; & intemperies cæli corporisque, & carissimorum acerba desideria, & mors, incertum

facilis, an per penam cruciatumque. Delibera tecum, & perpende quid velis. ut in illa venias, per ista exiundum est. Respondebis, velle te vivere. quidni? imò, puto, ad id non accedes. ex quo tibi aliquid detrahi doles. Viue ergo, ut conveniat. Nemo, inquit, nos consuluit. Consulci sunt de nobis parentes nostri: qui cum conditionem vitæ nossent, in hanc nos sustulerunt.

CAP. XIX. Sed ut ad solatia veniam, videamus primum quid curandum sit, deinde quemadmodum. Mover lugentem desiderium eius, quem dilexit id per se tolerabile apparet. Absentes enim absuturosque, dum viverent, non flemus, quamvis omnis usus illorum nobis & conspectus ereptus sit. Opinio est ergo, quæ nos cruciat: & tanti quodque malum est, quanti illud taxavimus. In nostrâ potestate remedium habemus. Iudicemus illos abesse, & nosmetipsi fallamus; dimisimus illos, imò consecuturi præmisimus. Mover & illud lugentem: Non erit qui me defendat, qui à contemptu vindicet. Vemimè probabili, sed vero solatio utar: in civitate nostrâ plus gratiæ orbitas confert, quam eripit. Adeoque senectutem solitudo, quæ solebat destruere, ad potentiam ducit, ut quidam odia filiorum simulent, & liberos seruent, & orbitatem manu faciant. Scio quid dicas: Non mo-

uent me detrimenta mea: etenim non est dignus solatio, qui filium sibi decessisse, sicut mancipium, molestè fert: cui quicquam in filio respicere, præter ipsum, vacat. Quid igitur te, Marcia, mouet vtrum, quòd filius tuus decessit: an, quòd non diu vixit? Si quòd decessit, semper debuisti dolere: semper enim scisti mori. Cogita, nullis defunctum malis affici. illa quæ nobis inferos faciunt terribiles, fabula est. Nullas scimus intrinsecus mortuis tenebras, nec carcerem, nec flumina flagrantia igne, nec obliuionis amnem, nec tribunalia, nec reos ylloti in illâ libertate tam laxâ: nullos iterum tyrannos. Luserunt ista poëtæ, & vanis nos agitant re terroribus. Mors omnium dolorum & solutio est, & finis: ultra quam mala nostra non exeunt, quæ nos in illam tranquillitatem, in quâ antequam nasceremur iacimus, reponit. Si mortuorum aliquis miseretur, & non natorum misereatur. Mors nec bonum nec malum est. Id enim potest aut bonum aut malum esse, quod aliquid est: quod verò ipsum nihil est, & omnia in nihilum redigit, nulli nos fortunæ tradit. Mala enim bonaque circa aliquam versantur materiam. Non potest id fortuna tenere, quod natura dimisit: nec potest miser esse, qui nullus est. Excessit filius tuus terminos, intra quos seruitur. Excepit illum magna & æterna pax: non



paupertatis metu, non diuitiarum curâ,  
 non libidinis per voluptatem animos car-  
 pentis stimulis incēditur, non inuidiâ fe-  
 licitatis alienæ tangitur, nec suæ premi-  
 tur, nec conuiciis quidem ullis verecunde  
 aures verberantur. nulla publica clades  
 conspicitur, nulla privata, non sollicitus  
 futuri pendet ex euentu, semper in de-  
 tiora dependentior. Tandem ibi constitit,  
 unde nil eum pellat, vbi nil terreat. **cap. XXII.** O ignaros malorum suo-  
 rum, quibus non mors, vix optimum in-  
 uentum naturæ laudamus! quæ sine felici-  
 ratem includit, siue calamitatem repellit,  
 siue satietatem aut lassitudinem senis ter-  
 minat, siue iuvenile æuam, dum meliora  
 sperantur, in flore deducit, siue pueritiam  
 ante duriores gradus reuocat: omnibus  
 finis, multis remedium, quibusdam vo-  
 tum, de nullis melius merita, quam de his  
 ad quos venit, antequam inuocarentur.  
 Hæc seruitutem inuito domino remittit,  
 hæc captiuorum catenas leuat, hæc de car-  
 cere educit, quos ex rei imperium stupo-  
 reus vetuerat. hæc ex libris in patriam  
 semper animam oculosque tendentibus,  
 ostendit, nihil interesse. Inter quos quis-  
 que taceat. hæc ubi res communes fortu-  
 na male diuisit, & æquo iure genitos,  
 aliam alij donauit, ex æquâ omnia. hæc  
 est quæ nihil quicquam alieno fecit arbi-  
 trio. hæc est, in quâ nemo humilitatem

suam sensit. hæc est quæ nulli paruit, hæc est, Marcia, quam pater tuus concupivit. Hæc est, inquam, quæ efficit, vt nasei non sit supplicium: quæ efficit, vt non concidam aduersus minas casuum; vt seruare animum saluum ac potentem sui possim. Habeo quò appellam. Video istic cruces non vnius quidem generis, sed aliter ab aliis fabricatas. alij capite conuersos in terram suspendere, alij per obscena stipitem egerunt, alij brachia patibulo explicuerunt. Video fidiculas, video verberas & membris & singulis articulis singula machinamenta: sed video & mortem. Sunt istic hostes cruenti, ciues superbi: sed video istic & mortem. Nomen est molestum seruire, vbi si domini portæ sum est, licet vno gradu ad libertatem transire. contra iniurias vitæ, beneficium mortis habeo. Cogita, quantum boni opportuna mors habeat, quàm multis diutius vixisse nocuerit. Si Cn. Pompeium, decus istius firmamentum quæ imperij, Neapoli valitudo abstulisset, indubitatus populi Romani princeps excesserat. At nunc exigui temporis adiectio fastigio illum suo depulit. Vidit legiones in conspectu suo cæsas: & ex illò proelio, in quo prima acies senatus fuit, quàm infelices reliquæ sunt, imperatorem ipsum super fuisse: vidit Ægyptium carnificem, & sacrosanctum victoribus corpus satelliti præstitit, etiam si incolu-

mis fuisset poenitentiam saluus acturus. quid enim erat turpius, quam Pompeium vivere beneficio regis? M. Cicero in eo tempore, quo Catilinæ plicas deuittauit, quibus pariter cum patria petitus est, concidisset, liberatâ Reipublicâ conseruator eūse si denique filix suæ funus secutus fuisset, etiam tunc felix mori potuisset. Non uidisset strictos in ciuilia capita mucrones: nec diuisa percussoribus occisorum bona, ut etiam de suo perirent: non hastam consularia spolia vendentem: nec cedes, nec locata publicè latrocinia, bella, rapinas, tantum Catilinatum. Marcum Catonem si à Cypro & hereditatis regiae dispensatione redeuntem mare deuorasset, vel cum illâ pecuniâ, quam afferebat ciuili bello stipendium, nonne illo bene actum foret? hoc certe secum tulisset, neminem ausurum coram Catone peccare. Nunc annorum adiectio paucissimorum, virum libertati non suæ tantum, sed publicæ inarum, coëgit Cæsarem fugere, Pompeium sequi. Nihil ergo mali immatura mors attulit Metellio: omnium etiam malorum remisit patientiam. Nimis ita- men citò perit, & immaturus. Primum, puta illum superfuisset: comprehendere quantum plurimum procedere homini licet: quantulum est? Ad breuissimum tempus editi, citò cessuri loco, venienti in patetum hoc, prospicimus hospitium. De no-

stris ætatibus loquor, quas incredibili celeritate conuolui constat? computa vrbium sæcula. videbis quàm non diu steterint, etiam quæ vetustate glorian-  
 tur. Omnia humana breuia & caduca sunt, infiniti temporis nullam partem occupantia. Terram hanc cum populis, vrbibusque, & fluminibus, & ambitu maris, puncti loco ponimus, ad vniuersa referentes minorem portionem ætas nostra, quàm partem puncti habet, si tempori comparatur omni. cuius maior est mensura quàm mundi: utpote cum ille se intra huius spatium toties remetiatur. Quid ergo interest id extendere, cuius quantumcunque fuerit incrementum, non multum aberit à nihilo? vno modo multum est quod viuimus: si satis est. Licet mihi vixces, & in moram tardata senectutis nouies denos centenosque percenseas annos: cum ad omne tempus dimiseris animum, nulla erit illa breuissimi longissimiq; æui differentia, si inspecto quanto quis vixerit spatium, comparaueris quanto non vixerit. Deinde non immaturus decessit: vixit enim, quantum debuit viuere. Nihil enim illi iam vltra supererat. Non vna hominibus senectus est, ut ne animalibus quidem: intra quatuordecim quædam annos defatigantur: & hæc illis longissima ætas est, quæ homini prima. dispar cuique viuendi facultas data est: nemo nimis citò mori-

tun, qui victurus diutius quàm vixit, non fuit. Fixus est cuique terminus: manebit semper ubi positus est: nec illum ulterius diligentia aut gratia promouebit: scit libenter illum ulterius diligentiam ex consilio perdidisse. Tulit scilicet, *meta scilicet dati peruenit ad aui.* Non est itaque quòd sic te oneres: Potuit diutius vivere. Non est interrupta eius vita, nec unquam senilis casus interiecit: soluitur quod cuique promissum est: eum vi sua fata, nec adiungunt quicquam, si nec ex promisso semoludemunt: frustra vota ac studia fiunt. Habebit quisque, quantum illi dies primus adscripsit: ex illo quo primùm lucem vidit, nec mortis ingressus est; accessitque fato propior: & illi ipsi, qui adiciebantur adolescentiæ anni, vitæ detrahenduntur. In hoc omnes errore versamur, ut non putemus ad mortem, nisi senes inclinatosque iam vergere: cum illò infantia statim, & iuventa, omnisque ætas ferat. Agnoscit opus suum fata: nobis spiritum nostræ necis auferunt: quòque facilius obrepamus, sub ipso vitæ nomine lateat. Infantem in se pueritia conuertit, pueritiam pubertas, pueritiam senectus abstulit. Incrementa ipsa, si bene computes, damna sunt. *zonne mshxup mshxup mshxup*

**CAP. XXI.** Quereris, Marcia, non tam diu vixisse filium tuum, quàm potuisset. Vnde enim scis, an diutius illi expedierit

an illi hac morte consultum sit? Quem invenire hodie potes, cuius res tam bene posita sint & fundata, ut nihil illi procedenti tempore timendum sit? Labuntur humana, ac fluunt: neque pars vitæ nostræ tam obnoxia aut tenera est, quam que maximè placet. Ideoque felicissimis operanda mors est, quia in tantâ inconstantia turbæque rerum, nihil nisi quod præterit, certum est. Quis tibi recepit, illud pulcherrimum filij tui corpus, & summam pudoris constantiam inter luxuriosæ urbis oculos conservatum, potuisse ita morbos evadere, ut ad senectutem formæ illæ sumperferret decus?

CAP. XXII. Cogita animi mille labe. neque enim recta ingenia, qualem in adolescentia spem sui fecerant, usque in senectutem pertulerunt: sed interversa plerumque sunt. Aut sera, eoque scædior luxuria inuasit, & coegit dehonestare speciosa principia: aut in popinam ventremque projectis, summa illis curarum fuit, quid essent, quid biberent. Adice incendia, ruinas, naufragia, lacerationes medicorum ossa viuis legentium, & totas in viscera manus demittentium, & non simplici dolore pudenda curantium. Post hæc exilium. non fuit innocentior filius tuus, quàm Rutilius. Carcerem non fuit sapientior, quàm Socrates. Voluntario vulnere transfixum pectus, non fuit sap-

etior quam Cato. Cum ista perspexeris, scies optime cum his agi, quos natura, quia illos hoc manebat vitæ stipendium, cito in tutum recepit. Nihil est tam fallax, quam vita humana: nihil tam insidiosum. non mehercule quisquam accepisset, nisi daretur inscius. Itaque si felicissimum est, non nasci: proximum puta, breuitate vitæ defunctos, cito in integrum restitui. Propone illud acerbissimum tibi tempus, quo Seianus patrem tuum clienti suo Satrio Secundo congiarium dedit. Irascebatur illi ob vnum aut alterum liberius dictum, quod tacitus ferre non poterat, *Seianum in ceruices nostras nec imponi quidem, sed ascendere.* Decernebatur illi statua in Pompeij theatro ponenda, quod exustum Cæsar reficiebat. Exclamauit Cordus, *Tunc verè theatrum perire.* Quis ergo non rumperetur, supra cineres Cn. Pompeij constitui Seianum, & in monumentis maximi imperatoris consecrari pessimum militem? consecratur. Subscriptio, & acerrimi canes, quos ille, vt sibi vni mansuetos, omnibus feros haberet, sanguine humano pascebat, circumlatrare etiam hominem, & illum imparatum, incipiunt. Quid faceret? si viuere veller, Seianus rogandus erat: si mori, filia, vterque inexorabilis: constituit filiam fallere. Vfus itaque balneo, & quo plus imponeret, in cubiculum se quasi gustaturus con-

tulit: & dimissis pueris, quædam per fenestram, ut videretur edisse, proiecit: à cœnâ deinde, quasi iam satis in cubiculo edisset, abstinuit: alteroquæ die, & tertio idem fecit. Quarto, ipsâ infirmitate corporis faciebat indicium. Complexus itaque te: *Carissima, inquit, filia, & hoc unum, totâ celatâ vitâ, iter mortis ingressus sum, & iam medium ferè teneo. Reuocare me nec debes, nec potes.* Atque ita lumen omne præcludi iussit, & se in tenebris condidit. Cognito consilio eius, publica voluptas erat, quod è faucibus auidissimorum luporum educeretur præda. Accusatores, Sciano auctore, ad eunt consulum tribunalia: queruntur mori Cordum, interpellantes quod coegerant. adeo illis Cordus videbatur effugere. Magna res erat in quæstione, an morte rei perderentur. dum deliberatur, dum accusatores iterum ad eunt, ille se absoluerat. Videtne, Marcia, quantæ iniquorum temporum vices ex inopinato ingruant? fies quod alicui tuorum mori necesse fuit? pænè non licuit.

**CAP. XXIII.** Præter hoc, quod omne futurum incertum est, & ad deteriora certius? facilius ad superos iter est, animis citò ab humana conuersatione dimissis. minus enim fecis ponderisque traxerunt: antequam obducerentur, & altius terrena conciperent, liberati, leuiore ad originem suam reuolant, & facilius, quic-



quid est illud, absoluti reansfluunt. Nec vnquam magnis ingeniis cara in corpore mora est. exire atque erumpere gestiunt, ægrè has angustias ferunt, vagi per omne sublime, & ex alto assueti humana despicere. Inde est quod Plato clamat: *Sapientis animum totum in mortem prominere, hoc velle, hoc meditari, hac semper cupidine ferri in exteriora tendentem.* Quid tu, Marcia, cùm videres senilem in iuvene prudentiam, victorem omnium voluptatum animum, emendatum, carentem vitio, diuitias sine avaritia, honores sine ambitione, voluptates sine luxuria appetentem; diu tibi putabas illum sospitem posse contingere? Quicquid ad summum peruénit, ad exitum properat. Eripit se aufertque ex oculis perfecta virtus: nec vltimum tempus expectant, quæ in primo maturuerunt. Ignis quò clarior fulsit, citiùs exstinguitur: viuacior est, qui cùm lentâ difficilique materiâ commissus, fumoque demersus, ex sordido lucet. eadem enim detinet caussa, quæ malignè alit. Sic ingenia quò illustriora, breuiora sunt. Nam ubi incremento locus non est, vicinus occasus est. Fabianus ait, quod nostri quoque parentes vidèrè, puerum Romæ fuisse, staturâ ingentis viri: sed hic citò decessit. & moriturum breui nemo non prudens dixit. non poterat enim ad illam ætatem peruenire, quam præce-

perat. Ita est indicium imminentis exitij maturitas, & appetit finis, vbi incrementa consumpta sunt.

CAP. XXIV. Incipe virtutibus illum, non annis æstimare: satis diu vixit. pupillus relictus, sub tutorum curâ vsque ad decimumquartum annum fuit: sub matris custodiâ semper. cùm haberet suos penates, relinquere tuos noluit. Adolescens staturâ, pulchritudine, cetero corporis robore castris natus, militiam recusavit, ne à te discederet. Computa, Marcia, quàm rarò liberos videant, quæ in diuersis domibus habitant: cogita, tot illos perire annos matribus, & per sollicitudinem exigi, quibus filios in exercitu habent: scies multum patuisse hoc tempus, ex quo nihil perdidisti. Nunquam à conspectu tuo recessit: sub oculis tuis studia formauit, excellentis ingenij, & æquaturum, nisi obstitisset verecundia, quæ multorum profectus silentio pressit. Adolescens rarissimæ formæ, in tam magnâ mulierum turbâ viros corrumpentium, nullius spei se præbuit: & cùm quarundam vsque ad tentandum peruenisset improbitas, erubuit, quasi peccasset, quòd placuerat. Hac sanctitate morum effecit, vt puer admodum dignus sacerdotio videretur, maternâ sine dubio suffragatione: sed ne mater quidem nisi pro bono candidato valuisset. Harum in contemplatione

tione virtutum sic te gere, tanquam si nunc ille tibi magis vacet. Nunc nihil habet quo auocetur: nunquam tibi sollicitudini, nunquam mœrori erit. Quod vnum ex tam bono filio poteras dolere, doluisti: cetera exempta casibus, plena voluptatis sunt, si modò uti filio scis, si modò quid in illo pretiosissimum fuerit, intelligis. Imago dumtaxat filij tui periit, & effigies non simillima: ipse quidem æternus, meliorisq̃ue nunc status est, despoliatus oneribus alienis, & sibi relictus. Hęc quæ vides ossa circumuoluta nervis, & obductam cutem, vultumq̃ue, & ministras manus, & cetera quibus inuoluti sumus, vincula animorum tenebræq̃ue sunt. Obruitor his animus, offuscatur, inficitur, arcetur à veris & suis, in falsa coniectus: omne illi cum hac carne graui certamen est, ne abstrahatur & fidat: nritur illò, vnde dimissus est: ibi illum æterna requies manet, è confusis crassiq̃ue pura & liquida visentem.

C A P. X X V. Proinde non est quòd ad sepulcrum filij tui curras. pessima eius, & ipsi molestissima istic iacent, ossa cineresq̃ue: non magis illius partes, quàm vestes, aliaq̃ue tegumenta corporum. Integer ille, nihilq̃ue in terris relinquens, fugit, & totus excessit: paullumq̃ue supra nos commoratus, dum expurgatur, & in hærentia vitia situmq̃ue omnis mortalis

æui excutit, deinde ad excelsa sublatus, inter felices currit animas, excipitque illum cœtus sacer, Scipiones, Catonesque, utique contemptores vitæ, & mortis beneficio liberi. Parens tuus, Marcia, illic nepotem suum, quamquam illic omnibus omne cognatum est, applicat sibi, novâ luce gaudentem, & vicinorum siderum meatus docet: nec ex coniecturis, sed omnium ex vero peritus, in arcana naturæ libens ducit. Utq; ignotarum urbium monstrator, hospiti gratus est: ita sciscitanti cœlestium causas, domesticus interpret. In profunda terrarum permittere aciem iuvat: delectat enim ex alto relictâ respicere. Sic itaque, Marcia, te gere, tanquam sub oculis patris filiiq; posita, non illorum quos noueras, sed tanto excellentiorum, & in summo locatorum: erubesciquicquam humile aut vulgare, & mutatos in melius tuos flere. In æterna rerum per vasta & libera spatia demissos; non illos interfusa maria discludunt, nec altitudo montium, aut imæ valles, aut incerta vada Syrtium. tramites omnia plani, & ex facili mobiles, & expediti, & inuicem peruij sunt, intermixtiq; sideribus.

CAP. XXVI. Puta itaque ex illâ arce cœlesti patrem tuum, Marcia, cui tantum apud te auctoritatis erat, quantum tibi apud filium tuum, non illo ingenio, quo ciuilia bella defleuit, quo proscriben-

tes in æternum ipse proscripsit, sed tanto clariore, quanto est ipse sublimior, dicere: Cur te filia tam longa tenet ægritudo? Cur in tantâ veri ignorantia versaris, ut iniquè actum iudices cum filio tuo, quod in tædium versus vitæ, ipse ad maiores se recepit suos? Nescis quantis fortuna procellis disturbet omnia? quàm nullis benignam facile se præstiterit, nisi qui minimum cum illa contraxerant? Regesne tibi nomen feliciſſimos futuros, si maturius illos mors instantibus subtraxisset malis? An Romanos duces, quorum nihil magnitudini deerit, si aliquid ætati detraxeris? an nobilissimos viros clarissimosque ad ictum militaris gladij compositâ ceruice formatos? Respice patrem atque auum tuum. Ille in alieni percussoris venit arbitrium. Ego nihil in me cuiquam permisi, & cibo prohibitus ostendi, quàm magno animo scripsissem. Cur in domo nostrâ diutissimè lugetur, qui felicissimè moritur? Coimus in vnum omnes, videmusque vos altâ nocte circundari: Nil apud vos, ut putatis, optabile, nil excelsum, nil splendidum: sed humilia cuncta, & graua, & anxia, & quotam partem luminis nostri cernentia? Quid dicam, nulla hîc arma mutuis furere concursibus, nec classes classibus frangi, nec parricidia aut fingi, aut cogitari, nec fora litibus strepere dies perperuos: nihil in obscuro, dete-

Etas mentes, & aperta præcordia, & in publico medioque vitam, & omnis æui prospectum, euentumque? Iuuabat vnus sæculi me fata componere, in parte vltimâ mundi, & inter paucissimos gesta: tot sæcula, tot æratum contextum & seriem, quicquid annorum est, licet visere. licet surrectura, licet ruitura regna prospicere, & magnarum vrbiũ lapsus, & maris novos cursus. Nam si potest tibi solatio esse desiderij tui commune fatum, nihil quo stat loco stabit. omnia sternet, abducentque secum vetustas: nec hominibus solum (quota enim ista fortuitæ potentiæ portio est?) sed locis, sed regionibus, sed mundi partibus ludet: tot supprimet montes, & alibi rupes in altum nouas exprimet: maria sorbebit, flumina auertet: & commercio gentium rupto, societatem generis humani cœtusque dissoluet. Alibi hiatus vastis subducent vrbes, tremoribus quatiet, & ex infimo pestilentes halitus mittet, & inundationibus, quicquid habitatur, obducent: necabitque omne animal orbe submerso, & ignibus vastis torrebit incendetque mortalia. Et cum tempus aduenierit, quo se mundus renouaturus exstinguat, viribus ista se suis cædent, & sidera sideribus incurrent, & omni flagrante materiâ, vno igne, quicquid nunc ex disposito lucet, ardebit. Nos quoque felices animæ, & æterna sortitæ, cum Deo visum erig

iterum ista moliri, labentibus cunctis, & ipsi parua ruinae ingentis accessio, in antiqua elementa vertemur. Felicem filium tuum, Marcia, qui ista iam nouit.

# L. ANNÆI SENECAE

## DE PROVIDENTIA,

siue de fortuna.

## QVARE BONIS VIRIS MALA

## ACCIDANT, CVM SIT

## PROVIDENTIA,

## LIBER VNVS.

## CAPVT I.

**Q**UÆSISTI à me, Lucili, quid ita, si Prouidentia mundus ageretur, multa bonis viris acciderent mala? Hoc commodius in contextu operis redderetur, cum præesse vniuersis prouidentiam probarem, & interesse nobis Deum: sed quoniam à toto particulam reuelli placet, & vnā contradictionem manente lite integrā soluere: faciam rem non difficilem, causam deorum agam. Superuacuum est in præsentia ostendere, non sine aliquo custode tantum opus stare, nec hunc siderum certum discursum fortuiti impetus esse, & quæ casus incitat, sæpè turbari & citò arietare: hanc inoffensam

velocitatem procedere æternæ legis im-  
 perio, tantum rerum terrâ marique ge-  
 stantem, tantum clarissimorum luminum  
 & ex dispositione lucentium: non esse ma-  
 teriæ errantis hunc ordinem: neque quæ  
 temerè coierunt, tantâ arte pendere, vt  
 terrarum grauissimum pondus sedeat im-  
 motum, & circa se properantis cœli fu-  
 gam spectet: vt infusa vallibus maria mol-  
 liant terras, nec vllum incrementum flu-  
 minura sentiant; vt ex minimis seminibus  
 nascantur ingentia. Ne illa quidem quæ  
 videntur confusa & incerta, pluuias dico  
 nubesque, & elisorum fulminum iactus, &  
 incendia ruptis montium verticibus effu-  
 sa, tremores labantis soli, & alia quæ tu-  
 multuosa pars rerum circa terras mouet,  
 sine ratione, quamuis subita sint, acci-  
 dunt: sed suas & illa causas habent non  
 ruinis, quàm quæ alienis locis conspecta  
 miraculo sunt, vt in mediis fluctibus ca-  
 lentes aquæ, & noua insularum in vasto  
 exsurgentium mari spatia. Iam verò si quis  
 obseruauerit nudari litora pelago in se  
 recedente, eademque intra exiguum tem-  
 pus operiri, credet cæcâ quâdam voluta-  
 tione modò contrahi vndas, & introrsum  
 agi, modò erumpere, & magno cursu re-  
 petere sedem suam, cum illæ interim por-  
 tionibus crescunt, & ad horam ac diem  
 subeunt, ampliores minoresque, prout il-  
 las lunare sidus elicit, ad cuius arbitrium



oceanus exundat. Suo ista tempore referuentur: cò quidem magis, quòd tu non dubitas de prouidentia, sed quereris. In gratiam te reducam cum diis, aduersus optimos optimis. Neque enim natura patitur, vt bona bonis noceant. Inter bonos viros ac Deum amicitia est, conciliante virtute. amicitiam dico? imò etiam necessitudo. & similitudo: quoniam quidem bonus ipse tempore tantum à Deo differt, discipulus eius, æmulatorque, & vera progenies: quem parens ille magnificus, virtutum non lenis exactor, sicut seueri patres, durius educat. Itaque cum videris bonos viros acceptosque diis, laborare, sudare, per arduum ascendere, malos autem lasciuire, & voluptatibus fluere: cogita filiorum nos modestiâ delectari, vernularum licentiâ: illos disciplinâ tristiori contineri, horum aliâ audaciam. Idem tibi de Deo liqueat. bonum virum in deliciis non habet: experitur, indurat, sibi illum præparat.

CAP. II. Quare multa bonis viris aduersa eueniunt? nihil accidere bono viro mali potest. Non miscentur contraria. Quemadmodum tot amnes, tantum superne deiectionum imbrium, tanta medicorum vis fontium, non mutant saporem maris, nec remittunt quidem: ita aduersarum impetus rerum viri fortis non vertit animum. Manet in statu, & quic-

quid euenit, in suum colorem trahit. Est enim omnibus externis potentior : nec hoc dico, non sentit illa: sed vincit, & aliquin quietus placidusque, contra incurſentia atrollitur. Omnia aduerſa, exercitationes putat. Quis autem, vir modò, & erectus ad honesta, non est laboris appetens iuſti, & ad officia cum periculo promptus? cui non inuſtioso otium poena eſt? Athletas videmus, quibus virium cura eſt, cum fortiſſimis quibuſque conſigere, & exigere ab his, per quos certamini præparantur, vt totis contra ipſos viribus vtantur. cædi ſe vexarique patiuntur, & ſi non inueniunt ſingulos pares, pluribus ſimul obiciuntur. Marcet ſine aduerſario virus, tunc apparet quanta ſit, quantum valeat, polleatque, cum quid poſſit, patientiâ oſtendit. Scias licet, idem viris bonis eſſe faciendum, vt dura ac difficilia non reformident, nec de fato querantur. quicquid accidit, boni conſulant, in bonum vertant. Non quid, ſed quemadmodum ſeras, intereſt. Non vides, quanto aliter patres, aliter matres indulgeant? illi excitari iubent liberos ad ſtudia obeunda maturè, feriatis quoque diebus non patiuntur eſſe otioſos, & ſudorem illis, & interdum lacrimas, excutiant: at matres fouere in ſinu, continere in vmbra volunt, nunquam flere, nunquam triftari, nunquam laborare. Patrium habet Deus aduerſus

bonos viros animum, & illos fortiter amat: & Operibus, inquit, doloribus, ac damnis exagitantur, vt verum colligant robur. Languent per inertiam saginata: nec labore tantum, sed mole, & ipso sui onere deficiunt. Non fert vllum ictum illæsa felicitas. at vbi assidua fuit cum incommodis suis rixa, callum per iniurias ducit, nec vlli malo cedit: sed etiam si ceciderit, de genu pugnat. Miraris tu, si Deus ille bonorum amantissimus, qui illos quàm optimos esse atque excellentissimos vult, fortunam illis cum quâ exerceantur, assignat? Ego verò non miror, si quando impetum capiunt spectandi magnos viros, colluctantes cum aliqua calamitate. Nobis interdum voluptati est, si adolescens constantis animi irruentem feram venabulo excepit, si leonis incursum interritus pertulit: tantoque spectaculum est grarius, quanto id honestior fecit. Non sunt ista, quæ possunt deorum in se vultum conuertere, sed puerilia, & humanæ oblectamenta leuitatis. Ecce spectaculum dignum, ad quod respiciat intentus operi suo Deus: ecce par Deo dignum, vir fortis cum mala fortuna compositus, utique si & prouocauit. Non video, inquam, quid habeat in terris Iupiter pulchrius, si conuertere animum velit, quàm vt spectet Catonem, iam partibus non semel fractis stantem, nihilominus.

inter ruinas publicas rectum. Licet, inquit, omnia in vnus ditionem concesserint, custodiantur legionibus terræ, classibus maria, Cæsarianus portas miles obsideat: Cato, quâ exeat, habet. Vnâ manu latam libertati viam faciet. ferrum istud, etiam ciuili bello purum & innoxium, bonas tandem ac nobiles edet operas libertatem, quam patriæ non potuit. Catoni dabit. Aggredere anime diu meditatum opus, eripe te rebus humanis. Iam Petreius & Iuba concurrerunt, iacentque alter alterius manu cæsi. Fortis & egregia facti conuentio: sed quæ non deceat magnitudinem nostram. tam turpe est Catoni, mortem ab vilo petere, quàm vitam. Liquet mihi, cum magno spectasse gaudio deos, cum iam ille vir, acerrimus sui vindex, alienæ saluti consulit, & instruit discedentium fugam: dum etiam studia nocte ultimâ tractat, dum gladium sacro pectori infigit, dum viscera spargit, & illam sanctissimam animam, indignamque quæ ferro contaminaretur, manu educit. Inde crediderim fuisse parum certum & efficax vulnus: non fuit Diis immortalibus satis, spectare Catonem semel: retenta ac reuocata virtus est, vt in difficiliore parte se ostenderet. Non enim tam magno animo mors initur, quàm repetitur. Quidni libenter spectarent alumnus suum, tam claro ac memorabili exitu eua-

dentem? mors illos consecrat, quorum exitum & qui timent, laudant.

CAP. III. Sed iam procedente oratione ostendam, quàm non sint quæ videntur, mala. nunc illud dico, ista quæ tu vocas aspera, quæ aduersa & abominanda, primum pro ipsis esse, quibus accidunt, deinde pro vniuersis: quorum maior diis cura est, quàm singulorum. Post hæc, volentibus accidere, ac dignos malo esse, si nolint. His adijciam, fato ista fieri, & rectè eâdem lege bonis euenire, quâ sunt boni. Persuadebo inde tibi, ne vnquam boni viri miserearis. potest enim miseri dici, non potest esse. Difficillimum, ex omnibus quæ proposui, videtur quod primum dixi: pro ipsis esse quibus eueniunt ista, quæ horremus ac tremimus. Pro ipsis est, inquis, in exilium proijci, in egestatem deduci, liberos, coniugem efferre, ignominia affici, debilitari? Si miraris, hoc pro aliquo esse, miraberis quosdam ferro & igne curari, nec minùs fame ac siti. Sed si cogitaueris tecum, remedij causâ quibusdam & radi ossa & legi, & extrahi venas, & quædam amputari membra, quæ sine totius pernicië corporis hære non poterant: hoc quoque patieris probari tibi, quædam incommoda pro his esse, quibus accidunt. tam mehercules, quàm quædam quæ laudantur atque appetuntur, contra eos esse, quos delectauit.

runt: simillima cruditatibus, ebrietatibusque, & cæteris quæ necant per voluptatem. Inter multa magnifica Demetrii nostri, & hæc vox est, à qua recens sum. sonat adhuc, & vibrat in auribus meis. Nihil, inquit, mihi videtur infelicius eo, cui nihil unquam euēnit aduersum. Non licuit enim illi se experiri. Vt ex voto illi fluxerint omnia, ut ante votum: malè tamen de illo dii iudicauerunt. indignus visus est, à quo vinceretur aliquando fortuna, quæ ignauissimum quemque refugit. quasi dicat: Quid ego istum mihi aduersarium assumam? statim arma submitter. non opus est in illum totâ potentiâ meâ: leui comminatione pelleretur: non potest sustinere vultum meum. Alius circumspiciatur, cum quo conferre possimus manum: pudet congredi cum homine vinci parato. Ignominiam iudicat gladiator, cum inferiore componi: & scit eum sine gloria vinci, qui sine periculo vincitur. Idem facit fortuna. fortissimos sibi pares quærit, quosdam fastidio transit. Contumacissimum quemq; & rectissimum aggreditur, aduersus quem vim suam intendat. Ignem experitur in Mucio, paupertatem in Fabricio, exilium in Rutilio, tormenta in Regulo, venenum in Socrate, mortem in Catone. Magnum exemplum, nisi mala fortuna, non inuenit. Infelix est Mucius, quòd dexterâ ignes hostium premit, & ipse à se

exigit erroris sui pœnas ? quòd Regem, quem armatâ manu non potuit, exustâ fugat ? Quid ergo ? felicior esset, si in sinu amicæ foueret manum ? Infelix est Fabricius, quòd rus suum, quantum à Repub. vacauit, fodit ? quòd bellum tam cum Pyrrho, quàm cum diuitiis gerit ? quòd ad focum cœnat illas ipsas radices, & herbas, quas in agro repurgando triumphalis senex vulsit ? Quid ergo ? felicior esset, si in ventrem suum longinqui littoris pisces, & peregrina aucupia congereret ? si conchyliis superi atque inferi maris, pigritiam stomachi nauseantis erigeret ? si ingenti pomorum strue cingeret primæ formæ feras, captas multâ cæde venantium ? Infelix est Rutilius, quòd qui illum damnauerunt, causam dicent omnibus sæculis ? quòd æquiore animo passus est se patriæ eripi, quàm sibi exilium ? quòd Sullæ dictatori solus aliquid negauit, & reuocatus non tantum retrò cessit, sed longius fugit ? Viderint, inquit, hoc isti, quos Romæ deprehendit felicitas tua. videant largum in foro sanguinem, & supra Sernilium lacum ( id enim proscriptionis Sullanæ spoliarium est ) senatorum capita, & passim vagantes per urbem percussorum greges : & multa millia ciuium Romanorum, vno loco post fidem, imò per ipsam fidem, trucidata. Videant ista, qui exulare non possunt. Quid ergo felix est L. Sulla,

quòd illi descendenti ad forum gladio submonetur, quòd capita consularium virorum patitur appendi, & pretium cædis per quæstorem ac tabulas publicas numerat? & hæc omnia facit ille, qui legem Corneliam tulit. Veniamus ad Regulum. quid illi fortuna nocuit? quòd illum documentum fidei, documentum patientiæ fecit? Figunt curem clavi, & quocunque fatigatum corpus reclinavit, vulneri incumbit, & in perpetuam vigiliam suspensa sunt lumina. Quanto plus tormenti, tanto plus erit gloriæ. Vis scire, quàm non præniteat hoc pretio æstimasse virtutem? Refice tu illum, & mitte in senatum; eandem sententiam dicet. Feliciorum ergo tu Mæcenatem putas, cui amoribus anxio, & morosæ vxoris quotidiana repudiæ defienti; somnus per symphoniarum cantum, ex longinquo lene resonantium, quæritur? Mero se licet sopiat, & aquarum fragoribus auocet, & mille voluptatibus mentem anxiam fallat: tam vigilabit in plumâ, quàm ille in cruce. Sed illi solatium est, pro honesto dura tolerare, & ad causam à patientia respicit: hunc voluptatibus marcidum, & felicitate nimia laborantem, magis his quæ patitur vexat causa patiendi. Non vsque eò in possessionem generis humani vitia venerunt, ut dubium sit, an electione fati datâ, plures Reguli nasci, quàm Mæcenates velint.



Aut si quis fuerit, qui audeat dicere, Mæcenatem se quàm Regulum nasci maluisse: idem iste, taceat licet, nasci se Terentiam maluit. Malè tractatum Socratem iudicas, quòd illam potionem publicè mixtam, non aliter quàm medicamentum immortalitatis obduxit, & de morte disputavit vsque ad ipsam? malè cum illo actum est, quòd gelatus est sanguis; ac paulatim frigore inducto venarum vigor constitit? Quanto magis huic invidendum est, quàm illis quibus gemmâ ministratur, quibus exoletus omnia pati doctus, suspensam auro niuem diluit? Hi quicquid biberint, vomitu remetiuntur tristes, & bilem suam regurgitantes: at ille, venenum lætus & libens hauriet. Quod ad Catonem pertinet, satis dictum est: summamque illi felicitatem contigisse, consensus hominum fatebitur. quem sibi rerum natura delegit, cum quo metuenda collideret. Inimicitia potentum graues sunt? opponatur simul Pompeio, Cæsari & Crasso. Graue est, à deterioribus honore anteiri? Vatinio postferatur. Graue est, civilibus bellis interesse? toto terrarum orbe pro causâ bonâ tam infelicitè, quàm pertinaciter, militet. Graue est, sibi manus afferre? faciat. Quid per hoc consequar? ut omnes sciant, non esse hæc mala, quibus ego dignum Catonem putavi.

CAP. IV. Prospera in plebem ac vilia ingenia deueniunt : at calamitates terroresque mortalium sub iugum mittere, proprium magni viri est. Semper verò esse felicem, & sine morfu animi transire vitam, ignorare est rerum naturæ alteram partem. Magnus es vir : sed vnde scio, si tibi fortuna non dat facultatem exhibendæ virtutis? Descendisti ad Olympia : sed nemo præter te, coronam habes, victoriam non habes! Non gratulor tanquam viro forti, sed tanquam consulatum præturamve adepto. honore auctus es. Idem dicere & bono viro possum, si illi nullam occasionem difficilior casus dedit, in quâ vnâ vim sui animi ostenderet. Miserrum te iudico, quòd nunquam fuisti miser, transisti sine aduersario vitam. Nemo sciet, quid potueris : ne tu quidem ipse. Opus est enim ad notitiam sui, experimento. quid quisque posset, nisi tentando non didicit. Itaque quidam vltiò se cessantibus malis obtulerunt, & virtuti ituræ in obscurum occasionem, per quam enitesceret, quæsierunt. Gaudent, inquam, magni viri aliquando rebus aduersis, non aliter quàm fortes milites bellis. Ego myrmillonem sub C. Cæsare de raritate munerum audiui querentem : Quàm bella, inquit, ætas perit! Auida est periculi virtus, & quò tendat, non quid passura sit, cogitat : quoniam & quod passura est, gloriæ

pars est. Militares viri gloriantur vulneribus, læti fluentem meliori casu sanguinem ostentant. Idem licet fecerint qui integri reuertuntur ex acie, magis spectatur qui saucius redit. Ipsi inquam Deus consulit, quos esse quàm honestissimos cupit, quoties illis materiam præbet aliquid animosè fortiterque faciendi: ad quam rem opus est aliquâ rerum difficultate. Gubernatorem in tempestate, in acie militem intelligas. Vnde possum scire, quantum aduersus paupertatem tibi animi sit, si diuitiis diffinis? vnde possum scire, quantum aduersus ignominiam & infamiam, odiumque popolare, constantiæ habeas, si inter plausus senescis? si te inexpugnabilis, & inclinatione quâdam mentium pronus fauor sequitur? vnde scio, quàm æquo animo laturus sis orbitatem, si quoscunque sustulisti, vides? Audiui te cum alios consolareris: tunc conspexissem, si te ipse consolatus esses, si te ipse dolere vetuisses. Nolite, obsecro vos, expauescere ista, quæ dii immortales velut stimulos admouent animis. Calamitas, virtutis occasio est. Illos meritò quis dixerit miseros, qui nimiam felicitate torpescunt, quos velut in mari lento tranquillitas iners detinet. Quicquid illis inciderit, nouum veniet. magis vrgent sæua inexpertos. graue est teneræ ceruici iugum. Ad suspicionem vulneris tiro pallefcit: audaciter veteranus cruo-

rem suum spectat, qui scit se sæpè vicisse post sanguinem. Hos itaque Deus, quos probat, quos amat, indurat, recognoscit, exercet. eos autem quibus indulgere videtur, quibus parcere: molles venturis malis servat. Erratis enim, si quem iudicatis exceptum: veniet ad illum diu felicem sua portio. Quisquis videtur dimissus esse, dilatus est. Quare Deus optimum quemque aut malâ valetudine, aut aliis incommodis, afficit? Quare in castris quoque periculosa fortissimis imperantur? Dux lectissimos mittit, qui nocturnis hostes aggrediantur insidiis, aut explerent iter, aut præsidium loco deiciant. Nemo eorum qui exeunt, dicit, Malè de me Imperator meruit: sed, Benè iudicavit. Idem dicant quicunque iubentur pati, timidis, ignavisque debilia: Digni visi sumus Deo, in quibus experiretur, quantum humana natura posset pati. Fugite delicias, fugite enervatam felicitatem, quâ animi permadescunt, nisi aliquid interuenit, quod humanæ sortis admoneat, velut perpetuâ ebrietate sopiti. Quem specularia semper ab adflatu vindicarunt, cuius pedes inter fomenta subinde mutata tepuerunt, cuius cœnationes subditus & parietibus circumfusus calor temperavit, hunc levis aura non sine periculo stringet. Cùm omnia, quæ excesserunt modum, noceant; periculosissima felicitatis

intemperantia est. Mouet cerebrum, in vanas mentem imagines euocat, multum inter falsum ac verum mediæ caliginis fundit. Quidni satius sit, perpetuam infelicitatem quæ aduocat ad virtutem sustinere, quàm infinitis atque inmodicis bonis rumpi? Leuior ieiuno mors est: cruditate diffiliunt. Hanc itaque rationem dii sequuntur in bonis viris, quàm in discipulis suis præceptores: qui plus laboris ab his exigunt, in quibus certior spes est. Numquid tu inuisos esse Lacedæmoniis liberos suos credis, quorum experiuntur indolem publicè verberibus admotis? ipsi illos patres adhortantur, vt ictus flagellorum fortiter perferant, & laceros ac semianimes rogant, perseuerent vulnere præbere vulneribus. Quid mirum, si durè generosos spiritus Deus tentat? nunquam virtutis molle documentum est. Verberat nos & lacerat fortuna? patiamur. non est sæuitia: certamen est. quo sapius adierimus, fortiores erimus. Solidissima pars est corporis, quam frequens vsus agitauit. Præbendi fortunæ sumus, vt contra ipsam ab ipsa duremur. Paulatim nos sibi pares faciat. contemptum periculorum assiduitas periclitandi dabit. Sic sunt nauticis corpora, ferendo mari dura: agricolis, manus trite: ad excutienda tela, militares lacerti valent: agilia sunt membra cursoribus. Id in quoque solidissi-

num est, quod exercuit. Ad contemnendam malorum potentiam, animus patientiâ peruenit: quæ quid in nobis efficere possit, scies, si aspexeris, quantum nationibus nudis & inopiâ fortioribus, labor præstet. Omnes considera gentes, in quibus Romana pax desinit. Germanos dico, & quicquid circa Istrum vagarum gentium occurrat. Perpetua illos hiems, triste cælum premit, maligne solum sterile sustentat, imbrem culmo aut fronde defendunt, super durata glacie stagna persultant, in alimentum feras captant. Miseri tibi videntur? nihil miserum est, quod in naturam consuetudo perduxit: paulatim enim voluptati sunt, quæ necessitate coeperunt. Nulla illis domicilia, nullæ sedes sunt, nisi quas lassitudo in diem, posuit; vilis, & hic quærendus manu victus; horrenda iniquitas cœli, infecta corpora: hoc quod tibi calamitas videtur, tot gentium vita est. Quid miraris bonos viros, ut confirmantur, concuti? Non est arbor solida, nec fortis, nisi in quam frequens ventus incurrat: ipsâ enim vexatione constringitur, & radices certius figit. Fragiles sunt, quæ in apricâ valle creuerunt. Pro ipsis ergo bonis viris est, ut esse interriti possint, multum inter formidolosa versari, & æquo animo ferre quæ non sunt mala, nisi malè sustinenti.

CAP. V. Adijce nunc, quod pro omni-

bus est, optimum quemque, ut ita dicam, militare, & edere operas. Hoc est propositum Deo, quod sapienti viro, ostendere hæc quæ vulgus apperit, quæ reformidar, nec bona esse nec mala: apparebunt autem bona esse, si illa non nisi bonis viris tribuerit, & mala esse, si malis tantum irrogauerit. Detestabilis erit cæcitas, si nemo oculos perdiderit, nisi cui eruendi sunt. Itaque careant luce Appius & Metellus. Non sunt diuitiæ bonum, Itaque habeat illas & Eilius leno; ut homines pecuniam cum in templis consecrauerint, videant & in fornice. Nullo modo magis potest Deus concupira traducere, quam si illa ad turpissimos defert, ab optimis abigat: At iniquum est, bonum virum debilitari, aut constringi, aut alligari, malos integris corporibus solutos ac delicatos incedere. Quid porro? non est iniquum, fortes viros arma sumere, & in castris pernoctare, & pro vallo obligatis stare vulneribus: interim in urbe securos esse, præcisos & profectos impudicitiam? Quid porro? non est iniquum, nobilissimas virgines ad sacra facienda noctibus excitari, altissimo somno inquinatas frui? Labor optimos citat. Senatus per totum diem sæpè consulitur: cum illo tempore vilissimus quisque, aut in campo otium suum oblectet, aut in popinâ lateat, aut tempus in aliquo circulo terat. Idem in hac magnâ republicâ fit.

boni viri laborant, impendunt, impenduntur, & volentes quidem: non trahuntur à fortunâ, sequuntur illam, & æquant gradus. si scissent, antecessissent. Hanc quoque animosam Demetrii fortissimi viri vocem audisse me memini: Hoc vnum, inquit, dii immortales, de vobis queri possum, quod non antè mihi voluntatem vestram notam fecistis. Prior enim ad ista venissem, ad quæ nunc vocatus adsum. Vultis liberos sumere? illos vobis sustuli. Vultis aliquam partem corporis? sumite. Non magnam rem promitto. citò totum relinquam. Vultis spiritum? Quid ni? nullam morem faciam, quominus recipiatis, quod dedistis. à volente feretis, quicquid petieritis. Quid ergo est? maluissem offerre, quàm tradere. Quid opus fuit auferre? accipere potuistis. sed ne nunc quidem auferetis: quia nihil eripitur, nisi retinenti. Nihil egor, nihil patior inuitus: nec seruiò Deo, sed assentio: eò quidem magis, quod scio omnia certâ & in æternum dictâ lege decurrere. Fata nos ducunt, & quantum cuique restet, prima nascentium hora disposuit. Causa pendet ex causâ, priuata ac publica longus ordo rerum trahit. Ideò fortiter omne ferendum est: quia non, vt putamus, incidunt cuncta, sed veniunt. Olim constitutum est, quid gaudeas, quid fleas: & quamuis magnâ videatur varietate singulorum vita distin-



gui, summa in vnum venit: accepimus peritura, perituri. Quid ita indignamur? quid querimus? ad hoc parati sumus. Vtatur, ut vult, suis natura corporibus: nos læti ad omnia & fortes cogitemus, nihil perire de nostro. Quid est boni viri? præbere se, fato. Grande solatium est, cum vniuerso rapi. Quicquid est quod nos sic viuere iussit, sic mori: eadem necessitate & deos alligat, irreuocabilis humana pariter ac diuina cursus, vehit. Ille ipse omnium, conditor ac rector scripsit quidem fata, sed sequitur, semper parat, semel iussit. Quare tamen Deus tam iniquus in distributione fati fuit, ut bonis viris paupertatem, vulnera & acerba funera adscriberet? Non potest artifex mutare materiam: hæc passa est. Quædam separari à quibusdam non possunt, cohærent, indiuidua sunt. Languida ingenia, & in somnum itura, aut in vigiliam somno: supillimam, inertibus nectuntur elementis: ut efficiatur vir cum cura dicendus, fortiori fato opus est. Non erit illi planum iter: sursum oportet ac deorsum eat, fluctuetur, ac nauigium in turbido regat. contra fortunam illi tenendus est cursus. Multa accident dura, aspera, sed quæ molliat & complanet ipse. Ignis aurum probat, miseria fortes viros. Vide quàm altè ascendere debeat virtus: scies illi non per securam vadendum esse.

*Ardua prima via est, & quâ vix manere  
centes*

*Enituntur equi: medio est altissima coelo:*

*Vnde mare & terras ipsi mihi sapè videre*

*Fit timor, & pauidâ trepidat formidino pe-  
ctus.*

*Vltima prona via est, & eget moderamine  
certo.*

*Tunc etiam, qua me subiectis excipit undis,*

*Ne ferar in præceps, Thetis solet ipsa vereri.*

*Hæc: cum audisset ille generosus adoles-*

*scens: Placet, inquit, via ascendo, est tanti*

*per ista ire casuro: Non desinit acrem*

*animum metu territare:*

*Vtque viam teneas, nulloq; errore traharis,*

*Per tamen aduersi gradiëris cornua tauri,*

*Æmoniosq; arcus, violentiq; ora leonis:*

*Post hæc ait: Iunge datos currus: his qui-*

*bus deterreri me putas, incitor: liber illic*

*stare, vbi ipse sol trepidat. humilis & iner-*

*tis est, tuta sectari: per altâ virtus it.*

**CAP. VI.** *Quare tamen bonis viris pa-*

*titur aliquid mali Deus fieri? Ille verò*

*non patitur: Omnia mala ab illis remo-*

*uit, scelera & flagitia, & cogitationes im-*

*probas, & auda consilia, & libidinem cæ-*

*cam, & alieno imminemtem avaritiam: ip-*

*sos tuetur ac vindicat. Nunquid hoc quo-*

*que à Deo aliquis exigit, vt bonorum vi-*

*rorum etiam sarcinas seruet? remittunt*

*ipsi hanc Deo curam: externa contem-*

*nunt. Democritus diuitias proiecit, onus*

*illas*

illas bonæ mentis existimans : quid ergo miraris, si id Deus bono accidere patitur, quod vir bonus aliquando vult sibi accidere ? Filios amittunt viri boni. quidni, cum aliquando & ipsi occidant ? In exilium mittuntur. quidni, cum aliquando ipsi patriam non repetituri relinquunt ? Occiduntur. quidni, cum aliquando ipsi sibi manus afferant ? Quare quædam dura patiuntur ? ut etiam alios pati doceant. nati sunt in exemplar. Pute itaque Deum dicere : Quid habetis, quod de me queri possitis vos, quibus recta placuerunt ? Aliis bona falsa circumdedi, & animos inanes, velut longo fallaciæ somnio lusi. auro illos, argento & ebore ornavi: intus boni nihil est. Isti, quos pro felicibus aspiciatis, si non quæ occurrunt, sed quæ latent, videritis, miseri sunt, sordidi, turpes, ad similitudinem parietum suorum extrinsecus culti. Non est ista solida & sincera felicitas: crusta est, & quidem tenuis. Itaque dum illis licet stare, & ad arbitrium suum ostendi, nitent & imponunt: cum aliquid incidit, quod disturbet ac deregat, tunc apparet quantum altæ ac veræ fœditatis alienus splendor absconderit. Vobis dedi bona certa, mansura: quanto magis versaueritis, & undique inspexeritis, meliora maioraque. Permissi vobis, metuenda contemnere, cupienda fastidire. non fulgetis extrinsecus : bona vestra

M

introversus obuersa sunt. Sic mundus exteriora contempsit, spectaculo sui lætus. Intus omne posui bonum. non egere felicitate, felicitas vestra est. At multa incidunt tristitia, horrenda, dura toleratu. Quia non poteram vos istis subducere, animos vestros aduersus omnia armaui. Ferte fortiter: hoc est, quo Deum anteceditis. ille extra patientiam malorum est, vos supra patientiam. Contemnite paupertatem. nemo tam pauper viuit, quàm natus est. Contemnite dolorem: aut soluetur, aut soluet. contemnite fortunam: nullum illi telum quo feriret animum, dedi. contemnite mortem: quæ vos aut finit, aut transfert. Ante omnia caui, ne quis vos teneret inuitos. pater exitus. Si pugnare non vultis, licet fugere. Ideoque ex omnibus rebus, quas esse vobis necessarias volui, nihil feci facilius, quàm mori. Prono animam loco posui: trahitur. Attendite modò, & videbitis, quàm breuis ad libertatem, & quàm expedita, ducat via. Non tam longas in exitu vobis, quàm intransibus moras posui: alioqui magnum in vos regnum fortuna tenuisset, si homo tam tardè moreretur, quàm nascitur. Omne tempus, omnis vos locus doceat, quàm facile sit renunciare naturæ, & munus suum illi impingere. Inter ipsa altaria & sollemnes sacrificantium ritus, dum optatur vita, mortem condiscite.

Corpora opima taurorum exiguo concidunt vulnere, & magnarum virium animalia humanæ manus ictus impellit. tenui ferro commissura ceruicis abrumpitur, & cum articulus ille, qui caput collumque committit, incisus est, tanta illa moles corruit. Non in alto latet spiritus, nec utique ferro eruendus est: non sunt vulnere impresso scrutanda præcordia; in proximo mors est. Non certum ad hos ictus destinatus locus: quacunque peruium est. Ipsum illud quod vocatur mori, quo anima discedit à corpore, breuius est, quam ut sentiri tanta velocitas possit. Siue fauces nodus elisit; siue spiramentum aqua præclusit; siue in caput lapsos subiacentis soli duritia comminuit; siue haustus ignis cursum animæ remeantis interfecidit: quicquid est, properat. Ecquid erubescitis? quod tam citò fit, timetis diu?

## L. ANNÆI SENECAE

## AD SERENVM

## DE TRANQVILLITATE ANIMI

## LIBER.

## CAPVT I.

**Q**UONIAM QUI VIRENTI mihi in me, Serene, quædam vitia apparebant resecta, in aperto posita, quæ manu prenderem,

M ij

intorsus obuersa sunt. Sic mundus exteriora contempsit, spectaculo sui lætus. Intus omne posui bonum. non egere felicitate, felicitas vestra est. At multa incidunt tristia, horrenda, dura toleratu. Quia non poteram vos istis subducere, animos vestros aduersus omnia armaui. Ferte fortiter: hoc est, quo Deum antecedaris. ille extra patientiam malorum est, vos supra patientiam. Contemnite paupertatem. nemo tam pauper viuit, quàm natus est. Contemnite dolorem: aut soluetur, aut soluet. contemnite fortunam: nullum illi telum quo feriret animum, dedi. contemnite mortem: quæ vos aut finit, aut transfert. Ante omnia caui, ne quis vos teneret inuitos. pater exitus. Si pugnare non vultis, licet fugere. Ideoque ex omnibus rebus, quas esse vobis necessarias volui, nihil feci facilius, quàm mori. Prono animam loco posui: trahitur. Attendite modò, & videbitis, quàm brevis ad libertatem, & quàm expedita, ducat via. Non tam longas in exitu vobis, quàm intransibibus moras posui: alioqui magnum in vos regnum fortuna tenuisset, si homo tam tardè moreretur, quàm nascitur. Omne tempus, omnis vos locus doceat, quàm facile sit renunciare naturæ, & munus suum illi impingere. Inter ipsa altaria & sollempnes sacrificantium ritus, dum optatur vita, mortem condiscite.

Corpora opima taurorum exiguo concidunt vulnere, & magnarum virium animalia humanæ manus ictus impellit. tenui ferro commissura cervicis abrumptur, & cum articulus ille, qui caput columque committit, incisus est, tanta illa moles corruit. Non in alto latet spiritus, nec utique ferro eruendus est: non sunt vulnere impresso scrutanda præcordia: in proximo mors est. Non certum ad hos ictus destinaui locum: quacunque peruium est. Ipsum illud quod vocatur mori, quo anima discedit à corpore, breuius est, quam ut sentiri tanta velocitas possit. Siue fauces nodus elisit; siue spiramentum aqua præclusit; siue in caput lapsos subiacentis soli duritia comminuit; siue haustus ignis cursum animæ remeantis interfecidit: quicquid est, properat. Ecquid erubescitis? quod tam citò fit, timetis diu?

## L. ANNÆI SENECAE

## AD SERENVM

## DE TRANQVILLITATE ANIMI

## LIBER.

## CAPVT I.

**Q**UONIAM NOVI RECENTI mihi in me, Serene, quædam vitia apparebant resecta, in aperto posita, quæ manu prenderem,

M ij

quædam obscuriora, & in recessu; quædam non continua, sed ex interuallis redeuntia: quæ vel molestissima dixerim, ut hostes vagos, & ex occasionibus assilientes, per quos neutrum licet, nec tanquam in bello paratum esse, nec tanquam in pace securum. Illum tamen habitum in me maxime deprehendo (quare enim non verum, ut medico fatear?) me nec bonâ fide liberatum iis, quæ timebam & oderam, nec rursus obnoxium. In statu ut non pessimio, ita maxime querulo & moroso positus sum: nec ægroto, nec valeo. Non est quod dicas, omnium virtutum tenera esse principia, tempore ipsis duramentum & robur accedere. Non ignoro, etiam quæ in speciem laborant, dignitatem dico, & eloquentiæ famam, & quicquid ad alienum suffragium venit, morâ conualescere, & quæ veras vires parant, & quæ ad placendum fucō quodam subornantur, expectant annos, donec paulatim colorem diuturnitas ducat: sed ego vercor, ne consuetudo, quæ rebus affert constantiam, hoc vitium in me altius figat. Tam bonorum, quam malorum, longa conuersatio amorem inducit. Hæc animi inter vtrumque dubij, nec ad recta fortiter, nec ad praua vergentis, infirmitas qualis sit, non tam semel tibi possum, quam per partes ostendere. Dicam quæ accidant mihi: tu morbo nomen inuenies. Tenet me



summus amor parcimoniæ, fateor. placet non in ambitionem cubile compositum, non ex arculâ prolata vestis, non mille ponderibus aut tormentis splendere cogentibus pressa: sed domestica, & vilis, nec seruata, nec sumenda sollicitè. Placet cibus, quem nec parent familiæ, nec spectent: non ante multos paratus dies, nec multorum manibus ministratus, sed parabilis facilisque, nihil habens accersiti pretiosive, vbilibet non defuturus, nec patrimonio grauis, nec corpori, nec redditurus quâ intrauerat. Placet minister incultus & rudis vernula; argentum graue rustici patris, sine vilo opere & nomine artificis; & mensa non varietate macularum conspicua, nec per multas elegantium dominorum successiones ciuitati nota: sed in vsum posita, quæ nullius conuiuæ oculos nec voluptate moretur, nec accendat inuidiâ. Cum benè ista placuerunt, præstringit animum apparatus alicuius pædagogij, diligentius quàm iam intra priuatum larem vestita, & auro culta mancipia, & agmen seruorum nitentium. Iam domus etiam quâ calcatur pretiosa, & diuitiis per omnes angulos dissipatis, tecta ipsa fulgentia, & affectator comesque patrimoniorum pereuntium populus. Quid perlucens ad imum aquas, & circumfluentes ipsa conuiuia? quid epulas loquar, scænâ suâ dignas? Circumfudit me

ex longo frugalitatis situ venientem, multo splendore luxuria, & vndique circumsonuit. Paullum turbat acies: facilius aduersus illam animum, quam oculos attollo. Recedo itaque non peior, sed tristior: nec inter illa frivola mea tam latus incedo, tacitusque morsus subit, & dubitatio, numquid illa meliora sint. nihil horum me mutat, nihil ramen non concutit. Placet vim præceptorum sequi, & in mediam ire Rempublicam: placet honores fascesque, non purpurâ, aut aureis virgis adductam capeßere, sed ut amicis propinquisque, & omnibus civibus, omnibus deinde mortalibus paratior utiliorque sim, propius positus. Sequor Zenonem, Cleantem, Chryppum: quorum tamen nemo ad Rempub. accessit, nemo non misit. Ad quam cum animum infolitum arietari permissi, ubi aliquid occurrit, aut indignum (ut in omni vita humana multa sunt) aut parum ex facili fluens, aut multum temporis, res non magno æstimandę poposcerunt, ad otium conuertor. & quemadmodum pecoribus, fatigatis quoque, velocior domum gradus est: placet intra parietes suos vitam coercere. Nemo vllum auferat diem, nihil dignum tanto impendio redditurus: sibi ipse animus hæreat, se colat, nihil alieni agat, nihil quod ad iudicem spectet: ametur expers publicę priuatęq; curę tranquillitas.

Sed ubi lectio fortior crexit animum, & aculeos subdiderunt exempla nobilia: proficere libet in forum, commodare alteri vocem, alteri operam, etsi nihil profuturam, tamen conaturam prodesse: alterius coercere in foro superbiam, male secundis rebus elati. In studiis puto mehercule melius esse res ipsas intueri, & harum causâ loqui: ceterum verba rebus permittere, ut quâ duxerint, hæc inelaborata sequatur oratio. Quid opus est seculis duratura componere? Vis tu non id agere, ne te posteri taceant? morti natus es: minus molestiarum habet funus tacitum. Itaque occupandi temporis causâ, in usum tuum, non in præconium, aliquid simplici stilo scribe. minore labore opus est studentibus in diem. Rursus ubi se animus cogitationis magnitudine leuauit, ambitiosus in verba est, altiusque ut spirare, ita eloqui gestit, & ad dignitatem rerum exit oratio: oblitus tum legis præfiorisq; iudicii, sublimis feror, & ore iam non meo. Ne singula diutius persequar, in omnibus rebus hæc me sequitur bonæ mentis infirmitas: cui ne paulatim defluam vereor, aut quod est sollicitius, ne semper casuro similis pendeam, & plus fortasse sit, quàm quod ipse provideo. Familiariter enim domestica aspicimus, & semper iudicio fauor officit. Puto multos potuisse ad sapientiam peruenire, nisi

putassent se peruenisse; nisi quædam in se  
dissimulassent, quædam vapertis oculis  
transilissent. Non est enim quod de nos ma-  
gis alienâ iudicis adulatione perire, quàm  
nostrâ. Quis sibi verum dicere ausus est?  
quis non inter laudantium blandientium-  
que positis greges, plurimum tamen sibi  
ipse assensus est? Rogo itaque, si quod  
habet remedium, quo hanc fluctuationem  
meam sistas, dignum putes me, qui tibi  
tranquillitatem debeamus. Non esse peri-  
culosos motus animi, nec quicquam tu-  
multu non afferentes, scio: ut verâ tibi si-  
militudine id de quo queror exprimam,  
non tempestate vexor, sed nausea. De tra-  
he ergo quicquid hoc est mali, & succurre  
in conspectu terrarum laborantibus, & quibus

CAP. II. Queror mehercule iam dudum,  
Serene, ipse tacitus, cui talem affectum  
animi similem putem: nec ullius propius  
admoneor exemplo, quàm eorum qui ex  
longa & graui valitudine expliciti, mo-  
riunculis, leuibusque interim offensis per-  
stringuntur, & cum reliquias effugerint,  
suspicionibus tamen inquietantur, medi-  
cisque iam sani manum porrigunt, & om-  
nem calorem corporis sui calumpniantur.  
Horum, Serene, non parum sanum est cor-  
pus, sed sanitati parum assuevit: sicut est  
quidam tremor etiam tranquillî maris,  
aut lacus, cum ex tempestate requieuit.  
Opus est itaque non illis durioribus, quæ

etiam tranſcurremus; vt alicubi obſtes ti-  
bi, alicubi iras caris, alicubi inſtes gratius;  
ſed illud quod vltimum venit, vt fidem ti-  
bi habeas, & peccata ire via te credas, nihil  
anocatus tranſuenſis huiusmodi veſtigiiſ  
paſſim diſcurrentium, & quibundant cir-  
ca ipſam errantium vram. Quod deſide-  
ras autem, magnum & ſummum eſt, Deo-  
que vicinum, non concuſum. Hanc ſtabi-  
lem animi ſedem Græci *Εδδύλα* vocant,  
de qua Democritus plumen egregium eſt:  
ego Tranquillitatem voco, nec enim imi-  
tari, & tranſferre verba, ad illorum for-  
mam neceſſe eſt: res ipſa, de qua agitur, ali-  
quo ſignanda nomine eſt, quod appella-  
tionis Græcæ vim debet habere, non fa-  
ciem. Ergo quaerimus, quomodo animus  
ſemper æqualis, ſecundoq; curſu eat, pro-  
pitiusque ſibi ſit, & ſua lætus aſpiciat: &  
hoc gaudium non interrumpat, ſed placi-  
do ſtanquaneat, nec attollens ſe vnquam,  
nec deprimens. Id Tranquillitas erit.  
Quomodo ad hanc pertueniri poſſit, in vni-  
uerſum quaeramus. Iuueſtu ex publico re-  
medio, quantum voles. Totum interim  
vitium in medium protrahendum eſt, ex  
quo ago ſocii quiſque partem ſuam: ſimul  
tu intelliges, quanto minus negotij ha-  
beas cum ſaſtidio tui, quam hi quos ad  
profeſſionem ſpecioſam alligatos, & ſub  
ingenti titulo laborantes, in ſua ſimula-  
tione pudor magis, quam voluntas tenet.

ergo, adducendum eſt, non ergo. M. IV.

Omnes in eadem causâ sunt: & hi qui lenitate vexantur, ac radio, assidueque mutatione propositi, quibus semper ita magis placet quod reliquerunt: & illi, qui marcescit & pascuntur. Ad hoc illos, qui non aliter, quam quibus difficilis forma patet, versant se, & hoc datur illo in modo componunt, donec quietem illa seritudine inueniant, statim viæ suæ formando subinde, in eo non nisi mē maneat, in quo illa non mirandi odium, sed sententia ad donandum pigra deprehenditur. Ad hoc & illos, qui non inconstantia, sed in parum leues sunt, sed inertia: Vivunt, non quomodo volunt, sed quomodo ceperunt, in innumerabiles deinceps proprietates sunt, sed unus effectus vitij, displicere sibi. Hoc oritur ab intemperie animi, & cupiditatibus amidis, aut parum prosperis, ubi aut non laudent, quantum concupiscunt, aut non consequuntur, & in ipso toti prominent, semper instabiles mobilesque, quod necesse est accideri pendentibus. Omnia vitia pendent, & inhonesta se ac difficilia docent, coguntque: & ubi fine premio labor est, torquet illos irritum dedecus, nec dolent praua, sed frustra voluisse: Tunc illos & poenitentia cepti tenet, & incipendi timor, subrepatque illa iactatio animi, non inuenientis exitum, quia nec cupiditatibus suis imperare, nec obsequi possunt, & cunctatio vitæ parum se explican-

tis, & inter destituta vota torpentis animi  
 situs. Quæ omnia grauiora sunt, vbi odio  
 infelicitatis operosa ad otium profuge-  
 runt, & ad secreta studijque patet non po-  
 test animus ad ciuilem erectus, agere dique  
 cupidus, & naturâ inquireris, parum scili-  
 cet in se solatiohū habens, idcoque de-  
 tractis oblectationibus, quas ipsæ occu-  
 pationes discurrētibz præbent, & do-  
 mum, solitudinem, parietes non ferro imi-  
 tus aspiciat se sibi relictus. Hinc illud est  
 ædium, & displicentia sui, & nusquam re-  
 sidentis animi volutatio, & otij sui tristis  
 atque ægra patientia: utique vbi causas  
 fateti pudor, tormenta introfus egit ve-  
 sectundia, in angusto inclusæ cupiditates,  
 sine exitu, se ipsæ strangulant. Inde mor-  
 torum atque, & mille fluctus mentis  
 incerta, quam inchoata habent suspen-  
 sant, deplorata tristēm: inde ille affectus  
 otium suum detestantium, querentiumque  
 nihil ipsos habere, quod agant, & æonis  
 incrementis inimicissima inuidia. Alii  
 enim liuorem infelix inertia, & omnes  
 destrui cupiunt, quia se non potuerunt  
 prouehere: & ex hac deinde ætensione  
 alienorum processum, & suorum despe-  
 ratione, obirascens fortunæ animus, & de  
 sæculo querens, & in angulos se retra-  
 hens, & poenæ incubans suæ, dum tædet  
 sui, pigetque. Naturâ enim humanus ani-  
 mus agilis est, & pronus ad motus gratæ.

omnis illi excitandi se abstrahendique materia est, gratior quibusque pessimis ingeniis, quæ occupationibus libentes dederuntur. Vt viscera quædam notituras manus appetunt, & tactu gaudent, & foedam corporum scabiem delectat, quicquid exasperat: non aliter dixerim his montibus, in quas cupiditates velut mala viscera eruperunt, voluptatis esse laborem vexationemque. Sunt enim quædam, quæ corpus quoque nostrum cum quodam dolore delectant. & versare se, & mutare nondam fessum latus, & aliò atque aliò possum ventilari. Qualis ille Homericus Achilles est, modò pronus, modò supinus, in varios habitus se ipse componens. quòd proprium ægri est, nihil diu pati, & mutationibus ut remediis utitur. In de peregrinationes suscipiuntur vagæ, & litora pererrantur, & modò mari se, modò terrâ expetitur semper presentibus infesta levitas. Nunc Campaniam petamus, iam delicata fastidio sunt, inculta videantur. Brucios & Lucanos saltus persequamur. Aliquid tamen inter deserta antæni requiratur, in quo luxuriosi oculi longo locorum horrentium squallore releventur. Tarentum petatur, laudatusque portus, & hiberna cœli mitioris, & recta vel antiquæ satis opulenta turbæ. Iam flectamus cursum ad urbem. nimis diu à plausu & fragore aures vacauerunt: iuvat iam & hu-



mano sanguine frui. Aliud ex alio susci-  
pitur, & spectacula spectaculis mutantur:  
vt ait Lucretius, *consequuto vultu*.

*Hoc se quisque modo semper fugit.*

Sed quid prodest, si non effugit? sequitur  
se ipse, & vrget grauissimus comes. Ita-  
que scire debemus, non locorum vitium  
esse quo laboramus, sed nostrum. Infirmi  
sumus ad omne tolerandum, nec laboris  
patientes, nec voluptatis, nec nostræ, nec  
vilius rei diutius. Hoc quosdam egit ad  
mortem, quod proposita sæpè mutando,  
in eadem reublabantur, & non relinque-  
rant nouitati locum. Fastidio illis esse  
cepit vita, & ipse mundus: & subit illud  
rabidarum deliciarum. Quousq; eadem  
CAP. III. Aduersus hoc tedium quo  
auxilio pūtem vitandum, queris. Opti-  
mum erat (vt ait Athenodorus) actione  
rerum & Reip. tractatione, & officiis ciui-  
libus se detinere. nam vt quidam sole, &  
exercitatione, & curâ corporis, diem du-  
cant, athletisq; utilissimum est, lacertos  
suos roburq; cui se vni dicauerunt, ma-  
iore temporis parte nutrire: ita nobis ani-  
mum ad rerum ciuiliū certamen paran-  
tibus, in opere esse, non longè pulcherri-  
mum est. Nam cum vtilem se efficere ci-  
uib; mortalib;que propositum habeat,  
simul & exercetur & proficit, qui in me-  
diis se officiis posuit, communia priuata-  
que pro facultate administrans. Sed quia

in hac, inquit, tam insanâ hominum ambitione, tot calumniatoribus in deterius recta torquentibus, parùm tuta simplicitas est, & plus futurum semper est quod obster, quam quod succedat, à foro quidem & publico recedendum est: sed habet, ubi se etiam in privato lare explicet magnus animus. nec ut leonum animaliumq; imperus caveis coerceretur: sic hominum, quorum maxime in seductu actiones sunt. Ita tamen delituerit, ut ubiqueq; origo suum absconderit, prodesse velit & singulis & vniuersis, ingenio, voce, consilio. Nec enim is solus Reip. prodest, qui candidatos extrahit, & tueretur reos, & de pace belloque censet: sed qui iuventutem exhortatur, qui in tantâ bonorum præceptorum inopiâ, virtute instruit animos, qui ad pecuniam luxuriamque cursu ruentes prenfat ac retrahit, & si nihil aliud, certe moratur, in privato publicum negotium agit. An ille plus præstat, qui inter peregrinos & ciues, aut urbanus prætor aduentibus assessoris verba pronuntiat, quàm qui docet quid sit iustitia, quid pietas, quid patientia, quid fortitudo, quid mortis contemptus, quid decorum intellectus, quantum bonum sit bona conscientia? Ergo si tempus in studia conferas, quod subduxeris officiis, non deserueris, nec munus detractaueris. Neque enim ille solus militat, qui in acie stat, & cornu dextrum læ-

numquē defendit: sed & qui portas rē-  
 tur; & statione minus periculosā, non  
 otiosā tamen fungitur, vigillasque seruat,  
 & armamentario praeest. quae ministēria  
 quamvis infucata sunt, in numerum sti-  
 pendiorū vēniant. Si hoc ad studia reuo-  
 caveris, omne vitae fastidium effugoris.  
 nec noctem fieri optabis radio lucis, nec  
 tibi gravis eris; nec aliis superuacuis:  
 multosque amicitia attrahes, affluereque  
 ad te optemus quisque. Nunquam enim  
 quāvis obscura virtus latet, sed micat  
 fulgore, quibus dignus fuerit, vestigiis  
 illam colliget. Nam si omnem conversa-  
 tionem tollimus, & generi humano ce-  
 nunciamus, vivimusque in nos tantam  
 conuersū sequetur hanc solitudinem, om-  
 ni studio carentem, inopia rerum agenda-  
 rum. Incipiemus aedificia alia ponere,  
 alia subvertere, & mare submouere, &  
 aquas contra difficultates locorum ducere,  
 & malē dispensare tempus, quod nobis  
 natura consumendum dedit. Alij parcē  
 illo utimur, alij prodigē: alij sic impendimus,  
 ut possimus rationem reddere: alij,  
 ut nullas habeamus reliquias. Quare ni-  
 hil turpius est, quā grandis natu tener,  
 qui nullum aliud habet argumentum,  
 quo se probe diu vixisse, praeter aeta-  
 tem. Mihi, carissime Sereno, nimis vide-  
 tur submisisse temporibus se Athenodo-  
 rus, nimis citō refugisse. Nec ego nega-

uerim aliquando cedendum: sed sensim  
 relato gradu, & saluis signis, saluam milita-  
 ri dignitate. Sanctiores rursusque sunt  
 hostibus suis, qui in fidem cum armis ve-  
 niunt. Hoc puto virtuti faciendum, & stu-  
 diosoque virtutis. si praeualebit fortuna, &  
 & praecidet agendi facultatem, non statim  
 auersus inermisque fugiat, latebras quaerens,  
 quas nullus locus sit, quo non possit  
 fortuna persequi: sed patens, se inferat  
 officiis, & cum dilectis inueniat aliquid,  
 in quo utilis ciuitati sit. Militare non li-  
 cet: honores spectet, privato viuendum  
 est. hic orator, silentium indictum est. rati-  
 ta aduocatione cipes iunet, periculosum  
 etiam ingressu forum est: in domibus, in  
 spectaculis, in conuiuiis, bonum contri-  
 bernalem, amicum fidelem, temperantem il-  
 conuiuiam agat. Officia si cuius amiserit, quib  
 hominis exerceat. Ideo magni animo  
 nos non vnius urbis moribus clausimus, v-  
 sed in totius orbis commercium tenuisse-  
 mus, partemque nobis mundum professi-  
 sumus: ut liceret latiore virtuti can-  
 tum dare. Praeclusum tibi tribunal est, & si  
 rostris prohiberis, aut comitiis: respice  
 post te, quantum latissimarum regionum  
 pateat, quantum populorum: nunquam  
 tibi ita magna pars obstruetur, ut non  
 maiori relinquatur. Sed vide, ne totum  
 istud vitium tuum sit. non vis enim nisi  
 consul, aut prytanes, aut ceryx, aut suses A-

administrare Reipub. Quid si militare a  
 nolis, nisi Imperator, aut tribunus? etiam  
 si alij primam frontem tenebant, te fors  
 inter triarios posuit: inde voce, adhorta-  
 tione, exemplo, animo militas. Precipis  
 quoque manibus ille in proelio inuenit,  
 quod partibus conferat, qui stat tantum  
 & clamore iuuat. Tale quiddam facies, si  
 à primâ te Reipub. parte fortuna submo-  
 uerit, sis tamen clamore iuues: si quis  
 fauces oppresserit, sis tamen, & silentio  
 iuues. Nunquam inutilis est opera ciuis  
 boni. auditu enim, visu, vultu, nutu, obitu  
 natione tacitâ, incessuque ipso prodest.  
 Vt salutaria quædam circa gustum ta-  
 ctumque, odore proficiunt: ita virtus uti-  
 litatem etiam ex longinquo & latens fun-  
 dit, sub exspariatur & fruatur suo iure, se-  
 ue precarios habet accessus, cogiturque  
 vela contrahere, siue otiosa muta que est,  
 & angustis circumscripta, siue ad aperta in-  
 quocumque habitu est, prodest. Quid? ru-  
 parum vile: putas exemplum bene: quid  
 scensis? Longè, inquam, optimum est mi-  
 scere otium rebus, quotiens actiosa vita  
 impedimentis fortuitis, aut ciuitatis con-  
 ditione prohibetur. Nunquam enim vs-  
 que eò interclusa sunt omnia, vtnulli  
 actioni honestæ locus sit. Numquid po-  
 tes inuenire urbem miseriozem, quàm  
 Atheniensem fuit, cum illam triginta ty-  
 ranni diuellerent? mille trecentos ciues,

optimum quemque, occiderant: nec finem  
 ideò faciebat, sed irritabat se ipsa saevitia.  
 In quâ civitate erat ariopagos, religiosissi-  
 mum iudicium, in quâ senatus populus,  
 quæ senatui similis: coibat quotidie carni-  
 ficum triste collegium, & infelix curia ty-  
 rannis angusta. Poterátne illa civitas con-  
 quiescere, in quâ tot tyranni, quot satelli-  
 tes erant? Ne spes quidem vlla recipiende  
 libertatis animis poterat offerri: nec vlli  
 remedio locus apparebat, contra tantam  
 vim malorum. vnde chin misera civitati  
 tot Harmodios? Socrates tamen in me-  
 dio erat, & lugentes patres consolabatur,  
 & desperantes de Repub. exhortabatur, &  
 diuitibus opes suas metuentibus expro-  
 brabat: seram periculosa avaritia poen-  
 itentiam; & imitari volentibus magnum  
 circumferebat exemplar, cum inter tri-  
 ginta dominos liber incederet. Hunc ta-  
 men Athenæ ipsæ in carcere occiderunt:  
 & qui rursò insultauerat agmini tyranno-  
 rum, eius libertatem libera civitas non  
 tulit: ut scias & in afflictâ Repub. esse oc-  
 casionem sapienti viro ad se proferen-  
 dum, & in florenti ac beatâ, pecuniam, in-  
 vidiam, mille alia vitia inermia regnare.  
 Vtuncque ergo se Respub. dabit, vtunc-  
 que fortuna permitret, ita aut explicabi-  
 mus nos, aut contrahemus: utique moue-  
 bimur, nec alligati metu torpebimus.  
 Imò ille vir fuerit, qui periculis vndique

imminentibus, armis, circâ & catenis frementibus, non alliserit virtutem, nec absconderit. Non enim debet seruantem se obtuere. Vt opinor, Curius Dentatus aiebat, Malle esse se mortuum, quàm viuere. Vltimum malorum est, ex viuorum numero exire, antequam a moriaris. Sed faciendum erit, si in Respublica tempus minus tractabile incideris, ut plus otio ac litteris vindices: nec aliter quàm in periculosâ nauigatione, subinde portum petas: nec expectes donec res te diuertant, sed ab illis te ipse disiungas. HOMER. I. 308

CAP. IV. Inspicere autem debemus primum nosmetipsos, deinde quæ aggredimur negotia, deinde eos quorum causâ, aut cum quibus agendum est. Ante omnia, necesse est seipsum æstimare: quia ferè plus nobis videmur, posse, quàm possumus. Alius eloquentiæ fiduciâ prolabitur, alius patrimonio suo plus imperauit, quàm ferro possit: alius infirmum corpus laborioso oppressit officio. Quorundam parum idonea est verecundia rebus civilibus, quæ firmam frontem desiderant: quorundam contumacia non facit ad aulam. quidam non habent iram in potestate: & illos ad temeraria verba quælibet indignatio effert: quidam vrbanitatem nesciunt continere, nec periculosis abstinent salibus. Omnibus his utilior negotio quies est: ferox impatiensque natura, ir-

184 L. ANNAEI SENECAE  
instrumenta nociturae libertatis euitet.

CAP. V. Aestimanda sunt deinde ipsa  
quae aggredimur; & vires nostrae cum re-  
bus, quas tentaturi sumus, comparanda.  
Debet enim semper plus esse virium in la-  
tore, quam in onere. necesse est opprimant  
onera, quae ferente maiora sunt. Quaedam  
praeterea non tam magna sunt negotia,  
quam fecunda, multumque negotiorum  
ferunt. & haec refugienda sunt, ex quibus  
nova occupatio multiplexque nascetur.  
Nec accedendum eo, unde liber regressus  
non fit: his adiuuenda manus est, quo-  
rum finem aut facere, aut certe sperare  
possis. Relinquenda, quae latius actu pro-  
cedunt, nec ubi proposueris, desinunt.

CAP. VI. Hominum utique delectus  
habendus est, an digni sint, quibus partem  
vitae nostrae impendamus, an ad illos tem-  
poris nostri iactura perueniat. Quidam ul-  
tro officia nostra nobis impatant. Athe-  
nodorus ait, ne ad coenam quidem se itu-  
rum ad eum, qui sibi nil pro hoc debitu-  
rus sit. Puto intelligis, multo minus ad  
eos iturum, qui cum amicorum officiis  
paria in mensam faciunt, qui fercula pro  
congiariis numerant: quasi in alienum  
honorem intemperantes sint. Deme illis  
testes spectatoresque, non delectabit po-  
pina secreta. Considerandum est, utrum  
natura tua agendis rebus, an otioso studio  
contemplationique aptior sit: & eo incli-



nandum, quò te vis ingenij defert. Iſocrates Ephorum iniectâ manu à foro ſubduxit, vtiliorem componendis monumentis hiftoriarum ratus. Male enim reſpondent coacta ingenia. reluctantè naturâ, irritus labor eſt.

CAP. VII. Nihil tamen æquè oblectauerit animum, quàm amicitia fidelis & dulcis. Quantum bonum eſt, vbi ſunt præparata pectora, in quæ tuto ſecrerum omne deſcendat, quorum conſcientiam minùs quàm tuam timeas, quorum ſermo ſollicitudinem leniat, ſententia conſilium expediat, hilaritas triftitiam diſſipet, conſpectus ipſe delectet? Quos ſcilicet vacuos, quantum fieri poterit, à cupiditatibus, eligemus. Serpunt enim vitia, & in proximum quemque tranſiliunt, & contractu nocent. Itaque, vt in peſtilentiâ, cauendum eſt, ne corruptis iam corporibus & morbo flagrantibus aſſideamus, quia pericula trahemus, afflatuque ipſo laborabimus: ita in amicorum legendis ingeniis dabimus operam, vt quamminimè inquinatos aſſumamus. Initium morbi eſt, ægris ſana miſcere. Nec hoc præceperim tibi, vt neminem niſi ſapientem ſequaris, aut attrahas. vbi enim iſtum inuenies, quem tot ſæculis quærimus? pro optimo eſt, minimè malus. Vix tibi eſſet facultas delectus felicioris, ſi inter Platonas & Xenophonas, & illum Socratici fœtus

prouentum bonos quæreret: aut si tibi potestas Catonianæ fieret ætatis, quæ ple-  
rosque dignos tulit, qui Catonis sæculo  
nascerentur, sicut multos peiores, quàm  
vnquam alias, maximorumque molito-  
res scelerum. Vtrâque enim turbâ opus  
erat, vt Cato posset intelligi, habere de-  
buit & bonos, quibus se approbaret: &  
malos, in quibus vim suam experiretur.  
Nunc verò, in tantâ bonorum egestate,  
minùs fastidiosa fiat electio. Præcipue ta-  
men vitentur tristes, & omnia deploran-  
tes, quibus nulla non causa in querelas  
placet. Constet illi licet fides & beneuo-  
lencia, tranquillitati tamen inimicus est  
comes perturbatus, & omnia gemens.

CAP. VIII. Transeamus ad patrimo-  
nia, maximam humanarum ærumnarum  
materiam. Nam si omnia alia quibus an-  
gimur, compares, mortes, ægrotationes,  
metus, desideria, dolorum laborumque  
patientiam, cum iis quæ nobis mala pe-  
cunia nostra exhibet; hæc pars multum  
prægrauabit. Itaque cogitandum est quan-  
to leuior dolor sit, non habere, quàm per-  
dere: & intelligemus, paupertati eò mi-  
norem tormentorum, quò minorem dam-  
norum esse materiam. Erras enim, si pu-  
tas animosius detrimenta diuites ferre.  
maximis minimisque corporibus par est  
dolor vulneris. Bion eleganter ait, Non  
minùs molestum esse caluis, quàm coma-

tis, pilos velli. Idem scias licet de pauperibus locupletibusque, par illis esse tormentum. vtrisque enim pecunia sua obhæsit, nec sine sensu auelli potest. Tolerabilius autem est, vt dixi, faciliusque, non acquirere, quam amittere: ideoque lætiores videbis, quos nunquam fortuna respexit, quam quos deseruit. Vidit hoc Diogenes, vir ingentis animi, & effecit ne quid sibi eripi posset. Tu istud paupertatem, inopiam, egestatem voca, & quam voles ignominiosum securitati nomen impone: putabo hunc non esse felicem, si quem mihi alium inueneris, cui nihil pereat. Aut ego fallor, aut regnum est, inter auaros, circumscriptores, latrones, plagiarios, vnum esse, cui noteri non possit. Si quis de felicitate Diogenis dubitat, potest idem dubitare & de decorum immortalium statu, an parum beatè degant: quod illis non prædia, nec horti sint, nec alieno colono rura pretiosa, nec grande in foro fœnus. Non te pudet, quisquis diuitiis adstupes? respice agedum mundum: nudos videbis deos, omnia dantes, nihil habentes. Hunc tu pauperem putas, an diis immortalibus similem, qui se fortuitis omnibus exuit? Feliciorem tu Demetrium Pompeianum vocas, quem non puduit locupletiorum esse Pompeio? Numerus illi quotidie seruorum, velut Imperatori exercitus, referebatur: cui

iamdudum diuitiæ esse debuerant, duo vicarij, & cella laxior. At Diogeni seruus vnicus fugit, nec eum reducere, cum monstraretur, tanti putauit. Turpe est, inquit, Manen sine Diogene posse viuere, Diogenem sine Mane non posse. Videtur mihi dixisse: Age tuum negotium fortuna. nihil apud Diogenem iam tuum est. Fugit mihi seruus? imò liber abiit. Familia vestiarij petit, victumque: tot ventres auidissimorum animalium tuendi sunt: emenda vestis, & custodiendæ rapacissimæ manus, & stentium detestantiumque ministerijs vtendum. Quanto ille felicior, qui nihil vlli deber, nisi, cui facillimè negat, sibi? Sed quoniam non est tantum roboris nobis, angustanda certè sunt patrimonia, vt minùs ad iniurias fortunæ simus expositi. Habiliora sunt corpora pusilla, quæ in arma sua contrahi possunt, quàm quæ superfunduntur, & vndique magnitudo sua vulneribus obiecit. Optimus pecuniæ modus est, qui nec in paupertatem cadit, nec procul à paupertate discedit.

C A P. I X. Placebit autem hæc nobis mensura, si prius parcimonia placuerit: sine quâ nec vllæ opes sufficiunt, nec vllæ non satis patent: præsertim cum in vicino remedium sit, & possit ipsa paupertas in diuitias se, aduocatâ frugalitate, conuvertere. Assuescamus à nobis remouere pom-  
pam,

pam, & vſu rerum ornamenta metiri. Cibus famem domet, potio ſitim, libido quæ neceſſe eſt fluat. Diſcamus membris noſtris inniti: cultum victumque non ad noua exempla componere; ſed vt maiorum ſuadent mores. Diſcamus continentiam augere, luxuriam coërcere, gulam temperare, iracundiam lenire, paupertatem æquis oculis aſpicere, frugalitatem colere, etiam ſi nos pudebit deſideriis naturalibus paruo parata remedia adhibere: ſpes effrænatas, & animum in futura eminentem velut ſub vinculis habere, id agere, vt diuitias à nobis potiùs quàm à fortuna petamus. Non poteſt, inquam, tanta varietas & iniquitas caſuum ita depelli, vt non multum procellarum irruat magna armamenta pandentibus; cogendæ in arctum res ſunt, vt tela in vanum cadant. Ideoque exilia interim calamitatesque in remedium ceſſere, & leuioribus incommodis grauiora ſanata ſunt, vbi parum audit præcepta animus, nec curari molliùs poteſt. Quid ni conſulitur, ſi & paupertas & ignominia, & rerum euerſio adhibetur? malo malum opponitur. Aſueſcamus ergo cœnare poſſe ſine populo, & ſeruis paucioribus ſeruire, & veſtes parare in quod inuentæ ſunt, habitare contractius. Non in curſu tantùm circique certamine, ſed in his ſpatiis vitæ interiùs ſtendendum eſt: Studiorum quoque, quæ li-

beralissima impensa est, tandiu rationem habebo, quandiu modum. Quò mihi innumerabiles libros & bibliothecas, quarum dominus vix totâ vitâ suâ indices perlegit? Onerat discipulum turba, non instruit: multoque satius est paucis te auctoribus tradere, quam errare per multos. Quadringenta millia librorum Alexandria arserunt, pulcherrimum regiae opulentiae monumentum: alius laudauerit, sicut Livius, qui elegantiae regum curaeque egregium id opus ait fuisse. Non fuit elegantia illud, aut cura, sed studiosa luxuria: imò ne studiosa quidem, quoniam non in studium, sed in spectaculum comparauerant: sicut plerisque ignavis etiam seruilium litterarum, libri non studiorum instrumenta, sed cœnationum ornamenta sunt. Pareretur itaque librorum quantum satis sit, nihil in apparatus. Honestius, inquis, in hos impensas, quam in Corinthia pictasque tabulas effuderim. Vitiosum est ubique, quod nimium est. Quid habes cur minus ignoscas nomen marmore atque chore captanti, quam opera conquærenti aut ignotorum auctorum, aut improbatorum, & inter tot millia librorum oscitanti? cui voluminum suorum frontes maximè placent, tituli que? Apud desidiosissimos ergo videbis, quicquid orationum historiarumque est, & recto tenus exstructa loculamenta. iam enim in-

ter balnearia & thermas, bibliotheca quoque, vt necessarium domus ornamentum expolitur. Ignoscerem planè, si è studiorum nimia cupidine oriretur: nunc ista exquisita, & cum imaginibus suis descripta sacrorum opera ingeniorum, in speciem & cultum parietum comparantur.

CAP. X. At in aliquod genus vitæ difficile incidisti, & tibi ignoranti vel publica fortuna, vel priuata laqueum impegit, quem nec soluere possis, nec abrumpere. Cogita compeditos primò ægrè ferre onera, & impedimenta crurum: deinde vbi non indignari illa, sed pati proposuerunt, necessitas fortiter ferre docet, consuetudo facile. Inuenies in quolibet genere vitæ oblectamenta, & remissiones, & voluptates, si nolueris malam putare vitam potius, quàm inuidiosam facere. Nullo melius nomine de nobis natura meruit, quàm quòd cum sciret, quibus ærumnis nasceremur, calamitatum mollementum consuetudinem inuenit, citò in familiaritatem grauissima adducens. Nemo duraret, si rerum aduersarum eandem vim assiduitas haberet, quàm primus ictus. Omnes cum fortuna copulati sumus. aliorum aurea catena est, & laxa: aliorum arcta & sordida. Sed quid refert? eadem custodia vniuersos circundedit: alligatiq; sunt etiam qui alligauerunt. nisi

tu fortè leuiorem in sinistra catenam putas. Alium honores, alium opes vinciunt: quosdam nobilitas, quosdam humilitas premit: quibusdam aliena supra caput imperia sunt, quibusdam sua: quosdam exilia vno loco tenent, quosdam sacerdotia. Omnis vita seruitium est. Assuescendum itaque conditioni suæ, & quam minimū de illa querendum: & quidquid habet circa se commodi, apprehendendum est. Nihil tam acerbum est, in quo non æquus animus solatium inueniat. Exiguæ sæpè aræ in multos vsus describentis arte paruere, & quamuis angustum pedem dispositio fecit habitabilem. Adhibe rationem difficultatibus: possunt & dura moliri, & angusta laxari, & grauiā scitè ferentes minus premere. Non sunt præterea cupiditates in longinquum mittendæ, sed in vicinum illis egredi permittamus, quoniam includi ex toto non patiuntur. Relictis his, quæ aut non possunt fieri, aut difficulter possunt, propè posita, speique nostræ alludentia sequamur: sed sciamus, omnia æquè leuia esse, extrinsecus diuersas facies habentia, introrsus pariter vana. Nec inuideamus altius stantibus: quæ excelsa videntur, prærupta sunt. Illi rursus, quos fors iniqua in ancipiti posuit, turiores erunt superbiam detrahendo rebus per se superbis, & fortunam suam quam maxime poterunt, in planum deferendo.



Multi quidem sunt, quibus necessariò herendum sit in fastigio suo, ex quo non possunt, nisi cadendo descendere: sed hoc ipso testentur, maximum onus suum esse, quòd aliis graues esse cogantur, nec subleuatos se, sed suffixos: iustitià, mansuetudine, humanà lege, & benignà manu, præparent multa ad sequentes casus præsidia, quorum spe securius pendeant. Nihil tamen equè hos ab his animi fluctibus vindicauerit, quàm semper aliquem incrementis terminum figere: nec fortunæ arbitrium desinendi dare, sed seipsos, multo quidem citra extrema, hortentur consistere. Sic & aliquæ cupiditates animum acuent, sed finitæ: non in immensum incertumque producent.

CAP. XI. Ad imperfectos & mediocres, & malè sanos, hic meus sermo pertinet, non ad sapientem. Huic non timidè, nec pederentim ambulandum est. tanta enim fiducia sui est, vt obuiam fortunæ iræ non dubitet, nec vnquam loco illi cessurus sit: nec habet vbi illam timeat: quia non mancipia tantum, possessionesque, & dignitatem, sed corpus quoque suum, & oculos, & manum, & quicquid est cariorem vitam facturum, seque ipsum inter precaria numerat, viuitque vt commodatus sibi, & reposcentibus sine tristitia redditurus. Nec ideo est vilis sibi, quia scit se suum non esse: sed omnia tam diligenter faciet,

tam circumspectè, quàm religiosus homo  
sanctusque solet tueri fidei commissa.  
Quandocunque autem reddere iubebitur,  
non queretur cum fortuna: sed dicet, Gra-  
tias ago pro eo quod possedi; habuique.  
Magnâ quidem res tuas mercede colui:  
sed quia imperas, cedo gratus libensque.  
si quid habere me tu volueris, etiam nunc  
seruabo: si aliud placet, ego verò factum  
signatumque argentum, domum, fami-  
liamque meam reddo, restituo. Appella-  
uerit natura, quæ prior nobis credidit: &  
huc dicemus, Recipe animum meliorem,  
quàm dedisti: non terguersor, nec refu-  
gio. paratum habes à volente, quod non  
sentienti dedisti aufer. Reverti vnde ve-  
neris, quid graue est male videri, quisquis  
nesciet bene mori? Huc itaque primum  
rei pretium detrahendum est, & spiritus  
inter seruitia numerandus. Gladiatores  
(sic Cicero) inuisos habemus, si omni mo-  
do vitam impetrare cupiunt: fauemus, si  
contemptum eius præ se ferunt: idem eue-  
nire nobis scias. Sæpe enim causa mo-  
riendi est, timide mori. Fortuna illa quæ  
ludos sibi facit, Quod, inquit, te reseruem,  
malum & trepidum animal? eò magis  
conuulneraberis & confodieris, quia ne-  
scis præbere iugulum. At tu & vsues diu-  
rius, & morieris expeditus, qui ferrum  
non subductâ ceruice, nec manibus oppo-  
sitis, sed animosè recipis. Qui mortem

timebit, nihil vnquam pro homine viuo faciet, at qui scit, hoc sibi cum conciperetur, statim conditum, viuet ad formulam, & simul illud quoque eodem animi robore præstabit, ne quid ex his quæ eueniunt, subitum sit. Quidquid enim fieri potest, quasi futurum prospiciendo, malorum omnium impetus molliet, qui ad præparatos expectantesque nihil afferunt noui: securis, & beata tantum spectantibus, graues eueniunt. Morbus enim, captiuitas, ruina, ignis, nihil horum repentinum est. Sciebam in quàm tumultuosum me contubernium natura clusisset, totiens in viciniâ meâ conclamatum est, totiens præter limen immaturas exsequias fax cereusque præcessit: sæpè altius ruentis ædificij fragor sonuit: multos ex his quos forum, curia, sermo, mecum contraxerat, nox abstulit, & vinctas ad sodalitium manus copulatas intercudit. Mirer aliquando ad me pericula accessisse, quæ circa me semper errauerunt? Magna pars hominum est, quæ nauigatura, de tempestate non cogitat. Nunquam me in bonâ re mali pudebit auctoris. Publius tragicis comicisque vehementior ingeniis, quotiens inimicas ineptias, & verba ad summam caueam spectantia reliquit, inter multa alia cothurno, non tantum sipario, fortiora, & hoc ait:

*Cuius potest accidere, quod cuiquam potest.*

N iij

Hoc si quis in medullas demiserit, & omnia aliena mala, quorum ingens quotidie copia est, sic aspexerit, tanquam illis liberum & ad se iter sit: multo ante se armabit, quam petatur. Serò animus ad periculorum patientiam, post pericula, instruitur. Non putavi hoc futurum. nunquam hoc euenturum credidissem. Quare autem non? Quæ sunt diuitiæ, quas non egestas, & fames, & mendicitas à tergo sequatur? Quæ dignitas, cuius non prætextam, & augurale, & lora patricia, & sordes comitentur, & exportatio, & notæ, & mille maculæ, & extrema contemptio? Quod regnum est, cui non parata sit ruina, & proenatio, & dominus, & carnifex? nec magnis ista interualis diuisa, sed horæ momentum interest inter solium, & aliena gēna. Scito ergo, omnem conditionem versabilem esse: & quidquid in vllum incurrit, posse in te quoque incurere. Locuples es? numquid ditior Pompeio? cui cum Caius vetus cognatus, hospes nouus, aperuisset Cæsaris domum, ut suam eluderet, defuit panis & aqua: cum tot flumina possideret in suo orientia, & in suo cadentia, mendicauit stillicidia: fame ac siti periit, in palatio cognati, dum illi heres publicum funus esurienti locat. Honoribus summis functus es? numquid aut tam magnis, aut tam insperatis, aut tam vniuersis, quam Seianus? Quo die illum

senatus deduxerat, populus in frustra diuisus: in quem quidquid congeri poterat, dii hominesq; contrulerant; ex eo nihil superfluit, quod carnifex traheret. Rex es? non ad Croesum te mittam, qui rogum suum & ascendit iussus, & extingui vidit, factus non regno tantum, sed etiam morti suae superstes: non ad Iugurtham, quem populus Romanus intra annum quam timebat, spectauit. Ptolemaeum Africae regem, Armeniae Mithridatem, inter Caianae custodias vidimus. alter in exilium missus est: alter ut meliori fide mitteretur, optabat. In tanta rerum, sursum ac deorsum euntium, versatione, si non quidquid fieri potest, pro futuro habes, das in te vires rebus aduersis: quas infregit, quisquis prior vidit. Proximum ab his erit, ne aut in superuacuis, aut ex superuacuo laboremus: id est, ne aut quae non possumus consequi, concupiscamus: aut adepti, cupiditarum vanitatem nostrarum sero, post multum pudorem, intelligamus. id est, ne aut labor irritus sine effectu sit, aut effectus labore indignus. Ferè enim ex his tristitia sequitur, si aut non successit, aut successus pudet.

CAP. XII. Circumcidenda est concursatio, qualis est magnae parti hominum, domos, & theatra, & fora pererrantium: alienis se negotiis offerunt, semper aliquid agentibus similes. Horum si ali-

quem exeuntem domo interrogaueris: Quò tu? quid cogitas? respondebit tibi: Non mehercule scio: sed aliquos videbo, aliquid agam. Sine proposito vagantur, querentes negotia: nec quæ destinauerunt, agunt, sed in quæ incurrerunt. Inconsultis illis vanusque cursus est, qualis formicis, per arbusta repentibus, quæ in summum cacumen, deinde in imum inanescunt. His plerique similem vitam agunt, quorum non immeritò quis inquietam inertiam dixerit. Quorundam, quasi ad incendium currentium, misereberis: usque eò impellunt obuios, & se aliosque præcipitant: cum interim cucurrerint, aut salutaturi aliquem non resalutaturum, aut funus ignoti hominis prosecuturi, aut iudicium sæpè litigantis, aut sponsalia sæpè nubentis, & lecticam affectati, quibusdam locis & ipsi tulerint. deinde domum cum supervacua redeuntes lassitudine, iurant nescisse seipsum, quare exierint, ubi fuerint, postero die erraturi per eadem illa vestigia. Omnis itaque labor, aliquò referatur, aliquò respiciat. Non industria inquietos, & insanos, sed falsæ rerum imagines agitant. nam ne illi quidem sine aliqua spe mouentur; proritat illos alicuius rei species, cuius vanitatem capta mens non coarguit. Eodem modo vnumquemque ex his, qui ad augendam turbam excurrunt, inanes & leues causæ per urbem

circumducunt, nihilque habentem in quo laboret, lux orta expellit: & cum multorum frustra liminibus illisus nomenclator persalutauit, à multis exclusus, neminem ex omnibus difficilius domi quam se, conuenit. Ex hoc malo dependet illud teterimum vitium, auscultatio, & publicorum secretorumque inquisitio, & multarum rerum scientia, quæ nec tuto narrantur, nec tuto audiuntur. Hoc secutum puto Democritum, ita cepisse: Qui tranquille vult vivere, nec priuatim agat multa, nec publice: ad superuacua scilicet referentem. Nam si necessaria sunt, & priuatim & publice; non tantum multa, sed innumerable agenda sunt: vbi verò nullum officium solemne nos citat, inhibendæ actiones sunt.

CAP. XIII. Nam qui multa agit, sæpè fortunæ potestatem sui facit: quam turissimum est raro experiri, ceterum semper de illa cogitare, & sibi nihil de fide eius promittere. Nauigabo, nisi si quid inciderit: & prætor siam, nisi si quid obstituerit: & negotiatio mihi respondebit, nisi si quid interuenerit. Hoc est, quare sapienti nihil contra opinionem dicamus accidere. non illum casibus hominum excepimus, sed erroribus: nec illi omnia ut voluit cedunt, sed ut cogitauit. in primis autem cogitauit, aliquid posse propositis suis resistere. Necesse est autem leuius ad ani-

num peruenire destitutæ cupiditatis dolore, cui successum non utique promiseris.

**CAP. XI V.** Faciles etiam nos facere debemus, ne nimis destinatis rebus indulgeamus. transeamus in ea, in quæ nos casus deduxerit: nec mutationes aut consilij aut status pertimescamus: dummodo nos leuitas, inimicissimum quieti vitium, non excipiat. Nam & pertinacia necesse est anxia & misera sit, cui fortuna sæpè aliquid extorquet: & leuitas multo grauior, nusquam se continens. Vtrumque infestum est tranquillitati, & nihil mutare posse, & nihil pati. Vtique animus ab omnibus externis in se reuocandus est. sibi confidat, se gaudeat, sua suspiciat: recedat, quantum potest, ab alienis, & se sibi applicet, damna non sentiat, etiam aduersa benigne interpreteretur. Nuntiatio naufragio, Zeno noster, cum omnia sua audiret submersa: Iubet, inquit, me fortuna expeditius philosophari. Minabatur Theodoro philosopho tyrannus mortem, & quidem insepultam. Habes, inquit, cur tibi placeas: hemina sanguinis in tuâ potestate est: nam quod ad sepulturam pertinet, & te ineptum, si putas interesse, supra terram, an infra putrescam. Canius Iulus, vir in primis magnus, cuius admirationi ne hoc quidem obstat, quod nostro seculo natus est, cum Caio diu altercatus, post-



quam abeunti Falaris ille dixit, Ne fortè  
 ineptâ spe tibi blandiaris, duci te iussi:  
 Gratias, inquit, ago, optime princeps.  
 Quid senserit, dubitò: multa enim occur-  
 runt mihi. Contumeliosus esse voluit, &  
 ostendere quanta crudelitas esset, in quâ  
 mors beneficium erat? An exprobrauit il-  
 li quotidianam dementiam? agebant enim  
 gratias, & quorum liberi occisi, & quo-  
 rum bona ablata erant. An tanquam li-  
 bertatem libenter accepit? Quidquid est,  
 magno animo respondit. Dicit aliquis:  
 Potuit post hæc iuberè illum, Caius viue-  
 re. Non timuit hoc Canius, nota erat  
 Caij in talibus imperiis fides. Credisne  
 illum decem medios vsque ad supplicium  
 dies, sine vlla sollicitudine exegisse? veri-  
 simile non est, quæ vir ille dixerit, quæ  
 fecerit, quàm in tranquillo fuerit. Lude-  
 bat lattrunculis, cùm centurio agmen per-  
 iturorum trahens, & illum quoque citari  
 iubet. Vocatus, numeravit calculos, &  
 sodali suo. Vide, inquit, ne post mortem  
 meam mentiaris te vicisse. Tum annuens  
 centurioni: Testis, inquit, eris, vno me an-  
 tecedere. Luisse tu Canium, illâ tabulâ  
 putas? illufit. Tristes erant amici, talem  
 amissuri virum. Quid mœsti, inquit, estis?  
 Vos quæritis, an immortales animæ sint:  
 ego iam sciam, nec desit, in ipso verita-  
 tem sine scrutari, & ex more suo quæstio-  
 nem habere. Prosequebatur illum philo-

sophus suus: nec iam procul erat tumultus, in quo Cæsari Deo nostro fiebat quotidianum sacrum. Quid, inquit, Cani nunc cogitas? aut quæ tibi mens est? Obseruare, inquit Canius, proposui illo velocissimo momento, an sensurus sit animus, exire se: promisitque, si quid explorasset, circumiturum amicos, & indicaturum quis esset animarum status. Ecce in mediâ tempestate tranquillitas: ecce animus æternitate dignus, qui fatum suum in argumentum veri vocat: qui in ultimo illo gradu positus, exeuntem animam percontatur: nec usque ad mortem tantum, sed aliquid etiam ex ipsa morte discit. Nemo diutiùs philosophatus: sed non raptim relinquetur magnus vir, & cum curâ dicendus: dabimus te in omnem memoriam, clarissimum caput, Calianæ cladis magna portio.

CAP. XV. Sed nihil prodest priuatæ tristitiæ causas abiicisse. Occupat enim nonnunquam odium generis humani, & occurrunt tot scelerum feliciùm turba, cum cogitaueris, quàm sit rara simplicitas, quàm ignota innocentia, & vix unquam, nisi cum expedit, fides, & libidinis lucra damnaque pariter inuisa, & ambitio usque eò iam se suis non continens terminis, ut per turpitudinem splendeat. Agitur animus in noctem, & velut euersis virtutibus, quas nec sperare licet, nec habere

prodest, tenebrae oboriuntur. In hoc itaque flectendi sumus, ut omnia vulgi vitia non inuisa nobis, sed ridicula videantur: & Democritum potius imitemur, quàm Heraclitum. Hic enim quoties in publicum processerat, flebat: ille ridebat. huic omnia quæ agimus, miseriæ; illi ineptiæ videbantur. Eleuanda ergo omnia, & facili animo ferenda: humanius est deridere vitam, quàm deplorare. Adiiice, quòd de humano quoque genere melius mereatur qui ridet illud, quàm qui lugeat. Ille spei bonæ aliquid relinquit: hic tamen stultè defleat, quæ corrigi posse desperat. & vniuersa contemplatus, maioris animi est, qui risum non tenet, quàm qui lacrimas; quando leuissimum affectum animi mouet, & nihil magnum, nihil seuerum, nec serium quidem, ex tanto apparatu putat. Singula, propter quæ læti ac tristes sumus, sibi quisque proponat, & sciat verum esse, quod Bion dixit, Omnia hominum negotia similia initiis esse, nec vitam illorum magis sanctam aut seueram esse, quàm conceptus inchoatos. Sed satius est, publicos mores & humana vitia placidè accipere, nec in risum, nec in lacrimas excidere. Nam alienis malis torqueri, æterna miseria est: alienis delectari malis, voluptas inhumana. sicut illa inutilis humanitas, flere, quia aliquis filium efferat, & frontem suam fingere. In tuis quoque

malis id agere te oportet, ut dolori tantum des quantum poscit, non quantum consuetudo. Plerique enim lacrimas fundunt, ut ostendant; & toties siccos oculos habeant, quoties spectator defuit: turpe iudicantes, non flere, cum omnes faciant. Adeo penitus hoc se malum fixit, ex aliena opinione pēdere, ut in simulationē, etiam simplicissima res, dolor veniat. Sequitur pars, quæ solet non immerito contristare, & in solitudinem deducere, ubi bonorum exitus mali sunt. Ut, Socrates cogitur in carcere mori, Rutilius in exilio vivere, Pompeius & Cicero clientibus suis præbere cervicem: Caro ille, virtutum viva imago, incumbens gladio, simul de se ac de Rep. palam facere, Necesse est torqueri, tam iniqua præmia fortunam persolvere, & quid sibi quisque nunc speret, cum videat pessima optimos pati? Quid ergo est, vide quomodo quisque illorum tulerit: & si fortes fuerunt, ipsorum animos considera: si muliebriter & ignavè periēre, nihil perit. Aut digni sunt, quorum virtus tibi placeat: aut indigni, quorum desideretur ignavia. Quid enim est turpius, quàm si maximi viri timidos fortiter moriendo faciunt? Laudemus toties dignum laudibus, & dicamus: Tanto fortior, tanto felicior: humanos effugisti, casus, liorem, morbum: existi ex custodia: non tu dignus malâ fortunâ Diis visus es, sed in-

dignus in quem iam aliquid fortuna posset. Subducentibus verò se, & in ipsa morte ad vitam respectantibus, manus iniiciendæ sunt. Neminem flebo lætum, neminem fentem. illo lacrimas meas ipse absterfit; hic suis lacrimis efficit, ne ullis dignus sit. Ego Herculem fleam, quod viuus viritur: aut Regulum, quod tot clavis configitur: aut Catonem, quod vulnera sua fortiter tulit. Omnes isti leni temporis impensâ inuenerunt, quomodo æterni fierent: ad immortalitatem moriendo venerunt. Est & illa sollicitudinum non mediocris materia, si te anxie componas, nec ulli simpliciter ostendas: qualis multorum vita est, ficta, & ostentationi parata. Torquet enim assidua observatio sui, & deprehendi aliter, quam solet, metuit: nec vñquam curâ solvitur, ubi toties nos æstimari putamus, quoties aspici. Nam & multa incidunt, quæ inuitos denudent: & ut bene cedat tanta sui diligentia, non tamen iuèunda vitâ, aut secura est, semper sub personâ viventium. At illa quantum habet voluptatis, sincera & per se ornata simplicitas, nihil obtendens moribus suis. Subit tamen & hæc vita contemptus periculum, si omnia omnibus patent. sunt enim qui fastidiunt, quicquid proprius adierunt. Sed nec virtuti periculum est, ne admotâ oculis reuilescat: & satius est simplicitate contemni, quàm perpetuâ simu-

latione torqueri. Modum tamen rei adhibeamus. multum interest, simpliciter viuas, an negligentem. Multum in se recedendum est: conuersatio enim dissimilium, bene composita disturbat, & renouat affectus; & quidquid imbecillum in animo; nec percuratum est, exulcerat. Miscenda tamen ista, & alternanda sunt, solitudo & frequentia. Illa nobis faciet hominum desiderium, hæc nostri: & erit altera alterius remedium. Odium turbæ sanabit solitudo, & diuina solitudinis turba. Nec in eadem intentione æqualiter retinenda mens est, sed ad iocos reuocanda. Cum pueris Socrates ludere non erubescerat: & Gato vino laxabat animum, curis publicis fatigatum: & Scipio triumphale illud & militare corpus mouit ad numeros: non molliter se infringens, ut nunc mos est, etiam in celsu ipso. Ultra muliebrem mollitiem fluentibus; sed ut illi antiqui viri solebant, interitum ac soluta tempora, vitilem in modum triptidizare, non facturi detrimentum, etiam si ab hostibus suis spectarentur. Danda est remissio animis: meliores acioresque requieti surgent. Ut fertilibus agris non est imperandum: citò enim exhauriet illos nunquam intermissa fecunditas: ita animorum impetus assiduus labor frangit. Vires recipient paulum resoluti, & remissi. Nascentur ex assiduitate laborum,

animorum hebetatio quædam; & languor: nec ad hoc tanta hominum cupiditas tenderet; nisi naturalem quamdam voluptatem haberet lusus iocusque: quorum frequens usus, omne animis pondus, omnemque vim eripiet. Nam & somnus refectioni necessarius est: hunc tamen si per diem noctemque contines, mors erit. Multum interest, remittas aliquid, an soluas. Legum conditores festos instituerunt dies, ut ad hilaritatem homines publice cogerentur & tamquam necessarium laboribus interponentes temperamentum. Et magni, ut dixi, viri quidam: sibi menstruas certis diebus Oferias dabant: quidam nullum non diem; inter & otium & curas, dividebant. qualis Pollium Afrinum, oratorem magnum, meminimus: quem nulla res ultra decimam retinuit: ne epistolas quidem post eam horam legebat, ut quid novæ curæ nasceretur: sed totius diei lassitudinem duabus illis horis ponebat. Quidam medio die interiuuxerunt, & in postmeridianas horas aliquid lenioris operæ distulerunt. Maiores quoque nostri novam relationem, post horam decimam, in senatu fieri verabant. Miles vigilas dividit; & mox immunis est ab expeditione redeuntium. Indulgendum est animo: dandumque subinde otium: quod alimenti ac virium loco sit: & in ambulationibus apertis va-

gandum, ut cælo libero & multo spiritu  
 augeat attollatque se animus. Aliquando  
 vectatio iterque, & mutata regio, vigorem  
 dabunt, convectusque & liberalior potio:  
 nonnunquam & usque ad ebrietatem ve-  
 niendum, non ut mergat nos, sed ut depri-  
 mat. Eluit enim curas, & ab ipso animum  
 mouet: & ut morbis quibusdam, ita tristi-  
 tiæ medetur. Liberque non ob licentiam  
 linguæ dictus est inventor vini, sed quia  
 liberat seruitio curarum animum, & asse-  
 rit, vegetioremque & audaciorem in om-  
 nes conatus facit. Sed ut libertatis, ita  
 vini salubris moderatio est. Et Solonem,  
 Arcesilaumque indulisse vino credunt.  
 Catoni ebrietas obiecta est; at facilius ef-  
 ficiet, quisquis obiecerit, hoc crimen ho-  
 nestum, quam turpem Catonem. Sed nec  
 sæpè faciendum est, ne animus malam  
 consuetudinem ducat: & aliquando ta-  
 men in exultationem libertatemque ex-  
 trahendus, tristisque sobrietas remouen-  
 da paulisper. Nam, siue Græco poëta  
 credimus, aliquando & insanire iucun-  
 dum est: siue Platoni, frustra poëticas fo-  
 res compos sui pepulit: siue Aristoreli,  
 nullum magnum ingenium sine mixtura  
 dementiæ fuit. Non potest grande ali-  
 quid & supra ceteros loqui, nisi mota  
 mens. Cum vulgaria & solita contem-  
 pfit, instinctuque sacro surrexit excelsior,  
 tunc demum aliquid cecinit grandius ore



mortali. Non potest sublime quicquam  
& in arduo positum contingere, quandiu  
apud se est. Desciscat oportet à solito, &  
efferatur, & mordeat franos, & rectorem  
rapiat suum: eoquē ferat, quò per se ti-  
muisset ascendere. Habes, Serene carissi-  
me, quæ possint tranquillitatem tueri, quæ  
restituere, quæ surrepentibus vitiis resi-  
stant. Illud tamen scito, nihil horum sa-  
tis esse validum, rem imbecillam seruanti-  
bus, nisi intenta & assidua cura circumbeat  
animum labentem.

## L. ANNÆI SENECAE

## DE CONSTANTIA

SAPIENTIS,  
sive

QVOD IN SAPIENTEM  
NON CADIT INIVRIA.

## CAPVT I.

**N**ONOTVM inter Stoicos, Sere-  
ne, & ceteros sapientiam professos  
interesse, quantum inter foeminas &  
mares, non immerito dixerimus: cum  
utraque turba ad vitæ societatem tan-  
tundem conferat, sed altera pars ad  
obsequendum, altera imperio nata sit.  
Ceteri sapientes molliter & blandè, vt

ferè domestici & familiares medici, ægris corporibus, non quâ optimum & celestimum est, medentur, sed quâ licet: Stoici virilem ingressi viam, non ut amœna incuntibus videatur curæ habent, sed ut quamprimum nos eripiant, & in illum editum verticem educant, qui adeo extra omnem teli iactum surrexit, ut supra fortunam emineat. At ardua per quæ vocamur, & confragosa sunt. Quid enim plano aditur excelsum? Sed ne tam abrupta quidem sunt, quàm quidam putant. prima tantum pars saxa rupesque habet, & inuij speciem: sicut pletaque ex longinquo speculantibus abscissa & connexa videri solent, cum aciem longinquitas fallat. Deinde propius aduentibus eadem illa, quæ in vnum congelerat error oculorum, paulatim adaperiuntur: tum illis, quæ præcipitia ex intervallo apparebant, reddit lenè fastigium. Nuper cum incidisset mentio M. Catonis, indignè ferebas (sicut es iniquitatis impatiens) quod Catonem ætas sua parùm intellexisset, quod supra Pompeios & Cæsares surgentem, infra Vatinios posuisset: & tibi indignum videbatur, quod illi dissuasuro legem, rōga in foro esset erepta, quod quæ à Rostris, vsque ad arcum Fabianum, per seditiosæ factionis manus tractus, voces improbas, & sputa, & omnes alias insanę multitudinis contumelias pertulisset. Tunc ego respondi,

habere te quòd Reipublicæ nomine moueris, quam hinc P. Clodius, hinc Vatinus, ac pessimus quisque vœnundabat: & cæcâ cupiditate corrupti, non intelligebant, se, dum vendunt, etiam vœnire.

CAP. II. Pro ipso quidem Catone secutum te esse iussi. Nullum enim sapientem nec iniuriam accipere, nec contumeliam posse: Catonem autem certius exemplar sapientis viri nobis deos immortales dedisse, quam Vlixem & Hercule prioribus sæculis. Hos enim Stoici nostri sapientes pronunciauerunt, inuictos laboribus, & contemptores voluptatis, & victores omnium terrarum. Cato cum feris manus non contulit, quas consecrari venatoris agrestisque est: nec monstra igne ac ferro persecutus est, nec in ea tempora incidit, quibus credi posset cælum vnus humeris inniti, excussâ iam antiquâ credulitate, & sæculo ad summam perducto solertiam. Cum ambitu congressus, multiformi malo, & cum potentiaë immensâ cupiditate, quam totus orbis in tres diuisus satiare non poterat, aduersus vitia ciuitatis degenerantis, & pessum suâ mole sidentis, stetit solus, & cadentem Rempublicam, quantum modò vnâ retrahi manu poterat, retinuit: donec vel abreptus, vel abstractus, comitem se diu sustentatæ ruinæ, dedit: simulque exstincta sunt, quæ nefas erat diuidi. Neque enim Cato post

libertatem vixit, nec libertas post Catonem. Huic tu putas iniuriam fieri potuisse à populo, quòd aut præturam illi detraxit, aut togam? quòd sacrum illud caput purgamentis oris aspersit? Tutus est sapiens, nec ullâ affici aut iniuriâ, aut contumeliâ potest.

CAP. III. Videor mihi intueri animum tuum incensum, & efferuescentem. paras acclamare: Hæc sunt quæ auctoritatem præceptis vestris detrahant. magna promittitis, & quæ ne optari quidem, nedum credi possint: deinde ingentia locuti, cum pauperem negastis esse sapientem, non negatis solere illi & seruum, & vestem, & tectum, & cibum deesse; cum sapientem negastis insanire, non negatis & alienari, & parùm sana verba emittere, & quicquid vis morbi cogit, audere; cum sapientem negastis seruum esse, iidem non itis inficias, & vñum iturum, & imperata facturum, & domino suo seruilia præstiturum ministeria. Ita, sublato altè supercilio, in eadem quæ ceteri, descenditis, mutatis rerum nominibus. Tale itaque aliquid & in hoc esse suspicor, quod primâ specie pulchrum atque magnificum est: nec iniuriam, nec contumeliam accepturum esse sapientem. Multum autem interest, vtrùm sapientem extra indignationem, an extra iniuriam ponas. Si dicis illum equo animo laturum; nullum habet privilegium.

gium. contigit illi res vulgaris, & quæ discitur ipsâ iniuriarum assiduitate, patientia. Si negas accepturum iniuriam, id est, neminem illi tentaturum facere, omnibus relictis negotiis Stoicus fio. Ego verò sapientem non imaginario honore verborum exornare constitui, sed eo loco ponere, quò nulla permittatur iniuria. Quid ergo? nemo erit qui laceffit, qui tentet? Nihil in rerum naturâ tam sacrum est, quod sacrilegum non inueniat: sed non idèò diuina minùs in sublimi sunt, si existunt, qui magnitudinem multum ultra se positam, non icturi petant. Inuulnerabile est, non quod non feritur, sed quod non læditur. Ex hac tibi notâ sapientem exhibeò. Numquid dubium est, quin certius robur sit, quod non vincitur, quàm quod non laceffitur? cùm dubiæ sint vires inexpertæ: at meritò certissima firmitas habeatur, quæ omnes incursus respuit. Sic tu sapientem melioris scito esse naturæ, si nullus illi iniuria nocet, quàm si nulla fit. Et illum fortem virum dicam, quem bella non subigunt, nec admota vis hostilis exterre: non cui pingue otium est, inter desides populos. Huiusmodi igitur, sapientem nulli esse iniuriæ obnoxium. Itaque non refert, quàm multa in illum conijciantur tela, cùm sit nulli penetrabilis. Quomodo quorundam lapidum inexpugnabilis ferro duritia est,

nec secari adamas, aut cedi, vel deteri potest, sed incurrentia viro retundit: quemadmodum quædam non possunt igne consumi, sed flammâ circumfusâ, rigorem suum habitumque conseruant: quemadmodum proiecti in altum scopuli mare frangunt, nec ipsi vlla sæuitiæ vestigia, tot verberati sæculis, ostentant: ita sapientis animus solidus est, & id roboris collegit, ut tam tutus sit ab iniuriâ, quàm illa quæ retuli.

CAP. IV. Quid igitur? non erit aliquis qui sapienti facere tentet iniuriam? tentabit, sed non peruenturam ad eum. Maiore enim interuallo à contactu inferiorum abductus est, quàm ut vlla vis noxia vsque ad illum vires suas perferat. Etiam cum potentes, & imperio editi, & consensu seruientium validi, nocere ei tentent: tam citra sapientem omnes eorum impetus deficient, quàm quæ neruo tormentisve in altum exprimuntur, cum extra visum exsilierunt, citra cœlum tamen flectuntur. Quid tu putas, cum stolidus ille rex multitudine telorum diem obscurasset, vllam sagittam in Solem incidisse? aut demissis in profundum catenis Neptunum potuisse contingi? Ut cœlestia humanas manus effugiunt, & ab his qui templa diruunt, aut simulacra constant, nihil diuinitati nocetur: ita quicquid fit in sapientem proteruè, petulanter, super-

bè, frustrà tentatur. At satius erat, neminem esse qui facere vellet. Rem difficilem optas humano generi, innocentiam. At non fieri, eorum interest qui facturi sunt, non eius qui pati, ne si fiat quidem, non potest. Imò nescio, an magis vires sapientia ostendat tranquilla inter lacescentia: sicut maximum argumentum est imperatoris armis virisque pollentis, tuta securitas & in hostium terrâ. Diuidamus si tibi videtur, Serene, iniuriam à contumelia. prior illa naturâ grauior est: hæc leuior, & tantum delicatis grauis: quâ non læduntur, sed offenduntur. Tanta est tamen animorum dissolutio & vanitas, vt quidam nihil acerbius putent. Sic inuenies seruum, qui flagellis quàm colaphis cædi malit, & qui mortem ac verbera tolerabiliora credat, quàm contumeliosa verba. Ad tantas ineptias peruentum est, vt non dolore tantum, sed doloris opinione vexemur: more puerorum, quibus metus incutit vmbra, & personarum deformitas, & deprauata facies; lacrimas verò euocant nomina parum grata auribus, & digitorum motus, & alia, quæ impetu quodam erroris improvidi refugiunt.

C A P. V. Iniuria propositum hoc habet, aliquem malo afficere: malo autem sapientia non relinquit locum. Vnum enim malum illi est turpitudo: quæ introiret, vbi iam virtus honestumque est,

non potest: iniuria ergo ad sapientem non peruenit. Nam si iniuria alicuius mali patientia est, sapiens autem nullius mali est patiens, nulla ad sapientem iniuria pertinet. Omnis iniuria deminutio eius est, in quem incurrit. nec potest aliquis iniuriam accipere sine aliquo detrimento vel dignitatis, vel corporis, vel rerum extra nos positarum: sapiens autem nihil perdere potest, omnia in se reposuit, nihil fortunæ credit, bona sua in solido habet, contentus virtute, quæ fortuitis non indiget. Ideoque nec augeri, nec minui potest. nam in summum perducta, incrementi non habent locum. Nihil eripit fortuna, nisi quod dedit: virtutem autem non dat: ideo nec detrahit. Libera est, inuiolabilis, immota, inconcussa, sic contra casus indurata, ut nec inclinari quidem, nedum vinci possit. Aduersus apparatus terribilium, rectos oculos tenet, nihil ex vultu mutat, siue illi dura, siue secunda ostentantur. Itaque nihil perdet, quod perire sensurus sit. Vnius enim in possessione virtutis est, ex qua depelli nunquam potest: ceteris precario utitur. quis autem iacturâ mouetur alieni? Quod si iniuria nihil lædere potest ex his quæ propria sapientis sunt, quia virtute suâ saluâ sunt: iniuria sapientis non potest fieri. Megara Demetrius ceperat, cui cognomen Poliorcetes fuit. ab hoc Stilpon philosophus interrogatus,



numquid perdidisset? Nihil, inquit: omnia namque mea mecum sunt. Atqui & patrimonium eius in prædam cesserat, & filias rapuerat hostis, & patriam. At ille victoriam illi excussit: & se, vrbe captâ, non inuictum tantum, sed indemnem esse restatus est. habebat enim secum vera bona, in quæ non est manus injectio. At ea quæ dissipata & direpta ferebantur, non indicabat sua, sed aduenticia, & nutum fortunæ sequentia: ideo non vt propria dilexerat. Omnium enim extrinsecus affluentium lubrica & incerta possessio est. Cogita nunc, an huic fur, an calumniator, aut vicinus potens, aut diues aliquis regnum orbis senectutis exercens, facere iniuriam possit, cui bellum & hostis ille, egregiam artem quassandarum urbium profectus, eripere nihil potuit. Inter micantes vbiq; gladios, & militarem in rapinam tumultum; inter flammæ & sanguinem stragemque impulsæ ciuitatis, inter fragorem templorum super deos suos cadentium, vni homini pax fuit. Non est itaque quòd audax iudices promissum: cuius tibi, si parum fidei habeo, sponso-rem dabo. Vix enim credis tantum firmitatis in hominem, aut tantam animi magnitudinem cadere. sed si prodit in medium, qui dicat:

CAP. VI. Non est quòd dubites, an at-  
tollere se homo natus supra humana pos-

fit, an dolores, damna, vlcérations, vulnera; magnos motus rerum circa se frementium securus aspiciat, & dura placide ferat, & secunda moderate; nec illis cedens, nec his fretus; vnus idemque inter diuersa sit, nec quicquam suum, nisi se putet esse; eâ quoque parte quâ melior est. Assum hoc vobis probaturus; sub isto tot ciuitatum euersore; munimenta incursum arietis labefieri, & turrium altitudinem cuniculis ac latentibus fossis repente residere, & æquaturum editissimas arces aggerem crescere: ac nulla machinamenta posse reperiri, quæ bene fundatum animum agitent. Erepsi modo è ruinis domus; & incendiis vndique relucens, per flammam, per sanguinem fugi. Filias meas qui casus habeat, an peior publico, nescio. Solus, & senior, & hostilia circa me omnia videns, tamen integrum incolumemque esse censum meum profiteor, teneo, habeo quicquid mei habui. Non est quod me victum, victorem te credas. vicit fortuna tua fortunam meam. Caduca illa, & dominum mutantia, vbi sint nescio: quod ad res meas pertinet, mecum sunt, mecum erunt. Perdiderunt isti diuites patrimonia; libidinosi amores suos, & magno pudoris impendio dilecta scortâ; ambitiosi curiam & forum, & loca excendendis in publico vitiis destinata; foeneratores perdidit tabellas suas, qui-

bus avaritia falsò læta, diuitias intaginatur: ego quidem omnia integra illibataque habeo. Proinde istos interroga qui sient, qui lamentantur, strictis gladiis nuda pro pecuniâ corpora opponunt, qui hostem onerato sinu fugiunt. Ergo ita habes, Serene, perfectum illum virum, humanis diuinisque virtutibus plenum, nihil perdere. Bona eius solidis & inexsuperabilibus munimentis præcincta sunt. Non Babylonis illa muros contuleris, quos Alexander intravit: non Carthaginis aut Numantiae moenia, vnâ manu capta: non Capitolium, arcemve habent ista hostile vestigium. Illa quæ sapientem tuerentur, à flammâ & ab incurso ruita sunt: nullum introitum præbent, excelsa, inexpugnabilia, diis æqua.

CAP. VII. Non est quòd dicas, ita ut soles, hunc sapientem nostrum nusquam inueniri. Non fingimus istud humani ingenij vanum decus, nec ingentem imaginem falsæ rei concipimus, sed qualem confirmamus, exhibuimus, & exhibebimus. Rarò forsitan, magnisq; ætatum interuallis inuenitur neque enim magna, & excedentia solitum ac vulgarem modum, crebrò gignuntur: ceterum hic ipse M. Cato, à cuius mentione hæc disputatio processit, vercor ne supra nostrum exemplar sit. Denique validius debet esse quòd lædit, eo quòd læditur: non est autem for-

rior acquiritur virtute, non potest ergo laedi sapiens. Iniuria in bonos non tentatur nisi à malis: bonis inter se pax est. Quòd si laedi nisi infirmior non potest, malus autem bono infirmior est: nec iniuria bonis, nisi à dispari, verenda est: iniuria in sapientem virum non cadit. Illud enim iam non es admonendus, neminem bonum esse, nisi sapientem. Sed iniuste, inquis, Socrates damnatus est, iniuriam accepit. Hoc loco intelligere nos oportet, posse euenire, vt faciat aliquis iniuriam mihi, & ego non accipiam: tamquam si quis rem cum è villâ meâ surripuit, in domo meâ ponat: ille furtum fecerit, ego nihil perdidit. Potest aliquis nocens fieri, quamuis non nocuerit. Si quis cum vxore, tamquam cum aliena concumbat, adulter erit, quamuis illa adultera non sit. Aliquis mihi venenum dedit, sed vim suam remixtum cibo perdidit: venenum illud dando, scelere se obligauit, etiam si non nocuit. Non minus latro est, cuius telum opposita veste elusum est. Omnia scelera etiam ante effectum operis, quantum culpæ satis est, perfecta sunt. Quædam eius conditionis sunt, & hac vice copulantur, vt alterum sine altero esse non possit. Quod dico, conabor facere manifestum. Possum pedes mouere, vt non curram: currere non possum, vt pedes non moueam: possum, quamuis in aquâ sim, non natâre: si nato,

non possum in aqua non esse. Ex hac forte & hoc est, de quo agitur: si iniuriam accepi, necesse est factam esse: si est facta, non est necesse accepisse me. Multa enim incidere possunt, quæ submoueant iniuriam. Ut, intentam manum delicere casus potest, & emissa tela declinare: ita iniurias qualescunque potest aliqua res depellere, & in medio intercipere, ut & factæ sint, nec acceptæ.

CAP. VIII. Præterea, nihil iniustum iustitia pati potest: quia non coeunt contraria: iniuria autem non potest fieri non iniuste: ergo sapienti iniuria non potest fieri. Nec est quod mireris, si nemo potest illi iniuriam facere, nec prodesse quidem quisquam potest. & sapienti nihil deest, quod accipere possit loco muneris: & malus nihil potest tribuere sapienti. Habere enim prius debet, quam dare: nihil autem habet, quod ad se transferri sapiens gauisurus sit. Non potest ergo quisquam aut nocere sapienti, aut prodesse: quemadmodum diuina nec iuari desiderant, nec lædi possunt. sapiens autem vicinus proximisque diis consistit, excepta mortalitate, similis Deo. Ad illa nitens pergensque excelsa, ordinata, intrepida, æquali & concordī cursu fluentia, secura, benigna, bono publico natus, & sibi & aliis salutaris, nihil humile concupiscet, nihil flebit, qui rationi innixus, per

humanos casus diuino incedet animo. Non habet unde accipiat iniuriam ab homine me tantum dicere putas: nec 2. fortuna quidem: quæ quotiens cum virtute congressa est, nunquam par recessit. Si maximum illud, ultra quod nihil habent iratæ leges, aut sæuissimi domini, quod minentur, in quo imperium suum fortuna consumit, æquo placidoque animo accipimus, & scimus mortem maium non esse, ob hoc ne iniuriam quidem: multo facilius alia tolerabimus, damna, dolores, ignominias, locorum commutationes, orbitates, discidia: quæ sapientem, etiam si vniuersa circumueniant, non mergunt, nedum ad singulorum impulsus mœreat. Et si fortunæ iniurias moderatè fert: quanto magis hominum potentium, quos scit fortunæ manus esse?

CAP. IX. Omnia itaque sic patitur, ut hiemis rigorem, ut intemperantiam cœli, ut feruores morbosque, & cetera sorte accidencia. Nec de quoquam tam bene iudicat, ut illum quicquam putet consilio fecisse: quod in vno sapiente est. aliorum omnium non consilia, sed fraudes, & insidiæ, & motus animorum inconditi sunt: quos casibus adnumerat. Omne autem fortuitum citrà nos sæuit, & inuriatur. Illud quoque cogita, iniuriarum latissimè patere materiam illis, per quæ periculum nobis quæsitum est: ut accusa-

tore submisso, aut criminatione fallâ, aut irritatis in nos potentiorum motibus, quæque alia inter togatos latrocinia sunt. Est & illa iniuria frequens, si lucrum aliqui excussum est, aut præmium diu captatum, si magno labore affectata hereditas auersa est, & quæstuosæ domus gratia erepra. hæc effugit sapiens, qui nescit nec in spe, nec in metu vivere. Adijce nunc, quod iniuriam nemo immotâ mente accipit, sed ad sensum eius perturbatur: caret autem perturbatione vir erectus: moderator sui, altæ quietis & placidæ. Nam si illum tangit iniuria, & mouet, & impedit, caret autem irâ sapiens, quam excitat iniuriæ species: nec aliter careret irâ, nisi & iniuriâ, quam scit sibi non posse fieri. Inde tam erectus letusque est, inde continuo gaudio elatus, adeo ad offensiones rerum hominumque non contrahitur, ut ipsa illa iniuria vsui sit, per quam experimentum sui capit, & virtutem tentat. Fauemus, obsecro vos, huic proposito, æquisque & animis & auribus assimus, dum sapiens iniuriæ excipitur: nec quiequam ideo perplantæ nostræ, aut rapacissimis cupiditatibus, aut temeritati superbixque detrahitur. Saluis vitiis vestris, hæc sapienti libertas quæritur. non ut vobis facere non liceat iniuriam, agimus: sed ut ille omnes iniurias in altum dimittat, patientiâque se ac magnitudine animi de-

fendat. Sic in certaminibus sacris, plerique vicere, cædentium manus obstinatâ patientiâ fatigando. Ex hoc puta genere sapientem eorum, qui exercitatione longâ ac fideli, robur perpetuendi lassandi que omnem inimicam vim consecuti sunt.

CAP. X. Quoniam priorem partem percurrimus, ad alteram transcamus: in quâ quibusdam propriis, plerisque verò communibus contumeliâ refutabimus. Contumelia est minor iniuria, quam queri magis quam exsequi possumus, quam leges quoque nullâ dignam vindictâ putauerunt. Hunc affectum mouet humilitas animi, contrahentis se, ob factum dictumque inhonorificum. Ille me hodie non admisit, cum alios admitteret: sermonem meum aut superbe audierat, aut palam risit: & non in medio me loco, sed imo collocauit: & alia huius notæ. Quæ quid vocem, nisi querelas nauseantis animi, in quas ferè delicati & felices incidunt, non vacat enim hæc notare, cui peiora instant. Nimio otio, ingenia naturâ infirma & muliebria, & inopiâ veræ iniuriæ lasciuentia, his commouentur: quorum pars maior constat vitio interpretantis. Itaque nec prudentiæ quicquam in se esse, nec fiduciæ ostendit, qui contumeliâ afficitur: non dubiè enim contemptum se iudicat: & hic morsus non sine quâdam humilitate animi euenit, suppri-



mentis se ac descendens. Sapiens autem  
 à nullo contemnitur, magnitudinem suam  
 nouit: nullique tantum de se licere, re-  
 nūciat sibi: & omnes has quas non mise-  
 rias animorum, sed molestias dixerim,  
 non vincit, sed ne sentit quidem. Alia sunt  
 quæ sapientem feriunt, etiam si non per-  
 uertunt: ut dolor corporis, & debilitas,  
 aut amicum liberorumque amissio, &  
 patriæ bello flagrantis calamitas. Hæc  
 non nego sentire sapientem, nec enim la-  
 pidis illi duritiam ferrive asserimus. nul-  
 la virtus est, quæ non sentias, perpeti.  
 CAR. XL. Quid ergo est? Quosdam  
 ictus recipit; sed receptos euincit, sanat, &  
 comprimit. hæc verò minora ne sentit  
 quidem, nec aduersus ea solitâ illâ virtute  
 utitur dura tolerandi: sed aut non anno-  
 tat, aut digna risu putat. Præterea, cum  
 magnam partem contumeliarum superbi  
 insolentesque faciant, & malè felicitatem  
 ferentes: habet quo illum affectum infla-  
 tum respuat, pulcherrimam virtutem om-  
 nium, animi sanitatem, magnitudinem-  
 que illa, quicquid huiusmodi est, trans-  
 currit, ut vanas somniorum species, visus-  
 que nocturnos, nihil habentes solidi, ne-  
 que veri. Simul illud cogitat, omnes in-  
 feriores esse, quàm ut illis audacia sit,  
 tanto excelsiora despicere. Contumelia à  
 contemptu dicta est: quia nemo, nisi quem  
 contempsit, tali iniuriâ notat. nemo au-

Am appetentes, trepidi, & non ingenio, sed formidino quieti? Non ideo quicquam inter illos puerosque, interesse quis dixerit, quod illis talorum uicemque & artis iniuriarumque est; his auri argenti que & orbium; quod illi in eos ipsos magistratus gerunt, & prætextam fascisque ac tribunal imitantur; hi eadem in campo foro que & in curiâ ludunt; illi in littoribus arenâ congestâ simulacra domuum excitant, hi ut magnum aliquid agentes, in lapidibus ac parietibus, & rectis molientiis occupati, ad tutelam corporum inuenta, in periculum vertunt. Ergo pat pueris, longiusque progressis, sed in alia maioraque error est. Non immerito itaque horum contumelias sapiens, ut iocos, accipit; & aliquando illos, tanquam pueros, malo pœnaque admonet, & afficit: non quia accipit iniuriam, sed quia fecerunt, & ut desinant facere. Sic enim & pœna verberedomanantur: nec irascimur illis, cum sefforem recusauerint: sed compescimus; ut dolor contumaciam vineat. Ergo & illud solum scies, quod nobis opponitur. Quare si non accepit iniuriam nec contumeliam sapiens, punit eos qui fecerunt: non enim se ulciscitur, sed illos emendat.

C A P. XLI. Quid est autem, quare hanc animi firmitatem non credas in virum sapientem cadere, cum tibi in aliis idem notare, sed non ex eadem causâ li-

ceat? Quis enim phrenetico medicus irascitur? quis febricitantis, & frigidâ prohiberi maledicta, in malam partem accipit? Hunc affectum aduersus omnes habet sapiens, quem aduersus ægros suos medicus: quorum nec obsecra, si remedio egent, contractare, nec reliquias & effusa intueri dedignatur, nec per furorẽ sæuientium excipere conuicia. Scit sapiens, omnes hos qui rogati purpuratique incedunt, valentes coloratosque, male sanos esse: quos non aliter videt, quàm ægros intemperantes. Itaque ne succenset quidem, si quid in morbo perulantius ausi sunt aduersus medentem: & quo animo honores eorum nihilo estimat, eodem parum honorifice facta. Quemadmodum non placet sibi, si illum mendicus coluerit, nec contumeliam iudicabit, si illi homo plebis ultimæ saluanti mutuam salutationem non reddiderit: sic nec se suspiciet quidem, si illum multi diuites suspexerint. Scit enim illos nihil à mendicis differre, imò miseriorese. illi enim exiguo, hi multo egent. Et rursum non tangetur, si illum rex Medorum, Artalusque Asiæ, saluantem silentio ac vultu arroganti transierit. Scit statum eius non magis habere quicquam inuidendum, quàm eius cui in magnâ familiâ cura obrigit, ægros insanosque compescere. Num molestè feram, si mihi non reddiderit nomen

aliquis ex his, qui ad Castoris negotiantur, nequam mancipia ementes vendentesque; quorum tabernæ pessimorum servorum turbâ refertæ sunt? non, ut puto, quid enim is boni habet, sub quo nemo nisi malus est? Ergo ut huius humanitatem inhumanitatemque negligit, ita & regis. Habes sub te Parthos, Medos, & Bactrianos: sed quos metu contines, sed propter quos remittere arcum tibi non contingit, sed postremos, sed vanales, sed novum aucupantes dominum. Nullius ergo movebitur contumeliâ. Omnes enim inter se differunt: sapiens quidem parat illos, ob æqualem stultitiam, omnes putat. Iam si semel se demiserit eò, ut aut iniuriâ moveatur, aut contumeliâ, non poterit unquam esse securus: securitas autem proprium bonum sapientis est. Nec committeret, ut vindicando sibi contumeliâ factam, honorem habeat ei qui fecit. necesse est enim, à quo quisque contemni moleste fert, suspici gaudeat.

CAP. XIV. Tanta quosdam dementia tener, ut contumeliâ sibi posse fieri putent à muliere. Quid refert, quantum habeat, quot lecticarios, quàm oneratas aures, quàm laxam sellam? æquè impudens animal est, & nisi scientia accessit ac multa eruditio, ferum, cupiditatum incontinens. Quidam se à cinerario impulsos moleste ferunt, & contumeliâ vocant

ostiarij difficultatem; nomenclatoris superbiam; cubicularij supercilium. O quantus inter ista risus tollendus est, quantâ voluptate implendus animus, ex alienorum errorum tumultu, contemplâti quietem suam! Quid ergo? sapiens non accedet ad fores, quas durus ianitor obsidet? Ille verò, si res necessaria vocabit, experietur, & illum, quisquis erit, tanquam canem acrem obiecto cibo leniet: nec indignabitur aliquid impendere, ut limen transeat, cogitans & in pontibus quibusdam pro transitu dari. Itaque illi quoque, quisquis erit, qui hoc salutationum publicum exerceat, donabit: scit emere venalia. Ille pusilli animi est, qui sibi placet, quod ostiario libere respondit, quod virgam eius fregit: quod ad dominum accessit, & petiit corium. Facit se aduersarium qui contendit, & ut vincat, par fuit. At sapiens epiphis percussus, quid faciet? quod Cato, cum illi os percussum esset: non excauit, non vindicauit iniuram: ne remissit quidem, sed factam negauit. Maiore animo non agnouit, quàm ignouisset. Non diu in hoc hærebimus. quis enim nescit, nihil ex his quæ creduntur bona aut mala, ita videri sapienti, ut omnibus? Non respicit quid homines turpe iudicent, aut miserum: non ita quâ populus: sed ut sidera contrarium mundo iter intendunt, ita hic aduersus opinionem omnium vadit.

**CAP. XV.** Desinite itaque dicere: Non accipiet ergo sapiens iniuriam, si cedetur? si oculus illi eruetur? non accipiet contumeliam, si obscenorum vocibus improbis per forum agatur? si in convivio regis, recumbere infra mensam, vescique cum servis ignominiosa officia sortitis habebitur? si quid aliud ferre cogetur, edurum, quæ excogitari pudori ingenio molesta possunt: In quantumcunque ista vel numero, vel magnitudine creuerint, eiusdem naturæ erunt. Si non tangent illum, parua; ne maiora quidem: si non tangent paucæ, ne plura quidem. Sed ex imbecillitate vestrâ coniecturam capitis ingenia animi: & cum cogitastis, quantum patietis vos pati posse, sapientis patientiæ paullo ulteriorem terminum ponitis. At illum in aliis mundi finibus sua virtus collocauit, nihil vobiscum commune habentem. Quare et si aspera, & quantumcunque toleratu graua sint, audiri quæ & visu refugienda, non obruetur eorum cœtus, & qualis singulis, talis vniuersis obstitet. Qui dicit illud tolerabile sapienti, illud intolerabile, & animi magnitudinem intra certos fines teneri: male agit, vniuit nos fortuna, nisi nota vincatur. Nec putes istam Stoicam esse duritiam: Epicurus, quem vos patrum inertia vestra assumitis, putatisque mollia ac desidiosa præcipere, & ad voluprates ducentia: Raro, inquit,

sapienti interuenit fortuna. Quàm pænè emisit viri vocem ! Vis tu fortius loqui, & illam ex toto submouere ? Domus hæc sapientis angusta, sine cultu, sine strepitu, sine apparatu, nullis obseruatur ianitoribus, turbam vanali fastidio digerentibus; sed per hoc limen vacuum, & ab ostiariis liberum, fortuna non transit. scit non esse illic sibi locum, vbi sui nihil est. Quòd si Epicurus quoque, qui corpori plurimum indulgit, aduersus iniurias exsurgit: quid apud nos incredibile videri potest, aut supra humanæ naturæ mensuram ? Ille ait iniurias tolerabiles esse sapienti, nos iniurias non esse.

CAP. XVI. Nec est, quòd dicas hoc naturæ repugnare. Non negamus rem incommodam esse, verberari & impelli, & aliquo membro carere: sed omnia ista negamus iniurias esse. non sensum illis doloris detrahimus: sed nomen iniuriæ, quod non potest recipi virtute saluâ. Vter veriùs dicat, videbimus. Ad contemptum quidem iniuriæ vterq; consentit. Quæris quid inter duos intersit? Quòd inter gladiatores fortissimos, quorum alter premit vulnus, & stat in gradu; alter respiciens ad clamantem populum, significat nihil esse, & intercedi non patitur. Non est, quòd putes magnum, quo dissidemus. Illud quidem agitur, quod vnum ad nos pertinet; vtraque exempla hortantur contem-

nere: & iniurias, & quas iniuriarum umbras ac suspiciones dixerim, contumelias. ad quas despiciendas non sapienti opus est viro, sed tantum conspiciente, qui sibi possit dicere: Vtrum merito mihi ista accidunt, an immerito? Si merito, non est contumelia, iudicium est. si immerito: illi qui iniusta facit, erubescendum est. Et quid est illud, quod contumelia dicitur? in capitis mei leuitatem iocatus est, & in oculorum valetudinem, & in crurum gracilitatem, & in staturam. Quæ contumelia est, quod apparet, audite? Coram vno aliquid dictum ridemus, coram pluribus indignamur: & eorum aliis libertatem non relinquimus, quæ ipsi in nos dicere assueuimus. locis temperatis delectamur, immodicis irascimur.

CAP. XVII. Chrysippus ait quemdam indignatum, quod illum aliquis Veruicem marinum dixerat. In senatu flentem vidimus Filium Cornelium, Nasonis generum; cum illum Corbulo Struthiocamelum depilatum dixisset. Aduersus alia maledicta, mores & vitam conuulnerantia; frontis illi firmitas constitit: aduersus hoc tam absurdum lacrimæ procciderunt. tanta animorum imbecillitas est, ubi ratio discessit. Quid quod offendimur, si quis sermonem nostrum imitatur, si quis incessem, si quis vitium aliquod corporis aut linguæ exprimit? quasi notiora illa



fiant alio imitante, quam nobis facientibus. Senectutem quidem inuiti audiunt, & canos, & alia, ad quæ voto peruenitur. Paupertatis maledictum quosdam perussit: quam sibi obiecit, quisquis abscondit. Itaque materia petulantibus, & per contumeliam urbanis detrahitur, si ultro illam & prior occupes. nemo aliis risum præbuit, qui ex se cepit. Vatinius hominem natum & ad risum, & ad odium, scurræ fuisse venustum ac dicacem, memoriæ proditum est. in pedes suos ipse plurima dicebat, & in fauces concisas: sic inimicorum, quos plures habebat quam morbos, & in primis Ciceronis urbanitatem effugit. Si ille hoc potuit duritiæ oris, qui assiduis conuiciis depudere didicerat: cur is non possit, qui studiis liberalibus, & sapientiæ cultu, ad aliquem profectum peruenierit? Adijce, quod genus ultionis est, eripere ei qui fecit contumeliæ voluptatem. Solent dicere: Miserum me, puto non intellexit! adeo fructus contumeliæ in sensu, & indignatione, patiens est. Deinde non deerit illi aliquando par: inuenietur, qui te quoque vindicet.

CAP. XVIII. C. Cæsar inter cetera vitia, quibus abundabat, contumeliosus mirabiliter ferebatur, omnes aliquâ notâ feriendi, ipse materia risus benignissima. Tanta illi palloris insaniam testantis sceditas erat, tanta oculorum sub fronte ani-

li latentium torquitas, tanta capitis destituti, & emendicatis capillis aspersi deformitas. adijce obsessam fetis ceruicem, & exilitatem crurum, & enormitatem pedum. Immensum est, si velim singula referre, per quæ in patres auosque suos contumeliosus fuit, per quæ in vniuersos ordines: ea referam, quæ illum exitio dederunt. Asiaticum Valerium in primis amicis habebat, ferocem virum, & vix æquo animo alienas contumelias laturum. Huic in conuiuio, item in concione, voce clarissimâ, qualis in concubitu esset vxor eius, obiecit. Dij boni, hoc virum audire, Principem scire, & vsque eò licentiam peruenisse, vt non dico consulari, non dico amico, sed tantum marito Princeps & adulterium suum narret, & fastidium? Chæreæ tribuno militum, sermo non pro manu erat, languidus sono, & infractâ voce suspectior. Huic Caius signum petenti modò Veneris, modò Priapi dabat: aliter atque aliter exprobrans armato molitiam. Hæc ipse perlucidus, crepidatus, armillatus. Coëgit itaque illum vti ferro, ne sæpius signum peteret. Ille primus inter coniuratos manum sustulit: ille ceruicem mediam vno ictu decidit: plurimum deinde vndique publicas ac priuatas iniurias vlciscentium gladiatorum ingestum est. sed primus vir fuit, qui minimè visus est. At idem Caius omnia contume-

lias putabat, & sicut ferendarum impatiens, faciendarum cupidissimus. Iratus fuit Herennio Macro, quòd illum Caium salutauerat: nec impunè cessit primipilario, quòd Caligulam dixerat. Hoc enim in castris natus, & alumnus legionum vocari solebat, nullo nomine militibus familiarior vnquam factus: sed iam Caligulam conuicium & probrum iudicabat cothurnatus. Ergo hoc ipsum solatio erit, etiam si nostra facilitas vltionem omiserit, futurum aliquem, qui pœnas exigit à procace, & superbo, & iniurioso: quæ vitia nunquam in vno homine, & in vnâ contumeliâ consumuntur. Respiciamus eorum exempla, quorum laudamus patientiam: vt Socratis, qui comœdiarum publicatos in se, & spectatos sales, in partem bonam accepit, risitque non minùs, quàm cum ab vxore Xanthippe immundâ aquâ perfunderetur. At Iphicrates, cui mater barbara & Thressa obijciebatur, respondit, & deorum matrem Idæam esse.

CAP. XIX. Non est in rixam colluctationemque veniendum. procul auferendi pedes sunt: & quidquid horum ab imprudentioribus fiet ( fieri autem nisi ab imprudentibus non potest ) negligendum. Et honores & iniuriæ vulgi, in promiscuo habendi sunt: nec his dolendum, nec illis gaudendum. Alioquin multa, timore contumeliarum aut tædio, necessaria omitemus :

mus : & publicis priuatifque officiis, aliquando etiam falutaribus, non occurremus, dum muliebris nos cura angit, aliquid contra animum audiendi. aliquando etiam obirati potentibus, detegemus hunc affectum intemperanti libertate. Non est autem libertas, nihil pati. Fallimur. libertas est, animum opponere iniuriis, & cum facere se, ex quo solo sibi gaudenda veniant: exteriora deducere à se, ne inquieta agenda sit vita, omnium risus, omnium linguas timenti. Quis est enim, qui non possit contumeliam facere, si quisquam potest? Diuerso autem remedio utetur sapiens, affectatorque sapientiæ. Imperfectis enim, & adhuc ad publicum se iudicium dirigentibus, hoc proponendum est; inter iniurias ipsos contumeliasque debere versari. Omnia leuiora accidunt expectantibus. quò quisque honestior genere, famâ, patrimonio est, hoc se fortius gerat: memor, in primâ acie altos ordines stare: contumelias & verba probrosa, & ignominias, & cetera dehonestamenta, velut clamorem hostium ferat, & longinqua tela, & saxa sine vulnere circa galeas crepitantia. Iniurias verò, vt vulnera, alia armis, alia pectori infixas, non deiectus, ne motus quidem gradu, sustineat. Etiam si premeris, & infestâ vi vrgeris, cedere turpe est: assignatum à natura locum tuere. Quæris quis hic sit locus? viri. Sapienti

aliud auxilium est huic contrarium. Vos enim rem geritis : illi parta victoria est. Ne repugnete vestro bono, & hanc spem, dum ad verum peruenitis, alite in animis: libenterque meliora excipite, & opinione ac voto iuuate. esse aliquem inuictum, esse aliquem in quem nihil fortuna possit, è Republica humani generis est.

## L. ANNÆI SENECAE

AD NERONEM CÆSAREM

DE CLEMENTIA,

LIBER PRIMVS.

CAPVT I.

**S**CRIBERE de clementia, Nero Cæsar, institui: vt quodammodo speculi vice fungerer, & te tibi ostenderem, peruenturum ad voluptatem maximam omnium. Quamuis enim rectè factorum verus fructus sit fecisse, nec vllum virtutum pretium dignum illis extra ipsas sit: iuuat tamen inspicere & circuire bonam conscientiam, tum immittere oculos in hanc immensam multitudinem, discordem, seditiosam, impotentem, in perniciem alienam suamque pariter exsultaturam, si hoc iugum fregerit, & ita loqui secum: Ego ex omnibus mortalibus placui, electusque sum, qui in terris deorum vice

fungerer: ego vitæ necisque gentibus arbitrer. qualem quisque sortem, statumque habeat, in manu meâ positum est. Quid cuique mortalium fortuna datum velit, meo ore pronunciat: ex nostro responso lætitiæ causas, populi vrbesque concipiunt. Nulla pars usquam, nisi volente propitioque me, floret. Hæc tot millia gladiatorum, quæ pax mea comprimit, ad nutum meum stringentur: quas nationes funditus excindi, quas transportari, quibus libertatem dari, quibus eripi, quos reges mancipia fieri, quorumque capiti regium circundari decus oporteat, quæ ruant vrbes, quæ oriantur, mea iurisdictio est. In hac tantâ facultate rerum, non ira me ad iniqua supplicia compulit, non iuuenilis impetus, non temeritas hominum & contumacia, quæ sæpè tranquillissimis peccatoribus quoque patientiam extorsit: non ipsa ostentandæ per terrores potentiaë dira, sed frequens magnis imperiis, gloria. Conditum, imò constrictum apud me ferrum est. summa parsimonia etiam vilissimi sanguinis. nemo non, cui alia desint, hominis nomine apud me gratus est. Seueritatem abditam, clementiam in prociectu habeo. sic me custodio, tanquam legibus, quas ex abdito ac tenebris in lucem euocaui, rationem redditurus sim. Alterius ætate primâ morus sum, alterius vltimâ: alium dignitati donaui, alium hu-

militati: quoniam nullam inueneram misericordie causam, mihi peperci. Hodie diis immortalibus, si a me rationem repetant, annumerare genus humanum paratus sum. Potes hoc Cæsar prædicare, audacter, omnium quæ in fidem tutelamque tuam venerunt, nihil perire, neque vi, neque clam Reipub. creptum. Rarissimam laudem, & nulli adhuc Principum concessam concupisti, innocentiam. Non perdis operam: nec bonitas ista ipsa singularis, ingratos aut malignos æstimatores, nacta est. refertur tibi gratia. Nemo vnus homo, vni homini, tam carus vnquam fuit, quam tu populo Romano, magnum longumque eius bonum. Sed ingens tibi onus imposuisti: nemo iam diuum Augustum, nec Tiberij Cæsaris prima tempora loquitur: nemo quod te imitari velit exemplar extra te quærit. Principatus tuus ad gustum exigitur. Difficile hoc fuisse, si non naturalis tibi ista bonitas esset, sed ad tempus sumpta: nemo enim potest personam diu ferro. Ficta, citò in naturam suam recidunt: quibus veritas subest, quæque (vt ita dicam) ex solido nascuntur, tempore ipso in maius meliusque procedunt. Magnam adibat aleam populus Romanus, cum incertum esset, quod se statim nobilis indoles daret: iam vota publica in tuto sunt. nec enim periculum est, ne te subita tui capiat obliuio. Facit quidem

audios nimia felicitas: nec tam temperate cupiditates sunt vnquam, vt in eo quod contigit, desinant. gradus à magnis ad maiora fit: & spes improbiſſimas completuntur, inſperata aſſecuti. Omnibus tamen nūc ciuibus tuis & hæc confefſio exprimitur, eſſe felices & illa, nihil iam his accedere bonis poſſe, niſi vt perpetua ſint. Multa illos cogunt ad hanc confefſionem, quā nulla in homine tardior eſt: ſecuritas atra, affluens: ius ſupra omnem iniuriā poſitum. Obuerſatur oculis latiffima forma Reipub. cui ad ſummam libertatem nihil deeſt, niſi pereundi licentia. Præcipue tamen æqualis ad maximos inſoſque peruenit clementiæ tuæ admiratio. Cætera enim bona, pro portione fortune ſunt, quiſque ſentit aut expectat, maiora minoraque: ex clementia omnes idem ſperant. Nec eſt quiſquam, cui tam valde innocentia ſua placeat, vt non ſtare in conſpectu clementiæ, paratam humanis erroribus, gaudcat.

**CAP. II.** Eſſe autem aliquos ſcio, qui clementiā peſſimum quemque putent ſuſtineri: quoniam niſi poſt crimen ſuperuacua eſt, & ſola hæc virtus inter innocentes ceſſat. Sed primū omnium, ſicut medicinæ apud ægros uſus, etiam apud ſanos honor eſt: ita clementiam quamuis poenâ digni inuocent, etiam innocentes colunt. Deinde, habet clementia in per-



sonâ quoque innocentium locum: quia interim fortuna pro culpâ est: nec innocentiae tantum clementia succurrit, sed sæpè virtuti: quoniam quidem conditione temporum incidunt quædam, quæ possint laudata puniri. Adice, quod magna pars hominum est, quæ reuerti ad innocentiam possit. Sed non tamen vulgè ignoscere decet. nam vbi discrimen inter malos bonosque sublatum est, confusio sequitur, & vitiorum eruptio. Itaque adhibenda est moderatio, quæ sanabilia ingenia distinguere à deploratis sciat. Nec promiscuam habere ac vulgarem clementiam oportet, nec abscisam. nam tam omnibus ignoscere crudelitas est, quam nulli. Modum tenere debemus: sed quia difficile est temperamentum, quidquid æquo plus futurum est, in partem humaniorem præponderet.

CAP. III. Sed hæc suo loco melius dicentur: nunc in tres partes omnem hanc materiam diuidam. Prima erit manumissionis: secunda quæ naturam clementiae habitumque demonstret: nam cum sint vitia quædam virtutes imitantia, non possunt secerni, nisi signa quibus dignoscantur impresseris. tertio loco quæremus, quomodo ad hanc virtutem perducatur animus, quomodo confirmet eam, & vsu suam faciat. Nullam verò ex omnibus virtutibus magis homini conuenire, cum

fit nulla humanior, constet necesse est: non solum inter nos, qui hominem sociale animal, communi bono genitum videri volumus: sed etiam inter illos, qui hominem voluptati donant, quorum omnia dicta factaque ad vtilitatem suam spectant. nam si quietem petit & otium, hanc virtutem naturæ suæ nactus est, quæ pacem amat, & manus retinet. Nullum tamen clementia ex omnibus magis, quam regem aut Principem decet. Ita enim virtutes magnis viris decori gloriæque sunt, si illis salutaris potentia est. nam pestifera vis est, valere ad nocendum. Illius demum magnitudo stabilis fundataque est, quem omnes tam supra se esse, quam pro se sciunt; cuius curam excubare pro salutæ singulorum atq; vniuersorum quotidie experiuntur; quo procedente, non tanquam malum aliquod aut noxium animal è cubili profilierit, diffugiunt, sed tanquam ad clarum ac beneficum sidus certatim aduolant, obijcere se pro illo mucronibus insidiantium paratissimi, & substernere corpora sua, si per stragem illi humanam, iter ad salutem struendum sit. Somnum eius nocturnis excubiis muniunt: latera obiecti circumfusi que defendunt: incurrentibus periculis se opponunt. Non hic est sine ratione populis vrbibusque consensus, sic protegendî amandique reges, & se suaque iactandi, quo-

cunque desiderauerit imperantis salus. Nec hæc vilitas sui est, aut dementia, pro vno capite tot millia excipere ferrum, ac multis mortibus vnā animam redimere, non nunquam senis & inualidi. Quem admodum totum corpus animo deseruit, & cum hoc tanto maius tantoque speciosius sit, ille in occulto maneat tenuis, & in quā sede latitet incertus: tamen manus, pedes, oculi negotium illi gerunt; illum hæc cutis munit, illius iussu iacemus, aut inquieti discurremus; cum ille imperauit, siue auarus dominus est, mare lucri causā scrutamur; siue ambitiosus, iamdudum dexteram flammis obiecimus, aut voluntariē subsiluius: sic hæc immensa multitudo, vnius animæ circumdata, illius spiritu regitur, illius ratione flectitur, pressura se ac fractura viribus suis, nisi consilio sustineretur.

CAP. IV. Suam itaque incolumitatem amant, cum pro vno homine denas legiones in aciem deducunt, cum in primā fronte procurrunt, & aduersa vulneribus pectora ferunt, ne Imperatoris sui signa vertantur. Ille est enim vinculum, per quod Resp. cohæret: ille spiritus vitalis, quem hæc tot millia trahunt: nihil ipsa per se futura, nisi onus & præda, si mens illa imperij subtrahatur:

— Rege incolumi mens omnibus vna,  
Amisso rumpere fidem.

Hic casus Romanæ pacis exitum erit, hic tanti fortunam populi in ruinas aget. Tandiu ab isto periculo aberit hic populus, quandiu sciet ferre frangos: quos si quando abruperit, vel aliquo casu discusos reponi sibi passus non erit, hæc unitas & hic maximi imperij contextus in partes multas diffiliet: idemque huic urbi dominandi finis erit, qui parendi fuerit. Ideo Principes regesque, & quocunque alio nomine sunt tutores status publici, non est mirum amari ultra priuatas etiam necessitudines. Nam si sanis hominibus publica priuatis potiora sunt: sequitur, ut is quoque carior sit, in quem se Respub. conuertit. Olim enim ita se induit Reipub. Cæsar, ut diduci alterum non possit, sine vtriusque perniciæ. nam ut illi viribus opus est, ita & huic capite.

CAP. V. Longius videtur recessisse à proposito oratio mea: at mehercules rem ipsam premit. Nam si, quod adhuc colligitur, animus Reipub. tu es, illa corpus tuum: vides, ut puto, quam necessaria clementia sit. tibi enim parcis, cum videris alteri parcere. Parcendum itaque est etiam improbandis ciuibus, non aliter quam membris languentibus: & si quando misso sanguine opus est, sustinendum est, ne ultra quam necesse sit incidas. Est ergo, ut dicebam, clementia omnibus quidem hominibus secundum naturam, maximè

ramen decora Imperatoribus: quanto plus habet apud illos quod seruet, quantoque in maiore materiâ apparet. Quantulum enim nocet priuata crudelitas? Principum frūitua, bellum est. Cū autem virtutibus inter se sit concordia, nec vlla altera melior aut honestior sit: quædam tamen quibusdam personis aptior est. Decet magnanimitas quemlibet mortalem, etiam illum infra quem nihil est. Quid enim maius, aut fortius, quàm malam fortunam retundere? Hæc tamen magnanimitas in bonâ fortunâ latiore locum habet, meliusque in tribunali, quàm in plano conspicitur. Clementia in quamcunque domum peruenerit, eam felicem tranquillamque præstabit: sed in regiâ quò rarior, eò mirabilior. Quid enim est mirabilius, quàm cum cuius iræ nihil obstat, cuius grauiori sententiæ ipsi qui pereunt assentiuntur, quem nemo interrogaturus est, imò si vehementius excanduit, nec deprecaturus quidem, ipsum sibi manum injicere, & potestate suâ in melius placidiusque vti? hoc ipsum cogitantem: Occidere contra legem nemo non potest: seruare nemo, præter me. Magnam fortunam magnus animus decet: qui nisi se ad illam extulit, & altior stetit, illam quoque infra terram deducit. Magni autem animi est proprium, placidum esse, tranquillumque, & iniurias atque offensiones su-

pernè despiciere. Muliebre est, furere in ira : ferarum verò, nec generosarum quidem, præmordere & virgere proiectos. Elephantes leonesque transeunt, quæ impulerunt : ignobilis bestię pertinacia est. Non decet regem seua, & inexorabilis ira: non multum enim supra eum eminet, cui se irascendo exęquat: at si dat vitam, si dat dignitatem periclitantibus & meritis amittere, facit quod nulli nisi rerum potenti licet. Vita enim etiam superiori eripitur, nunquam nisi inferiori datur. Seruare, proprium est excellentis fortunę : quæ nunquam magis suspici debet, quàm cum illi contingit idem posse quod diis, quorum beneficio in lucem edimur, tam boni quàm mali. Deorum itaque sibi animum asserens Princeps, alios ex ciuibus suis, quia viles bonique sunt, libens videat, alios in numerum relinquat: quosdam esse gaudeat, quosdam patiatur.

CAP. VI. Cogitate in hac ciuitate, in quâ turba per latissima itinera sine intermissione defluens eliditur, quotiens aliquid obstitit, quod cursum eius velut torrentis rapidi moraretur: in quâ tribus eodem tempore theatris vię postulantur: in quâ consumitur, quidquid terris omnibus aratur: quanta solitudo & vastitas futura sit, si nihil relinquatur, nisi quod iudex seuerus absoluerit. Quotus quisque ex quęstoribus est, qui non cāipsâ lege teneatur,

quâ querit? Quoruscunque quisque accusator vacat culpâ? & nescio, an nemo ad dandam veniam difficilior sit, quàm qui illam petere sapius meruit. Peccauimus omnes: alij grauiâ, alij leuiora, alij ex destinato, alij fortè impulsî, aut alienâ nequitia ablari: alij in bonis consiliis parùm fortiter steterimus; & innocentiam inuita ac renitentes perdidimus. Nec delinquimus tantum, sed vsque ad extremum reu delinquemus. Etiam si quis tam benè purgauit animum, vt nihil obtrubare cum amplius possit ac fallere, ad innocentiam tamen peccando peruenerit.

CAP. VII. Quoniam deorum feci mentionem, optimè hoc exemplum Principi constituam, ad quod formeretur, vt se talem esse ciuibus, quales sibi deos velit. Expedi ergo habere inexorabilia peccatis atque erroribus nomina? expedi vsque ad ultimam infesta perniciem? Equis regum erit tutus, cuius non membra aruspices colligant? Quod si dij placabiles, & æqui, delicta potentiam non statim fulminibus persequuntur: quanto æquius est, hominem hominibus præpositum, miti animo exercere imperium, & cogitare, utrùm mundi status gratior oculis pulchriorque sit sereno & puro die, an cum fragoribus crebris omnia quatiantur, & ignes hinc atque illinc micant? Atqui non alia facies est quieti moderatique imperij, quàm se,

reni cæli & nitentis. Crudele regnum, turbidum, tenebrisque obscurum est, inter tremantes & ad repentinum sonitum expauescentes, nec eo quidem qui omnia turbat inconstitutum. Facilius privatis ignoscitur, pertinaciter se vindicantibus. possunt enim lædi, dolorque eorum ab iniuria venit, timent præterea contemptum, & non retulisse lædentibus gratiam, infirmitas videtur, non clementia. At cui ultio in facili est, is omittit eam, certam laudem mansuetudinis consequitur. Humili loco positus exercere manum, litigare, in rixam procurrare, ac morem iræ suæ gerere, liberius est: leues inter paria ictus sunt; regi vociferatio quoque, verborumque intemperantia, non ex maiestate est.

CAP. VIII. Graue putas, eripi loquendi arbitrium regibus, quod humillimi habent? Ista, inquis, servitus est, non imperium. Quid tu, non experiris istud nobis esse, non tibi servitutem? Alia conditio est eorum qui in turbâ, quam non excedunt, latent: quorum & virtutes ut appareant, diu luctantur, & vitia tenebras habent. Vostra facta dictaque rumor excipit: & ideo nullis magis cavendum est, qualem famam habeant, quam qui qualemcunque meruerint, magnam habituri sunt. Quam multa tibi non licent, quæ nobis beneficio tuo licent? Possum in quâlibet parte urbis solus incedere, sine timore, quamvis



nullus sequatur comes, nullus sit domi,  
 nullus ad latus gladius: tibi in tuâ pace  
 armato viuendum est. Aberrare à fortu-  
 nâ tuâ non potes: obsidet te, & quocun-  
 que descendis, magno apparatû sequitur.  
 Et hæc summa magnitudinis seruitus est,  
 non posse fieri minorem; sed cum diis tibi  
 communis ista necessitas est. nam illos  
 quoque cœlum alligatos tenet: nec magis  
 illis descendere datum est, quàm tibi ru-  
 rum. Fastigio tuo affixus es. Nostros mo-  
 tus pauci sentiunt. prodire nobis, ac re-  
 cedere, & mutare habitum sine sensu pu-  
 blico licet: tibi non magis, quàm Soli, la-  
 tere contingit. Multa contra te lux est,  
 omnium in istam conuersi oculi sunt.  
 Prodire te putas? oriris, loqui non potes,  
 nisi ut vocem tuam, quæ ubique sunt gen-  
 tes, excipiant. irasci non potes, nisi ut om-  
 nia tremant. sic neminem potes affligere,  
 nisi ut quidquid circâ fuerit, quatiatur.  
 Ut fulmina paucorum periculo cadunt,  
 omnium metu; sic animaduersiones ma-  
 gnarum potestatum terrent latius, quàm  
 nocent: non sine caussa. Non enim quan-  
 tum fecerit, sed quantum facturus sit, co-  
 gitatur in eo, qui omnia potest. Adijce  
 nunc, quòd priuatos homines ad acci-  
 piendas iniurias opportuniore, accepta-  
 rum patientia facit: regibus certior est ex  
 mansuetudine securitas. Quia frequens  
 vindicta paucorum odium reprimat, om-

nium irritat: voluntas oportet antè sæuendi, quàm caussa deficiat. Alioquin quemadmodum præcisæ arbores plurimis ramis repullulant, & multa satorum genera vt densiora surgant, reciduntur: ita regia crudelitas augeat inimicorum numerum, tollendo. Parentes enim liberiq̃ue eorum, qui interfecti sunt, & propinqui, & amici, in locum singulorum succedunt.

CAP. IX. Hoc quàm verum sit, admonere te exemplo domestico volo. Diuus Augustus fuit mitis Princeps, si quis illum à principatu suo æstimare incipiat: in communi quidem Rep. gladium mouit. Cùm hoc ætatis esset, quod tu nunc es, duodeuicesimum egressus annum, iam pugiones in sinu amicorum absconderat, iam insidiis M. Antonij consulis latus petierat, iam fuerat collega proscriptionis: sed cùm annum quadragesimum transisset, & in Galliâ moraretur, delatum est ad eum indicium, L. Cinna, stolidi ingenij virum, insidias ei struere. Dictum est & vbi, & quando, & quemadmodum aggredi vellet. vnus ex consciis deferebat. Constituit se ab eo vindicare: consilium amicorum aduocari iussit. Nox illi inquieta erat, cùm cogitaret adolescentem nobilem, hoc detractò, integrum. Cn. Pompeij nepotem damnandum. Iam vnum hominem occidere non poterat: cùm M. Anto-

nio proscriptionis edictum inter cœnam dictarat. Gemens subinde voces emittebat varias, & inter se contrarias. Quid ergo? ego percussorem meum securum ambulare patiar, me sollicito? Ergo non dabit pœnas, qui tot ciuilibus bellis frustra petatum caput, tot naualibus, tot pedestribus præliis incolume, postquam terrâ marique pax parta est, non occidere constituit, sed immolare? nam sacrificantem placuerat adoriri. Rursus silentio interposito, maiore multo voce sibi, quam Cinnae, irascebatur. Quid uiuis, si petire te tam multorum interest? quis finis erit suppliciorum? quis sanguinis? Ego sum nobilibus adolescentulis expositum caput, in quod muerones acuant. Non est tanti uita, si, ut ego non peream, tam multa perdenda sunt. Interpellauit tandem illum Liua uxor: & Admittis, inquit, muliebre consilium? Fac quod medici solent: qui ubi uisitata remedia non procedunt, tentant contraria. Seueritate nihil adhuc profecisti: Saluidienum Lepidus secutus est, Lepidum Muræna, Murænam Cæpio, Cæpionem Egnatius, ut alios taceam, quos tantum ausos pudet: nunc tenta, quomodo tibi cedat elementia. Ignosce L. Cinnae: deprehensus est: iam nocere tibi non potest, prodesse famæ tuæ potest. Gaius sibi, quod aduocatum inuenerat, uxori quidem gratias egit: renuntiari au-

tem extemplo amicis, quos in consilium rogauerat, imperauit, & Cinna vnum ad se accersit: dimissisque omnibus e cubiculo, cum alteram Cinnae poni Cathedram iussisset: Hoc, inquit, primum a te peto, ne me loquentem interpelles, ne meo sermone medio proclames: dabitur tibi loquendi liberum tempus. Ego te, Cinna, cum in hostium castris inuenissem, non factum tantum mihi inimicum, sed natum, seruaui, patrimonium tibi omne concessi. Hodie tam felix es, & tam diues, vt victo victores inuideant. Sacerdotium tibi petenti, praeteritis compluribus, quorum parentes mecum militauerant, dedi. Cum sic de te meruerim, occidere me constituisti. Cum ad hanc vocem exclamasset, procul hanc ab se abesse dementiam: Non praestas, inquit, fidem, Cinna: conuenerat, ne interloquereris. Occidere, inquam, me paras. adiecit locum, socios, diem, ordinem insidiarum, cui commissum esset ferrum. Et cum defixum videret, nec ex conuentione iam, sed ex conscientia tacentem: Quo, inquit, hoc animo facis? Vt ipse sis princeps? male mehercule cum Republica agitur, si tibi ad imperandum nihil praeter me obstat. Domum tueri tuam non potes, nuper libertini hominis gratia, in privato iudicio superatus es. Adeo nihil facilius potes, quam contra Caesarem aduocare? Cedo, si spes tuas solus impedio. Paullus

ne te, & Fabius Maximus, & Cossi, & Sernilij ferent, tantumque agmen nobilium, non inania nomina præferentium, sed eorum qui imaginibus suis decori sunt: Ne totam eius orationem repetendo, magnam partem voluminis occupem: diutius enim quam duabus horis locutum esse constat, cum hanc pœnam, quâ solâ erat contentus futurus, extenderet; Vitam tibi, inquit, Cinna, iterum do, prius hosti, nunc insidiatori ac parricidæ. Ex hodierno die inter nos amicitia incipiat: contendamus, utrum ego meliore fide vitam tibi dederim, an tu debeas. Post hæc detulit ultro consulatum, questus, quod non auderet petere, amicissimum fidelissimumque habuit, heres solus fuit illi: nullis amplius insidiis ab illo petitus est.

CAP. X. Ignovit abauus tuus victis. nam si non ignouisset, quibus imperasset? Sallustium, & Cocceios, & Duillios, & totam cohortem primam admissionis, ex aduersariorum castris conscripsit. Iam Domitios, Messallas, Asinios, Cicerones, & quidquid floris in ciuitate erat, clementiæ suæ debebat. Ipsum Lepidum quandiu mori passus non est? Per multos annos tulit ornamenta principis retinentem: & pontificatum maximum, non nisi mortuo illo, transferri in se passus est. maluit enim illum honorem vocari, quàm

spolium. Hæc eum clementia ad salutem securitatemque perduxit; hæc gratum ac fauorabilem reddidit; quamuis nondum subactis Reipub. ceruicibus manum imposuisset; hæc hodieque præstat illi famam, quæ vix viuis principibus seruit. Deum esse, non tanquam iussi credimus. Bonum principem Augustum, & bene illi conuenisse parentis nomen, fatemur: ob nullam aliam causam, quàm quòd contumelias quoque suas, quæ acerbiores principibus solent esse, quàm iniuriæ, nullâ crudelitæ exsequebatur: quòd probrosis in se dictis arrisit: quòd dare illum pœnas apparebat, cum exigeret: quòd quoscunque ob adulterium filię suæ damnauerat, adeò non occidit, vt dimissis, quò tutiores essent, diplomata daret. Hoc est ignoscere, cum scias multos futuros qui pro te irascantur, & tibi alieno sanguine gratificentur, non dare tantum salutem, sed præstare.

CAP. XL. Hæc Augustus senex, aut iam in senectutem annis vergentibus: in adolescentiâ caluit, arsit irâ, multa fecit; ad quæ inuitus oculos retorquebat. Comparare nemo mansuetudini tuæ audebit diuum Augustum, cuam si incertamen iuuenilium annorum deduxerit senectutem plus quàm maturam. Fuerit moderatus & clemens: nempe post mare Actiacum Romano cruore infectum, nempe post

fractas in Sicilia classes, & suas & alienas: nempe post Perusinas aras, & proscriptiones. Ego verò clementiam non voco, las- sam crudelitatem. Hæc est, Cæsar, cle- mentia vera, quam tu præstas, quæ non læuitiæ poenitentia cœpit: nullam habere maculam, nunquam civilem sanguinem fudisse. Hæc est in maximâ potestate, ve- rissima animi temperantia, & humani ge- neris incomprehensibilis amor, non cu- piditate aliquâ, non temeritate incendi, non priorum principum exemplis corru- ptum, quantum in ciues suos liceat, expe- riendo tentare, sed hebetare aciem impe- rij sui. Præstitisti, Cæsar, ciuitatem in- cruentam, & hoc quod magno animo glo- riatus es, Nullam te, toto orbe stillam cruoris humani misisse: eò maius est mi- rabiliusque, quod nulli unquâ citius gla- dius commissus est. Clementia ergo non tantum honestiores, sed tutiores præstat: ornamentumque imperiorum est, simul certissima salus. cum reges consenuerint, liberisque ac nepotibus tradiderint re- gna, tyrannorum execrabilis ac brevis potestas est. Quid interest inter tyran- num & regem? species enim ipsa fortunæ ac licentia par est, nisi quod tyranni volu- prate læuiunt, reges non nisi ex causa ac necessitate.

CAP. XII. Quid ergo? non reges quoque occidere solent? sed quoties id

DE CLEMENTIA, *Lib. I. c. 37*  
fieri publica utilitas persuadet: tyrannis  
saevitia cordi est. Tyrannus autem à re-  
ge distat factis, non nomine. Nam &  
Dionysius maior iure meritoque præfer-  
ri multi regibus potest: & L. Sullam ap-  
pellari tyrannum quid prohibet, cui oc-  
cidendi finem fecit inopia hostium? Des-  
cenderit licet Dictaturâ suâ, & se rogæ  
reddiderit: quis tamen umquam tyran-  
nus tam avidè humanum sanguinem bi-  
bit, quàm ille, qui septem millia civium  
Romanorum, contrucidari iussit? Et cum  
in vicino, ad ædem Bellonæ sedens, exau-  
disset conclamationem tot millium sub  
gladio gementium, exterrito senatu:  
Hoc agamus, inquit, P. C. seditiosi pau-  
culi meo iussu occiduntur. Hoc non est  
mentitus: pauci Sullæ videbantur. Sed  
mox de Sulla consequemur, quomodo  
hostibus irascendum sit: utique si in ho-  
stile nomen ciues, & ex eodem corpore  
abrupti, transferint. Interim hoc quod  
dicebam, clementia efficit, ut magnum  
inter regem tyrannumque discrimen sit:  
uterque licet non minus armis valletur,  
sed alter arma habet, quibus in mani-  
mentum pacis utitur; alter ut magno ti-  
more magna odia compescat. Nec illas  
ipsas manus, quibus se commisit, securus  
aspicit: contrariis in contraria agitur.  
nam & inuisus est, quia timeretur, & ti-  
meri vult, quia inuisus est: & illo execra-



bili versu, qui multos dedit præcipites, utitur:

*Oderint dum metuant.*

ignarus quanta rabies oriat, ubi supra modum odia creuerunt. Temperatus enim timor cohibet animos: assiduus vero & acer, & extrema admouens, in audaciam iacentes excitat, & omnia experiri suadet. Sic feras lineis & pinnâ clusas contineas: easdem à tergo eques telis incessat: tentabunt fugam per ipsa quæ fugerant, proculcabuntque formidinem. Acerrima virtus est, quam vltima necessitas extundit. Relinquit oportet securi aliquid metus, multoque plus spei, quam periculorum, ostendet: alioquin ubi quiescenti paria metuuntur, incurrere in pericula iuvat, & alienâ animâ abuti. Placido tranquilloque regi fida sunt auxilia sua; quibus ad communem salutem utitur: gloriosusque miles (publicæ enim securitati dare operam videtur) omnem laborem libens patitur, ut parentis custos. At illum acerbum, & sanguinarium, necesse est grauentur stipatores sui.

CAP. XIII. Non potest habere quisquam bonæ ac fidæ voluntatis ministros, quibus in tormentis, & eculeo, & ferramentis ad mortem paratis utitur, quibus non aliter quàm bestiis homines obiectat: omnibus reis noxior ac sollicitior, ut qui homines deosque testes ac

vindices facinorum timeat, eò perdu-  
ctus, vt non liceat illi mutare mores.  
Hoc enim inter cetera, vel pessimum  
habet crudelitas: quòd perseuerandum  
est, nec ad meliora patet regressus. Sce-  
lera enim sceleribus tuenda sunt. quid  
autem eo infelicius, cui iam esse malo  
neccesse est? O miserabilem illum, sibi  
certè! nam ceteris misereri eius nefas sit,  
qui cædibus ac rapinis potentiam exer-  
cuit, qui suspecta sibi cuncta reddidit,  
tam externa quàm domestica: cùm arma  
metuat, ad arma confugiens: non ami-  
corum fidei credens, non liberorum pie-  
tati. Quid vbi circumspexit quæque fe-  
cit, quæque facturus est, & conscientiam  
suam plenam sceleribus ac tormentis ad-  
aperuit: sæpè mortem timet, sæpiùs op-  
tat, inuisior sibi quàm seruientibus. E-  
contrario, is cui curæ sunt vniuersa,  
quamquam alia magis, alia minùs tuc-  
tur, nullam non Reip. partem tamquam  
sui nutrit, inclinatus ad mitiora; etiam  
si ex vsu est animaduertere; ostendens  
quàm inuitus aspero remedio manus ad-  
moueat: in cuius animo nihil hostile,  
nihil efferum est. Qui potentiam suam  
placidè ac salutariter exercet, approba-  
re imperia sua ciuibz cupiens: felix  
abundè sibi visus, si fortunam suam pu-  
blicauerit; sermone affabilis, accessuque  
facilis, vultu, qui maximè populos de-

meretur, amabilis, æquis desideriis propensus, & iniquis acerbis, à tota ciuitate amatur, defenditur, colitur. Eadem de illo homines secretò loquuntur, quæ palàm. Tollere filios cupiunt, & publicis malis sterilitas indicta recluditur: benè se meriturum de liberis suis quisque non dubitat, quibus tale sæculum ostenderit. Hic Princeps suo beneficio tutus, nihil præfidiis eget: arma ornamentis causâ habet.

CAP. XIV. Quod ergo officium eius est? quod bonorum parentum: qui obiurgare liberos nonnunquam blandè, nonnunquam minaciter solent, aliquando admonere etiam verberibus. Numquid aliquis sanus filium, ad primam offensam, exhereditat? nisi magnæ & multæ iniuriæ patientiam euicerint, nisi plus est quod timet, quàm quod damnat, non accedit ad decretorium stilum. Multa antè tentat, quibus dubiam indolem, & peiore loco iam positam, reuocet: simul deplorata est; vltima experitur. Nemo ad supplicia exigenda peruenit, nisi qui remedia consumpsit. Hoc quod parenti, etiam Principi faciendum est: quem appellauimus Patrem patriæ, non adulatione vanâ adducti. Cetera enim cognomina honori data sunt. Magnos & Felices & Augustos diximus, & ambitionis maiestati quidquid potuimus titulorum

lorum congeſſimus, illis hoc tribuentes. Patrem quidem patriæ appellauimus, vt ſciret datam ſibi poteſtatem patriam: quæ eſt temperatiſſima, liberis conſulens, ſuaque poſt illos ponens. Tardè ſibi pater membra ſua abſcindat: etiam cum abſciderit, reponere cupiat: & in abſcindendo gemit, cunctatus multum diuque. Propè enim eſt vt libenter damnet, qui citò: propè vt iniquè puniat, qui nimis. Erixonem equitem Romanum, memoriâ noſtrâ, quia filium ſuum flagellis occiderat, populus in foro graphiis confodit. Vix illum Auguſti Cæſaris auctoritas, inſeſtis tam patrum, quàm filiorum manibus eripuit.

CAP. XV. T. Arium, qui filium deprehenſum in parricidio, exilio damnauit, cauſſâ cognitâ, nemo non ſuſcepit, quòd contentus exilio, & exilio delegato. Maſſiliæ parricidam continuit, & annua illi præſtitit, quanta præſtare integro ſolebat. Hæc liberalitas effecit, vt in quâ ciuitate nunquam deſt patronus peioribus, nemo dubitaret, quin reus meritò damnatus eſſet, quem is pater damnare potuiſſet, qui odiſſe non poterat. Hoc ipſo exemplo dabo, quem comparès bono patribonum Principem. Cogniturus de filio T. Arius, aduocauit in conſilium Cæſarem Auguſtum, venit in priuatos penates, aſſedit, pars alieni

Q

consilij fuit. Non dixit: Imò in meam domum veniat. Quod si factum esset, Cæsaris futura erat cognitio, non patris. Audita causâ, excussisque omnibus, & his quæ adolescens pro se dixerat, & his quibus arguebatur, petit ut sententiam suam quisque scriberet, ne ea omnium fieret, quæ Cæsaris fuisset. Deinde priusquam aperirentur codicilli, iuravit se T. Arij hominis locupletis hereditatem non adiuturum. Dicit aliquis, pusillo animo. timuit, ne videretur locum spei suæ aperire velle, filij damnatione. Ego contra sentio. Quilibet nostrum debuisset aduersus opiniones malignas satis fiduciæ habere in bonâ conscientia: Principes multa debent etiam famæ dare. Iuravit se non adiuturum hereditatem. Arius quidem eodem die & alterum heredem perdidit, sed Cæsar libertatem sententiæ suæ redemit: & postquam approbavit gratuitam esse severitatem suam, quod principi semper curandum est, dixit, relegandum quò patri videretur. Non culleum, non serpentes, non carcerem decreuit: memor non de quo censeret, sed cui in consilio esset. Mollissimo genere pœnæ contentum esse debere patrem dixit, in filio adolescentulo, impulsio in id scelus, in quo se, quod proximum erat ab innocentia, timide gessisset: debere illum ab vrbe & à parentis oculis submoueri.

CAP. XVI. O dignum, quem in consilium patres aduocarent! ô dignum quem coheredem innocentibus liberis scriberent! Hæc clementia Principem decet, ut quocunque venerit, mansuetiora omnia faciat. Nemo regi tam vilis sit, ut illum perire non sentiat. qualiscunque pars imperij est. In magna imperia ex minoribus petamus exemplum. Non est vñum imperandi genus. imperat Princeps ciuibus suis, pater liberis, præceptor discipulis, tribunus vel centurio militibus. Nõne pessimus pater videbitur, qui assiduis plagis liberos, etiam ex leuissimis causis, compescet? Vter autem præceptor liberalibus studiis dignior, qui excarnificat discipulos, si memoria illis non constiterit, aut si parùm agilis in legendo oculus hæserit: an qui monitionibus, & verecundiâ, emendare ac docere malit? tribunum centurionemque da seuum: desertores faciet, quibus tamen ignoscitur. Numquidnam æquum est, grauius hominì & durius imperari, quàm imperatur animalibus mutis? atqui equum non crebris verberibus exterret, domandi peritus magister. Ficc enim formidolosus & contumax, nisi eum tactu blandiente permulseris. Idem facit venator, qui instituit catulos vestigia sequi, quique iam exercitatis vtitur ad excitandas, vel persequendas feras. Nec crebro illis minatur: contuditur enim ani-

Qij

mus, & quidquid est indolis, comminuitur trepidatione degeneri: nec licentiam vagandi errandique passim concedit. Adijcias his licet, tardiora agentes iumenta: quæ cum ad contumelias & misérias nata sint, nimiam sæuitiam coguntur iugum detrectare.

CAP. XVII. Nullum animal morosius est, nullum maiore arte tractandum, quam homo: nulli magis parcendum. Quid enim stultius, quam in iumentis quidem & canibus erubescere iram exercere, pessimam autem conditione hominem esse? Morbis medemur, nec irascimur: atqui & hic morbus animi mollem medicinam desiderat, ipsumque medentem minimè infestum agito. Mali medici est, desperare, ne curet. Idem in his, quorum animus affectus est, facere debet, cui credita salus omnium est: non citò spem proijcere, nec mortifera signa pronunciare. Luctetur cum vitiis, resistat, aliis morbum suum exprobet; quosdam molli curatione decipiat, citius meliusque sanaturus remediis fallentibus. Agat Princeps curam; non tantum salutis, sed etiam honestæ cicatricis. Nulla regi gloria est ex sæua animaduersione. quis enim dubitat posse? at contra maxima, si vim suam continet, si multos iræ alienæ eripuit, neminem suæ impendit.

CAP. XVIII. Seruis imperare mo-

deratè, laus est? & in mancipio cogitandum est, non quantum illud impune pati possit, sed quantum tibi permittat æqui bonique natura: quæ parcere etiam captiuis, & pretio paratis, iubet. Quanto iustius hominibus liberis, ingenuis, honestis, non vt mancipiis abuti, sed his quos gradu antecedas, quorumque tibi non tradita seruitus sit, sed tutela? Seruis ad statuum licet confugere, cum in seruum omnia liceant, est aliquid, quod in hominem licere commune ius animantium vetet, quia eiusdem naturæ est, cuius tut. Quis non Vedium Pollionem peius oderat, quàm serui sui, quod murænas sanguine humano saginabat? & eos qui se aliquid offenderant, in viuarium, quid aliud quàm serpentibus, obijci iubebat? O hominem mille mortibus dignum! siue deuorandos seruos obijciebat murænis; quas esurus erat, siue in hoc tantum illas alebat, vt sic aleret. Quemadmodum domini crudeles totâ ciuitate commonstrantur, inuisique & detestabiles sunt: ita regum & iniuria latius patet, & infamia, atque odium sæculis traditur. Quanto autem non nasci melius fuit, quàm numerari inter publico malo natos?

C A P. X I X. Excogitare nemo quicquam poterit, quod magis decorum regenti sit quàm clementia: quocunque modo is, & quocunque iure præpositus cete-



ris erit. Eò scilicet formosius id esse, magnificentiùsq; fatebimur, quò in maiori præstabitur potestate: quam non oportet noxiam esse, si ad naturæ legem componitur. Natura enim commenta est regem: quod & ex aliis animalibus licet cognoscere, & ex apibus: quarum regi amplissimum cubile est, medioq; ac tutissimo loco. Præterea onere vacat, exactor alienorum operum: & amisso rege, totum dilabitur examen, nec vnquam plus vnus patiuntur, melioremq; pugna quærunt. Præterea insignis regi forma est, dissimilisq; ceteris, tum magnitudine, tum nitore: hoc tamen maxime distinguitur. Iracundissima, ac pro corporis captu pernaciissima sunt apes, & aculeos in vulnere relinquunt: rex ipse sine aculeo est. Noluit illum natura nec sauum esse, nec actionem magno constaturam potere: telumq; detraxit, & iram eius inermem reliquit. Exemplar hoc magnis regibus ingens est. Est enim illi mos, exercere se in parvis, & ingenium rerum documenta minima agere. Pudeat ab exiguis animalibus non trahere mores: cum tantò hominum moderatio esse animus debeat, quantò vehementius nocet. Vtinam quidem eadem homini lex esset: & ira cum telo suo frangeretur: nec sæpius liceret nocere quàm semel, nec alienis viribus exercere odia: facile enim lassaretur fu-

ror, si per se sibi satisfaceret, & si mortis periculo vim suam effunderet. Sed ne nunc quidem illi cursus tutus est. Tantum enim necesse est timeat, quantum timeri voluit: & manus omnium obseruet, & eo quoque tempore quo non captatur, peti se iudicet, nullumq; momentum immune à metu habeat. Hanc aliquis egram vitam sustinet: cum liceat innoxium, atque ob hoc securum, salutare potentiae ius, lætis omnibus, tractare? Errat enim, si quis existimat tutum esse ibi regem, ubi nihil à rege tutum est. Securitas securitate mutuâ paciscenda est. Non opus est instruere in altum editas arces, nec in adscensum arduos colles emunire, nec latera montium abscindere, multiplicibus semuris turribusque sepire; saluum regem in aperto clementia præstabit. Vnum est inexpugnabile munimentum, amor civium. Quid pulchrius est, quàm vivere optantibus cunctis, & vota non sub custode nuncupantibus? si paullum valetudo titubavit, non spem hominum excitari, sed metum? nihil esse cuiquam tam pretiosum, quod non pro salute præsidis sui commutatum velit? omne quod illi contingit, sibi quoque evenire deputet? In hoc assiduis bonitatis argumentis probavit, non Remp. suam esse, sed se Reipublicæ. Quis huic audeat struere aliquod periculum? quis ab hoc non, si possit, fortunam

quoque auertere velit, sub quo iustitia, pax, pudicitia, securitas, dignitas florent? sub quo opulenta ciuitas copiâ bonorum omnium abundat? Nec alio animo rectorem suum intuetur, quàm si dii immortales potestatem visendi sui faciant: intue-remur venerantes colentesque. Quid auzem? non proximum illis locum tenet is, qui se ex decorum naturâ gerit, beneficus ac largus, & in melius potens? Hæc affectare, hæc imitari decet: maximum ita haberi, vt optimus simul habeatur.

C A P. X X. Duabus de causis punire princeps solet, si aut se vindicat, aut alium: Prius de parte differam, quæ ipsum contingit. difficilior est enim moderari, vbi dolori debetur ultio, quàm vbi exemplo. Supernacuum est hoc loco admonere, ne facile credat, vt verum exequiatur, vt innocentia faueat, vt appareat, non minùs rem agi periclitantis, quàm iudicis: hoc ad iustitiam, non ad clementiam pertinet. Nunc illum hortamur, vt manifestè læsus, animum in potestate habeat: & pœnam, si tutò poterit, donet: sin minùs, temperet: longèque sit in suis, quàm in alienis, exorabilior iniuriis. Nam quemadmodum non est magni animi, qui de alieno liberalis est, sed ille qui quod alteri donat, sibi detrahât: ita clementem vocabo, non in alieno dolore facilem, sed eum qui cum suis stimulis exagitetur, non proficit: qui

intelligit maghi animi esse, iniurias in summa potentia pati, nec quidquam esse gloriosius principe impune læso.

CAP. XXI. Ultio duas res præstare solet: aut solatium affert ei qui accipit iniuriam, aut in reliquum securitatem. Principis maior est fortuna, quam ut tali solatio egeat: manifestiorque vis, quam ut alieno malo opinionem sibi virium quærat. Hoc dico, cum ab inferioribus petitus violatusque est: nam si quos pares aliquando habuit, infra se videt, satis vindicatus est. Regem & seruus occidit, & serpens, & sagitta: seruauit quidem nemo, nisi maior eo quem seruauit. Vti itaque animosè debet tanto munere decorum, dandi auferendique vitam potens: in his præferim, quos scit aliquando suo fastigio obstitisse: hoc arbitrium adeptus, ultionem impleuit, perfecitque quantum veræ pœnæ satis erat. Perdidit enim vitam, qui debet: & quisquis ex alto ad inimici pedes abiectus, alienam de capite suo regiamque sententiam expectauit, in seruatoris sui gloriam viuet, plusque nomini eius conferet incolumis, quam si ex oculis ablatus esset. Assiduum enim spectaculum alienæ virtutis est: in triumpho citò transisset. Si verò regnum quoque suum tutò relinqui apud eum potuit, reponique eò vnde deciderat, ingenti incremento surgit laus eius, qui contentus fuit,

Q v

ex rege victo nihil, præter gloriam sumere. Hoc est etiam ex victoriâ suâ triumphare, testarique, nihil se quod dignum esset victore, apud victos inuenisse. Cum ciuibus, & ignotis, atque humilibus, cò moderatiùs agendum est, quò minoris est afflixisse eos. Quibusdam libenter parcas: à quibusdam te vindicare fastidias, & non aliter quàm in animalibus paruis & obterrentem inquinantibus, reducenda manus est: at in iis qui in ore ciuitatis seruati punitiq̃ue erunt, occasione notæ clementiæ utendum est.

CAP. XXII. Transeamus ad alienas iniurias; in quibus vindicandis, hæc tria lex secuta est, quæ Princeps quoque sequi debet: aut ut eum quem punit, emendet; aut ut pœnâ eius ceteros meliores reddat; aut ut sublatis malis securiores ceteri uiuant. Ipsos faciliùs emendabis minore pœnâ: diligentius enim uiuit, cui aliquid integri superest. Nemo dignitati perditæ parcat. impunitatis genus est iam non habere pœnæ locum. Ciuitatis autem mores magis corrigit parcitas animaduersionum. facit enim consuetudinem peccandi, multitudo peccantium; & minus grauis nota est, quam turba damnatorum leuat: & seueritas, quòd maximum remedium habet, assiduitate amittit, auctoritatem. Constituit bonos mores ciuitati Princeps, & viciâ eius feliciùs

compescit, si patiens eorum est, non tanquam prober, sed tanquam inuitus, & cum magno tormento ad castigandum veniat. Verecundiam peccandi facit ipsa clementia regentis. Grauior multo pœna videtur, quæ à miti viro constituitur.

CAP. XXIII. Præterea videbis ea sæpè committi, quæ sæpè vindicantur. Pater tuus plures intra quinquennium culleo insuit, quàm omnibus sæculis insuros accepimus. Multo minùs audebant liberi nefas vltimum admittere, quandiu sine lege crimen fuit. Summâ enim prudentiâ altissimi viri, & rerum naturæ peritissimi maluerunt, velut incredibile scelus; & ultra audaciam positum præterire, quàm dum vindicant, ostendere posse fieri. Itaque parricidæ cum lege cœperunt, & illis facinus pœna monstravit. pessimo loco pietas fuit, postquam sæpius culteos vidimus, quàm cruces. In quâ ciuitate rarò homines puniuntur, in eâ consensus sit innocentia, & indulgetur velut publico bono. Putet se innocentem esse ciuitas, erit. magis irascitur à communi frugalitate desciscientibus, si paucos eos esse viderit. Periculosum est, mihi crede, ostendere ciuitati, quanto plures mali sint.

CAP. XXIV. In Senatu dicta est aliquando sententia, vt seruos à liberis cultus distingueret: deinde apparuit, quantum periculum immineret, si serui nostri

numerare nos cœpissent. Idem scito metuendum esse, si nulli ignoscitur: citò apparebit, pars ciuitatis deterior, quanto prægrauet. Non minùs Principi turpia sunt multa supplicia, quàm medico multa funera. Remissiùs imperanti, meliùs pareretur. Naturâ contumax est humanus animus, & in contrarium atque arduum nitens, sequiturque faciliùs, quàm ducitur. Et vt generosi atque nobiles equi, meliùs facili fræno reguntur: ita clementiam voluntaria innocentia impetu suo sequitur, & dignam putat ciuitas, quam seruet sibi. plus itaque hac viâ proficitur. Crudelitas minimè humanum malum est, indignum tam miti animo. Ferina ista rabies est, sanguine gaudere ac vulneribus: & abiecto homine, in siluestre animal transire.

C A P. XXV. Quid enim interest, oro te Alexander, leoni Lysimachum obiicias, an ipse laceres dentibus tuis? tuum illud os est, tua illa feritas. O quàm cuperes tibi potiùs vngues esse, tibi rictum illum edendorum hominum capacem! Non exigimus à te, vt manus ista, exitium familiarium certissimum, vlli salutaris sit: vt iste animus ferox, insatiabile gentium malum, citra sanguinem cædemque satietur: clementia vocetur, si ad occidendum amicum, carnifex inter homines eligitur. Hoc est, quare vel maximè abominanda sit sæuitia, quòd excedit fines, primùm so-

litos, deinde humanos. Noua supplicia conquirat, ingenium aduocat, instrumenta excogitat, per quæ varietur atque extendatur dolor, & delectatur malis hominum. Tunc ille dirus animi morbus ad insaniam peruénit vltimam, cum crudelitas versa est in voluptatem: & iam occidere hominem iuuat. Nam talem virum à tergo sequitur euersio, odia, venena, gladij. tam multis periculis petitur, quam multorum ipse periculum est: priuatisque nonnunquam consiliis, aliàs verò conseruatione publicâ circumuenitur. Leuis enim & priuata perniciēs, non totas vrbes mouet: quòd latè furere cœpit, & omnes appetit, vndique configitur. Serpentes paruulæ fallunt, nec publicè consequuntur: vbi aliqua solitam mensuram transiit, & in monstrum excreuit, vbi fontes potu infecit, & sufflatu deurit, obteritque, quacunque incessit, ballistis petitur. Possunt verba dare, & euadere pusilla mala: ingentibus obuiam itur. Sic vnus æger nec domum quidem perturbat: at vbi crebris mortibus pestilentiam esse apparuit, conclamatio ciuitatis, ac fuga est, & diis ipsis manus intenduntur. Sub vno aliquo reſto flamma apparuit: familia vicinique aquam ingerunt: at incendium vastum, & multas iam domos depastum, parte vrbis obruitur.

CAP. XXVI. Crudelitatem priuatoꝝ



rum serviles quoque manus, sub certo crucis periculo, ultæ sunt: tyrannorum, gentes populi que, & quorum erat malum, & hi quibus imminabat, excindere aggressi sunt. Aliquando sua præsidia in ipsos consurrexerunt, perfidiamque, & impietatem, & feritatem, & quidquid ab illis didicerant, in ipsos exercuerunt. Quid enim potest ab eo quisquam sperare, quem malum esse docuit? non diu paret nequitia, nec quantum iubetur, peccat. Sed puta tutam esse crudelitatem: quale eius regnum est? non aliud, quàm captarum urbium forma, & terribiles facies publici metus. Omnia mœsta, turbida, & confusa: voluptates ipse timentur. Non conuiuia secunda incunt, in quibus lingua sollicitè etiam ebriis custodienda est: non spectacula, ex quibus materia criminis ac periculi quaeritur. Apparentur licet magnâ impensâ, & regis opibus, & artificum exquisitis nominibus: quem tamen è ludo in carcerem ire iuuet? Quod istud, dii boni, malum est, occidere, fauere, delectari sono catenarum, & ciuium capita decidere; quocunque ventum est multum sanguinis fundere, aspectu suo terrere ac fugare? Quæ alia vita esset, si leones vrsique regnarent? si serpentibus in nos, ac noxiissimo cuique animali daretur potestas? Illa rationis expertia, & à nobis immanitatis crimine damnata, abstinere suis, & tuta est etiam inter feras similitu-

do: apud homines tantum, nec à necessariis quidem rabies temperat sibi, sed externa suaque in æquo habet, quò possit exercitior à singulorum cædibus, deinde in exitia gentium serpere. Et iniicere tectis ignem, aratrum vetustis urbibus inducere, potentiam putat: & vnum occidà iubere aut alterum, parum imperatorum eredit: nisi eodem tempore grex miserorum, subiectus stetit, crudelitatem suam in ordinem coactam putat. Felicitas illa, multis salutem dare, & ad vitam ab ipsa morte reuocare, & mereri clementià ciuicam. Nullum ornamentum Principis fastigio dignius pulchriusque est, quàm illa corona OB CLYES. SERVATOS. non hostilia arma detracta victis, non currus barbarorum sanguine cruenti, non parva bello spolia. Hæc diuina potentia est, gregatim ac publicè seruare: multos autem occidere, & indiscretos, incendiij ac ruinae potentia est.

## LIBER SECVNDVS.

## CAPVT I.

**V**T de clementia scriberem, Nero Cæsar, vna me vox tua maximè compulit: quam ego non sine admiratione, & cum diceretur, audisse memini, & deinde aliis narrasse. Vocem generosam, magni animi, magnæ lenitatis: quæ

non composita, nec alienis auribus data, subito erupit; sed bonitatem tuam cum fortuna tua litigantem in medium adduxit. Animaduersurus in latrones duos Burrus præfectus tuus, virescens, & tibi Principi natus, exigebat, à te, scriberes, in quos & ex quâ causâ animaduerti velles. hoc sæpè dilatum, ut aliquando fieret, instabat. Inuitus inuito cum chartam protulisset, traderetque, exclamasti: Vellem nescire litteras. O dignam vocem, quam audirent omnes gentes, quæ Romanum imperium incolunt, quæque iuxta iacent dubiæ libertatis, quæque se contra viribus aut animis attollunt! O vocem, in concionem omnium mortalium mittendam, in cuius verba Principes regesque iurent! O vocem publicâ generis humani innocentia dignam, cui redderetur antiquum illud sæculum! Nunc profectò consentire decebat ad æquum bonumque, expulsâ alieni cupiditate, ex qua omne animi malum oritur: pietatem integritatemque, cum fide ac modestiâ, surgere: & vitia diuturno abusa regno, tandem felici ac puro sæculo dare locum.

CAP. II. Futurum hoc, Cæsar, ex magna parte sperare & confiteri liber, traderetur ista animi tui mansuetudo, diffundereturque paullatim per omne imperij corpus, & cuncta in similitudinem tui

formabuntur. A capite bona valetudo. inde omnia vegeta sunt atque erecta, aut languore demissa: prout animus eorum viget, aut marcet. Eterunt ciues, erunt socij digni hac bonitate: & in totum orbem recti mores reuertentur. parceretur vbiq; manibus. Diutius me morari hic patere, non vt blandiatur auribus tuis: nec enim mihi hic mos est. maluerim veris offendere, quàm placere adulando. quid ergo est, propter quod benè factis dictisque tuis quàm familiarissimum esse te cupio? vt quod nunc natura & impetus est, fiat iudicium. Illud mecum considero, multas voces magnas, sed detestabiles, in vitam humanam peruenisse, celebresq; vulgo ferri: vt illam, Oderint, dum metuant. Cui Græcus versus similis est, qui se mortuo terram misceri ignibus iubet: & alia huius notæ. Ac nescio quomodo; ingenia immania & inuisa materiâ fecundiori expresserunt sensus vehementes & concitato. Nullam adhuc vocem audiui ex bono lenique animosam. Quid ergo est? vt rarò, inuitus, & cum magna cunctatione, ita aliquando scribas necesse est istud, quod tibi in odium litteras adduxit: sed, sicut facis, cum magna cunctatione, cum multis dilationibus.

C A P. I I I. Et ne fortè decipiat nos speciosum clementiæ nomen aliquando, & in contrarium abducatur: videamus quid

fit clementia, qualisque sit, & quos fines habeat. Clementia est temperantia animi; in potestate vlciscendi. vel, lenitas superioris aduersus inferiorem in constituendis poenis. Plures proponere, est tutius; ne vna definitio parum rem comprehendat; & vt ita dicam, formulâ excidat. Itaque dici potest & Inclinatio animi ad lenitatem in poenâ exigendâ. Illa finitio contradictiones inueniet, quamuis maximò ad verum accedat, si dixerimus, clementiam esse moderationem aliquid ex meritâ ac debitâ poenâ remittentem. reclamabitur, nullam virtutem quicquam minus debito facere. Atqui hoc omnes intelligunt, clementiam esse, quæ se flectit citra id, quod meritò constitui posset. Huic contrariam imperiti putant seueritatem; sed nulla virtus virtuti contraria est.

C A P. I V. Quid ergo opponitur clementiæ? Crudelitas; quæ nihil aliud est, quàm atrocitas animi in exigendis poenis. Sed quidam non exigunt poenas; crudeles tamen sunt: tamquam, qui ignotos homines & obuios non in compendium, sed occidendi causâ occidunt. Nec interficere contenti, sæuiant; vt Sinis ille & Procrustes, & piratæ, qui captos verberant, & in ignem viuos imponunt. Hæc crudelitas quidem: sed quia nec vltionem sequitur (non enim læta est) nec peccato

alicui irascitur ( nullum enim antecessit crimen) extra finitionem nostram cadit: quæ finitio continebat in exigendis poenis intemperantiam animi. Possumus dicere, non esse hanc crudelitatem, sed feritatem, cui voluptati scuitia est: possumus insaniam vocare, nam varia sunt genera eius, & nullum certius, quàm quod in cædes hominùm & laniationes peruenit. Illos ergo crudeles vocabo, qui puniendi causam habent, modum non habent. Sicut in Phalari, quem aiunt non quidem in homines innocentes, sed super humanum ac probabilem modum secuisse. Possumus effugere cauillationem, & ita finire, vt sit crudelitas, inclinatio animi ad asperiora. Hanc clementia repellit longius à se: nam seueritatem illi conuenire, certum est. Ad rem pertinet, quærere hoc loco, quid sit misericordia: Plerique enim vt virtutem eam laudant, & bonum hominem vocant misericordem: hæc autem vitium animi est. Vtraque circa seueritatem, circaque clementiam posita sunt: quæ vitare debemus, ne per speciem seueritatis in crudelitatem, neve per speciem clementiæ in misericordiam incidamus. In hoc, leuiore periculo erratur, sed par error est à vero recedentium.

C A P. V. Ergo quemadmodum religio deos colit, superstitio violat: ita clementiam mansuetudinemque omnes bo-

ni præstabunt, misericordiam autem vitabunt. Est enim vitium pusilli animi, ad speciem alienorum malorum succidentis. Itaque pessimo cuique familiarissima est. Anus & mulierculæ sunt, quæ lacrimis nocentissimorum mouentur, quæ si liceret, carcerem effringerent. Misericordia non causam, sed fortunam spectat; clementia rationi accedit. Scio malè audire apud imperitos sectam Stoicorum, tamquam nimis duram, & minimè principibus regibusque bonum daturam consilium. Obicitur enim illi, quod sapientem negat misereri, negat ignoscere. Hæc si per se ponantur, inuisa sunt. videntur enim nullam spem relinquere humanis erroribus, sed omnia delicta ad poenam deducere. Quod si est, quid hæc secta durius, quæ dediscere humanitatem iubet, portumque aduersus fortunam certissimum mutuo auxilio cludit? Sed nulla secta benignior leniorque est, nulla amantior hominum, & communibus bonis attentior: ut propositum sit vsui esse aut auxilio, nec sibi tantum, sed vniuersis singulisque consulere. Misericordia est ægritudo animi, ob alienarum miseriarum speciem: aut, tristitia ex alienis malis concepta, quæ accidere immerentibus credit. Ægritudo autem in sapientem virum non cadit: serena eius mens est, nec quidquam incidere potest

quod illam obducatur. Nihil æquè hominem, quàm magnus animus decet: non potest autem magnus esse idem, si metus & mœror confundit, si mentem obducit & contrahit. Hoc sapienti ne in suis quidem accideret calamitatibus, sed omnem fortunæ iram reuerberabit, & ante se franget. eandem semper faciem seruabit, placidam & inconcussam: quod facere non posset, si tristitiam reciperet. Adjice, quod sapiens prouidet, & in expedito consilium habet: nunquam autem liquidum sincerumque ex turbido venit. Tristitia enim inhabilis est ad dispiciendas res, vtilia excogitanda, periculosa vitanda, æqua æstimanda. Ergo non misereatur, quia & sine miseria animi non fit: ceterum omnia, quæ qui misereantur, dolentes facerent: hic libens & alacri animo faciet.

CAP. VI. Succurret alienis lacrimis, non accedet: dabit manum naufrago, exuli hospitium, egenti stipem, non hanc contumeliosam, quâ pars maior horum qui se misericordes videri volunt, abijcit & fastidit quos adiuuat, contingique ab his timeret: sed ut homo homini, ex communi dabit. Donabit lacrimis maternis filium, & catenas solui iubebit, & ludo eximet, & cadauer etiam noxium sepeliet. At faciet ista tranquillâ mentē, vultu suo. Ergo non miserebitur sapiens, sed succur-



ret, sed proderit, in commune auxilium natus, ac publicum bonum, ex quo dabit cuique partem: etiam ad calamitosos, proportionē, improbandos & emendandos, bonitatem suam permittet. Afflictis verò, & fortius laborantibus, multo libentius subueniet. Quotiens poterit, fortunę intercedet. vbi enim opibus potius utetur, aut viribus, quàm ad restituenda quę casus impulit? Vultum quidem non dericiet, nec animum, ad æruscantis ciuis aut pannosi aridam faciem, & obnixam baculo senectutem: ceterum omnibus dignis proderit, & deorum more, calamitosos propitius respiciet. Misericordia vicina est miserię: habet enim aliquid, trahitque ex ea. Imbecilles oculos esse scias, qui ad alienam lippitudinem & ipsi suffunduntur: tam inehercule, quàm morbum esse, non hilaritatem, semper arridere ridētib; & ad omnium oscitationem ipsam quoque os diducere. Misericordia vitium est animorum, nimis miserię fauentium: quam si quis à sapiente exigit, propè est, vt lamentationem exigit, & in alienis funeribus gemitus. At quare non ignoscat, dicam.

CAP. VII. Constituamus nunc quoque quid sit venia, vt sciamus dari illam à sapiente non debere. Venia est pœnę meriti remissio. Hanc sapiens quare non debeat dare, reddunt rationem diutius,

quibus hoc propositum est. Ego ut breviter, tanquam in alieno iudicio dicam: ei ignoscitur qui puniri debuit: sapiens autem nihil facit quod non debet, nihil pretermittit quod debet. itaque poenam quam exigere debet, non donat: sed illud quod ex venia consequi vis, honestiore tibi viâ tribuit. Parcit enim sapiens, consulit & corrigit. Idem facit, quod si ignosceret, nec ignoscit: quoniam qui ignoscit, fateatur aliquid se, quod fieri debuit, omisisse. Aliquem verbis tantum admonebit, poenâ non afficiet, etatem eius emendabilem intuens: aliquem invidiâ criminis manifestè laborantem, iubebit incolumem esse: quia deceptus est, quia per vinum lapsus. Hostes dimitter saluos, aliquando etiam laudatos, si honestis causis pro fide, pro fœdere, pro libertate in bellum accincti sunt. Hæc omnia non veniæ, sed clementiæ opera sunt. Clementia liberum arbitrium habet: non sub formula, sed ex æquo & bono iudicat. & absolvere illi licet, & quanti vult, taxare litem. Nihil ex his facit, tanquam iusto minus fecerit, sed tanquam id quod constituit, iustissimum sit. Ignoscere autem est, quæ iudicas puniendâ, non punire. Veniâ, debitæ poenæ remissio est: clementia hoc primum præstat, ut quos dimittit, nihil aliud illos pati debuisse pronuntiet. Pleuior est ergo, quàm veniâ, & honestior.

De verbo (vt mea fert opinio) controuer-  
sia est, de re quidem conuenit. Sapiens  
multa remittet, multos parùm sani, sed  
sanabilis ingenij, seruabit. Agricolas bo-  
nos imitabitur, qui non tantùm rectas  
proceraſque arbores colunt: sed illis quo-  
que quas aliqua deprauauit cauſſa, admi-  
nicula quibus regantur, applicant. Alias  
circumcidunt, ne proceritatem rami pre-  
mant: quafdam infirmas vitio loci, nu-  
triuunt: quibusdam, alienâ vmbra laboran-  
tibus, cœlum aperiunt. Secundum hæc,  
videbit perfectus ſapiens, quod ingenium  
quâ ratione tractandum ſit, quomodo in  
rectum praua flectantur. \* *Multa deſunt.*

## L. ANNÆI SENEÆ

AD PAULLINVM  
DE BREUITATE VITÆ

LIBER VNVS.

CAPVT I.

**M**AIOR pars mortalium, Paulline,  
de naturæ malignitate conqueritur,  
quod in exiguum cui gignimur, quod hæc  
tam velociter, tam rapidè dari nobis tem-  
poris ſpatia decurrant: adeò vt, exceptis  
admodum paucis, ceteros in ipſo vitæ ap-  
paratu vita deſtituat. Nec huic publico,  
vt opinantur, malo, turba tantùm & im-  
prudens

prudens vulgus ingemuit: clarorum quoque virorum hic affectus querelas euocauit. Inde illa maximi medicorum exclamatio est, Vitam breuem esse; longam artem. Inde Aristoteli cum rerum naturâ exigenti, minimè conueniens sapienti viro lis est: illam animalibus tantum indulgisse, vt quina aut dena sæcula edurent, homini in tam multa ac magna genito, tanto citiorem terminum stare. Non exiguum temporis habemus, sed multum perdimus. Satis longa vita, & in maximarum rerum consummationem largè data est, si tota benè collocaretur. Sed vbi per luxum ac negligentiam defluit, vbi nulli rei bonæ impenditur: vltimâ demum necessitate cogente, quam ire non intelleximus, transisse sentimus. Ita est. non accepimus breuem vitam, sed fecimus: nec inopes eius, sed prodigi sumus. Sicut amplæ & regiæ opes, vbi ad malum dominum peruenerunt, momento dissipantur: at quamuis modicæ, si bono custodi traditæ sunt, vsu crescunt: ita ætas nostra, benè disponenti, multum pater.

C A P. I I. Quid de rerum natura querimus? illa se benignè gessit. vita, si scias vti, longa est. Alium infatiabilis tenera uaritia: alium in superuacuis laboribus operosa sedulitas: alius vino madet: aliûs inertia torpet: aliûm defatigat ex alienis iudiciis suspensa semper ambitio: alium

mercandi præceptis cupiditas circa omnes terras, omnia maria, spe lucri ducit. Quosdam torquet cupido militiæ, nunquam non aut alienis periculis intentos, aut suis anxios: sunt quos ingratus superiorum cultus voluntariâ seruitute consumat. Multos aut affectatio alienæ fortunæ, aut suæ odium detinuit: plerosque nihil certum sequentes, vaga & inconstans, & sibi displicens leuitas, per noua consilia iactauit. Quibusdam nihil quò cursum dirigant, placet, sed marcentes oscitantesque fata deprehendunt, adeò ut quod apud maximum poëtarum, more oraculi dictum est, verum esse non dubitem:

*Exigua pars est vita, quam nos viuimus.*  
 ceterum quidem omne spatium, non vita, sed tempus est. Virgentia circumstant viria undique: nec resurgere, aut in dispectum veri attollere oculos sinunt, sed merfos, & in cupiditatibus infixos premunt. Nunquam illis recurrere ad se licet: sed si quando aliqua quies fortuito contigit, velut in profundo mari, in quo post ventum quoque volutatio est, fluctuantur, nec vnquam illis à cupiditatibus suis orium instat. De istis me putas dissere, quorum in confesso mala sunt? aspice illos, ad quorum felicitatem concurritur: bonis suis effocantur. Quàm multis, graues sunt diuitiæ? quàm multorum eloquentia quotidiano ostentandi ingenij spatio, sangui-

nem educit? quàm multi continuis voluptatibus pallent? quàm multis nihil liberi relinquit circumfusus clientium populus? Omnes denique istos, ab infimis vsque ad summos, pererrat: hic aduocat, hic adest: ille periclitatur, ille defendit, ille iudicat. Nemo se sibi vindicat, alius in alium consumimur. Interroga de istis, quorum nomina ediscuntur: his illos dignosci videbis notis: Hic illius cultor est, ille illius, suus nemo. Deinde dementissima quorundam indignatio est. queruntur de superiorum fastidio, quòd ipsis adire volentibus non vacauerint. Audet quisquam de alterius superbiâ queri, qui sibi ipse nunquam vacat? Ille tamen, quisquis est, insolenti quidem vultu, sed aliquando respexit: ille aures suas ad tua verba demisit: ille te ad latus suum recepit. tu non inspicere te vnquam, non audire dignatus es.

C A P. I I I. Non est itaque quòd ista officia cuiquam imputes: quoniam quidem cum illa faceres, non esse cum aliquo volebas, sed tecum esse non poteras. Omnia licet quæ vnquam ingenia fulserunt, in hoc vnum consentiant, nunquam satis hanc humanarum mentium caliginem mirabuntur. Prædia sua occupari à nullo patiuntur: & si exigua contentio est de modo finium, ad lapides & arma discurrunt: in vitam suam incedere alios sinunt,

imò verò ipsi etiam possessores eius futuros inducunt. Nemo inuenitur, qui pecuniam suam diuidere velit: vitam vnusquisque quàm multis distribuit? Adstricti sunt in continendo patrimonio: simul ad temporis iacturam ventum est, profusissimi in eo, cuius vnus honesta auaritia est. Libet itaque ex seniorum turbâ comprehendere aliquem. Peruenisse te ad vltimum ætatis humanæ videmus: centesimus tibi, vel supra, præmitur annus, agetum, ad computationem ætatem tuam reuoca. Dic quantum ex isto tempore creditor, quantum amica, quantum reus, quantum cliens abstulerit: quantum lis vxoria, quantum seruorum coërcitio, quantum officiosa per, urbem discursatio. Adijce morbos, quos manu fecimus: adijce, quod & sine vsu iacuit: videbis te pauciores annos habere, quàm numeras. Repete memoriâ tecum, quando certus consilij fueris, quotus quisque dies vt destinaueras recesserit: qui tibi vsus tui fuerit: quando in statu suo vultus, quando animus intrepidus: quid tibi in tam longo æuo facti operis sit: quàm multi vitam tuam diripuerint, te non sentiente quid perderes: quantum vanus dolor, stulta lætitia, auida cupiditas, blanda conuersatio abstulerit: quàm exiguum tibi de tuo relictum sit: intelliges, te immaturum mori.

CAP. IV. Quid ergo est in causâ Tan-

quàm semper victuri viuitis : nunquam vobis fragilitas vestra succurrit. Non obseruatis quantum temporis transierit. velut ex pleno & abundanti perditis: cum interim fortasse ille ipse, alicui vel homini vel rei donatus, vltimus dies sit. Omnia, tamquam mortales, timetis : omnia tamquam immortales, concupiscitis. Audies plerosque dicentes : A quinquagesimo in otium secedam: sexagesimus annus ab officiis me dimittet. Et quem tandem longioris vitæ prædem accipis? quis ista, sicuti disponis, ire patietur? Non pudeat te reliquias vitæ tibi reseruare, & id solum tempus bonæ menti destinare, quod in nullam rem conferri possit? Quàm seruum est, tunc viuere incipere, cum desinendum est? quæ tam stulta mortalitatis obliuio, in quinquagesimum & sexagesimum annum differre sana consilia: & inde velle vitam inchoare, quò pauci perduxerunt? Potentissimis, & in altum sublati hominibus, excidere voces videbis, quibus otium optent, laudent, omnibus bonis suis præferant. Cupiunt interim ex illo fastigio suo, si tutò liceat, descendere. nam vt nihil extra laceffit, aut quatiat, in se, ipsa fortuna ruit.

CAP. V. Diuus Augustus, cui dii plura quàm vlli præstiterunt, non desit quietem sibi precari, vacationem à Repub. petere. Omnis eius sermo ad hoc semper reuolu-



tus est, ut sibi speraret otium. Hoc labores suos, etiam si falso, dulci tamen oblectabat solatio, aliquando se victurum sibi. In quâdam ad senatum missâ epistolâ, cum requiem suam non vacuam fore dignitatis, nec à priorè gloriâ discrepantem pollicitus esset, hæc verba inueni: Sed ista fieri speciosius, quàm promitti possunt. me tamen cupido temporis optatissimi mihi, prouexit, ut quoniam rerum lætitia moratur adhuc, præciperem aliquid voluptatis ex verborum dulcedine. Tanta visa est res otium, ut illam, quia usu non poterat, cogitatione præsumeret. Qui omnia videbat ex se vno pendentia, qui hominibus gentibusque fortunam dabat, illum diem lætissimus cogitabat, quo magnitudinem suam exueret. Expectans erat, quænam illa bona, per omnes terras fulgentia, sudoris exprimerent, quantum oculæarum sollicitudinum tegerent: cum ciuibus primum, deinde cum collegis, nouissimè cum affinibus, coactus armis decernere, mari terrâque sanguinem fudit: per Macedoniam, Siciliam, Ægyptum, Syriam, Asiamque, & omnes propè oras bello circumactus, Romanâ cæde lassos exercitus ad externa bella conuertit. Dum Alpes pateat, immixtosque mediæ paci & imperio hostes perdomat, dum ultra Rhenum, Euphratem & Danubium terminos mouet, in ipsâ vrbe, Murenæ, Cæpionis, Lepidi,

Egnationum in eum mucrones acuebantur. Nondum horum effugerat insidias : filia, & tot nobiles iuvenes adulterio velut sacramento adacti, iam infractam ætatem territabant : postquam & iterum timenda cum Antonio mulier. Hæc vlcera cum ipsis membris absciderat: alia subnascebantur. velut cum graue multo sanguine est corpus, partes semper aliquæ rumpebantur. Itaque otium optabat: in huius spe & cogitatione labores eius residebant : hoc votum erat eius, qui voti compotes facere poterat. Marcus Cicero inter Catilinæ Clodiosque iactatus, Pompeiosque & Crassos, partim manifestos inimicos, partim dubios amicos, dum fluctuatur cum Republicâ, & illam pessum euntem tenet, nouissimè abductus, nec secundis rebus quietus, nec aduersarum patiens, quotiens illum ipsum consulatum suum non sine causâ, sed sine fine laudatum, detestatur ? quàm flebiles voces exprimit in quâdam ad Atticum epistolâ, iam victo patre Pompeio, adhuc filio in Hispaniâ fracta arma resouente ? Quid agam, inquit, hîc quæris ? moror in Tusculano meo semiliber. Alia deinceps adiicit, quibus & priorem ætatem complorat, & de præsentî queritur, & de futurâ desperat. Semiliberum se dixit Cicero. at mehercules nunquam sapiens in tam humile nomen procedet, nunquam semiliber

erit : integræ semper libertatis & solidæ, solutus, & sui iuris, altior ceteris. Quid enim supra cum potest esse, qui supra fortunam est?

CAP. VI. Liuius Drusus, vir acer & vehemens, cum leges nouas & mala Gracchanam mouisset, stipatus ingenti totius Italiæ cœtu, exitum rerum non prouidens, quas nec agere licebat, nec iam liberum erat semel inchoatas relinquere, exsecratus inquietam à primordiis vitam, dicitur dixisse, Vni sibi, nec puero quidem, vnquam ferias contigisse. Ausus est enim & pupillus adhuc, & prætextatus, iudicibus reos commendare, & gratiam suam interponere tam efficaciter, vt quædam iudicia constet ab illo rapta. Quò non irrumperet, tam immatura ambitio? scires in malum ingens, & priuatùm, & publicum, euasuram illam tam præcoquem audaciam. Serò itaque querebatur, nullas sibi ferias contigisse: à puero seditiosus, & foro grauis. Disputatur, an ipse sibi manus attulerit, subito enim, vulnere per inguen accepto; collapsus est: aliquo dubitante, an mors voluntaria esset: nullo, an tempestiua. Superuacuum est commemorare plures: qui cum aliis felicissimi viderentur, ipsi in se verum testimonium dixerunt, perosi omnem actum annorum suorum. Sed his querelis nec alios mutaauerunt, nec scipsos. Nam cum verba crum-

perent, affectus ad consuetudinem relabebantur. Vestra mehercule vita, licet supra mille annos exeat, in arctissimum contrahetur. Ista vitia nullum non sæculum deuorabunt: hoc verò spatium, quod, quamuis natura currit, ratio dilatat, citò vos effugiat necesse est. Non enim apprehenditis, nec retinetis, nec velocissimæ omnium rei moram facitis, sed abire ut rem superuacuum ac reparabilem finitis. In primis autem & illos numero, qui nulli rei, nisi vino ac libidini vacant. nulli enim turpius occupati sunt: ceteri, etiam si vanâ gloriæ imagine teneantur, speciosè tamen errant. Licet auaros mihi, licet vel iracundos enumeres, vel odia exercentes iniusta, vel bella: omnes isti virilius peccant. in Venerem ac libidinem proectorum inhonesta labes est. Omnia istorum tempora excute: aspice quandiu computeant, quandiu insidiontur, quandiu timeant, quandiu colant, quandiu colantur, quantum vadimonia sua atque aliena occupent, quantum conuiuia, quæ iam ipsa officia sunt: videbis, quemadmodum illos respirare non sinant vel mala sua, vel bona. Denique inter omnes conuenit, nullam rem benè exerceri posse ab homine occupato: non eloquentiam, non liberales disciplinas: quando districtus animus nihil altius recipit, sed omnia velut inculcata respuit. Nihil minus est hominis oc-

cupati,quàm vivere:nullius rei difficilior est scientia.

CAP. VII. Professores aliarum artium vulgo multiq̃ue sunt.quasdam verò ex his pueri admodum ita percepisse visi sunt,vt etiam præcipere possent: Viuere totâ vitâ discendum est:& quod magis fortasse miraberis,totâ vitâ discendum est mori.Tot maximi viri, relictis omnibus impedi- mentis,cùm diuitiis,officiis,voluptatibus renunciaſſent,hoc vnum in extremam vs- que ætatem egerunt,vt viuere ſcirent:plu- res tamen ex his nondum ſe ſcire confeſſi, è vita abierunt,nedum vt iſti ſciant. Ma- gni,mihi crede,& ſupra humanos errores eminentis viri eſt,nihil ex ſuo tempore de- libari ſinere: & ideò vita eius longiſſima eſt,cui quantumcunque patuit,totum ip- ſi vacauit. Nihil inde incultum otioſum- q̃ue iacuit:nihil ſub alio fuit.neque enim quidquam reperit dignum,quod cum tem- pore ſuo permutaret,cuſtos eius parcissi- mus. Itaque ſatis illi fuit.his verò neces- ſe eſt deſuiſſe,ex quorum vita multum po- pulus tulit. Nec eſt quòd putes,hinc il- los non intelligere damnum ſuum.plerof- que certè audies ex his quos magna feli- citas grauat,inter clientium greges,aut cauſſarum aſtiones,aut ceteras honeſtas miſerias exclamare interdum: Mihi viuere non licher. Quidni non liceat? omnes illi qui te ſibi aduocant,tibi abducunt.

Ille reus quot dies abstulit? quot ille candidatus? quot illa anus, efferendis hereditibus lassâ? quot illê ad irritandam auaritiâ captantium simulatus ager? quot ille potentior amicus, qui vos non in amicitia, sed in apparatu habet? Dispunge, inquam, ac recense vitæ tuæ dies: videbis paucos admodum & reijculos apud te ressedisse. Assecutus ille quos optauerat fascès, cupit ponere, & subinde dicit: Quando hic annus præteribit? Facit ille ludos, quorum sortem sibi obtingere magno æstimauit: Quando, inquit, istos effugiam? Diripitur ille toto foro patronus, & magno concursu omnia, vltra quàm audiri potest complet, Quando, inquit, res proferentur? Præcipitat quisque vitam suam, & futuri desiderio laborat, præsentium tædio. At ille, qui nullum non tempus in vsus suos confert, qui omnes dies tamquam vitam ordinat, nec optat crastinum, nec timet. Quid enim est, quod iam vllâ hora nouæ voluptatis possit afferre? Omnia nota, omnia ad satietatem percepta sunt: de cetero, fors fortuna vt volet ordinet, vitâ iam in tuto est. Huic adjici potest, detrahi nihil; & adjici sic, quemadmodum saturo iam & pleno aliquid cibi, quod nec desiderat, nec capit.

CAP. VIII. Non est itaque quòd quemquam, propter canos aut rugas, putes diu vixisse. non enim illê diu vixit, sed diu

fuit. Quid enim? si illum multum putes nauigauisse, quem sæua tempestas à portu exceptum huc & illuc tulit, ac viribus ventorum ex diuerso furentium per eadem spatia in orbem egit? non ille multum nauigauit, sed multum iactatus est. Mirari soleo, cùm video aliquos tempus petere, & eos qui rogantur facillimos. Illud vterque spectat, propter quod tempus petitum est: ipsum quidem neuter. Quasi nihil petitur, quasi nihil datur: re omnium pretiosissimâ luditur. Fallit autem illos, quia res incorporalis est, quia sub oculos non venit: ideoque vilissima æstimatur, imò pænè nullum pretium eius est. Annua congiaria homines clarissimi accipiunt, & his aut laborem, aut operam, aut diligentiam suam locant: nemo æstimat tempus. vtuntur illo laxiùs, quasi gratuito. At eosdem ægros vide, si mortis periculum ad mortem est propiùs, medicorum genua tangentes; si metuunt capitale supplicium, omnia sua, vt viuant, paratos impendere: tanta in illis discordia affectuum est. Quòd si posset, quemadmodum præteritorum annorum cuiusque numerus proponi, sic futurorum: quomodo illi, qui paucos viderent superesse, trepidarent, quomodo illis parcerent? Atqui facile est, quamuis exiguum dispensare, quod certum est; id debet seruari diligentius, quod nescias quando deficiat. Nec est tamen,

quòd ignorare putes illos, quàm cara res sit. Dicere solent eis quos valdissimè diligunt, paratos se partem annorum suorum dare. Dant, nec intelligunt: dant autem ita, vt sine illorum incremento sibi detrahant: sed hoc ipsum an detrahant, nesciunt: ideò tolerabilis est illis iactura detrimenti latentis. Nemo restituet annos, nemo iterum te tibi reddet. Ibit quà cœpit ætas, nec cursum suum aut renocabit aut supprime: nihil tumultuabitur, nihil admonebit velocitatis suæ, tacita labetur. Non illa se regis imperio, non favore populi longiùs proferet. sicut iussa est, à primo die curret: nusquam diuertet, nusquam remorabitur. Quid fiet? tu occupatus es, vita festinat: mors interim ad-erit, cui, velis nolis, vacandum est.

C A P. I X. Potestne quisquam, dico, hominum eorum qui prudentiam iactant, & operosiùs occupati sunt, quàm vt meliùs possint viuere? Impendio vitæ vitam instruunt, cogitationes suas in longum ordinant: maxima porrò vitæ iactura, dilatio est. Illa primum quemque extrahit diem, illa eripit præsentia, dum vltiora promittit. Maximum viuendi impedimentum est, expectatio, quæ pendet ex crastino. Perdis hodiernum. quod in manu fortunæ positum est, disponis: quod in tuâ, dimittis. Quò spectas, quò te extendis? omnia quæ ventura sunt, in incerto ia-



cent : protinus viue. Clamat ecce maximus vates , & velut diuino furore instinctus salutare carmen canit :

*Optima quaque dies miseris mortalibus anni*

*Prima fugit.*

Quid cunctaris, inquit, quid cessas? Nisi occupas, fugit : cum occupaueris, tamen fugiet. Itaque cum celeritate temporis, vtendi velocitate certandum est. velut ex torrente rapido, nec semper casuro , citò hauriendum est. Hoc quoque pulcherrimè ad exprobrandam infinitam cogitationem, quòd non optimam quamque etatem, sed diem dicit. Quid securus , & in tantà temporum fugà lentus, menses tibi, & annos, & longam seriem, vtcunque auditati tuæ visum est, exporris? de die tecum loquitur , & de hoc ipso fugiente. Non dubium est ergo, quin prima quæque optima dies fugiat mortalibus miseris, id est, occupatis; quorum pueriles adhuc animos senectus opprimit, ad quam imparati inermesque veniunt. Nihil enim prouisum est: subitò in illam, nec opinantes inciderunt: accedere eam cottidie non sentiebant. Quemadmodum quos aut sermo, aut lectio, aut aliqua interior cogitatio iter facientes decipit, peruenisse se antè sciunt, quàm appropinquasse : ita hoc iter vitæ assiduum & citatissimum, quod dormientes vigilantesq; eodem gradu facimus, occupatis non apparet, nisi in fine.

CAP. X. Quod proposui, si in partes velim & argumenta diducere, multa mihi occurrent, per quæ probem breuissimam esse occupatorum vitam. Solebat dicere Fabianus, non ex his cathedrariis philosophis, sed ex veris & antiquis, contra affectus impetu, non subtilitate pugnandum, nec minutis vulneribus, sed incursum auertendam aciem. Sugillationem enim retundi debere, non vellicari. Tamen ut illis error exprobretur suus, docendi, non tantum deplorandi sunt. In tria tempora vita diuiditur: quod est, quod fuit, & quod futurum est. Ex his, quod agimus, breue est: quod acturi sumus, dubium: quod egimus, certum. Hoc est enim, in quod fortuna ius perdidit, quod in nullius arbitrium reduci potest. Hoc amittunt occupati. nec enim illis vacat præterita respicere: & si vacet, iniucunda est poenitendæ rei recordatio. Inuiti namque ad tempora malè exacta animum reuocant, nec audent ea retentare, quorum vitia etiam quæ aliquo præsentis voluptatis lenocinio subripiebantur, retractando patescunt. Nemo, nisi à quo omnia acta sunt sub censurâ suâ, quæ nunquam fallitur, libenter se in præteritum retorquet. Ille qui multa ambitiosè concupiit, superbè contempsit, impotenter vicit, insidiosè decepit, auarè rapuit, prodigè effudit, necesse est memoriâ suam timeat. Arqui hæc est

pars temporis nostri sacra ac dedicata, omnes humanos casus supergressa, extra regnum fortunæ subducta: quam non inopia, non metus, non morborum incurfus exagitat. Hæc nec turbari, nec eripi potest: perpetua eius, & intrepida possessio est. Singuli tantum dies, & hi per momenta præsentis sunt: at præteriti temporis omnes, cum iusseris, aderunt, ad arbitrium tuum se inspicere ac detineri patientur: quod facere occupatis non vacat. Securæ & quietæ mentis est, in omnes vitæ suæ partes discurrere: occupatorum animi velut sub iugo sunt, flectere se ac respicere non possunt. Abiit igitur vita eorum in profundum, & ut nihil prodest, quantumlibet ingeras, si non subest quod excipiat, ac seruet: sic nihil refert, quantum temporis detur, si non est ubi subsidat. per quassos foratosque animos transmittitur. Præsens tempus, breuissimum est, adeo quidem, ut quibusdam nullum videatur: in cursu enim semper est. fluit & præcipitatur: antè definit esse, quàm venit: nec magis moram patitur, quàm mundus, aut sidera, quorum irrequieta semper agitatio, nunquam in eodem vestigio manet. Solum igitur ad occupatos præsens pertinet tempus: quod tam breue est, ut arripi non possit, & id ipsum illis, districtis in multa, subducitur.

CAP. XI. Denique vis scire, quàm

non diu uiuant? vide quàm cupiant diu viuere. Decrepiti senes paucorum annorum accessionem votis mendicant. minores natu seipſos eſſe fingunt: mendacio ſibi blandiuntur: & tam libenter fallunt, quàm ſi fata vnà decipiant. Iam verò cùm illos aliqua imbecillitas mortalitatis admonuit; quemadmodum pauentes moriuntur, non tanquam exeant de vita, ſed tanquam extrahantur? ſtultos ſe fuiſſe, quòd non vixerint, clament, & ſi modò euaserint ex illa valetudine, in otio victuros. Tunc quàm fruſtrà parauerint, quibus non fruerentur, quàm incuſſum omnis labor ceciderit, cogitant. At quibus vita procul ab omni negotio agitur, quid ni ſpatioſa ſit? nihil ex illa delegatur, nihil aliò atque aliò ſpargitur, nihil inde fortunæ traditur, nihil negligentia interit, nihil largitione detrahitur, nihil ſuperuacuum eſt: tota (vt ita dicam) in reditu eſt. Quantulacunque itaque abundè ſufficit: & ideò quodocunque vltimus dies venerit, non cunctabitur vir ſapiens ire ad mortem certo gradu. Queris fortè, quos occupatos vocem? non eſt quòd me ſolos putes dicere, quos à baſilica immiſſi demum canes eiſciunt; quos aut in ſuâ vides turbâ ſpecioſius elidi, aut in alienâ contemptius; quos officia domibus ſuis euocant, vt alienis foribus illidant; quos baſta prætoris infami lucro, & quandoque ſup;

puraturo, exercet. Quorundam otium occupatum est. in villâ, aut in lecto suo, in mediâ solitudine, quamvis ab omnibus recesserunt, sibi ipsi molesti sunt: quorundam non otiosa vita est dicenda, sed desidiosa occupatio.

CAP. XII. Illum tu otiosum vocas, qui Corinthia paucorum furore pretiosa, anxiam subtilitate concinnat, & maiorem dierum partem in æruginosis lamellis consumit? qui in ceromate (nam, proh facinus, ne Romanis quidem vitis laboramus) spectator puerorum rixantium sedet? qui victorum suorum greges in ætatum & colorum paria diducit? qui athletas nouissimos pascit? Quid? illos otiosos vocas, quibus apud tonsorem multæ horæ transmittuntur, dum decerpitur, si quid proximâ nocte succreuit, dum de singulis capillis in cõsiliu itur, dum aut disiecta coma restituitur, aut deficiens hinc atque illinc in frontem compellitur? Quomodo irascuntur, si tonsor paullo negligentior fuit? tanquam virum tonderet. Quomodo excandescunt, si quid ex iuba sua decisum est, si quid extra ordinem iacuit, nisi omnia in anulos suos reciderunt? Quis est istorum, qui non malit rempublicam turbari, quàm comam suam? qui non sollicitior sit de capitis sui decore, quàm de salute? qui non comprior esse malit, quàm honestior?

Hos tu otiosos vocas, inter pestilentem speculumque occupatos? Quid illi, qui in componendis, audiendis, discendis canticis operati sunt: dum vocem cuius rectum cursum natura & optimum & simplicissimum fecit, inflexu modulationis inerrissimæ torquent? Quorum digiti aliquod inter se carmen mercentes semper sonant: quorum cum ad res ferias, sapienter & tristes, adhibiti sunt, præauditur tacita modulatio? non habent isti otium, sed iners negotium. Conuiuia mehercule horum non posuerim inter vacantiæ tempora, cum videam quàm solipiti argentum ordinent, quàm diligenter exoletorum suorum tunicas succingant, quàm suspensi sint, quomodo aper à coco exeat: quantâ celeritate, signo dato, glabri ad ministeria discurrant: quantâ arte scindantur aues in frustra non enormia: quàm curiosè infelices pueruli ebriorum sputa detergeant. Ex his elegantia laetitiaeque fama captatur, & vsque eò in omnes vitæ successus mala sua illos sequuntur, ut nec bibant sine ambitione, nec edant. Nec illos quidem inter otiosos numeraueris; qui sellâ se & lecticâ huc & illuc ferunt, & ad gestationum suarum, quasi deserere illas non liceat, horas occurrunt: quos, quando lauari debeant, quâdo natâre, quando cœnare; alius admonet: & vsque eò nimio delicati animi languore soluuntur,

ut per se scire non possint, an esuriant? Audio quemdam ex delicatis ( si modò deliciæ vocandæ sunt, vitam & consuetudinem humanam dediscere ) cum ex balneo inter manus elatus, & in sellâ positus esset, dixisse interrogando, Iam sedeo? Hunc tu ignorantem an sedeat, putas scire an viuatur, an videatur, an otiosus sit? Non facile dixerim, utrùm magis miserear, si hoc ignorauit, an si se ignorare finxit. Multarum quidem rerum obliuionem sentiunt, sed multarum & imitantur: quædam vitia illos, quasi felicitatis argumenta, delectant. Nimis humilis & contempti hominis esse videtur, scire quid faciat. I nunc, & mimos multa mentiri ad exprobrandam luxuriam putata. Plura mehercule prætereunt quam fingunt: & tanta incredibilium vitiatorum copia, ingenioso in hoc vnum sæculo, processit, ut iam mimorum arguere possimus negligentiam. Esse aliquem, qui usque eo deliciis interierit, ut an sedeat, alteri credat?

C A P. X I I I. Non est ergo otiosus hic: aliud nomen imponas. æger est, imò mortuus est. Ille otiosus est, cui otii sui sensus est: hic verò semiuiuus, cui ad intelligendos corporis sui habitus indice opus est. quomodo potest hic alicuius temporis dominus esse? persequi singulos longum est: quorum aut latrunculi,

aut pila; aut excoquendi in sole corporis cura, consumpsere vitam. Non sunt otiosi, quorum voluptates multum negotium habent. Nam de illis nemo dubitabit, quin operosè nihil agant; qui in litterarum inutilium studiis detinentur: quæ iam apud Romanos quoque magna manus est. Græcorum iste morbus fuit, quæ-  
rere quem numerum remigum Ulixes habuisset: prior scripta esset Ilias, an Odyssea: præterea an eiusdem esset auctoris. Alia deinceps huius notæ: quæ siue cõtineas, nihil tacitam conscientiam iuant; siue proferas, non doctior videberis, sed molestior. Ecce Romanos quoque inuasit inane studium superuacua discendi. His diebus audiui quemdam sapientem referentem, quæ primus quisque ex Romanis ducibus fecisset. Primus naturali prælio Duillius vicit, primus Curius dentatus in triumpho duxit elephantos. Etiamnum ista, & si ad veram gloriã non tendunt, circa ciuiliũ tamen operum exempla versantur. Non est profutura talis scientia: est tamen quæ nos speciosa rerum vanitate detineat. Hoc quoque quærentibus remittamus, quis Romanis primus persuasit nauem conscendere? Claudius is fuit: Caudex ob hoc ipsum appellatus, quia plurium tabularum contextus, caudex apud antiquos vocabatur: vnde publicæ tabulæ, codices



dicuntur : & naues, nunc quoque, quæ ex antiquâ consuetudine per Tiberim com-  
meatus subuehunt, caudicariæ vocantur.  
Sanè & hoc ad rem pertineat, quòd Vale-  
rius Corvinus primus Messanam vicit, &  
primus ex familia Valeriorum, vrbis ca-  
ptæ in se translato nomine Messana ap-  
pellatus est, paulatimque vulgò permutan-  
te litteras, Messalla dictus est. Num & hoc  
quemquam curare permittas, quòd pri-  
mus L. Sulla in circo leones solutos de-  
dit, cum alioquin alligari darentur, ad  
conficiendos eos missis à rege Boccho ia-  
culatoribus? & hoc sanè remittatur. Num  
& Pompeium primum in circo elephanto-  
rum duodeviginti pugnam edidisse, com-  
missis more prælij noxiis hominibus, ad  
vllam rem bonam pertinet? Princeps ciui-  
tatis, & inter antiquos principes, vt fama  
tradidit, bonitatis eximie, memorabile  
putauit spectaculi genus, nouo more per-  
dere homines. Depugnant? parum est: lan-  
cinantur? parum est: ingenti mole anima-  
lium obterantur. Satiùs erat ista in obli-  
uionem ire, ne quis postea potens disce-  
ret, inuideretque rei minimè humanæ.

CAP. XIV. O quantum caliginis men-  
tibus humanis obijcit magna felicitas! il-  
le se supra rerum naturam esse tunc credi-  
dit, cum tot miserorum hominum cater-  
uas, sub alio cælo natis beluis obijceret;  
cum bellum inter tam disparia animalia

committeret; cū in conspectu populi  
 Romani multum sanguinis funderet; mox  
 plus ipsum fundere coactus. At idem  
 postea Alexandrinā perfidiā deceptus, vl-  
 timo mancipio transfodiendum se præ-  
 buit, tum demum intellectā inani iacta-  
 tione cognominis sui. Sed vt illò reuer-  
 tar, vnde decessi, & in aliā materiā osten-  
 dam superuacuam quorundam diligen-  
 tiam: idem narrabat, Metellum victis in  
 Sicilia Pœnis, triumphantem, vnum om-  
 nium Romanorum ante currum centum  
 & viginti captiuos elephantos duxisse:  
 Sullam, vltimum Romanorum protulisse  
 pomœrium, quod nunquam provinciali,  
 sed Italico agrò acquisito mos proferre  
 apud antiquos fuit. Hoc scire magis pro-  
 dest, quàm Auentinum montem extra po-  
 mœrium esse, vt ille affirmabat, propter  
 alteram ex duabus causis: aut quòd plebs  
 eò secessisset, aut quòd Remo auspicante  
 illo loco aues non addixissent. Alia dein-  
 ceptis innumerabilia quæ aut ficta sunt, aut  
 mendacij similia. Nam vt concedas om-  
 nia eos fide bonā dicere, vt ad præstatio-  
 nem scribant: ramen cuius ista errores  
 minuunt? cuius cupiditates prement? quem  
 fortio rem, quem iustio rem, quem libera-  
 rio rem facient? Dubitare se interim Fa-  
 bianus noster aiebat, an satius esset nullis  
 studiis admoueri, quàm his implicari. Soli  
 omnium otiosi sunt, qui sapientiæ vacant:

soli viuunt, nec enim suam tantum ætatem  
 benè tuentur : omne æuum suo adiiciunt.  
 Quidquid annorum ante illos actum est,  
 illis acquisitum est. Nisi ingratissimi sumus,  
 illi clarissimi sacrarum opinionum con-  
 ditores, nobis nati sunt, nobis vitam præ-  
 parauerunt. Ad res pulcherrimas, ex tene-  
 bris ad lucem erutas, alieno labore deduci-  
 mur: nullo nobis sæculo interdictum est:  
 in omnia admittimur : & si magnitudine  
 animi egredi humanæ imbecillitatis an-  
 gustias libet, multum per quod spatiemur  
 temporis est. Disputare cum Socrate licet,  
 dubitare cum Carneade, cum Epicuro  
 quiescere, hominis naturam cum Stoicis  
 vincere, cum Cynicis excedere, cum rerum  
 naturam in consortium omnis æui pariter  
 incedere. Quidni ab hoc exiguo & cadu-  
 co temporis transitus, in illa nos toto de-  
 mus animo, quæ immensa, quæ æterna  
 sunt; quæ cum melioribus communia? Isti  
 qui per officia discursant, qui se aliosque  
 inquietant; cum benè insanierint, cum  
 omnium limina quotidie perambulaue-  
 rint, nec ullas apertas fores præterierint,  
 cum per diuersas domos meritoriam salu-  
 tationem circumtulerint: quotumquem-  
 que ex tam immensa, & variis cupiditati-  
 bus districta, vrbe poterunt videre? quàm  
 multi erunt; quorum illos aut somnus,  
 aut luxuria, aut inhumanitas submoueat?  
 quàm multi, qui illos, cum diu torserint,  
 simulatâ

simulatâ festinatione transcurrant? quàm multi per refertum clientibus atrium prodire vitabunt, & per obscuros ædium aditus profugient? quasi non inhumanius sit decipere, quàm excludere. quàm multi hesternâ crapulâ semisomnes & graues, illis miseris somnum suum rumpentibus, vt alienum expectent, vix alleuatis labiis infusurratum millies nomen, oscitatione superbissimâ reddent? Hos in veris officiis morari licet dicamus, qui Zenonem, qui Pythagoram quotidie, & Democritum, ceterosque antistites bonarum artium, qui Aristotelem & Theophrastum volent habere quamfamiliarissimos. nemo horum non vacabit, nemo non venientem ad se beatiorē, amantiorēque sui dimittet, nemo quemquam vacuis à se manibus abire patietur. Nocte conueniri, & interdiu, ab omnibus mortalibus possunt. Horum te mori nemo coget, omnes docebunt: horum nemo annos tuos conteret, suos tibi contribuet: nullius ex his sermo periculosus erit, nullius amicitia capitalis, nullius sumptuosa observatio.

CAP. XV. Feres ex his, quidquid voles: per illos non stabit, quo minus quantum plurimum ceperis, haurias. Quæ illum felicitas, quàm pulchra senectus manet, qui se in horum clientelam contulit? habebit cum quibus de minimis maxi-

miſque rebus deliberet, quos de ſe quoti-  
die conſulat, à quibus audiat verum ſine  
contumelia, laudetur ſine adulatione; ad  
quorum ſe ſimilitudinem effingat. Sole-  
mus dicere, non fuiſſe in noſtrâ poteſtate,  
quos ſortiremur parentes: ſorte nobis da-  
tos. nobis verò ad noſtrum arbitrium na-  
ſci licet. Nobiliſſimorum ingeniorum fa-  
milix ſunt. elige in quam adſciſci velis:  
non in nomen tantum adoptaberis, ſed in  
ipſa bona. quæ non erunt ſordide nec ma-  
lignè cuſtodienda: maiora fient, quò illa  
pluribus diuiſeris. Hi tibi dabunt ad eter-  
nitatem iter, & te in illum locum, ex quo  
nemo eiſciet, ſubleuabunt: hæc vna ratio  
eſt extendendæ mortalitatis, imò in im-  
mortalitatem vertendæ. Honores, mo-  
numenta, quidquid aut decretis ambitio  
iuſſit, aut operibus exſtruxit, citò ſubrui-  
tur: nihil non longa demolitur vetuſtas,  
& mouet ociùs, quod conſecrauit. Sa-  
pientiæ noceri non poteſt. nulla delebit  
ætas præſens, nulla diminuet ſequens, ac  
deinde ſemper vltior aliquid ad vene-  
rationem conferet. quoniam quidem in  
vicino verſatur inuidia: ſimpliciùs longè  
poſita miramur. Sapientis ergo multum  
patet vita: non idem illum qui ceteros  
terminus includit. ſolus generis humani  
legibus ſoluitur: omnia illi ſcæcula, vt Deo  
ſeruiunt. Tranſiuit tempus aliquod? hoc  
recordatione comprehendit. inſtat? hoc

vitur. venturum est? hoc præcipit. Longam illi vitam facit, omnium temporum in vnum collatio. Illorum breuissima ac sollicitissima ætas est, qui præteritorum obliuiscuntur, præsentia negligunt, de futuro timent: cum ad extrema venerint, serò intelligunt miseri, tandiu se, dum nihil agunt, occupatos fuisse.

C A P. X V I. Nec est quòd hoc argumento probari putes, longam illos agere vitam, quia interdum mortem inuocant. Vexat illos imprudentia incertis affectibus, & incurrentibus in ipsa quæ metuunt. mortem sæpè ideò optant, quia timent. Illud quoque argumentum non est, quod putes diu viuentium, quòd sæpè illis longus videtur dies: quòd dum veniat condictum tempus cœnæ, tardè ire horas queruntur. nam si quando illos deserunt occupationes, in otio relictæ æstuant, nec quomodo id disponant, aut extrahant, sciunt. Itaque ad occupationem aliquam tendunt, & quod interiacet, omne tempus graue est: tam mehercules, quàm cum dies muneris gladiatorij edictus est, aut cum alicuius alterius vel spectaculi vel voluptatis expectatur constitutum, transilire medios dies volunt. Omnis illis speratæ rei longa dilatio est. At illud tempus, quod amant, breue est, & præceps, breuiusque multo fit suo vitio: aliunde enim aliò transfugiunt, & consistere in vnâ cu-

piditate non possunt. non sunt illis longi dies, sed inuisi. At contrà, quàm exiguæ noctes videntur, quas in complexu scortorum, aut vino exigunt? inde etiam poetarum furor, fabulis humanos errores alentium, quibus visus est Iupiter, volupate concubitus delenitus, duplicasse noctem. Quid aliud est vitia incendere, quàm auctores illis inscribere deos, & dare morbo, exemplo diuinitatis, excusatam licentiam? Possunt istis non breuissimæ videri noctes, quas tam carè mercantur? diem noctis expectatione perdunt, noctem lucis meru. Ipsæ voluptates eorum trepidæ, & variis terroribus inquietæ sunt, subitque cum maximè exsultantes sollicita cogitatio: Hæc quàm diu? Ab hoc affectu reges suam fleuere potentiam: nec illos magnitudo fortunæ suæ delectauit, sed venturus aliquando finis exterruit. Cum per magna camporum spatia porrigeret exercitum, nec numerum eius, sed mensuram comprehenderet Persarum rex insolentissimus, lacrimas fudit, quòd intra centum annos nemo ex tanta inuentute superfuturus esset. At illis erat admoturus fatum ille ipse, qui flebat, perditurusque alios in terra, alios in mari, alios in prælio, alios in fuga, & intra exiguum tempus consumpturus illos, quibus centesimum annum timebat.

C A P. X V I I. Quid, quòd gaudia

quoque eorum trepida sunt? non enim solidis caussis innituntur, sed eâdem quâ oriuntur, vanitate turbantur. Qualia autem putes tempora esse, etiam ipsorum confessione misera: cùm hæc quoque, quibus se attollunt, & supra hominem effe-  
runt, parùm sincera sint? Maxima quæque bona sollicita sunt: nec ulli fortunæ mi-  
nùs benè, quàm optimæ, creditur. Aliâ felicitate ad tuendam felicitatem opus  
est: & pro ipsis, quæ successerunt votis, vo-  
ta facienda sunt. Omne enim, quod for-  
tuitò evenit, instabile est: quò altiùs sur-  
rexit, vergit proniùs in occasum. nemi-  
nem porro casura delectant. Miserrimam  
ergo necesse est, non tantùm breuissimam,  
vitam eorum esse, qui magno parant la-  
bore, quod maiore possideant. operosè  
assequuntur quæ volunt, anxij tenent quæ  
assecuti sunt. Nulla interim nunquam  
ampliùs redituri temporis est ratio. No-  
uè occupationes veteribus substituuntur,  
spes spem excitat, ambitionem ambitio:  
miseriarum, non finis quæritur, sed mate-  
ria mutatur. Nostri nos honores torse-  
runt? plus temporis alieni auferunt. Can-  
didati laborare desuimus? suffragatores  
incipimus. Accusandi deposuimus mole-  
stiam? iudicandi nanciscimur. Iudex de-  
siit esse? quæsitore est. Alienorum bono-  
rum mercenariâ procuracione consenuit?  
suis opibus detinetur. Marium caliga di-



misit? consulatus exercet. Quintius dictaturam properat euadere? ab aratro reuocabitur. Ibit in Pœnos nondum tantæ maturus rei Scipio, victor Hannibalis, victor Antiochi, sui consularis decus, fraterni sponsor: ni per ipsum mora sit, cum Ioue reponetur? ciuiles seruatorem agitant seditiones, & post fastiditos à iuuenæ diis æquos honores, iam senem contumacis exilij delectabit ambitio. Nunquam deerunt vel felices, vel miseræ solitudinis causæ: per occupationes intercludetur otium: nunquam agetur, semper optabitur.

CAP. XVIII. Excerpe itaque te vulgo, Paulline carissime, & in tranquilliorem portum, non pro ætatis spatio iactatus, tandem recede. Cogita quot fluctus subieris, quot tempestates partim priuatas sustinueris, partim publicas in te conuerteris. Satis iam per laboriosa & inquieta documenta exhibita virtus est: experire quid in otio faciat. Maior pars ætatis, certè melior, Reipub. data sit: aliquid temporis tui sume etiam tibi. Nec te ad segnem aut inertem quietem voco: non ut somno, & caris turbæ voluptatibus, quidquid est in te indolis viuæ, demergas. Non est istud quiescere. inuenies maiora omnibus adhuc strenuè tractatis operibus, quæ repositus & securus agites. Tu quidem orbis terrarum rationes ad-

ministras, tam abstinenter quàm alienas, tam diligenter quàm tuas, tam religiosè quàm publicas. in officio amorem consequeris, in quo odium vitare difficile est: sed tamen, mihi crede, satius est vitæ suæ rationes, quàm frumenti publici nosse. Istum animi vigorem, rerum maximarum capacissimum, à ministerio honorifico quidem, sed parùm ad beatam vitam apto, ad te reuoca: & cogita, non id egisse te ab ætate primâ, omni cultu studiorum liberalium, vt tibi multa millia frumenti committerentur. maius quiddam & altius de te promiseras. Non deerunt & frugalitatis exactæ homines, & laboriosæ operæ. Tanto aptiora exportandis oneribus tarda iumenta sũnt, quàm nobiles equi: quorum generosam pernicitatem quis vnquam graui sarcinâ pressit? Cogita præterea, quantum sollicitudinis sit, ad tantam te molem obijcere. cum ventre humano tibi negotium est: nec rationem patitur, nec equitate mitigatur, nec vllâ prece flectitur populus esuriens. Modò intra paucos illos dies, quibus C. Cæsar periiit, si quis inferis sensus est, hoc grauissimè ferens, quòd decedebat populo Romano supersistere, septem aut octo certè dierum cibaria superesse, dum ille pontes nauibus iungit, & viribus imperij ludit. aderat vltimum malorum obsessis quoque, alimentorum egestas. Exitio pænè

ac fame constitit, & quæ famem sequitur rerum omnium ruinâ, furiosi, & externi, & infelicitèr superbi regis imitatio. Quem tunc animum habuerunt illi, quibus erat mandata frumenti publici cura? ferrum, faxes, ignes, Caium excepturi, summâ dissimulatione tantum inter viscera latentis mali tegebant: cum ratione scilicet. Quædam enim ignorantibus ægris curanda sunt. causa multis moriendi fuit, morbum suum nosse.

CAP. XIX. Recipe te ad hæc tranquilliora, tutiora, maiora. Simile tu putas esse, vtrum cures, vt incorruptum à fraude aduehentium & negligentiam frumentum transfundatur in horrea, ne concepto humore vitietur, & concrescat, vt ad mensuram pondusque respondeat: an ad hæc sacra & sublimia accedas, sciturus quæ natura sit diis, quæ voluntas, quæ conditio, quæ forma? quis animum tuum casus expectet, vbi nos à corporibus dimissos natura componat? quid sit, quod huius mundi grauissima quæque in medio sustineat, supra leuia suspendat, in summum ignem ferat, sidera cursibus suis excitet? Cetera deinceps ingentibus plena miraculis. Vis tu, relicto solo, mente ad ista respicere? nunc dum calet sanguis, vigentibus ad meliora eundum est. Expectat te in hoc genere vitæ multum bonarum artium, amor virtutum atque usus,

cupiditatum obliuio, viuendi atque moriendi scientia, alta rerum quies. Omnium quidem occupatorum conditio misera est: eorum tamen miserrima, qui ne suis quidem occupationibus laborant. ad alienum dormiunt somnum, ad alienum ambulant gradum, ad alienum comedunt appetitum; amare & odisse, res omnium liberrimas, iubentur. Hi si velint scire, quàm breuis ipsorum vita sit, cogitent, ex quotâ parte sua sit. Cùm videris itaque prætextam sæpè iam sumptam, cùm celebre in foro nomen, non inuideris. ista vitæ damno parantur: vt vnus ab illis numeretur annus, omnes annos suos contemnerent. Quosdam, cùm in summum ambitionis eniterentur, inter prima luctantes, ætas reliquit: quosdam cùm in consummationem dignitatis per mille indignitates crepississent, misera subiit cogitatio, ipsos laborasse in titulum sepulcri: quorumdam vltima senectus, dum in nouas spes vt iuuenta disponitur, inter conatus magnos & improbos, inualida defecit.

C A P. XX. Fœdus ille, quem in iudicio pro ignotissimis litigatoribus grandẽ natu, & imperitæ coronę assentationes captantem, spiritus liquit. turpis ille, qui viuendo lassus citiùs quàm laborando, inter ipsa officia collapsus est. turpis, quem accipiendis immorientem rationibus, diu tractus risit heres. Præterire quod mihi

occurrit exemplum, non possum. Turannius fuit exactæ diligentiae senex: qui post annum nonagesimum, cum vacationem procurationis à C. Cæsare ultro accepisset, componi se in lecto, & velut exanimem à circumstante familiâ plangi iussit. Lugebat domus otium domini senis, nec finivit antè tristitiam, quàm labor illi suus restitutus est. Adeone iuuat occupatum mori? Idem plerisque animus est: diutiùs cupiditas illis laboris, quàm facultas est: cum imbecillitate corporis pugnant: senectutem ipsam nullo alio nomine grauem iudicant, quàm quòd illos seponit. Lex à quinquagesimo anno militem non cogit, à sexagesimo senatorem non citat; difficiliùs homines à se otium impetrant, quàm à lege. Interim dum rapiuntur & rapiunt, dum alter alterius quietem rumpit, dum mutuò sunt miseri, vita est sine fructu, sine voluptate, sine ullo profectu animi: nemo in conspicuo mortem habet, nemo non procul spes intendit. Quidam verò disponunt etiam illa quæ ultra vitam sunt, moles magnas sepulcrorum, & operum publicorum dedicationes, & ad rogum munera, & ambiciosas exsequias. At mehercule istorum funera, tanquam minimum vixerint, ad faces & ad cereos ducenda sunt.

## L. ANNÆI SENECAE

## DE VITA BEATA

AD GALLIONEM FRATREM,

LIBER VNVS.

## CAPVT I.

**I**VERE, Gallio frater, omnes beatè volunt : sed ad peruidendum, quid sit quod beatam vitam efficiat, caligant. Adeoque non est facile consequi beatam vitam, vt ab ea quisque eò longiùs recedat, quò ad illam citatiùs fertur, si viâ lapsus est: quæ vbi in contrarium ducit, ipsa velocitas maioris internalli causa fit. Proponendum est itaque primùm, quid sit quod petamus: tunc circumspectiendum est, quà contendere illò celerrimè possimus: intellectu in ipso itinere, si modò rectum erit, quātum quotidie profigetur, quantoque propiùs ab eo simus, ad quod nos cupiditas naturalis impellit. Quādiu quidem passim vagamur, non ducem secuti, sed fremitum & clamorem dissonum in diuersa vocantium, conteritur vita inter errores, brevis, etiam si dies noctesque bonæ menti laboremus. Decernatur itaque & quò tendamus, & quà: non sine perito aliquo, cui explorata sint ea, in quæ procedimus. Quoniam quidem non

eadem hîc , quæ in ceteris peregrinationibus , conditio est. In illis comprehensus aliquis limes , & interrogati incolæ , non patiuntur errare: at hîc tritissima quæque via , & celeberrima, maximè decipit. Nihil ergo magis præstandum est , quàm ne , pecorum ritu , sequamur antecedentium gregem, pergentes non quàm eundum est, sed quàm itur. Atqui nulla res nos maioribus malis implicat, quàm quòd ad rumorem componimur: optima rati ea, quæ magno assensu recepta sunt , quorumque exempla nobis multa sunt : nec ad rationem, sed ad similitudinem vivimus. Inde ista tanta coaceruatio aliorum supra alios ruentium. Quod in strage hominum magnâ euenit , cû ipse se populus premit, nemo ita cadit , vt non alium in se attrahat; primi exitio sequentibus sunt: hoc in omni vitâ accidere, videas licet. nemo sibi tantùm errat , sed alij erroris causa & auctor est. Nocet enim applicari antecedentibus: & dum vnusquisque mauult credere, quàm iudicare , nunquam de vita iudicatur, semper creditur: versatque nos & præcipitat traditus per manus error, alienisque perimus exemplis. Sanabimur , si modò separemur à cœtu : nunc verò stat contra rationem, defensor mali sui, populus. Itaque idem euenit, quod in comitiis, in quibus eos factos prætores iidem qui fecere mirantur, cùm se mobilis fauor cir-

cum egit. Eadem probamus, eadem reprehendimus. hic exitus est omnis iudicii, in quo lis secundum plures datur.

CAP. II. Cùm de beatâ vitâ agitur, non est quòd mihi illud discessionum more respondeas: Hæc pars maior esse videtur. Ideò enim peior est. Non tam bene cum rebus humanis agitur, ut meliora pluribus placeant: argumentum pessimi, turba est. Quæramus quid optimè factum sit, non quid vñtatissimum: & quid nos in possessione felicitatis æternæ constituat, non quid vulgo, veritatis pessimo interpreti, probatum sit. Vulgum autem tam chlamydatos, quàm coronam voco. Non enim colorem vestium, quibus prætexta corpora sunt, aspicio: oculis de homine non credo. habeo melius certiusque lumen, quo à falsis vera diiudicem. Animi bonum, animus inueniat. Hic, si vnquam illi respirare & recedere in se vacauerit; ô quàm sibi ipse verum, tortus à se, fatebitur, ac dicet! Quidquid feci adhuc, infectum esse mallem: quidquid dixi, cùm recogito, in multis video: quidquid optavi, inimicorum execrationem puto: quidquid timui, dii boni, quanto melius fuit, quàm quod concupiui? Cum multis inimicitias gessi, & in gratiâ ex odio (si modò vlla inter malos gratia est) redij: mihi ipsi nondum amicus sum. Omnem operam dedi, ut me multitudini educerem, & ali-



quâ dote notabilem facerem : quid aliud quàm telis me opposui , & maleuolentiæ quod morderet ostendi ? Vides tu istos , qui eloquentiam laudant , qui opes sequuntur , qui gratiæ adulantur , qui potentiam extollunt : omnes aut sunt hostes , aut (quod in æquo est) esse possunt. Quàm magnus mirantium , tam magnus inuidientium populus est.

CAP. III. Quin potiùs quæro aliquid vsu bonum , quod sentiam , non quod ostendam : ista quæ spectantur , ad quæ consistitur , quæ alter alteri stupens monstrat , foris nitent , introrsus misera sunt. Quæramus aliquid non in speciem bonum , sed solidum & æquabile , & à secretiore parte formosius. Hoc eruamus . nec longè positum est ; inuenietur : scire tantùm opus est , quò manum porrigas. Nunc velut in tenebris vicina transimus , offensantes in ipsa , quæ desideramus. Sed ne te per circuitus traham , aliorum quidem opiniones præteribo : nam & enumerare illas longum est , & coarguere. nostram accipe. Nostram verò cum dico , non alligo me ad vnum aliquem ex Stoicis proceribus : est & mihi censendi ius. Itaque aliquem sequar , aliquem iubebo sententiam diuidere : fortasse & post omnes citatus ; nihil improbabo ex his quæ priores decreuerint , & dicam : Hoc amplius censeo. Interim , quod inter omnes Stoicos con-

uenit, rerum naturæ assentior. ab illa non deerrare, & ad illius legem exemplumque formari, sapientia est. Beata est ergo vita, conueniens naturæ suæ: quæ non aliter contingere potest, quàm si primum sana mens est, & in perpetuâ possessione sanitatis suæ. Deinde, si fortis ac vehemens, tum pulcherrima & patiens, apta temporibus, corporis sui pertinentiumque ad id curiosa; non anxie tamen: rerum quæ vitam instruunt, diligens, sine admiratione cuiusquam: vsura fortunæ muneribus, non seruitura: Intelligis, etiam si non adiciam, sequi perpetuam tranquillitatem, libertatem: depulsis his, quæ aut irritant nos, aut territant. Nam pro voluptatibus, & pro illis quæ parua ac fragilia sunt, & in ipsis flagitiis noxia, ingens gaudium subit, inconcussum, & æquabile: tum pax & concordia animi, & magnitudo cum mansuetudine. Omnis enim ex infirmitate feritas est.

C A P. I V. Potest aliter quoque defini bonum nostrum, id est, eâdem sententiâ, non iisdem comprehendendi verbis. Quemadmodum idem exercitus modò latius panditur, modò in angustum coarctatur, & aut in cornua, sinuatâ mediâ parte, curuatur, aut rectâ fronte explicatur: vis illi, vtrunque ordinatus est, eadem est, & voluntas pro eisdem partibus standi: ita definitio summi boni aliàs diffun-

di potest & exporrigi, aliàs colligi, & in se cogi. Idem itaque erit, si dixerò: Summum bonum est, animus fortuita despicieus, virtute lætus: aut, Inuicta vis animi, perita rerum, placida in actu, cum humanite multâ, & conuersantium curâ. Libet & ita definire, vt beatum dicamus hominem eum, cui nullum bonum malumque sit, nisi bonus malusque animus: honesti cultor, virtute contentus, quem nec extollant fortuita, nec frangant: qui nullum maius bonum eo, quod sibi ipse dare potest, nouerit: cui veravoluptas erit, voluptatum contemptio. Licet, si euagari velis, idem in aliam atq; aliam faciem, saluâ & integrâ potestate, transferre. Quid enim prohibet nos beatam vitam dicere, liberum animum, & erectum, & interritum ac stabilem, extra metum, extra cupiditatem positum? cui vnum bonum honestas, vnum malum turpitudine? Cetera vilis turba rerum, nec detrahens quicquam beatę vitæ, nec adiiciens, sine auctu ac detrimento summi boni veniens ac recedens. Hunc ira fundatum necesse est, velit nolit, sequatur hilaritas continua, & lætitia alta atque ex alto veniens, vt quæ suis gaudeat, nec maiora domesticis cupiat. Quidni ista penset benè cum minutis, & friuolis, & non perseuerantibus corpusculi motibus? quo die infra voluptatem fuerit, & infra dolorem erit.

CAP. V. Vides autem, quàm malam & noxiam seruitutem seruiturus sit, quem voluptates doloresque, incertissima dominia, impotentissimaque, alternis possidebunt. Ergo ex eundem ad libertatem est: hanc non alia res tribuit, quàm fortunæ negligentia. Tum illud orietur inestimabile bonum, quies mentis in tuto collocatæ, & sublimitas: expulsisque terroribus, ex cognitione veri gaudium grande & immotum, comitasque & diffusio animi: quibus delectabitur non ut bonis, sed ut ex bono suo ortis. Quoniam liberaliter agere cœpi, potest beatus dici, qui nec cupit, nec timet, beneficio rationis. Quoniam & saxa timore & tristitiâ carent, nec minùs pecudes: non ideo tamen quisquam felicia dixerit, quibus non est felicitatis intellectus: Eodem loco pone homines, quos in numerum pecorum & animalium redegit hebes natura, & ignoratio sui. Nihil interest inter hos, & illa: quoniam illis nulla ratio est, his praua, & malo suo atque in peruersum solers. Beatus enim nemo dici potest, extra veritatem proiectus. Beata ergo vita est, in recto certoque iudicio stabilita, & immutabilis. Tunc enim pura mens est, & soluta omnibus malis, cum non tantùm lacerationes, sed etiam vellicationes effugerit: statura semper ubi constitit, ac sedem suam etiam iratâ

& infestante fortunâ vindicatura. Nam quòd ad voluptatem pertinet, licet circumfundatur vndique, per omnes vias influat, animumque blandimentis suis leniat, aliaque ex aliis admoueat, quibus totos partesque nostri sollicitet: quis mortalium, cui vllum superest hominis vestigium, per diem noctemque titillari velit, & deserto animo, corpori operam dare?

CAP. VI. Sed & animus quoque, inquit, voluptates habebit suas. Habeat sanè, sedeatque luxuriæ & voluptatum arbiter, impleat se omnibus eis, quæ oblectare sensus solent: deinde præterita respiciat, & exoletarum voluptatum memor exsultet prioribus, futurisque iam imminet, ac spes ordinet suas, & dum corpus in præsentis saginâ iacet, cogitationes ad futura præmittat. hoc mihi videtur inferior, quoniam mala pro bonis legere, dementia est. Nec sine sanitate quisquam beatus est: nec sanus, cui offutura pro optimis appetuntur. Beatus est ergo iudicii rectus: beatus est præsentibus, qualiacunque sunt, contentus, amicusque rebus suis: beatus is, cui omnem habitum rerum suarum ratio commendat. Vident & illi, qui summum bonum voluptatem dixerunt, quàm turpi illud loco posuerint. Itaque negant posse voluptatem à virtute diduci, & aiunt, nec honestè

quemquam viuere, vt non iucundè; nec iucundè, vt non honestè viuatur. Non video, quomodo ista tam diuersa in eandem copulam coniiciantur. Quid est, oro vos, cur separari voluptas à virtute non possit? videlicet, quòd omne boni ex virtute principium est: ex huius radicibus etiam ea, quæ vos & amaris & expetitis, oriuntur. Sed si ista indiscreta essent, non videremus quædam iucunda, sed non honesta: quædam verò honestissima, sed aspera, & per dolores exigenda.

CAP. VII. Addite nunc, quòd voluptas etiam ad vitam turpissimam venit: at virtus malam vitam non admittit. & infelices quidam non sine voluptate, imò ob ipsam voluptatem sunt: quod non eueniret, si virtuti se voluptas immiscuisset, quâ virtus sæpè caret, nunquam indiget. Quid dissimilia, imò diuersa compositis? Altum quiddam est virtus, excelsum, regale, inuictum, infatigabile: voluptas, humile, seruale, imbecillum, caducum, cuius statio ac domicilium fornices & popinæ sunt. Virtutem in templo inuenies, in foro, in curiâ, pro muris stantem, puluerulentam, coloratam, callosas habentem manus: voluptatem latitantem sæpiùs, ac tenebras captantem; circa balnea ac sudatoria, ac loca ædilem metuentia; mollem, eneruem, mero atque vnguento madentem, pallidam, fucatam, & medicamentis

pollutam. Summum bonum immortale est, nescit exire: nec satietatem habet, nec pœnitentiam. nunquam enim recta mens vertitur: nec sibi odio est, nec quidquam mutauit optima. at voluptas tunc cùm maximè delectat, exstinguitur. Nec multum loci habet. itaque citò implet: & tædio est, & post primum impetum marcet. Nec id vnquam certum est, cuius in motu natura est. ita ne potest quidem vlla eius esse substantia, quod venit transire celerimè, in ipso vlu sui periturum. Eò enim peruenit, vbi desinat: & dum incipit, spectat ad finem.

CAP. VIII. Quid, quòd tam bonis, quàm malis, voluptas inest? nec minùs turpes dedecus suum, quàm honestos egregia delectant. Ideoq̃ue præceperunt veteres, optimam sequi vitam, non iucundissimam: vt rectæ ac bonæ voluntatis non dux, sed comes voluptas sit. Naturâ enim duce vtendum est: hanc ratio obseruat, hanc consulit. Idem est ergo beatè viuere, & secundum naturam. Hoc quid sit, iam aperiam. Si corporis dotes, & apta naturæ, conseruabimus diligenter & impauidè, tanquam in diem data & fugacia; si non subierimus eorum seruitutem, nec nos aliena possederint; si corpori grata & aduenticia eo nobis loco fuerint, quo sunt in castris auxilia, & armaturæ leues. Seruiant ista, non imperent: ita de-

num vtilia sunt menti. Incorruptus vir sit externis, & insuperabilis, miratorque tantum sui: fidens animi, atque in vtrumque paratus, artifex vite. Fiducia eius non sine scientia sit, non sine constantia: maneant illi semel placita, nec vlla in decretis eius litura sit. Intelligitur, etiam si non adiecero, compositum ordinatumque fore talem virum, & in his quæ ager cum comitate magnificum. Erit vera ratio sensibus insita, & capiens inde principia. nec enim habet aliud vnde conetur, aut vnde ad verum impetum capiat, & in se reuertatur. Nam mundus quoque cuncta complectens, rectorque vniuersi Deus, in exteriora quidem tendit, sed tamen in totum vndique in se redit. Idem nostra mens faciat: cum secuta sensus suos, per illos se ad externa porrexerit; & illorum & sui potens sit, & ( vt ita dicam ) deuinciat summum bonum. Hoc modo vna efficietur vis ac potestas, concors sibi: & ratio illa certa nascetur, non dissidens nec hesitans in opinionibus comprehensionibusque, nec in sua persuasione. Quæ cum se disposuit, & partibus suis consensit, & ( vt ita dicam ) concinuit, summum bonum tetigit. Nihil enim prauum, nihil lubricum superest: nihil in quo arietet, aut labet. Omnia faciet ex imperio suo, nihilque inopinatum accidet: sed quidquid ager, in bonum exhibet, facile & paratè, &



sine tergiversatione agentis. Nam pigritia & hæsitatio, pugnam & inconstantiam ostendit. Quare audacter licet profitearis, summum bonum esse, animi concordiam. Virtutes enim ibi esse debebunt, ubi consensus atque vnitas erit: dissident vitia.

CAP. IX. Sed tu quoque, inquit, virtutem non ob aliud colis, quàm quia aliquam ex illa speras voluptatem. Primum, non si voluptatem præstatura virtus est, idè propter hanc petitur. non enim hanc præstat, sed & hanc: nec huic laborat, sed labor eius quamvis aliud petet, hoc quoque assequetur. Sicut in aruo, quod segeti proscissum est, aliqui flores internascuntur, non tamen huic herbulæ, quamvis delectet oculos, tantum operis insumptum est: aliud fuit serenti propositum, hoc superuénit: sic voluptas non est merces, nec causa virtutis, sed accessio: nec quia delectat, placet; sed quia placet, delectat. Summum bonum in ipso iudicio est, & habitu optimæ mentis: quæ cum suum habitum impleuit, & finibus se suis cinxit, consummatum est summum bonum, nec quidquam ampliùs desiderat. Nihil enim extra totum est, non magis quàm vltra finem. Itaque erras, cum interrogas, quid sit illud propter quod virtutem peram? quæris enim aliquid supra summum. Interrogas, quid petam ex vir-

ture? ipsam. nihil enim est melius: ipsa pretium sui est. An hoc parùm magnum est? Cùm tibi dicam, summum bonum est, infragilis animi rigor & prouidentia, & subtilitas, & sanitas, & libertas, concordia & decor: aliquid etiamnum exigis maius, ad quod ista referantur? Quid mihi voluptatem nominas? Hominis bonum quæro, non ventris, qui pecudibus ac beluis laxior est.

CAP. X. Dissimulas, inquit, quid à me dicatur. ego enim nego quemquam posse iucundè viuere, nisi simul & honestè uiuat: quod non potest muris contingere animalibus, nec bonum suum cibo metientibus. Clarè, inquam, ac palàm testor hanc vitam, quam ego iucundam voco, non sine adiecta virtute contingere. At quis ignorat, plenissimos esse voluptatibus vestris stultissimos quosque? & nequitiam abundare iucundis, animumque ipsum non tantùm genera voluptatis praua, sed multa suggerere? In primis insolentiam & nimiam æstimationem sui, tumoremque elatum supra ceteros, & amorem rerum suarum cæcum & improuidum; delicias fluentes, ex minimis ac puerilibus caussis exultationem; iam dicacitatem, & superbiam contumeliis gaudentem, desidiam, dissolutionemque segnis animi indormientis sibi. Hæc omnia virtus discutit, & aurem peruellit, &

voluptates æstimat, antequam admittat: nec quas probauit, magni pendit ( vtique enim admittit) nec vſu earum, ſed temperantiâ læta eſt. temperantia autem cum voluptates minuat, ſummi boni iniuria eſt. Tu voluptatem complecteris: ego compesco. tu voluptate fruſeris: ego vtor. tu illam ſummum bonum putas: ego nec bonum. tu omnia voluptatis cauſſâ facis: ego nihil. Cum dico me nihil voluptatis cauſſâ facere, de illo loquor ſapiente, cui ſoli concedis voluptatem.

CAP. XI. Non voco autem ſapientem, ſupra quem quidquam eſt, nedum voluptas. Atqui ab hac occupatus, quomodo reſiſtet labori, ac periculo, egeſtati, & tot humanam vitam circumſtrepentibus minis? quomodo conſpectum mortis, quomodo doloris feret? quomodo mundi fragores, & tantum acerrimorum hoſtium, tam molli aduerſario victus? Quidquid voluptas ſuaſerit, faciet. Age, non vides quàm multa ſuaſura ſit? Nihil, inquis, poterit ſuadere turpiter, quia adiuncta virtuti eſt. Non tu vides iterum, quale ſit ſummum bonum, cui cuſtode opus eſt, vt bonum ſit? Virtus autem quomodo voluptatem reget, quam ſequitur: eum ſequi parentis ſit, regere imperantis? à tergo ponitis, quod imperat. Egregium autem virtutis apud vos officium, voluptates præguſtare. Sed videbimus, an  
apud

apud quos tam contumeliosè tractata virtus est, adhuc virtus sit: quæ habere nomen suum non potest, si loco cessit. interim de quo agitur, multos ostendam voluptatibus obsessos, in quos fortuna omnia munera sua effudit, quos fatearis necesse est malos. Aspice Nomentanum & Apicium, terrarum ac maris (vt isti vocant) bona conquirantes, & super mensam recognoscentes omnium gentium animalia. Vide hos eosdem è lectis suis spectantes popinam suam, aures vocum sono, spectaculis oculos, saporibus palatum suum delectantes. Mollibus lenibusque fomentis totum laceffitur eorum corpus: & ne pares interim cessent, odoribus variis inficitur locus ipse, in quo luxuriæ parentatur. Hos esse in voluptatibus dices: nec tamen illis benè erit, quia non bono gaudent.

CAP. XII. Malè, inquit, illis erit: quia multa interueniunt, quæ perturbant animum, & opiniones inter se contrariæ mentem inquietabunt. Quod ita esse concedo. sed nihilominus illi ipsi stulti, & inæquales, & sub ictu pœnitentiæ positi, magnas percipiunt voluptates: vt fatendum sit, tam longè tum illos ab omni molestiâ abesse, quàm à bona mente: & (quod plerisque contingit) hilarem insaniam insanire, ac per risum furere. At contrà, sapientium remissæ voluptates & mo-

destæ, ac pænè languidæ sunt, compressæ-  
 que, & vix notabiles, vt quæ neque arces-  
 sitæ veniant, nec, quamuis per se accesser-  
 rint, in honore sint, neque vllò gaudio  
 percipientium exceptæ. Miscent enim il-  
 las, & interponunt vitæ, vt ludum iocum-  
 que inter seria. Definant ergo inconue-  
 nientia iungere, & virtuti voluptatem im-  
 plicare, per quod vitium pessimis quibus-  
 que adulantur. Ille effusus in voluptates,  
 reptabundus semper atque ebrius, quia  
 scit se cum voluptate viuere, credit & cum  
 virtute: audit enim voluptatem à virtute  
 separari non posse: deinde vitiis suis sa-  
 pientiam inscribit, & abscondenda profi-  
 tetur. Ita non ab Epicuro impulsì luxu-  
 riantur, sed vitiis dediti, luxuriam suam  
 in philosophiæ sinu abscondunt: & eò  
 concurrunt, vbi audiunt laudari volupta-  
 tem. Nec æstimatur voluptas illa Epicu-  
 ri (ita enim mehercules sentio) quàm so-  
 bria ac sicca sit: sed ad nomen ipsum ad-  
 uolant, quærentes libidinibus suis patro-  
 cinium aliquod ac velamentum. Itaque  
 quod vnum habebant in malis bonum,  
 perdunt, peccandi verecundiam. Laudant  
 enim ea quibus erubescabant, & vitio glo-  
 riantur: ideoque ne resurgere quidem  
 adolescentiæ licet, cum honestus turpi  
 desidiæ titulus accessit.

C A P. XIII. Hoc est cur ista volu-  
 ptatis laudatio perniciosa sit: quia honesta

præcepta intrà latent : quod corrumpit, apparet. Mea quidem ista sententia est (inuitis hoc nostris popularibus dicam) sancta Epicurum & recta præcipere, & si propius accesseris, tristia : voluptas enim illa ad paruum & exile reuocatur : & quam nos virtuti legem dicimus, eam ille dicit voluptati. Iubet illam parère naturæ : parum est autem luxuriæ, quod naturæ satis est. Quid ergo est ? ille qui desidiosum otium, & gulæ ac libidinis vices felicitatem vocat, bonum malæ rei quærit auctorem ; & dum illò venit, blando nomine inductus, sequitur voluptatem, non quam audit, sed quam attulit : & vitia sua cùm cœpit purare similia præceptis, indulget illis, non timide, nec obscure : luxuriatur etiam inoperto capite. Itaque non dico quod plerique nostrorum, sectam Epicuri flagitiorum magistram esse : sed illud dico, malè audit, infamis est : & immeritò. Nec hoc scire quisquam potest, nisi interius fuerit admissus : frons ipsa dat locum fabulæ, & ad malam spem inuitat. Hoc tale est, quale vir fortis stolâ indutus. Constante tibi pudiciâ, virtus salua est : nulli corpus tuum patientiæ vacat, sed in manu tympanum est. Titulus itaque honestus eligatur, & inscriptio ipsa excitans animum ad ea repellenda quæ statim enervant, cùm venerint, vitia. Quisquis ad virtutem accessit, dedit generosæ in-

dolis spem: qui voluptatem sequitur, videtur enervis, fractus, degenerans vir, peruenturus in turpia: nisi aliquis distinxerit illi voluptates, ut sciat, quæ ex eis intra naturale desiderium fiant, quæ præceps ferantur, infinitæque sint, & quò magis implentur, eò magis inexplebiles. Agedum, virtus antecedit, tutum erit omne vestigium. Voluptas nocet nimis: in virtute non est verendum, ne quid nimium sit: quia in ipsâ est modus. Non est bonum, quod magnitudine laborat suâ.

CAP. XIV. Rationabilem porrò sortitis naturam, quæ melius res, quàm ratio proponitur? & si placet illa iunctura, si hoc placet ad beatam vitam ire, comitatum; virtus antecedit, comitetur voluptas, & circa corpus, ut membra verferetur. Virtutem quidem excelsissimam omnium, voluptati tradere ancillam, nihil magnum animo capientis est. Prima virtus sit, hæc ferat signa: habebimus nihilominus voluptatem, sed domini eius & temperatores erimus. aliquid nos exorabit, nihil coget. At hi qui voluptati tradidêre principia, utroque caruere. virtutem enim amittunt: ceterum non ipsi voluptatem, sed ipsos voluptas habet: cuius aut inopiâ torquentur, aut copiâ strangulantur. Miseri, si deseruntur ab illa: miseresiores, si obruuntur! sicut deprehensi in mari Syrtico, modò in sicco relinquuntur.

tur, modò torrente vndâ fluctuantur. Euenit autem hoc nimîâ intemperantiâ, & amore cæco rei. nam mala pro bonis petenti, periculosum est assequi. Ut feras eum labore periculoque venamur, & captarum quoque illarum sollicita possessio est: sæpè enim laniant dominos: ita habentes magnas voluptates. in magnum malum euasere, captæque cepere. Quæ quò plures maioresque sunt, eò ille minor, ac plurium seruus est, quem felicem vulgus appellat. Permanere libet in hac etiamnum huius rei imagine. quemadmodum qui bestiarum cubilia indagat, & — *laqueo captare feras* magno estimat, & — *magnos canibus circumdare saltus*, ut illarum vestigia premat, potiora deserit, multisque officiis renunciat: ita qui sectatur voluptatem, omnia postponit: & primam libertatem negligit, ac pro ventre dependit: nec voluptates sibi emit, sed se voluptatibus vendit.

CAP. XV. Quid tamen, inquit, prohibet in vnum virtutem voluptatemque confundi, & ita effici summum bonum, ut idem & honestum & iucundum sit? Quia pars honesti non potest esse, nisi honestum: nec summum bonum habebit sinceritatem suam, si aliquid in se viderit dissimile meliori. Nec gaudium quidem quod ex virtute oritur, quamuis bonum sit, absoluti tamen boni pars est: non ma-



gis quàm lætitia & tranquillitas, quamvis ex pulcherrimis causis nascantur. Sunt enim ista bona, sed consequentia summum bonum, non consummantia. Qui verò voluptatis virtutisque societatem facit, & ne ex æquo quidem, fragilitate alterius boni, quidquid in altero vigoris est, hebetat: libertatemque illam ita demum, si nihil se pretiosius novit, inuictam, sub iugum mittit. Nam (quæ maxima servitus est) incipit illi opus esse fortunæ: sequitur vita anxiosa, suspiciosa, trepida, casuum pavens, temporumque suspensa momentis. Non das virtuti fundamentum graue, immobile, sed iubes illam in loco volubili stare. Quid autem tam volubile est, quàm fortuitorum expectatio: & corporis, rerumque corpus afficientium varietas? Quomodo hic potest Deo parere, & quidquid euenit, bono animo excipere, nec de fato queri, casuum suorum benignus interpretes, si ad voluptatum dolorumque punctiunculas concutitur? Sed nec patriæ quidem bonus tutor aut vindex est, nec amicorum propugnator, si ad voluptates vergit. Illò ergo summum bonum ascendit, vnde nullà vi detrahitur: quò neque dolori, neque spei, neque timori sit aditus, nec ulli rei quæ deterius summi boni ius faciat. Ascendere autem illò sola virtus potest; illius gradu cliuus iste frangendus est: illa fortiter stabit, &

quidquid euenit, feret: non patiens tantum, sed etiam volens: omnemque temporum difficultatem, sciet legem esse naturæ. Et ut bonus miles, feret vulnera, enumerabit cicatrices, & transuerberatus telis, moriens amabit eum, pro quo cadet, imperatorem: habebit in animo illud vetus præceptum: **DEVM SEQUERE.** Quisquis autem queritur, & plorat, & gemit: imperata facere vi cogitur, & inuitus rapitur ad iussa nihilominus. Quæ autem dementia est, potius trahi quam sequi tam mehercule, quam stultitia & ignorantia conditionis suæ, dolere, quod aliquid tibi incidit durius: aut mirari, aut indignò ferre ea, quæ tam bonis accidunt quam malis. morbos dico, funera, debilitates, & cetera ex transuerso in vitam humanam incurrentia. Quidquid ex vniuersi constitutione patiendum est, magno excipiat animo. ad hoc sacramentum adacti sumus, ferre mortalia: nec perturbari his, quæ vitare nostræ potestatis non est. In regno nati sumus: Deo parere, libertas est.

**CAP. XVI.** Ergo in virtute posita est vera felicitas. Quid hæc tibi suadebit? nequid aut bonum, aut malum existimes, quod nec virtute, nec malitiâ continget. deinde ut sis immobilis contra malum ex bono, ut, qua fas est, Deum effingas. Quid tibi pro hac expeditione promittitur? in-

gentia & æqua diuinis. Nihil cogêris : nullo indigebis: liber eris, tutus, indemnus : nihil frustrâ tentabis, nihil prohibeberis. Omnia tibi ex sententia cedent: nihil aduersum accider, nihil contra opinionem ac voluntatem. Quid ergo? virtus ad viuendum beatè sufficit, perfecta illa & diuina? Quid ni sufficiat? imò superfluit. Quid enim deesse potest extra desiderium omnium posito? quid extrinsecus opus est ei, qui omnia sua in se collegit? Sed ei qui ad virtutem tendit, etiam si multum processit, opus est tamen aliquâ fortunæ indulgentiâ, adhuc inter humana luctanti, dum nodum illum exsoluit, & omne vinculum mortale. Quid ergo interest? quòd alij alligati sunt, alij adstricti, alij districti quoque. Hic qui ad superiora progressus est, & se altius extulit, laxam catenam trahit, nondum liber, iam tamen pro libero.

CAP. XVII. Si quis itaque ex istis qui philosophiam conlatrant, quod solent, dixerit: Quare ergo tu fortiùs loqueris quàm viuis? Quare superiori verba summittis; & pecuniâ necessarium tibi instrumentum existimas, & damno moueris; & lacrimas, auditâ coniugis aut amici morte, dimittis; & respicis famam, & malignis sermonibus tangeris? Quare cultius rus tibi est, quàm naturalis vius desiderat? cur non ad præscriptum tuum

cœnas? cur tibi nitidior suppellex est? cur apud te vinum ætate tuâ verustius bibitur? cur autem domus disponitur? cur arbores, præter umbram nihil daturæ, conferuntur? quare vxor tua locupletis domus censum auribus gerit? quare pædagogium pretiosâ veste succingitur? quare ars est apud te, ministrare: nec temerè, & ut libet, collocatur argentum, sed peritè seruitur, & est aliquis scindendi obsonij magister? Adijce, si vis, cur trans mare possides? cur plura, quàm nosti, possides? turpiter aut tam negligens es, ut non noueris pauculos seruos: aut tam luxuriosus, ut plures habeas, quàm quorum notitiæ memoria sufficiat. Adiuvabo postmodû conuicia, & plura mihi quàm putas, obiiciam: nunc hoc respondebo tibi. Non sum sapiens, & ut malevolentiam tuam pascam, nec ero. Exigo itaque à me, non ut optimis par sim, sed ut malis melior. hoc mihi satis est, quotidie aliquid ex vitis meis demere, & errores meos obiurgare. Non perueni ad sanitatem, ne perueniam quidem: delinimenta magis quàm remedia podagræ meæ compono, contentus si rariùs accedit, & si minùs verminatur. Vestris quidem pedibus comparatus, debilis cursor sum.

CAP. XVIII. Hæc non pro me loquor: ego enim in alto vitiorum omnium sum: sed pro illo, cui aliquid acti est.

Aliter, inquit, loqueris: aliter viuis. Hoc per malignissima capita, & optimo cuique inimicissima, Platoni obiectum est, obiectum Epicuro, obiectum Zenoni. Omnes enim isti dicebant, non quemadmodum ipsi viuerent, sed quemadmodum viuendum esset. De virtute, non de me loquor: & cum vitiis conuitium facio, inprimis meis facio. cum potuero, viuam quomodo oportet. Nec malignitas me ista multo veneno tincta deterrebit ab optimis. ne virus quidem istud, quo alios spargitis, vos necatis, me impedit, quò minùs perseuerem laudare vitam, non quam ago, sed quam agendam scio: quò minùs virtutem adorem, & ex intervallo ingenti reprobundus sequar. Expectabo scilicet, ut quidquam malivolentiæ inuiolatum sit, cui sacer nec Rutilius fuit, nec Cato? Cur & aliquis non istis diues nimis videatur, quibus Demetrius Cynicus parùm pauper est? O virum acerrimum, & contra omnia naturæ desideria pugnantem! hoc pauperiorem, quàm ceteri Cynici, quod cum sibi interdixerit habere, interdixit & poscere. Negant satis egere. Vides enim non virtutis scientiam, sed egestatis professus est.

CAP. XIX. Diodorum Epicurèum philosophum, qui intra paucos dies finem vitæ suæ manu suâ imposuit, negant ex decreto Epicuri fecisse, quòd sibi gulam præ-

secuit. alij dementiam videri volunt factum hoc eius, alij temeritatem. Ille in-  
rerim beatus, ac plenus bonâ conscientia,  
reddidit sibi testimonium vitâ excedens,  
laudauitque ætatis in portu, & ad anco-  
ram actæ quietem: & dixit, quod vos inui-  
ti audistis, quasi vobis quoque faciendum  
sit:

*Vixi, & quem dederat cursum fortuna,  
peregi.*

De alterius vitâ, de alterius morte dispu-  
tatis: & ad nomen magnorum ob aliquam  
eximiam laudem virorum, sicut ad occur-  
sum ignotorum hominum minuti canes,  
latratis. Expedit enim vobis, neminem  
videri bonum: quasi aliena virtus, expro-  
bratio delictorum vestrorum sit. Inuiti  
splendida cum sordibus vestris confertis,  
nec intelligitis quanto id vestro detri-  
mento audeatis. Nam si illi qui virtutem  
sequuntur, auari, libidinosi, ambitiosi que  
sunt: quid vos estis, quibus ipsum nomen  
virtutis odio est? Negatis quemquam præ-  
stare quæ loquitur, nec ad exemplar ora-  
tionis suæ vivere. Quid mirum? cum lo-  
quantur fortia, ingentia, omnes humanas  
tempestates euadentia? cum refrigerare se  
crucibus conentur, in quas vnusquisque  
vestrûm clauos suos ipse adigit? ad suppli-  
cium tamen acti, stipitibus singulis pen-  
dent. Hi qui in seipsum animaduertunt,  
quot cupiditatibus, tot crucibus distra-

T vj

huntur: & maledici, in alienam contumeliam venusti sunt. Crederem illis, nisi quidam ex patibulo suos spectatores conspuerent.

C A P. X X. Non præstant philosophi quæ loquuntur? multum tamen præstant, quòd loquuntur; quòd honesta, mente concipiunt. Nam si & paria dictis agerent, quid esset illis beatus? interim non est, quòd contemnas bona verba, & bonis cogitationibus plena præcordia. Studio- rum salutarium, etiam citra effectum, lau- danda tractatio est. Quid mirum, si non ascendunt in altum ardua aggressi? sed vi- ros suspice, etiam si decidunt, magna co- nantes. Generosa res est, respicientem non ad suas, sed ad naturæ suæ vires, co- nari alta, tentare, & mente maiora conci- pere, quàm quæ etiam ingenti animo ad- ornatis effici possint. Qui sibi hoc propo- suit: Ego mortem eodem vultu audiam, quo videbo. ego laboribus, quancunque illi erunt, parebo, animo fulciens corpus. ego diuitias & præsentis & absentes æquè contemnam; nec si aliubi iacebunt, tri- stior; nec si circa me fulgebunt, animo- sior. ego fortunam nec venientem sen- siam, nec recedentem. ego terras omnes tanquam meas videbo, meas tanquam omnium. ego sic viam, quasi sciam aliis me natum: & naturæ rerum hoc nomine gratias agam. Quo enim melius genere

negotium meum agere potuit? vnum me donauit omnibus: vni mihi omnes. Quid quid habebo, nec sordidè custodiam, nec prodigè spargam. nihil magis possidere me credam, quàm benè donata: non numero, nec pondere beneficia, nec vllà, nisi accipientis æstimatione, pendam. Nunquam id mihi multum erit, quod dignus accipiet. Nihil opinionis causâ, omnia conscientiaë faciam; populo teste fieri credam, quidquid me nescio faciam. Edendi erit bibendique finis, desideria naturæ restringere, non implere alium, & exinanire. Ego amicis iucundus, inimicis mitis & facilis, exorabor antequam roger, honestis precibus occurram. Patriam meam esse mundum sciam: & præfides deos supra me, circaque me stare, factorum dictorumque censores. Quandocunque autem natura spiritum repetet, aut ratio dimittet, testatus exhibo, bonam me conscientiam amasse, bona studia: nullius per me libertatem imminutam, minimè meâ.

C A P. XX I. Qui hoc facere proponet, volet, tentabit, ad deos iter faciet: næ ille, etiam si non tenuerit, magnis tamen excidet ausis. Vos quidem, qui virtutem cultoremque eius odistis, nihil noui facitis. nam & solem lumina egra formidant, & auersantur diem splendidum nocturna animalia, quæ ad primum eius ortum stupent, & latibula sua passim petunt, abdun-



tur in aliquas rimas timida lūcis. Gemi-  
 te, & infelicem linguā bonorum exer-  
 cere conuicio. instate, commordete: ci-  
 tius multo frangetis dentes, quā im-  
 metis. Quare ille philosophiæ studiosus  
 est, & tam diues vitam agit? quare opes  
 contemnendas dicit, & habet? vitam con-  
 temnendam putat, & tamen viuit? valetu-  
 dinem contemnendam, & tamen illam  
 diligentissimè tuctur, atque optimam ma-  
 uult? Et exilium nomen vanum putat, &  
 ait, Quid est enim mali, mutare regiones?  
 & tamen si licet, senescit in patriâ? Et in-  
 ter longius tempus & breuius nihil inter-  
 esse iudicat: tamen si nihil prohibet, ex-  
 tendit ætatem, & in multâ senectute pla-  
 cidus viret? Ait ista debere contemni:  
 non, ne habeat, sed ne sollicitus habeat.  
 non abiget illa à se: sed abeuntia securus  
 prosequetur. Diuitias quidem vbi tutius  
 fortuna deponet, quā ibi, vnde sine que-  
 relâ reddentis receptura est? M. Cato  
 cū laudaret Curium & Coruncanium,  
 & sæculum illud in quo censorium cri-  
 men erat, paucæ argenti lamellæ, posside-  
 bat ipse quadragies sestertium: minus sine  
 dubio quā Crassus, plus tamen quā  
 censorius Cato. Maiore spacio, si compa-  
 rentur, proauum vicerat, quā à Crasso  
 vinceretur. Et si maiores illi obuenissent  
 opes, non spreuisset. nec enim se sapiens  
 indignum vllis muneribus fortuitis pu-

eat. Non amat diuitias, sed mauult: non in animum illas, sed in domum recipit: nec respuit possessas, sed continet, & maiorem virtuti suæ materiam subministrari vult.

CAP. XXII. Quid autem dubij est, quia maior materia sapienti viro sit, animum explicandi suum in diuitiis, quàm in paupertate? cùm in hac vnum genus virtutis sit, non inclinari, nec deprimi: in diuitiis, & temperantia, & liberalitas, & diligentia, & dispositio, & magnificentia, campum habent patentem. Non contemnet se sapiens, etiam si fuerit minimæ staturæ: esse tamen se procerum vult. & exilis corpore, ac amisso oculo valebit: malet tamen sibi esse corporis robur. Et hæc ita, vt sciat esse aliud in se valentius. malam valetudinem tolerabit, bonam optabit. Quædam enim, etiam si in summam rei parua sunt, vt & subduci sine ruina principalis boni possint: adiiciunt tamen aliquid ad perpetuam lætitiā, & ex virtute nascentem. Sic illum afficiunt diuitiæ, & exhilarant, vt nauigantem secundus, & ferens ventus, vt dies bonus, vt in brumâ ac frigore apricus locus. Quis porro sapientum, nostrorum dico, quibus vnum est bonum virtus, negat etiam hæc quæ indifferentia vocamus, habere in se aliquid pretij, & alia aliis esse potiora? Quibusdam ex his tribuitur aliquid ho-

noris, quibusdam multum. Ne errēs itaque, inter potiora diuitiæ sunt. Quid ergo, inquis, me derides, cum eundem apud te locum habeant, quem apud me? Vis scire, quàm non habeant eundem locum? mihi diuitiæ si effluerint, nihil auferent, nisi semetipsas: tu stupebis, & videberis tibi sine te relictus, si illæ à te recesserint. apud me diuitiæ aliquem locum habent: apud te, summum. ad postremum, diuitiæ meæ sunt: tu diuitiarum es.

CAP. XXIII. Desine ergo philosophis pecuniâ interdicere: nemo sapien-  
tiam paupertate damnauit. Habebit philosophus amplas opes: sed nulli detra-  
ctas, nec alieno sanguine cruentas, sine cuiusquam iniuria partas, sine sordidis  
quæstibus, quarum tam honestus sit exitus quàm introitus, quibus nemo inge-  
miscat, nisi malignus. In quantum vis, exaggera illas; honestæ sunt: in quibus  
cum multa sint quæ quisque sua dici ve-  
lit, nihil est quod quisquam suum possit dicere. Ille verò fortunæ benignitatem  
à se non submouebit, & patrimonio per honesta quæsito nec gloriabitur, nec eru-  
bescet. Habebit tamen etiam quo glo-  
rietur, si apertâ domo, & admissâ in res  
suas ciuitate, poterit dicere: Quod quis-  
que suum agnouerit, tollat. O magnum  
virum, optimè diuitem, si opus ad hanc  
vocem consonet! si post hanc vocem tas-

tundem habuerit ! ita dico, si tutus & securus scrutationem populo præbuerit : si nihil quisquam apud illum inuenerit, quò manus iniiciat : audacter & propalam erit diues. Sicut sapiens nullum denarium intra limen suum admittet , malè intrantem : ita & magnas opes, munus fortunæ, fructumque virtutis, non repudiabit, nec excludet. Quid enim est, quare illis bonum locum inuideat? veniant, hospitentur. Nec iactabit illas, nec absconder. alterum infruniti animi est ; alterum timidi & pusilli, velut magnum bonum intra sinum continentis. Nec, vt dixi, eiiciet illas è domo. Quid enim dicet? vtrumne, Inutiles estis : an, Ego vti diuitiis nescio? Quemadmodum etiam si pedibus suis poterit iter conficere, ascendere tamen vehiculum malet: sic si poterit esse diues, volet : & habebit vtrique opes, sed tanquam leues & auolaturas: nec vlli alij, nec sibi graues esse patietur. Donabit. Quid erexistis aures? quid expeditis sinum? Donabit, aut bonis, aut eis quos facere poterit bonos? Donabit cum summo consilio, dignissimos eligens : vt qui meminerit, tam expensorum quam acceptorum rationem esse reddendam. Donabit ex rectâ & probabili causâ. nam inter turpes iacturas malum munus est. Habebit sinum facilem, non perforatum : ex quo multa exeant, nihil excidar.

CAP. XXIV. Errat, si quis existimat facilem rem esse donare. Plurimum ista res habet difficultatis, si modò consilio tribuitur, non casu & impetu spargitur. Hunc promereor, illi reddo: huic succurro, huius misereor. illum instruo, dignum quem non diducat paupertas, nec occupatum teneat. Quibusdam non dabo, quamvis desit: quia etiam si dederò, erit defuturum. quibusdam offeram, quibusdam etiam inculcabo. Non possum in hac re esse negligens: nunquam magis nomina facio, quàm cum dono. Quid? tu, inquis, recepturus donas? imò non perditurus. Eo loco sit donatio, vnde repeti non debeat, reddi possit. Beneficium collocetur, quemadmodum thesaurus altè obrutus: quem non eruas, nisi fuerit necesse. Quid domus ipsa diuitis viri, quantum habet benefaciendi materiam? Quis enim liberalitatem tantùm ad rogatos vocat? hominibus prodesse natura iubet: serui liberine sint, ingenui an libertini, iustæ libertatis, an inter amicos datæ, quid refert? ubicunque homo est, ibi beneficio locus est. Potest etiam pecuniam suam intra limen suum diffundere, & liberalitatem exercere: quæ non quia liberis debetur, sed quia à libero animo profisciscitur, ita nominata est. Hæc apud sapientem nec vnquam in turpes indignosque impingitur, nec vnquam ita

defatigata erit, vt non quotiens dignum inuenerit, quasi ex pleno fluat. Non est ergo quòd perperā exaudiatis, quæ honestè, fortiter, animosè, à studiosis sapientiæ dicuntur: & hoc primum attendite. Aliud est, studiosus sapientiæ: aliud, iam adeptus sapientiam. Ille tibi dicet: Optimè loquor, sed adhuc inter mala volutor plurima. Nō est, quòd me ad formulam meam exigas: cum maximè facio me & formo, & ad exemplar ingens attollo. si processero, quantum proposui, exige, vt dictis facta respondeant. Assecutus verò humani boni summam, aliter tecum aget, & dicet: Primum, non est, quòd tibi permittas de melioribus ferre sententiam. mihi iam quod argumentum est recti contigit, malis displicere. Sed vt tibi rationem reddam, quam nulli mortalium inuideo, audi quid promittam, & quanti quæque æstimem. Diuitias nego bonum esse: nam si essent, bonos facerent. nunc quoniam quod apud malos deprehenditur, dici bonum non potest; hoc illis nomen nego. ceterum & habendas esse, & vtilis, & magna commoda adferentes, fateor.

CAP. XXV. Quid ergo sit, quare illas non in bonis numerem, & quid in illis præstem aliud, quàm vos, quoniam inter vtrosque conuenit habendas, audite. Pone in opulentissimâ me domo, pone aurum argentumque in promiscuo

usu sit : non suspiciam me ob ista , quæ  
 etiam si apud me , extra me tamen sunt.  
 In sublicium pontem me transfer , & in-  
 ter egentes abige : non ideò tamen me  
 despiciam , quòd in illorum numero con-  
 fideo , qui manum ad stipem porrigunt.  
 quid enim ad rem , an frustum panis de-  
 sit , cui non deest mori posse ? Quid ergo  
 est ? domum illam splendidam malo ,  
 quàm pontem. Pone in instrumentis  
 splendentibus , & delicato apparatu : ni-  
 hilo me feliciorem credam , quòd mihi  
 molle erit amiculum , quòd purpura con-  
 uiuis meis substernetur. Nihilo miserior  
 ero , si lassæ ceruix mea in manipulo fœ-  
 ni acquiescet , si super Circensæ tomen-  
 tum , per futuras veteris lintei effluens ,  
 incubabo. Quid ergo est ? malo quid  
 mihi animi sit ostendere , prætextatus &  
 candidatus , quàm nudis scapulis & fœ-  
 rentibus. Ut omnes mihi dies ex voto  
 cedant , nouæ gratulationes prioribus  
 subtrexantur : non ob hoc mihi placebo.  
 Muta in contrarium hanc indulgentiam  
 temporis : hinc illinc percutiatur animus ,  
 damno , luctu , incursionibus variis ; nulla  
 hora sine aliquâ querelâ sit : non ideò me  
 dicam inter miserrima miserum , non  
 ideò aliquem execrabor diem. prouisum  
 est enim à me , ne quis mihi ater dies ef-  
 fet. Quid ergo est ? malo gaudia tempe-  
 rare , quàm dolores compescere. Hoc

tibi ille Socrates dicet : Fac me victorem vniuersarum gentium : delicatus ille Liberi currus triumphantem vsque ad Thebas à solis ortu vehat : iura reges Persarum petant : me hominem esse tum maxime cogitabo , cum Deus vndique consalutabor. Huic tam sublimi fastigio coniunge protinus præcipitem mutationem : in alienum imponar ferculum , exornaturus victoris superbi ac feri pompam : non humilior sub alieno curru agar , quàm in meo steteram. Quid ergo est ? vincere tamen , quàm capi malo. Totum fortunæ regnum despiciam : sed ex illo , si dabitur electio , molliora sumam. Quidquid ad me venerit , bonum fiet : sed malo facilia ac iucundiora veniant , & minùs vexatura tractantem. Non est enim quòd yllam existimes esse sine labore virtutem : sed quædam virtutes stimulis , quædam frænibus egent. Quemadmodum corpus in proelio retineri debet , in ardua impelli : ita quædam virtutes in procliui sunt , quædam cliuium subeunt. An dubium sit , quin ascendat , nitatur , oblietetur patientia , fortitudo , perseverantia , & quæcunque alia duris opposita virtus est , & fortunam subigit ? Quid ergo ? non æquè manifestum est per deuexum ire liberalitatem , temperantiam , mansuetudinem ? In his continemus animum , ac prolaturus : in illis exhortamur , in-



citamusque. Acerrimas ergo paupertati adhibebimus, illas quæ pugnare sciunt, fortiores: diuitiis illas diligentiores, quæ suspensum gradum ponunt, & pondus suum sustinent.

CAP. XXVI. Cùm hoc ita diuisum sit, malo has in usu mihi esse, quæ exercendæ tranquillius sint, quàm eas quarum experimentum sanguis & sudor est. Ergo non ego, inquit sapiens, aliter viuo quàm loquor, sed vos aliter audiris. Sonus tantummodo verborum ad aures vestras peruenit: quid significet, non quæritis. Quid ergo inter me stultum, & te sapientem interest, si vterque habere volumus? plurimum. Diuitiæ enim apud sapientem virum in seruitute sunt: apud stultum in imperio. sapiens diuitiis nihil permittit: vobis diuitiæ omnia. Vos, tamquam aliquis vobis æternam possessionem earum promiserit, affuescitis illis, & cohæretis: sapiens tunc maximè paupertatem meditatur, cùm in mediis diuitiis constitit. Nunquam imperator ita paci credit, vt non se præparet bello: quod etiamsi non geritur, indictum est. Vos domus formosa, tamquam nec ardere nec rueri possit, insolentes: vos opes, tamquam periculum omne transcendierint, maioresque sint quàm quibus consumendis satis virium habeat fortuna, obstupefaciunt. Otiosi diuitiis lu-

ditis, nec prouidetis illarum periculum. sicut barbari plerumque inclusi, & ignari machinarum, segnes laborem obsidentium spectant, nec quò illa pertineant, quæ ex longinquo instruuntur, intelligunt. Idem vobis euenit. marcetis in vestris rebus: nec cogitatis, quot casus vndique immineant, iamiamque pretiosa spolia laturi. Sapienti quisquis abstulerit diuitias, omnia illi sua relinquet: viuit enim præsentibus lætus, futuri securus. Nihil magis, Socrates inquit, aut aliquis alius, cui idem ius aduersus humana atque eadem potestas est, persuasi mihi, quàm ne ad opiniones vestras actum vitæ meæ flecterem. Solita conferte vndique verba: non conuiciari vos putabo, sed vagire velut infantes miserri-  
mos. Hæc dicet ille, cui sapientia contigit: quem animus vitiorum immunis increpare alios, non quia odit, sed in remedium, iubet. Adiiciens his illa: Existimatio me vestra non meo nomine, sed vestro mouet. odisse, & laceßere virtutem, bonæ spei eiuratio est. Nullam mihi iniuriam facitis. sicut ne diis quidem hi, qui aras euerunt: sed malum propositum apparet, malumque consilium, etiam vbi nocere non potuit. Sic vestras hallucinationes fero, quemadmodum Iupiter optimus maximus ineptias poëtarum: quorum alius illi alas imposuit, alius cor-

nua: alius adulterum illum induxit, & ab-  
noctantem: alius sc̃unum in deos, alius ini-  
quum in homines: alius raptorem inge-  
nuorum, corruptoremque, & cognato-  
rum quidem: alius parricidam, & regni  
alieni paternique expugnatorem. Quibus  
nihil aliud actum est, quàm vt pudor ho-  
minibus peccandi demeretur, si tales  
deos credidissent. Sed quamquam ista me  
nihil lædant, vestrâ tamen vos moneo  
causâ: suscipite virtutem. Credite his,  
qui illam diu secuti, magnum quiddam  
ipso, & quod in dies maius appareat, se-  
qui clamant. Et ipsam vt deos, & pro-  
fessores eius vt antistites colite: & quo-  
tiens mentio sacra litterarum interuene-  
rit, fauete linguis. Hoc verbum non, vt  
plerique existimant, à fauore trahitur: sed  
imperatur silentium, vt ritè peragi pos-  
sit sacrum, nullâ voce malâ obstrepente.

C A P. XXVII. Quod multo magis  
necessarium est imperari vobis, vt quo-  
tiens aliquid ex illo proferetur oraculo,  
intenti, & compressâ voce audiat. Cùm  
sistrum aliquis concutiens ex imperio  
mentitur, cùm aliquis secãdi lacertos suos  
artifex, brachia atque humeros suspensâ  
manu cruentat: cùm aliqua genibus per  
viam repens vlulat; laurumque linteatus  
senex, & medio lucernam die præferens,  
conclamat, iratum aliquem deorum; con-  
curritis & auditis, & diuinum esse cum,  
inuicem

inuicem mutuum alentes stuporem, adfirmatis. Ecce Socrates ex illo carcere, quem intrando purgavit, omniq̃ue honestiorem curiâ reddidit, proclamat: Quis iste furor quæ ista inimica diis hominibꝫque natura est? infamare virtutes, & malignis sermonibus sancta violare? Si potestis, bonos laudate: si minꝫs, transite. Quòd si vobis exercere tetram istam licentiam placet, alter in alterum incurfitate: nam cùm in cœlum insanitis, non dico sacrilegium facitis, sed operam perditis. Præbui ego aliquando Aristophani materiam iocorum: tota illa comicorum poetarum manus in me venenatos sales suos effudit. Illustrata est virtus mea, per ea ipsa, per quæ petebatur. produci enim illi & tentari expedit: nec vlli magis intelligunt quanta sit, quàm qui vires eius lacerando senserunt. Duritia silicis nulli magis, quàm ferientibus, nota est. Præbeo me non aliter, quàm rupes aliquâ in vadoso mari destituta, quam fluctus non desinunt vndeunque moti sunt verberare: nec ideo aut loco eam mouent, aut per tot ætates crebro incurso suo consumunt. Assilite, facite impetum: ferendo vos vincam. In ea, quæ firma & insuperabilia sunt, quidquid incurrit, malo suo vim suam exercet. Proinde quærite aliquam mollem cedentemq̃ue materiam, in quam tela vestra figantur. Vobis autem vacat aliena

scrutari mala, & sententias ferre de quorū  
quam? Quare hic philosophus laxius ha-  
bitat? quare hic lautius cœnat? Papulas  
obseruatis alienas, ipsi obfiti plurimis vl-  
ceribus. Hoc tale est, quale si quis pul-  
cherrimorum corporum nauos aut ver-  
rucas derideat, quem fœda scabies depa-  
scitur. Obijcite Platoni, quod petierit pe-  
cuniam: Aristoteli, quod acceperit: De-  
mocrito, quod neglexerit: Epicuro, quod  
consumpserit: mihi ipsi Alcibiadem &  
Phædrum obiectare. O vos vsu maximè  
felices, cū primū vobis imitari vitia  
nostra contigerit! Quin potius mala ve-  
stra circumspicitis, quæ vos ab omni par-  
te confodiunt, alia grassantia extrinsecus,  
alia in visceribus ipsis ardentia? Non eo  
loco res humanæ sunt, etiam si statum ve-  
strum parū nostis, vt vobis tantum otij  
super sit, vt in probra meliorum agitare  
linguam vacet.

CAP. XXVII. Hoc vos non in-  
telligitis, & alienum fortunæ vestræ vul-  
tum geritis: sicut plurimī, quibus in circo  
aut in theatro desidentibus, iam funesta  
domus est, nec annunciatum malum. At  
ego ex alto prospiciens, video quæ tem-  
pestates aut immanent vobis, paullo tar-  
dius rupturæ nimbū suū, aut iam vi-  
cina, vos ac vestra rapturæ, propius ac-  
cesserint. Quid porro, nōne nunc quo-  
que (etiam si parū sentitis) turbo qui-

dam animos vestros rotat, & inuoluit, fugientes, petentesque eadem, & nunc in sublimis alleuatos, nunc in infima allisos rapit?

# L. ANNÆI SENECAE

## DE OTIO AVT SECESSV

### SAPIENTIS

### LIBRI PARS.

### EX CAP. XXVIII.

\* Circi nobis magno consensu vitia commendant. Licet nihil aliud quod sit salutare tentemus, proderit tamen primò in seipsum secedere. meliores erimus singuli. Quid, quòd secedere ad optimos viros, & aliquod exemplum eligere, ad quod vitam dirigamus, licet? quod in otio non fit. Tunc potest obtinere quod semel placuit, vbi nemo interuenit, qui iudicium adhuc imbecillum, populo adiutore, detorqueat. tunc potest vita æquali & vno tenore procedere, quam propositis diuersissimis scindimus. Nam inter cetera mala illud pessimum est, quòd vitia ipsa mutamus. sic ne hoc quidem nobis contingit, permanere in malo iam familiari. Aliud ex alio placet, vexatque nos. Hoc quoque, quòd iudicia nostra non tantum praua, sed etiam leuia sunt. Fluctuamus, aliudque ex alio comprehendimus: petita

relinquimus, relicta repetimus: alternæ inter cupiditatem nostram, & pœnitentiam vices sunt. Pendemus enim toti ex alienis iudiciis: & id optimum nobis videtur, quod petitores laudatoresque multos habet, non id quod laudandum petendumque est. Nec viam bonam ac malam per se æstimamus, sed turbâ vestigiorum, in quibus nulla sunt redeuntium. Dices mihi: Quid agis Seneca? deseris partes. Certè Stoici vestri dicunt: Vsq̃ue ad vltimum vitæ finem in actu erimus, non desinemus communi bono operam dare, adiuuare singulos, opem ferre etiam inimicis, eniti manu. Nos sumus, qui nullis annis vacationem damus, & quod ait ille vir disertissimus, Canitiem galeâ premimus. Nos sumus, apud quos vsque eò nihil ante mortem otiosum est, vt, si res patitur non sit ipsa mors otiosa. Quid nobis Epicuri præcepta, in ipsis Zenonis principiis, loqueris? Quin tu benè & nauiter, si partium piget, transfugis potiùs, quàm prodis? Hoc tibi in præsentia respondebo. Numquid vis amplius, quàm vt me similem ducibus meis præstem? Quid ergo est? non quò miserint me illi, sed quò duxerint, ibo.

C A P. XXIX. Nunc probabo tibi, nec desciscere me à præceptis Stoicorum: nam ne ipsi quidem à suis descuerunt: & tamen excusatissimus essem; etiam si non

præcepta illorum sequeretur, sed exempla. Hoc quod dico, in duas diuidam partes. Primum, ut possit aliquis, vel à prima ætate, contemplationi veritatis totum se tradere, rationem viuendi quærere, atque exercere, secretò. Deinde, ut possit hoc aliquis emeritis iam stipendiis, profligatæ ætatis, iure optimo facere, & ad alios actus animum referre: virginum Vestalium more, quæ, annis inter officia diuisis, discunt facere sacra, & cum didicerunt, docent.

CAP. XXX. Hæc Stoicis quoque placere ostendam: non quia legem dixerim mihi, nihil contra dictum Zenonis Chrysippive committere: sed quia res ipsa patitur me ire in illorum sententiam: quam si quis semper vnus sequitur, non id vitæ, sed factionis est. Utinam quidem iam tenerentur omnia, & inoperta ac confessa veritas esset! nihil ex decretis mutaremus: nunc veritatem, cum eis ipsis qui docent, quærimus. Duæ maximæ in hac re dissident sectæ, Epicureorum & Stoicorum: sed vtrique ad otium diuersâ viâ mittit. Epicurus ait: Non accedet ad rempub. sapiens, nisi si quid interuenerit: Zenon ait: Accedet ad rempub. nisi si quid impedierit. Alter otium ex proposito petit, alter ex causa. Causa autem illa latè patet. si respub. corruptior est, quam ut adiuuari possit, si occupata est malis: non nitetur sapiens in superuacuum, nec



se nihil profuturus impendet: si parum habebit auctoritatis aut virium: nec illum erit admissura resp. si valetudo illum impedit. Quomodo naudem quassam non deduceret in mare, quomodo nomen in militiam non daret debilis: sic ad iter quod inhabile sciet, non accedet. Potest ergo & ille, cui omnia adhuc in integro sunt, antequam vllas experiatur tempestates, in tuto subsistere, & protinus commendare se bonis artibus: & illud beatum otium exigere, virtutum cultor, quæ exerceri etiam à quietissimis possunt. Hoc nempe ab homine exigitur, ut pro sit hominibus, si fieri potest, multis; si minùs, paucis; si minùs, proximis; si minùs, sibi. Nam cum se vtilem ceteris efficit, commune agit negotium. Quomodo qui se deteriorem facit, non sibi tantummodo nocet, sed etiam omnibus eis, quibus melior factus prodesse potuisset: sic si quis benè de se meretur, hoc ipso aliis prodest, quod illis profuturum parat.

CAP. XXXI. Duas respublicas animo complectamur, alteram magnam, & verè publicam, quâ dii atque homines continentur. in quâ non ad hunc angulum respicimus, aut ad illum, sed terminos ciuitatis nostræ cum sole metimur: alteram, cui nos adscripsit conditio nascendi. Hæc aut Atheniensium erit, aut Carthaginiensium, aut alterius alicuius vr-

bis, quæ non ad omnes pertineat homines, sed ad certos. Quidam eodem tempore vtrique reipub. dant operam, maiori minori que: quidam tantum minori: quidam tantum maiori. Huic maiori Reipub. & in otio deseruire possumus: imò vero nescio an in otio melius: ut quaeramus, quid sit virtus, vna pluresve sint? natura an ars bonos viros faciat? vnum sit hoc, quod maria terrasque, & mari ac terris inserta complectitur, an multa Deus corpora eiusmodi sparserit? continua sit omnis & plena materia, ex quâ cuncta gignuntur, an diducta, & solidis inane permixtum sit? Deus sedens opus suum spectet, an tractet? vtrumne extrinsecus illi circumfusus sit, an toti inditus? immortalis sit mundus, an inter caduca, & ad tempus nata, numerandus? Hæc qui contemplatur, quid Deo præstat? ne tanta eius opera sine teste sint. Solemus dicere, summum bonum esse, secundum naturam vivere: natura nos ad vtrumque genuit, & contemplationi rerum, & actioni.

C A P. XXXII. Nunc probemus, quod prius diximus. Quid porro, hoc non erit probatum, si se vnusquisque consuluerit, quantam cupiditatem habeat ignota noscendi, quàm ad omnes fabulas excitetur? Nauigant quidam, & labores peregrinationis longissimæ vnâ mercede perpetiuntur, cognoscendi aliquid abdi-

rum remotumque. Hæc res ad spectacula populos contrahit, hæc cogit præclusa rimari, secretiora exquirere, antiquitates evolvere, mores barbararum audire gentium. Curiosum nobis natura ingenium dedit: & artis sibi ac pulchritudinis suæ conscia, spectatores nos tantis rerum spectaculis genuit, perditura fructum sui, si tam magna, tam clara, tam subtiliter ducta, tam nitida, & non vno genere formosa, solitudini ostenderet. Vt scias illam spectari voluisse, non tantum aspici, vide quem nobis locum dederit. In mediâ nos sui parte constituit, & circumspectum omnium nobis dedit: nec crexit tantummodo hominem, sed etiam ad contemplationem factum, ut ab ortu sidera in occasum labentia prosequi posset, & vultum suum circumferre cum toto, sublime fecit illi caput, & collo flexibili imposuit. Deinde sena per diem, sena per noctem signa produxit, nullam non partem sui explicuit: ut per hæc quæ obtulerat eius oculis, cupiditatem faceret etiam ceterorum, nec enim omnia, nec tanta visimus, quantæ sunt: sed acies nostra aperit sibi inuestigando viam, & fundamenta veri iacit, ut inquisitio transeat ex apertis in obscura, & aliquid ipso mundo inueniat antiquius. Vnde ista sidera exierint? quis fuerit vniuersi status, antequam singula in partes discederent? quæ ratio mersa & confusa

diduxerit? quis loca rebus assignauerit? suapte naturâ graua descenderint, euolauerint leuia, an præter nisum pondusque corporum altior aliqua vis legem singulis dixerit? an illud verum sit, quo maxime probatur, hominem diuini spiritus esse partem, ac veluti scintillas quasdam sacrorum in terras desiluisse, atque alieno loco hæsisse? Cogitatio nostra cœli munita perrumpit, nec contenta est id quod ostenditur scire. Illud, inquit, scrutator, quod vltima mundum iacet, vtrumne profunda vastitas sit, an & hoc ipsum terminis suis cludatur? qualis sit habitus exclusis, informia & confusa sint, an in omnem partem tantumdem loci obtinentia, an & illa in aliquem cultum descripta sint? huic cohæreant mundo, an longè ab hoc secesserint, & in vacuo voluentur? indiuidua sint, per quæ struitur omne id quod natum futurumque est, an continua eorum materia sit, & per totum mutabilis? vtrum contraria inter se elementa sint, an non pugnent, sed per diuersâ conspirent? Ad hæc quærenda natus, æstima, quàm non multum acceperit temporis, etiam si illud totum sibi vindicet. cui licet nihil facilitate eripi, nihil negligentia patiatur excidere, licet horas suas auarissimè seruet, & vsque in vltimæ ætatis humanæ terminos procedat, nec quidquam illi ex eo quod natura constituit, fortuna


concutiat: tamen homo, ad immortalium cognitionem, nimis mortalis est. Ergo secundum naturam viuo, si totum me illi dedo, si illius admirator cultorque sum. At natura vtrumque facere me voluit, & agere, & contemplationi vacare. Vtrumque facio: quoniam ne contemplatio quidem sine actione est. Sed refert, inquis, an ad hanc voluptatis causâ accesserit, nihil aliud ex illa perens, quàm assiduam contemplationem, sine exitu. est enim dulcis, & habet illecebras suas. Aduersus hoc tibi respondeo. æquè refert, quo animo ciuilem agas vitam: an ut semper inquietus sis, nec vnquam sumas vllum tempus, quo ab humanis ad diuina respicias. Quomodo res appetere, sine vllò virtutum amore, & sine cultu ingenij, ac nudas edere operas, minimè probabile est: (misceri enim inter se ista, & conferri debent:) sic imperfectum ac languidum bonum est, in otium sine actu proiecta virtus, nunquam id quod didicit ostendens. Quis negat illum debere profectus suos in opere tentare? nec tantùm quid faciendum sit cogitare, sed etiam aliquando manum exercere, & ea quæ meditata sunt, ad verum perducere? Quid si per ipsum sapientem non est mora, si non actor deest, sed agenda desunt: ecquid illi secum esse permittes? Quo animo ad otium sapiens secedit? ut sciat secum quoque ea acturum, per

quæ posteris proſit. Nos certè ſumus, qui dicimus, & Zenonem & Chryſippum maiora egiſſe, quàm ſi duxiſſent exercitus, geſſiſſent honores, leges tuliſſent, quas non vni ciuitati, ſed toti humano generi tulerunt. Quid ergo eſt, quare tale otium non conueniat bono viro, per quod futura ſæcula ordinet, nec apud paucos concionetur, ſed apud omnes omnium gentium homines, quiq; ſunt, quiq; erunt? Ad ſummam quæro, an ex præceptis ſuis vixerint Cleanthes, & Chryſippus, & Zenon? non dubiè reſpondebis, ſic illos viſſe, quemadmodum dixerant eſſe viuendum. atqui nemo illorum rep. adminiſtrauit. Non fuit illis, inquis, aut ea fortuna, aut dignitas, quæ admitti ad publicarum rerum tractationem ſolet. Sed iidem nihilominus non ſegnem egere vitam. inuenerunt, quemadmodum plus quies illorum hominibus prodeſſet, quàm aliorum diſcurſus & ſudor. Ergo nihilominus hi multum egiſſe viſi ſunt, quamuis nihil publicè agerent. Præterea, tria genera ſunt vitæ, inter quæ, quod ſit optimum, quæri ſolet: vnum voluptati vacat, alterum contemplationi, tertium actioni. Primum, deſcriptâ contentione deſcriptoque odio, quod implacabile diuerſa ſequentibus indiximus, videamus, an hæc omnia ad idem, ſub alio titulo, perueſtiant. Nec ille, qui voluptatem probat,

sine contemplatione est; nec ille, qui contemplationi inferuit, sine voluptate est; nec ille, cuius vita actioni destinata est, sine contemplatione est. Plurimum, inquis, discriminis est, vtrum aliqua res propositum, an propositi alterius accessio sit. Sane grande discrimen: tamen alterum sine altero non est. Nec ille sine actione contemplatur, nec hic sine contemplatione agit. Nec ille tertius, de quo malè existimare consuevimus, voluptatem inertem probat, sed eam, quam ratione efficit firmam sibi: Ita & hæc ipsa voluptaria secta in actu est. Quid ni in actu sit, cum ipse dicat Epicurus, aliquando se recessurum à voluptate, dolorem etiam appetiturum, si aut voluptati imminebit pœnitentia, aut dolor minor pro grauiore sumetur? Quò pertinet hoc dicere? vt appareat, contemplationem placere omnibus. Alij petunt illam: nobis hæc statio est, non portus. Adijce nunc huc, quòd è lege Chrysippi viuere otioso licet. non dico, vt otium patiatur, sed vt eligat. Negant nostri sapientem ad quamlibet rempub. accessurum. Quid autem interest, quomodo sapiens ad otium veniat: vtrum quia resp. illi deest, an quia ipse reipublicæ? Si omnibus defutura respub. est (semper autem deest fastidiosè quærentibus) interrogo ad quam rempub. sapiens accessurus sit? Ad Atheniensem, in quâ Socrates damnatur,

Aristoteles ne damnaretur, fugit? in quâ opprimit inuidia virtutes? negabis mihi accessurum ad hanc remp. sapientem. Ad Carthaginensium ergo rempublicam sapiens accedet, in quâ assidua seditio, & optimo cuique infesta libertas est, summa æqui ac boni vilitas, aduersus hostes inhumana crudelitas, etiam aduersus suos hostilitas? & hanc fugiet. Si per censere singulas volucro, nullam inueniam, quæ sapientem, aut quam sapiens pati possit. Quod si non inuenitur illa resp. quam nobis fingimus, incipit omnibus esse otium necessarium: quia quod vnum præferri poterat otio, nusquam est. Si quis dicit optimum esse nauigare: deinde negat nauigandum in eo mari, in quo naufragia fieri soleant, & frequenter subitæ tempestates sint, quæ rectorem in contrarium rapiant: puto, hic me vetat nauem soluere, quamquam laudat nauigationem. \*









L. ANNÆI SENECAE  
AD  
ÆBVCIVM LIBERALEM  
DE BENEFICIIS  
LIBER PRIMVS.



## L. ANNÆI SENECAE

AD ABOVICIVM LIBERALEM

## DE BENEFICIIS

LIBER PRIMVS.

## CAPVT I.

**I**NTER multos ac varios errores temerè viuentium inconsulteque, nihil propemodùm, vir optime Liberalis, dixerim nocentius, quàm quòd beneficia nec dare scimus, nec accipere. Sequitur enim vt malè collata, malè debeantur. de quibus non redditis, serò querimur: ista enim perierant, cùm darentur. Nec mirum est, inter plurima maximaque vitia nullum esse frequentius, quàm ingrati animi. Id euenire ex pluribus causis video. prima, quòd non eligimus dignos, quibus tribuamus, sed nomina facturi, diligenter in patrimonium & vasa debitoris inquirimus: semina in solum efferum & sterile non spargimus: beneficia sine vllò delectu magis proicimus, quàm damus. Nec facile dixerim, vtrum turpius sit, inficiari, an repetere beneficium. Id enim genus huius crediti est, ex quo tantum recipiendum sit, quantum vltro refertur: decoquere verò fœdissimum ob hoc ipsum, quia non opus est ad liberan-

dum fidem facultatibus, sed animo. reddit enim beneficium, qui libenter debet. Sed cum sit in ipsis crimen, qui ne confessione quidem grati sunt, in nobis quoque est. Multos experimur ingratos, plures facimus: quia aliàs graues exprobratores exactoresque sumus; aliàs leues, & quos paullo post muneris sui poeniteat; aliàs queruli, & minima momenta calumniantes. Ita gratiam omnem corrumpimus, non tantum postquam dedimus beneficia, sed dum damus. Quis enim nostrum contentus fuit, aut leuiter rogari, aut semel? quis non, cum aliquid à se peti suspicatus est, frontem adduxit, vultum auertit, occupationes simulauit, longis sermonibus, & de industria non inuenientibus exitum, occasionem petendi abstulit, & variis artibus properantes necessitates elusit? In angusto verò comprehensus, aut distulit, id est, timide negauit; aut promisit, sed difficulter, sed subductis superciliis, sed malignis & vix exeuntibus verbis? nemo autem libenter debet, quod non accepit, sed expressit. Gratus esse aduersus eum quisquam potest, qui beneficium aut superbe iniecit, aut iratus iniegit, aut fatigatus, ut molestia caret, dedit? Errat, si quis sperat responsurum sibi, quem dilatione lassauit, expectatione torsit. Eodem animo beneficium debetur, quo datur; & ideo non est negli-

genter dandum. Sibi enim quis debet, quod à nesciente accepit. Nec tardè quidem : quia cùm in omni officio magni æstimeretur dantis voluntas, qui tardè fecit, diu noluit. Vtique non contumeliosè. nam cùm ita naturâ comparatum sit, vt aliud iniuriæ quàm merita descendant, & illa citò defluant, has tenax memoria custodiat : quid expectat qui offendit, dum obligat ? Satis aduersus illum gratus est, si quis beneficio eius ignoscit. Non est autem quòd tardiores faciat ad benè merendum, turba ingratorum. Nam primùm ( vt dixi ) nos illam augemus : deinde ne deos quidem immortales ab hac tam effusâ benignitate sacrilegi, negligentisque eorum, deterrent. Vtuntur naturâ suâ, & cuncta, interque illa ipsos munerum suorum malos interpretes, iuuant. Hos sequamur duces, quantum humana imbecillitas patitur : demus beneficia, non fāneremus. Dignus est decipi, qui de recipiendo cogitauit, cùm daret. At malè cessit. Et liberi, & coniuges spem fefellerunt : tamen & educamus, & ducimus. adeoque aduersus experimenta pertinaces sumus, vt bellâ victi, & naufragi maria repetamus. Quanto magis permanere in dandis beneficiis decet ? quæ si quis non dat quia non recipit, dedit, vt reciperet, bonamque ingrato-



rum facit causam : quibus ita demum turpe est non reddere , si & licet. Quàm multi indigni luce sunt ? & tamen : dies oritur. Quàm multi , quòd nati sunt , queruntur : tamen natura sobolem novam gignit , ipsosque qui non fuisse malent , esse patitur. Hoc & magni animi & boni proprium est , non fructum beneficiorum sequi , sed ipsa , & post malos quoque bonum quærere. Quid magnifici erat multis prodesse , si nemo deciperet ? nunc est virtus , dare beneficia : non utique reditura , quorum à viro egregio statim fructus perceptus est. Ad eò quidem ista res fugare nos , & pigriores ad rem pulcherrimam facere non debet : ut si spes mihi præcidatur gratum hominem reperiendi , malim non recipere beneficia , quàm non dare. Quia qui non dat , vitium ingrati antecedit. Dicam quod sentio . qui beneficium non reddit , magis peccat : qui non dat , citius.

CAP. II. *Beneficia in vulgus cum largiri institueris,*

*Perdenda sunt multa , ut semel ponas bene.*

In priore versu utrumque reprehendas. nam nec in vulgus effundenda sunt ; & nullius rei , minimè beneficiorum , honesta largitio est. quibus si detraxeris iudicium , desinunt esse beneficia : in aliud

quodlibet incidunt nomen. Sequens sensus mirificus est, qui vno bene posito beneficio, multorum amissorum damna solatur. Vide, oro te, ne hoc & verius sit, & magnitudini bene facientis aptius, ut illum horremur ad danda, etiam si nullum bene positurus est. Illud enim falsum est, Perdenda sunt multa. Nullum perit. quia qui perdit, computauerat. Beneficiorum simplex ratio est: tantum erogantur. si reddet aliquid, lucrum est: si non reddet, damnum non est. Ego illud dedi, ut darem. nemo beneficia in calendario scribit: nec auarus exactor ad horam & diem appellat. nunquam illa vir bonus cogitat, nisi admonitus à reddente: alioquin in formam crediti transeunt. Turpis fœneratio est, beneficium expensum ferre. Qualiscunque priorum euentus est, perseuera in alios conferre. melius apud ingratos iacebunt: quos aut pudor, aut occasio, aut imitatio aliquando gratos poterit efficere. Ne cessaueris: opus tuum perage, & partes boni viri exsequere. Alium re, alium fide, alium gratiâ, alium consilio, alium præceptis salubribus adiuua.

CAP. III. Officia etiam feræ sentiunt: nec vllum tam immansuetum animal est, quod non cura mitiget, & in amorem sui verrat. Leonum ora à magistris impune tractantur: elephantorum ferita-

tem vsque in seruire obsequium demeretur cibus. Adeò etiam quæ extra intellectum atque æstimationem beneficij sunt posita, assiduitas tamen meriti pertinacis euincit. Ingratus est aduersus vnum beneficium? aduersus alterum non erit. duorum oblitus est? tertium etiam eorum quæ exciderunt, memoriam reducet. Is perdit, qui citò se perdidisse credit. At qui instat, & onerat priora sequentibus, etiam ex duro & immemori pectore gratiam extundit. Non audebit aduersus multa oculos attollere. quocunque se vertit, memoriam suam fugiens, ibi te videat: beneficijs tuis illum cinge. Quorum quævis, quæve proprietas sit, dicam, si priùs illa, quæ ad rem non pertinent, transilire mihi permiseris. Num dicam quare tres Gratia, & quare sorores sint, & quare manibus implexis, quare ridentes, iuvenes, & virgines, solutaque ac pellucidâ veste? Alij quidem videri volunt vnâ esse, quæ det beneficium: alteram, quæ accipiat: tertiam, quæ reddat. Alij tria beneficiorum genera, promerentium, reddentium, simul & accipientium reddentiumque. Sed vtrumlibet ex istis iudicauerim: quid ista nos iuuat scientia? Quid ille conser-tis manibus in se redeuntium chorus? Ob hoc, quia ordo beneficij per manus transeuntis, nihilominus ad dantem reuertitur, & totius speciem perdit, si vsquam interruptus

interruptus est: pulcherrimus, si cohæsit, & vices seruauit. Ideò ridentes: quia promerentium vultus hilares sunt, quales solent esse qui dant, vel accipiunt beneficia. Iuuenes: quia non debet beneficiorum memoria senescere. Virgines: quia incorrupta sunt, & sincera, & omnibus sancta. In quibus nihil esse alligati decet, nec adscripti: solutis itaque tunicis vtuntur. Pellucidis autem; quia beneficia conspici volunt. Sit aliquis vsque eò Græcis mancipatus, vt hæc dicat necessaria: nemo tamen erit, qui etiam illud ad rem iudicet pertinere, quæ nomina illis Hesiodus imposuerit. Aglaian maximam natus appellauit, mediam Euphrosynen, tertiam Thalian. Horum nominum interpretationem, & prout cuique visum est, defleat, & ad rationem aliquam conatur perducere: cum Hesiodus puellis suis, quod voluit nomen imposuerit. Itaque Homerus vni mutauit, Pasitheat appellauit, & in matrimonium produxit, vt scias illas Vestales non esse. Inueniam aliam poetam, apud quem præcingantur, & spissis aut Phryxianis prodeant. Ergo & Mercurius vnà stat: non quia beneficia oratio commendat, sed quia pictori ita visum est. Chrysippus quoque, penes quem subtile illud acumen est, & in imam penetrans veritatem, qui rei agendæ causâ loquitur, & verbis non ultra, quàm ad in-

tellectum satis est, vitur, totum librum suum his ineptiis replet: ita ut de ratione dandi, accipiendi, reddendique beneficij pauca admodum dicat: nec his fabulas, sed hæc fabulis inserit. Nam præter ista quæ Hecaton transcribit, treis Chrysippus Gratiarum ait Iouis & Eurynomes filias esse: ætate autem minores quam Horas, sed meliusculâ facie, & ideò Veneri datas comites. Matris quoque nomē ad rem iudicat pertinere. Eurynomen enim dictam, quia latè patentis matrimonij sit, beneficia diuidere: tamquam matri post filias soleat nomen imponi, aut poëtæ vera nomina reddant. Quemadmodum nomenclatori memorię loco audacia est: & cuiusque nomen non potest reddere, imponit: ita poëtę non putant ad rem pertinere, verum dicere, sed aut necessitate coacti, aut decore corrupti, id quæque vocari iubent, quod bellè faciat ad versum. Nec illis fraudi est, si aliud quid in censum detulerunt: proximus enim poëta suum illa ferre nomen iubet. Hoc ut scias ita esse, ecce Thalia, de qua cum maximè agitur, apud Hesiodum Charis est, apud Homerum Musa.

CAP. IV. Sed ne faciam, quod reprehendo, omnia ista, quæ ita extra rem sunt, ut nec circa rem quidem sint, relinquam. Tu modò nos tuere, si quis mihi obliet, quòd Chrysippum in ordinem coëgerim, magnum mehercule virum, sed tamen

Græcum, cuius acumen nimis tenue retunditur, & in se sæpè replicatur: etiam cum agere aliquid videtur, pungit, non perforat. Hoc verò quod acumen est? De beneficiis dicendum est, & ordinanda res, quæ maximè societatem humanam alligat: danda lex vitæ, ne sub specie benignitatis inconsulta facilitas placeat; ne liberalitatem, quam nec deesse oportet, nec superfluere, hæc ipsa observatio restringat; dum temperat: docendi sunt libenter accipere, libenter reddere, & magnum ipsis certamen proponere, eos quibus obligati sunt, re animoque non tantum æquare, sed vincere. quia qui referre gratiam debet, nunquam consequitur, nisi præcessit. hi docendi sunt nihil imputare: illi plus debere. Ad hanc honestissimam contentionem, beneficiis beneficia vincendi, sic nos adhortatur Chrysippus, ut dicat verendum esse, ne quia Charites Iovis filiæ sunt, parùm se grætè gerere, sacrilegium sit, & tam bellis puellis fiat iniuria. Tu me aliquid eorum doce, per quæ beneficentior, gratioꝛque aduersus benè merētes fiam, per quæ obligantium, obligatorumque animi certent, ut qui præstitierint, obliuiscantur, pertinax sit memoria debentium. Istæ verò ineptiæ poëtis relinquantur: quibus aures oblectare propositum est, & dulcem fabulam nectere. At qui ingenia sanare, & fidem

Salus J. Davenport  
Prof. Dr. Dominicus alge  
Lycium, Princeps D. Phil

ROMA 17 APR 1

1771  
1772  
1773  
1774

## L. ANNÆI SENECAE

AD ABOVICVM LIBERALEM

## DE BENEFICIIS

LIBER PRIMVS.

## CAPVT I.

**I**NTER multos ac varios errores temerè viuentium inconsulteque, nihil propemodùm, vir optime Liberalis, dixerim nocentius, quàm quòd beneficia nec dare scimus, nec accipere. Sequitur enim vt malè collata, malè debeantur. de quibus non redditis, serò querimur: ista enim perierant, cùm darentur. Nec mirum est, inter plurima maximaque vitia nullum esse frequentius, quàm ingrati animi. Id euenire ex pluribus causis video. prima, quòd non eligimus dignos, quibus tribuamus, sed nomina facturi, diligenter in patrimonium & vasa debitoris inquirimus: semina in solum effertur & sterile non spargimus: beneficia sine villo delectu magis proiicimus, quàm damus. Nec facile dixerim, vtrùm turpius sit, inficiari, an repetere beneficium. Id enim genus huius crediti est, ex quo tantum recipiendum sit, quantum vltro refertur: decoquere verò foedissimum ob hoc ipsum, quia non opus est ad liberan-



dum fidem facultatibus, sed animo. reddit enim beneficium, qui libenter debet. Sed cum sit in ipsis crimen, qui ne confessione quidem grati sunt, in nobis quoque est. Multos experimur ingratos, plures facimus: quia alias graues exprobratores exactoresque sumus; alias leues, & quos paullo post muneris sui poeniteat; alias queruli, & minima momenta calumniantes. Ita gratiam omnem corrumpimus, non tantum postquam dedimus beneficia, sed dum damus. Quis enim nostrum contentus fuit, aut leuiter rogari, aut semel? quis non, cum aliquid à se peti suspicatus est, frontem adduxit, vultum auertit, occupationes simulauit, longis sermonibus, & de industria non inuenientibus exitum, occasionem petendi abstulit, & variis artibus properantes necessitates elusit? In angusto verò comprehensus, aut distulit, id est, timidè negauit; aut promisit; sed difficulter, sed subductis superciliis, sed malignis & vix exeuntibus verbis? nemo autem libenter debet, quod non accepit, sed expressit. Gratus esse aduersus eum quisquam potest, qui beneficium aut superbe iniecit, aut iratus impegit, aut fatigatus, ut molestiam caret, dedit? Errat, si quis sperat responsurum sibi, quem dilatione lassauit, expectatione torisit. Eodem animo beneficium debetur, quo datur; & ideo non est negli-

genter dandum. Sibi enim quis debet, quod à nesciente accepit. Nec tardè quidem : quia cùm in omni officio magni æstimeretur dantis voluntas, qui tardè fecit, diu noluit. Vtrique non contumeliosè. nam cùm ita naturâ comparatum sit, vt altiùs iniuriæ quàm merita descendant, & illa citò defluant, has tenax memoria custodiat : quid expectat qui offendit, dum obligat ? Satis aduersus illum gratus est, si quis beneficio eius ignoscit. Non est autem quòd tardiores faciat ad benè merendum, turba ingratorum. Nam primùm ( vt dixi ) nos illam augemus : deinde ne deos quidem immortales ab hac tam effusâ benignitate sacrilegi, negligentisque eorum, deterrent. Vtuntur naturâ suâ, & cuncta, interque illa ipsos munerum suorum malos interpretes, iuuant. Hos sequamur duces, quantum humana imbecillitas patitur : demus beneficia, non fœneremus. Dignus est decipi, qui de recipiendo cogitauit, cùm daret. At malè cessit. Et liberi, & coniuges spem fefellerunt : tamen & educamus, & ducimus. adeoque aduersus experimenta pettinaces sumus, vt bellâ victi, & naufragi maria repetamus. Quanto magis permanere in dandis beneficiis decet ? quæ si quis non dat quia non recipit, dedit, vt reciperet, bonamque ingrato-

rum facit causam : quibus ita demum turpe est non reddere , si & licet. Quàm multi indigni luce sunt ? & tamen dies oritur. Quàm multi , quòd nati sunt , queruntur ? tamen natura sobolem novam gignit , ipsosque qui non fuisse malent , esse patitur. Hoc & magni animi & boni proprium est , non fructum beneficiorum sequi , sed ipsa , & post malos quoque bonum quærere. Quid magnifici erat multis prodesse , si nemo deciperet ? nunc est virtus , dare beneficia : non utique reditura , quorum à viro egregio statim fructus perceptus est. Ad eò quidem ista res fugare nos , & pigriores ad rem pulcherrimam facere non debet : ut si spes mihi præcidatur gratum hominem reperiendi , malim non recipere beneficia , quàm non dare. Quia qui non dat , vitium ingrati antecedit. Dicam quod sentio . qui beneficium non reddit , magis peccat ; qui non dat , citius.

CAP. II. *Beneficia in vulgus cum largiri institueris ,*

*Perdenda sunt multa , ut semel ponat bene.*

In priore versu utrumque reprehendas , nam nec in vulgus effundenda sunt ; & nullius rei , minimè beneficiorum , honesta largitio est . quibus si detraheris iudicium , desinunt esse beneficia : in aliud

quodlibet incidunt nomen. Sequens sensus mirificus est, qui vno benè posito beneficio, multorum amissorum damna solatur. Vide, oro te, ne hoc & verius sit, & magnitudini benè facientis aptius, ut illum horremur ad danda, etiam si nullum benè positurus est. Illud enim falsum est, Perdenda sunt multa. Nullum perit. quia qui perdit, computauerat. Beneficiorum simplex ratio est: tantum erogantur. & reddet aliquid, lucrum est: si non reddet, damnum non est. Ego illud dedi, ut darem. nemo beneficia in kalendario scribit: nec avarus exactor ad horam & diem appellat. nunquam illa vir bonus cogitat, nisi admonitus à reddente: alioquin in formam crediti transeunt. Turpis fœneratio est, beneficium expensum ferre. Qualiscunque priorum euentus est, perseuera in alios conferre. meliùs apud ingratos iacebunt: quos aut pudor, aut occasio, aut imitatio aliquando gratos poterit efficere. Ne cessaueris: opus tuum perage, & partes boni viri exsequere. Alium re, alium fide, alium gratiâ, alium consilio, alium præceptis salubribus adiua.

CAP. III. Officia etiam feræ sentiunt: nec vllum tam immansuetum animal est, quod non cura mitiget, & in amorem sui vertat. Leonum ora à magistris impunè tractantur: elephantorum ferita-

rem vsque in seruale obsequium demeretur  
 cibis. Adcò etiam quæ extra intelle-  
 ctum atque æstimationem beneficij sunt  
 posita, assiduitas tamen meriti pertinacis  
 euincit. Ingratus est aduersus vnum be-  
 neficium? aduersus alterum non erit. duo-  
 rum oblitus est? tertium etiam eorum quæ  
 exciderunt, memoriam reducet. Is per-  
 dit, qui citò se perdidisse credit. At qui  
 instat, & onerat priora sequentibus, etiam  
 ex duro & immemori pectore gratiam  
 extundit. Non audebit aduersus multa  
 oculos attollere. quocunque se vertit,  
 memoriam suam fugiens, ibi te videat:  
 beneficiis tuis illum cinge. Quorum quæ  
 vis, quæve proprietas sit, dicam, si priùs  
 illa, quæ ad rem non pertinent, transilire  
 mihi permiseris. Num dicam quare tres  
 Gratia, & quare sorores sint, & quare ma-  
 nibus implexis, quare ridentes, iuuenes,  
 & virgines, solutaque ac pellucidâ veste?  
 Alij quidem videri volunt vnâ esse, quæ  
 det beneficium: alteram, quæ accipiat:  
 tertiam, quæ reddat. Alij tria beneficio-  
 rum genera, promerentium, reddentium,  
 simul & accipientium reddentiumque.  
 Sed vtrumlibet ex istis iudicauerim: quid  
 ista nos iuuat scientia? Quid ille conser-  
 tis manibus in se redeuntium chorus? Ob  
 hoc, quia ordo beneficij per manus tran-  
 seuntis, nihilominus ad dantem reuertitur,  
 & totius speciem perdit, si vsquam  
 interruptus

interruptus est: pulcherrimus, si cohæsit,  
 & vices seruauit. Ideò ridentes: quia pro-  
 merentium vultus hilares sunt, quales so-  
 lent esse qui dant, vel accipiunt beneficia.  
 Iuuenes: quia non debet beneficiorum  
 memoria senescere. Virgines: quia incor-  
 rupta sunt, & sincera, & omnibus sancta.  
 In quibus nihil esse alligati decet, nec  
 adscripti: solutis itaque tunicis vtuntur.  
 Pellucidis autem; quia beneficia conspi-  
 ci volunt. Sit aliquis vsque eò Græcis  
 mancipatus, vt hæc dicat necessaria: ne-  
 mo tamen erit, qui etiam illud ad rem iu-  
 dicet pertinere, quæ nomina illis Hesio-  
 dus imposuerit. Aglaian maximam natu  
 appellauit, mediam Euphrosynen, ter-  
 tiam Thalian. Horum nominum inter-  
 pretationem, & prout cuique visum est,  
 defleat, & ad rationem aliquam conatur  
 perducere: cum Hesiodus puellis suis,  
 quod voluit nomen imposuerit. Itaque  
 Homerus vni mutauit, Pasitheat appellauit,  
 & in matrimonium produxit, vt scias  
 illas Vestales non esse. Inueniam aliam  
 poetam, apud quem præcingantur, & spif-  
 sis aut Phryxianis prodeant. Ergo & Mer-  
 curius vnà stat: non quia beneficia oratio  
 commendat, sed quia pictori ita visum  
 est. Chrysippus quoque, penes quem sub-  
 tile illud acumen est, & in imam pene-  
 trans veritatem, qui rei agendæ causâ  
 loquitur, & verbis non ultra, quàm ad in-

tellectum satis est, utitur, totum librum suum his ineptiis replet: ita ut de ratione dandi, accipiendi, reddendique beneficii pauca admodum dicat: nec his fabulas, sed hæc fabulis inserit. Nam præter ista quæ Hecaton transcribit, treis Chrysippus Gratas ait Iouis & Eurynomes filias esse: ætate autem minores quàm Horas, sed meliusculâ facie, & ideò Veneri datas comites. Matris quoque nomē ad rem iudicat pertinere. Eurynomen enim dictam, quia latè parentis matrimonij sit, beneficia dividere: tamquam matri post filias soleat nomen imponi, aut poëtæ vera nomina reddant. Quemadmodum nomenclatori memorię loco audacia est: & cuicunque nomen non potest reddere, imponit: ita poëtę non putant ad rem pertinere, verū dicere, sed aut necessitate coacti, aut decore corrupti, id quæque vocari iubent, quod bellè facit ad versum. Nec illis fraudi est, si aliud quid in censum detulerunt: proximus enim poëta suum illa ferre nomen iuber. Hoc ut scias ita esse, ecce Thalia, de qua cum maximè agitur, apud Hesiodum Charis est, apud Homerum Musa.

C A P. I V. Sed ne faciam, quod reprehendo, omnia ista, quæ ita extra rem sunt, ut nec circa rem quidem sint, relinquam. Tu modò nos tuere, si quis mihi obiiciet, quòd Chrysippum in ordinem coëgerim, magnum mehercule virum, sed tamen

Græcum, cuius acumen nimis tenue retunditur, & in se sæpè replicatur: etiam cum agere aliquid videtur, pungit, non perforat. Hoc verò quod acumen est? De beneficiis dicendum est, & ordinanda res, quæ maximè societatem humanam alligat: danda lex vitæ, ne sub specie benignitatis inconsulta facilitas placeat; ne liberalitatem, quam nec deesse oportet, nec superfluere, hæc ipsa observatio restringat, dum temperat: docendi sunt libenter accipere, libenter reddere, & magnum ipsis certamen proponere, eos quibus obligati sunt, re animoque non tantum æquare, sed vincere. quia qui referre gratiam debet, nunquam consequitur, nisi præcessit. hi docendi sunt nihil imputare: illi plus debere. Ad hanc honestissimam contentionem, beneficiis beneficia vincendi, sic nos adhortatur Chrysippus, ut dicat verendum esse, ne quia Charites Iouis filiæ sunt, parùm se grætè gerere, sacrilegium sit, & tam bellis puellis fiat iniuria. Tu me aliquid eorum doce, per quæ beneficentior, gratioꝛque aduersus benè merētes fiam, per quæ obligantium, obligatorumque animi certent, ut qui præstiterint, obliuiscantur, pertinax sit memoria debentium. Istæ verò ineptiæ poëtis relinquantur: quibus aures oblectare propositum est, & dulcem fabulam nectere. At qui ingenia sanare, & fidem



in rebus humanis retinere, memoriam officiorum ingerere animis volunt, seriò loquantur, & magnis viribus agant: nisi fortè existimas, leui ac fabuloso sermone, & anilibus argumentis, prohiberi posse rem perniciosissimam, beneficiorum novas tabulas.

CAP. V. Sed quemadmodum superuacua transcurram, ita exponam necesse est, hoc primum nobis esse discendum quid accepto beneficio debeamus. Debere enim dicit se alius pecuniam quam accepit, alius cōsulatum, alius sacerdotium, alius prouinciam. Ista autem sunt meritorum signa, non merita. Non potest beneficium manu tangi: animo cernitur. multum interest inter materiam beneficij, & beneficium. Itaque nec aurum, nec argentum, nec quidquam eorum quæ à proximis accipiuntur, beneficium est, sed ipsa tribuentis voluntas. Imperiti autem id, quod oculis incurrit, & quod traditur possidentque, solùm notant: contrà, illud quod in re carum atq; pretiosum est, parui pendunt. Hæc quæ tenemus, quæ aspiciamus, in quibus cupiditas nostra hæret, caduca sunt: auferre ea nobis & fortuna, & iniuria potest: beneficium verò, etiam amisso eo quod datum est, durat. Est enim rectè factum, quod irritum nulla vis efficit. Amicum à piratis redemi: hunc alius hostis excepit, & in carcerem condidit.

non beneficium, sed vsum beneficij mei fustulit. Ex naufragio alicui raptos, vel ex incendio liberos reddidi: hos vel morbus, vel aliqua fortuita iniuria eripuit: manet etiam sine illis, quod in illis datum est. Omnia itaque, quæ falsum beneficij nomen vsurpant, ministeria sunt, per quæ se voluntas amica explicat. Hoc quoque in aliis rebus euenit, vt aliubi sit species rei, aliubi ipsa res. Imperator aliquem, torquibus, murali, & ciuicâ donat. quid habet per se corona pretiosum? quid prætexta? quid fasces? quid tribunal, & currus? nihil horum honor est, sed honoris insigne. Sic non est beneficium id quod sub oculos venit, sed beneficij vestigium & nota.

C A P. V I. Quid est ergo beneficium? Beneuola actio tribuens gaudiû, capiens-que tribuendo, in id quod facit prona, & sponte suâ parata. Itaque non quid fiat, aut quid detur, refert, sed quâ mente. Quia beneficium non in eo quod fit aut datur, consistit, sed in ipso dantis aut facientis animo. Magnum autem esse inter ista discrimen, vel ex hoc intelligas licet, quod beneficium vtique bonum est: id autem quod fit aut datur, nec bonum nec malum est. Animus est, qui parua extollit, sordida illustrat, magna & in precio habita de honestat: ipsa, quæ appetuntur, neutram naturam habent, nec boni, nec ma-

li. id refert, quò illa rector animus impellat, à quo forma datur rebus. Non est ergo beneficium ipsum, quod numeratur, aut traditur. sicut nec in victimis quidem, licet opimæ sint, auroque præfulgeant, deorum est honos; sed piâ ac rectâ voluntate venerantium. Itaque boni etiam farre ac fitillâ religiosi sunt; mali rursus non effugiunt impietatem, quamvis aras sanguine multo cruentauerint.

CAP. VII. Si beneficia in rebus, non in ipsâ benefaciendi voluntate consisterent, eò maiora essent, quò maiora sunt, quæ accepimus. id autem falsum est: nonnunquam enim magis nos obligat, qui dedit parua magnificè: qui Regum æquavit opes animo: qui exiguū tribuit, sed libenter: qui paupertatis suæ oblitus est, dum meâ respicit: qui non voluntatē tantum iuvandi habuit, sed cupiditatē: qui accipere se putavit beneficiū, cum daret: qui dedit tamquam non recepturus, recepit tamquam non dedisset: qui occasionem, quâ prodesset, & occupavit & quæsiuit. Contrà, ingrata sunt (ut dixi) licet re ac specie magna videantur, quæ danti aut extorquentur, aut excidunt: multoque gratus venit, quod facili, quàm quod plenâ manu datur. Exiguum est quod in me contulit, sed amplius non potuit. At hic quod dedit, magnum est: sed dubitavit, sed distulit, sed cum daret, gemit, sed

superbè dedit, sed circumtulit, & placere non ei, cui præstabat, voluit. ambitioni dedit, non mihi.

CAP. VIII. Socrati cùm multa multi pro suis quisque facultatibus offerrent: Æschines pauper auditor, Nihil, inquit, dignum te quod dare tibi possim; inuenio: & hoc vno modo pauperem me esse sentio. Itaque dono tibi quod vnum habeo, Me ipsum. Hoc munus rogo quæcunque est, boni consulas, cogitesque alios cùm multum tibi darent, plus sibi reliquisse. Cui Socrates: Quid ni tu, inquit, mihi magnum munus dederis, nisi fortè paruo te æstimas? Habebo itaque curæ, vt te meliorem tibi reddam quàm accepi. Vicit Æschines hoc munere Alcibiadis parem diuitiis animum, & omnem iuuenum opulentorum munificentiam.

CAP. IX. Vides quomodo animus inueniat liberalitatis materiam, etiam inter angustias? Videtur mihi dixisse: Nihil egisti fortuna, quòd me pauperem esse voluisti: expediam nihilominus dignū huic viro munus: & quia de tuo non possum, de meo dabo. Neque est quod existimes illum vilem sibi fuisse, qui pretium se sui fecit: ingeniosus adolescens inuénit, quemadmodū Socratem sibi daret. Non quanti quæque sint, sed à quali dentur, perspicendum. \* Callidus non difficilem aditum præbet immodica cupientibus:

spesque improbas, nihil re adiuturus, verbis fouet. At eius peior est opinio, qui linguâ asper, vultu grauis, cum inuidiâ fortunam suam explicauit. Colunt enim, detestanturque felicem, & si potuerint, eadem facturi, odere facientem.\* Coniugibus alienis nec clam, sed apertè quidam Indibrio habitis, suas aliis permisere. Rusticus, inhumanus, ac maleuolus, & inter matronas abominandæ conditionis est, si quis coniugem in sellâ prostare vetuit, & vulgò admissis inspectoribus vehi vndique perspicuam. Si quis nullâ se amicâ fecit insignem, nec alienæ vxori æmulum præstat, hunc matronæ humilem, & sordidæ libidinis, & ancillariolum vocant. Hinc decentissimum sponsaliorum genus, adulterium: & in consensu vidui cælibatus, nemo vxorem duxit, nisi qui abduxit. Iam rapta spargere, sparsâ pari auaritiâ recolligere certant: nihil pensi habere, paupertatem alienam contemnere, suam timere, nullum aliud vereri malum: pacem iniuriis perturbare, imbecilliores vi ac metu premere. Nam prouincias spoliari, & nummarium tribunal, auditâ vtriusque licitatione, alteri addici, non mirum: quando quæ emeris, vendere, gentium ius est.

CAP. X. Sed longiùs nos imperus euehit, prouocante materiâ. Itaque sic finiamus, ne in nostro sæculo culpa subsi-

dat. Hoc maiores nostri questi sunt, hoc nos querimus; hoc posterius nostri querentur, euersos esse mores, regnare nequitiam, in deterius res humanas & in omne nefas labi. At ista stant loco eodem, stabuntque, paullulum duntaxat vltro aut citro mota, vt fluctus: quos æstus accedens longius extulit, recedens interiore littorum vestigio tenuit. Nunc in adulteria magis, quam in alia peccabitur, abrumpetque frænos pudicitia: nunc conuiuiorum vigebit furor, & scdissimum patrimoniorum exitium culina: nunc cultus corporum nimius & formæ cura, præ se ferens animi deformitatem: nunc in petulantiam & audaciam erumpet malè dispensata libertas: nunc in crudelitatem priuatam ac publicam ibitur, bellorumque ciuiliū insaniam, quā omne sanctum ac sacrum profanetur. Habebitur aliquando ebrietati honor, & plurimum meri cepisse virtus erit. Non expectant vno loco vitia: sed mobilia & inter se dissentientia tumultuantur, pellunt inuicem, fuganturque. Cæterum idem semper de nobis pronunciare debemus, malos esse nos, malos fuisse, inuitus adiciam, & futuros esse. Erunt homicidæ, tyranni, fures, adulteri, raptores, sacrilegi, proditores: infra ista omnia ingratus est, nisi quòd omnia ista ab ingrato animo sunt, sine quo vix vllum magnum facinus accreuit.

Hoc tu caue, tamquam maximum crimen, ne admittas: ignosce tamquam leuissimo, si admissum est. Hæc est enim iniuriæ summa. Beneficium perdidisti. Saluum est tibi ex illo, quod est optimum: dedisti. Quemadmodum autem curandum, ut in eos potissimum beneficia conferamus, qui gratè responsuri erunt: ita quædam, etiam si de illis malè sperabitur, faciemus, tribuemusque, non solum si iudicabimus ingratos fore, sed si sciemus fuisse. Tamquam si filios alicui restituere potero, magno periculo liberatos, sine ullo meo incommodo, non dubitabo. Dignum, etiam impendio sanguinis mei tuebor, & in partem discriminis veniam: indignum, si eripere latronibus potero, el amore sublato, salutarem vocem homini non pigebit emittere.

C A P. X I. Sequitur ut dicamus, quæ beneficia danda sint, & quemadmodum. Primò demus necessaria, deinde vtilia, deinde iucunda, utique mansura. Incipiendum est autem à necessariis. aliter enim ad animum peruenit, quod vitam continet: aliter quod exornat, aut instruit. Potest in eo aliquis fastidiosus esse æstimator, quo facile cariturus est, de quo dicere licet: Recipe, non desidero. meo contentus sum. Interim non reddere tantum libet quod acceperis, sed abijcere. Ex his quæ necessaria sunt, quædam primum ob-

tinent locum, sine quibus non possumus  
 vivere: quædam secundum, sine quibus  
 non debemus: quædam tertium, sine qui-  
 bus nolumus. Prima huius notæ sunt,  
 hostium manibus eripi, & tyrannicæ iræ,  
 & proscriptioni, & aliis periculis, quæ va-  
 ria & incerta humanam vitam obsident.  
 Quidquid horum discusserimus, quo ma-  
 ius ac terribilius erit, hoc maiorem inibi-  
 mus gratiam. Subit enim cogitatio, quan-  
 tis sint liberati malis: & lenocinium est  
 muneri, antecedens metus. Nec tamen  
 ideò debemus tardiùs quemquam serua-  
 re, quàm possumus: ut muneri nostro ti-  
 mor imponat pondus. Proxima ab his  
 sunt, sine quibus possumus quidem viue-  
 re, sed ut mors potior sit: tamquam liber-  
 tas, & pudicitia, & mens bona. Post hæc  
 habebimus coniunctione, ac sanguine,  
 usuque, & consuetudine longâ, cara: ut li-  
 beros, coniuges, penates, ceteraque quæ  
 usque eò animus sibi applicuit, ut ab illis,  
 quàm à vita diuelli grauius existimet.  
 Subsequuntur utilia, quorum varia & lata  
 materia est. Hic erit pecunia non super-  
 fluens, sed ad sanum modum habendi pa-  
 rata: hic erit honor, & processus ad alio-  
 ra tendentium. nec enim utilius quid-  
 quam est, quàm sibi utilem fieri. Iam ce-  
 tera ex abundanti veniunt, delicatos fa-  
 ctura. In his sequemur, ut opportunitate  
 grata sint, ut non vulgaria, quæque aut



pauci habuerint, aut pauci intra hanc ætatem habent, aut quæ etiam si naturâ pretiosa non sunt, tempore aut loco fiant. Videamus quid oblatum maximè voluptati futurum sit; quid frequenter occursurum habenti, ut toties nobiscum, quoties cum illo sit. Vtique cauebimus, ne munera superuacua mittamus: ut fœminæ aut senis arma venatoria, aut rustico libros, aut studiis ac litteris dedito retia. Æquè ex contrario circumspiciemus, ne dum grata mittere volumus, suum cuique morbum exprobratura mittamus: sicut ebrioso vina, & valetudinario medicamenta. Maledictum enim incipit esse, non munus, in quo vitium accipientis agnoscitur.

CAP. XII. Si arbitrium dandi penes nos est, præcipuè mansura quæremus, ut quàm minimè mortale munus sit. Pauci enim sunt tam grati, ut quod acceperint, etiam si non vident, cogitent. Ingratis quoque memoria cum ipso munere incurrit: ubi ante oculos est, & obliuisci sui non sinit, sed auctorem suum ingerit & inculcat. Eò quidem magis duratura quæramus, quia nunquam admonere debemus: ipsæ res euanescentem memoriam excitent. Libentiùs donabo argentum factum, quàm signatum: libentiùs statuas, quàm vestem, & quod vsus brevis deterat. Apud paucos post rem manet gratia: plu-

res sunt, apud quos non diutius in animo sunt donata, quàm in usu. Ergo si fieri potest, consumi munus meum nolo: exstet, hæreat amico meo, & conuiuat. Nemo tam stultus est, ut monendus sit, ne cui gladiatores aut venationem iam munere edito mittat, & vestimenta æstiuam brumâ, hiberna solstitio. Sit in beneficio sensus communis; tempus, locum, personas obseruet: quia momentis quædam grata & ingrata sunt. Quanto acceptius est, si id damus, quod quis non habet, quàm cuius copiâ abundat? quod diu querit, nec inuenit, quàm quod ubique visurus est? Munera non tam pretiosa, quàm rara & exquisita sint, quæ etiam apud diuitem sui locum faciant: sicut gregalia quoque poma, etiam post paucos dies itura in fastidium, delectant, si prouenire maturius. Illa quoque non erunt sine honore, quæ aut nemo illis alius dedit, aut nos nulli alij.

CAP. XIII. Alexandro Macedoni, cum victor Orientis, animos supra humana tolleret, Corinthij per legatos gratulati sunt, & ciuitate illum suâ donauerunt. Cum risisset Alexander hoc officij genus, vnus ex legatis: Nulli, inquit, ciuitatem vnquam dedimus alij, quàm tibi & Herculi. Libens accepit delatum honorem, & legatos inuitatione aliâque humanitate prosecutus, cogitauit, non qui sibi

ciuitatem darent, sed cui dedissent. Et homo gloriæ deditus, cuius nec naturam nec modum nouerat, Herculis Liberi quæuestigia sequens, ac ne ibi quidem resistens ubi illa defecerant, ad socium honoris sui respexit à dantibus: tamquam cælum, quod mente vanissimâ complectebatur, teneret, quia Herculi æquabatur. Quid enim illi simile habebat vâsanus adolescens, cui pro virtute erat felix terra meritas? Hercules nihil sibi vicit: orbem terrarum transiit, non concupiscendo, sed vindicando. Quid vinceret malorum hostis, bonorum vindex, terrarum marisque pacator? At hic à pueritia latro, gentiumque vastator, tam hostium pernicies, quàm amicorum, qui summum bonum duceret, terrori esse cunctis mortalibus; oblitus, non ferocissima tantum, sed ignauissima quoque animalia timeri, ob virus malum.

CAP. XIV. Ad propositum nunc reuertamur. Beneficium quod quibuslibet datur, nulli gratum est. Nemo se stabularij aut cauponis hospitem iudicat, nec conuiuiam dantis epulum, ubi dici potest: Quid enim in me contulit? Nempe hoc quod in illum, & vix benè notum sibi, & in illum etiam mimicum ac turpissimum hominem. Numquid enim me dignum iudicauit? morbo suo morem gessit. Quid voles gratum esse, rarum efficere:

quis patitur sibi impntari vulgaria? Nemo hæc ita interpreteretur, tamquam reduncam liberalitatem, & frænis arctioribus reprimam. Illa verò, in quantum libet, exeat: sed eat, non erret. Licet ita largiri, vt vnusquisque etiam si cum multis accipit, in populo se esse non putet. nemo non habeat aliquam familiarem notam, per quam speret se propiùs admissum. Dicat, Accepi idem quod ille, sed vltro. Accepi quod ille: sed ego intra breue tempus, cùm ille diu meruisset. Sunt, qui idem habeant, sed non eisdem verbis datum, non eâdem comitate tribuentis. Ille accepit, cùm rogasset: ego, cùm rogarer. Ille accepit: sed facilè redditurus, sed cuius senectus & liberorum orbitas magna promittebat: mihi plus dedit, quamuis idem dederit, quia sine spe recipiendi dedit. Quemadmodum meretrix ita inter multos se diuidit, vt nemo non aliquod signum familiaris animi ferat: ita qui beneficia sua amabilia vult esse, excogitet, quomodo & multi obligentur, & tamen singuli habeant aliquid, quo se ceteris præferant. Ego verò beneficiis non obijciam moras: quæ quò plura maioraque fuerint, plus afferent laudis. Adsit tamen iudicium. neque enim cordi esse cuiquam possunt, fortè ac temerè data. Quare si quis existimat nos, cùm ista præcipimus, benignitatis fines introrsus referre, & illi

minùs laxum lîmitem aperire, nã perperam monitiones nostras exaudit. Quam enim virtutem magis veneramur? cui magis stimulos addimus? quibûsve tam convenit hæc adhortatio, quàm nobis, societatem humani generis sancientibus?

CAP. XV. Quid ergo est? cùm sit nulla honesta vis animi, etiam si à recta voluntate incepit, nisi quam virtutem modus fecit, veto liberalitatem nepotari. Tunc iuvat accepisse beneficium, & supinis quidem manibus, vbi illud ratio ad dignos perducit: non quod quilibet casus & consilij indigens impetus defert: quod ostentare libet, & inscribere sibi. Beneficia tu vocas, quorum auctorem fateri pudet? At illa quanto gratiora sunt, quantoque in partem interiorem animi nunquam exitura descendunt: cùm delectant, cogitantem magis à quo, quàm quid acceperis? Crispus Passienus solebat dicere, quorundam se iudicium malle, quàm beneficium: quorundam beneficium malle, quàm iudicium. & subiiciebat exempla: Malo, aiebat, diui Augusti iudicium: malo Claudij beneficium. Ego verò nullius puto expetendum esse beneficium, cuius vile iudicium est. Quid ergo? Non erat accipiendum à Claudio quod dabatur? erat: sed sicut à Fortuna, quam scires statim posse malam fieri. Quid ergo ista inter se mixta diuidimus? Non est benefi-

cium, cui deest pars optima, datum esse iudicio. Alioquin pecunia ingens si non ratione, nec rectâ voluntate donata est, non magis beneficium est, quàm thesaurus. Multa sunt autem, quæ oportet accipere, nec debere.

---

LIBER SECVNDVS.

CAPVT I.

**INSPICIAMVS**, Liberalis virorum optime, id quod ex priorè parte adhuc superest, Quemadmodum dandum sit beneficium: cuius rei expeditissimam videor monstraturus viam. Sic demus, quomodo vellemus accipere. ante omnia libenter, citò, sine vlla dubitatione. Ingratum est beneficium, quod diu inter manus dantis hæsit, quod quis ægrè dimittere visus est, & sic tamquam sibi præriperet. Etiam si quid moræ interuenit, euitemus omni modo, ne deliberasse videamur. Proximus est à negante, qui dubitauit, nullamque mereretur gratiam. Nam cum in beneficio iucundissima sit tribuentis voluntas; qui nolentem se tribuisse ipsâ cunctatione testatus est, non dedit, sed aduersus ducentem, malè retinuit. Multi autem sunt, quos liberales facit frontis infirmitas. Gratissima sunt beneficia, parata, facilè occurrètia, vbi nulla mora fuit, nisi in accipientis verecun-

diâ. Primum est, antecedere desiderium cuiusque: proximum sequi. Illud melius, occupare antequam rogemur: quia cùm homini probo ad rogandum os cōcurrat, & suffundatur rubor, qui hoc tormentum remittit, multiplicat munus suum. Non tulit gratis, qui cùm rogasset, accepit. Quoniam quidem, vt maioribus nostris, grauissimis viris, visū est, nulla res carius constat, quàm quæ precibus empta est. Vota homines parcius facerent, si palàm facienda essent. adcò etiam deos, quibus honestissimè supplicamus, tacitè malumus & intra nosmetipsos precari.

CAP. II. Molestum verbum est, onerosum, & demisso vultu dicendum, Rogo. Huius facienda est gratia amico, & cui-cunque, quem amicum sis promerendo factururus. Properet licèt: serò beneficium dedit, qui roganti dedit. Idcò diuinanda cuiusque voluntas, & cùm intellecta est, necessitate grauissimâ rogandi liberanda est. Illud beneficium iucundum, victurumque in animo scias, quod obuiam venit. Si non contingit præuenire, plura rogantis verba intercidamus, ne rogati videamur: sed certiores facti, statim promittamus, facturosque nos etiam antequam interpellaremur, ipsâ festinatione approbemus. Quemadmodum in agris opportunitas cibi salutaris est, & aqua tempestiuè data remedij locum obtinuit:

ita quamvis leue & vulgare beneficium sit, si præstò fuerit, si proximam quamque horam non perdidit, multum sibi adiicit, gratiamque pretiosi, sed lenti & diu cogitati muneris vincit. Qui tam paratè fecit, non est dubium, quin libenter faciat. Itaque lætus facit, & induit sibi animi sui vultum.

C A P. III. Ingentia quorundam beneficia, silentium aut loquendi tarditas, imitata gravitatem & tristitiam, corrumpit, cum promitterent vultu negantium. Quanto melius adiciere bona verba rebus bonis, & prædicatione humanâ benignâque commendare quæ præstes? ut ille se castiget, quòd tardior in rogâdo fuit. Adicias licet familiarem querelam: Irascor tibi, quòd cum aliquid desiderasses, non olim scire me voluisti, quòd tam diligenter rogasti, quòd quemquam adhibuisti. Ego verò gratulor mihi, quòd experiri animum meum libuit: postea quidquid desiderabis, tuo iure exiges. Semel rusticitati tuæ ignoscitur. Sic efficies, ut animum tuum pluris æstimet, quàm illud quidquid est, ad quod petendum venerat. Tunc est summa virtus tribuentis, tunc benignitas, ubi ille qui discessit, dicet sibi: Magnum hodie lucrum feci. malo quòd illum talem inveni, quàm si multiplicatum hoc ad me aliâ viâ peruenisset. Huic eius animo nunquã parem referam gratiã.



CAP. IV. At plerique sunt, qui beneficia asperitate verborum & supercilio in odium adducunt, eo sermone vti, eâ superbiâ, vt impetrasse pœniteat. Aliæ deinde post rem promissam sequuntur moræ. nihil autē est acerbius, quàm vbi quoque cū impetraſti, rogandum est. Repræſentanda ſunt beneficia: quæ à quibuſdam accipere difficilius est, quàm impetrare. Hic rogandus est, vt admoneat; ille, vt ſumat. Sic vñ munus per multorum teritur manus, ex quo gratiæ minimum apud promittentem remanet: quia auctori detrahit, quiſquis poſt illum rogandus est. Hęc itaq; curę habebis, ſi grātē eſtimari quæ præſtabis voles, vt beneficia tua illibata, vt integra ad eos, quibus promiſſa ſunt, perueniant, ſine vlla, quod aiunt, deductione. Nemo illa intercipiat, nemo detineat: nemo in eo quod daturus es, gratiam ſuam facere poteſt, vt non tuam minuat.

CAP. V. Nihil æquē amarum, quàm diu pendere. Æquiore quidam animo ferunt præcidi ſpem ſuam, quàm trahi. Plerique autem hoc vitium eſt, ambitione prauâ differendi promiſſa, ne minor ſit rogantium turba. Quales regiæ potentiæ miniſtri ſunt, quos delectat ſuperbiæ ſuæ longum ſpectaculum: minusque ſe iudicant poſſe, niſi diu multumque ſingulis, quid poſſint, oſtentent. Nihil

confestim, nihil semel faciunt. iniuriæ illorum præcipites, lenta beneficia sunt. Quare verissimum existima, quod ille Comicus dixit: ——— Quid? tu non intelligis, Tantum te gratiæ demere, quantum moræ adiciis? Inde illæ voces, quas ingenuus dolor exprimit: Fac, si quid facis:&, Nihil est tanti: Malo mihi iam neges:] vbi in tædium adductus animus incipit beneficium odisse, dum expectat. Potest ob id ingratus esse. Quemadmodum acerbissima crudelitas est, quæ trahit pœnam, & misericordiæ genus est, citò occidere ( quia tormentum vltimum finem sui secum affert; quod antecedit tempus, maxima venturi supplicij pars est: ) ita maior est muneris gratia, quo minùs diu pependit. Est enim bonarum etiam rerum sollicita expectatio. & cum plurima beneficia remedium alicuius rei afferant; qui aut diutiùs torqueri patitur, quem protinus potest liberare, aut gaudere tardius, beneficio suo manus affert. Omnis benignitas properat: & proprium est libenter facientis, citò facere. Qui tardè, & diem de die extrahens profuit, non ex animo fecit. Ita duas res maximas perdidit, & tempus, & argumentum amicæ voluntatis. tardè velle, nolentis est.

C A P. V I. In omni negotio, Liberalis, non minima portio est, quomodo quidque aut dicatur, aut fiat. multum

celeritas fecit, multum abstulit mora. Sicut in telis eadem ferri vis est: sed infinitum interest, vtrum excusso lacerto torqueantur, an remissâ manu effluant. gladius idem & stringit, & transforat: quàm presso articulo venerit, refert: idem est quod datur, sed interest quomodo detur. Quàm dulce, quàm pretiosum est, si gratias sibi agi non est passus, qui dedit: si dedisse, dum dat, oblitus est! nam corripere eum, cui cum maxime aliquid præstes, dementia est, & inferre contumeliam meritis. Itaque non sunt exasperanda beneficia, nec quidquam illis triste miscendum. Etiam si quid erit, de quo velis admonere, aliud tempus eligito.

CAP. VII. Fabius Verrucosus beneficium ab homine duro asperè datum, Panem lapidosum vocabat; quem esurienti accipere necessarium sit, esse acerbum. Tiberius Cæsar rogatus à nepote M. Allio prætorio, ut æri alieno succurreret: edere illum sibi nomina creditorum iussit. Hoc non est donare, sed creditores conuocare. Cum edita essent, scripsit, nepoti iussisse se pecuniam solui. adiectâ contumeliosâ admonitione, effecit, ut nec æs alienum haberet, nec beneficium. Liberavit illum à creditoribus, sibi non obligavit. Aliquid Tiberius secutus est. puto noluit plures esse, qui idem rogaturi

DE BENEFICIIS, *Lib. II.* 101  
concurrerent. ista fortasse efficax ratio  
fuerit, ad hominum improbas cupiditates  
pudore reprimendas : beneficium verò  
danti, tota alia sequenda est via.

CAP. VIII. Omni genere quod  
des, quo sit acceptius, adornandum est.  
Hoc verò non est beneficium dare, repre-  
hendere est. Et ut in transitu de hac quo-  
que parte dicam quid sentiam, ne Princi-  
pi quidem satis decorum est, donare igno-  
miniaë causâ. Tametsi inquietudinem  
Tiberius, nec hoc quidem modo, quo pu-  
tabat, potuit effugere. Nam aliquot po-  
steà, qui idem rogarent, inuenti sunt. om-  
nes iussit reddere in senatu æris alieni  
causas, & ita illis certas summas dedit.  
Non est illud liberalitas: censura est, au-  
xilium est, Principale tributum est. Be-  
neficium non est, cuius sine rubore me-  
minisse non possum. Ad iudicem mis-  
sus sum. ut impetrarem, causam di-  
xi.

CAP. IX. Præcipiunt itaque omnes  
auctores sapientiaë, quædam beneficia pa-  
lâm danda, quædam secretò. Palâm, quæ  
consequi gloriosum est: ut militaria do-  
na, & honores, & quidquid aliud notitiâ  
pulchrius sit. Rursus quæ non produ-  
cunt, nec honestiorem faciunt, sed occur-  
runt infirmitati, egestati, ignominiaë, taci-  
tè danda sunt: ut nota sint solis, quibus  
profunt. Interdum & ipse qui iuuarur,

fallendus est: vt habeat, nec à quo acceperit, sciat.

CAP. X. Arcesilaus, vt aiunt, amico pauperi, & paupertatem suam dissimulanti, ægro autem, & ne hoc quidem confitenti deesse sibi in sumptum ad necessarios vsus, cùm clàm succurrendum iudicasset; puluino eius ignorantis sacculum subiecit, vt homo inutiliter verecundus, quod desiderabat, inueniret potiùs quàm acciperet. Quid ergo? ille nesciet à quo acceperit? Primùm nesciat, si hoc ipsum beneficij pars est. deinde multa alia faciam, multa tribuam, per quæ intelligat & illius auctorem. Denique ille nesciet accepisse se: ego sciam me dedisse. Parum est, inquis. Parum, si fænerare cogitas: sed si dare quo genere accipienti maximè profuturum erit; dabis. contentus eris te teste. Alioquin non benefacere delectat, sed videri benefecisse: Volo, inquis, sciat: debitorem quæris. Volo utique sciat: quid, si illi vtilius est nescire? si honestius, si gratius? non in aliam partem abibis? Volo sciat: ita tu hominem non seruabis in tenebris? Non nego, quoties patitur res, percipiendum gaudium ex accipientis voluntate: sin adiuuari illum & oportet, & pudet, si quod præstamus, offendit, nisi absconditur: beneficium in acta non mitto. Quid? ego illi sum indicaturus me dedisse: cùm inter prima præcepta ac maximè

ximè necessaria sit, ne vnquam exprobrem, imò ne admoneam quidem? Hæc enim beneficij inter duos lex est. alter statim obliuisci debet dati, alter accepti nunquam. Lacerat animum & premit frequens meritorum commemoratio.

C A P. XI. Libet exclamare, quod ille triumvirali proscriptione seruatus à quodam Cæsaris amico exclamauit, cum superbiam eius ferre non posset: Redde me Cæsari. Quousque dices: Ego te seruaui, ego te eripui morti? istud, si meo arbitrio memini, vita est- si tuo; mors est. Nihil tibi debeo, si me seruaisti, vt haberes, quem ostenderes. Quousque me circumducis? quousque obliuisci fortunæ meæ non finis? semel in triumpho ductus essem. Non est dicendum, quid tribuerimus. qui admonet, repetit. Non est instandum, non est memoriæ reuocandum: nisi vt aliud dando, prioris admoneas. Ne aliis quidem narrare debemus. qui dedit beneficium, taceat: narret, qui accepit. Dicetur enim, quod illi vbique iactanti beneficiū suum: Num negabis, inquit, te recepisse? & cum respondisset, Quando? Sæpè quidem, inquit, & multis locis: ( id est) quoties & vbicunq; narraisti. Quid opus est te loqui? quid alienum occupare officium? Est qui istud facere honestiùs possit: quo narrante, & hoc laudabitur, quòd ipse non narras. Ingratum me iudicas, si istud te ta-

cente, nemo sciturus est? Quod adeo non est committendum, ut etiam si quis coram nobis narrabit, ei respondendum sit; Dignissimus quidem ille est maioribus beneficiis, quæ ego magis velle me scio præstare, quàm posse. Et hæc ipsa non verniliter, nec eâ figurâ, quâ quidam reiiciunt, quæ magis ad se volunt attrahere: deinde adiicienda omnis humanitas. Perdet agricola quod sparsit, si labores suos destituerit in semine. Multâ curâ sata perducuntur ad segetem. nihil in fructum peruenit, quod non à primo usque ad extremum æqualis cultura prosequitur: eadem beneficiorum est conditio. Nunquid vlla maiora possunt esse, quàm quæ in liberos patres conferunt? Nec tamen tuta sunt, si in infantiâ deferantur, nisi longa pietas munus suum nutriet. Eadem ceterorum beneficiorum conditio est: nisi illa adiuueris, perdes. parum est dedisse; fouenda sunt. Si gratos vis habere quos obligas, non tantum des oportet beneficia, sed ames. Præcipue, ut dixi, parcamus auri- bus. admonitio tedium facit, exprobratio odium. Nihil æquè in beneficio dando vitandum est, quàm superbia. Quid opus arrogantia vultus? quid rumore verborum? ipsa res te extollit. Detrahenda est inanis iactatio: res loquentur, nobis tacentibus. Non tantum ingratum, sed iniustum est beneficium, superbe datum.

CAP. XII. Cæsar dedit vitam Pompeio Penno, si dat, qui non aufert: deinde absoluto & agenti gratias, porrexit osculandum sinistram pedem. Qui excusant, & negant id insolentia causa factum: aiunt socculum auratum, imò aureum margaritis distinctum, ostendere eum voluisse. Ita prorsus: quid hinc contumeliosum est, si vir consularis aurum & margaritas osculatus est; & alioquin nullam partem in corpore eius electurus, quam purius oscularetur? Homo natus in hoc, ut mores libera civitatis Persicâ servitute mutaret, parum iudicavit, si senator senex, summis usus honoribus, in conspectu principum supplex sibi, eo more iacuiisset, quo victi hostes victoribus iacere inuenit aliquid infra genua, quò libertatem detruderet. Non hoc est remp. calcare? & quidem, dicit aliquis (nam potest ad rem pertinere) sinistro pede. Parum enim fœdè furiosq; insolens fuerat, qui de capite consularis viri soccatus audiebat, nisi in os senatoris ingessisset imperator pigros suos.

CAP. XIII. O superbia magnæ fortunæ! O stultissimum malum! ut à te nihil accipere iuvat? ut omne beneficium in iniuriam conuertis? ut te omnia nimia delectant? ut te omnia dedecent? quoque aliùs te subleuasti; hoc depressior es, ostendisque te non agnoscere ista bona,



quibus tantum inflaris. Quidquid das, corrumpis. Libet itaque interrogare, quid tantopere te supinet, quid vultum habitumque oris peruertat, ut malis habere personam, quam faciem? Iucunda sunt, quæ humanâ fronte, certè leni, placidaque tribuuntur: quæ cum daret mihi superior, non exsultavit supra me, sed quam potuit, benignissimus fuit, descenditque in æquum, & detraxit mueri suo pompam. obseruauit idoneum tempus, ut in occasione potius, quam in necessitate succurreret. Vno modo istis persuadebimus; ne beneficia sua insolentiâ perdant, si ostenderimus non ideo videri maiora, quò tumultuosius data sunt: ne ipsos quidem ob id cuiquam posse maiores videri. vanâ esse superbiæ magnitudinem, & quæ in odium etiam amanda perducant.

CAP. XIV. Sunt quædam nocitura impetrantibus: quæ non dare, sed negare, beneficium est. Æstimabimus itaque utilitatem potius, quam voluntatem petentium. Sæpè enim noxia concupiscimus, nec dispicere quam perniciofa sint licet: quia iudicium interpellat affectus. sed cum subsedit cupiditas, cum imperus ille flagrantis animi, qui consilium fugat, cecidit; detestamur perniciosos malorum munerum auctores. Ut frigidam ægris negamus, & lugentibus ac sibi iratis ferrum, aut amantibus quidquid contra se

yltus ardor petit: sic ea, quæ nocitura  
 sunt impensè ac submissè, nonnunquam  
 etiam miserabiliter rogantibus, perseue-  
 rabimus non dare. Tum initia beneficio-  
 rum suorum spectare, tum etiam exitus  
 debere & ea dare quæ non tantum accipe-  
 re, sed etiam accepisse delectet. Multi  
 sunt qui dicant: Scio hoc illi non profutu-  
 rum, sed quid faciam? rogat, resistere pre-  
 cibus eius non possum. Viderit de se, non  
 de me, queretur. Falsum est: imò de te, &  
 meritò quidem: cum ad mentem bonam  
 sedieris, cum accessio illa quæ animum  
 inflammabat, se remiserit. Quid ni cum  
 oderit, à quo in damnum ac periculum  
 suum adiutus est? Exorari in perniciem  
 rogantium, sæua bonitas est. Quemad-  
 modum pulcherrimum opus est, etiam  
 inuitos nolentesque seruare: ita roganti-  
 bus pestifera largiri, blandum & affabile  
 odium est. Beneficium demus, quod usu  
 magis ac magis placeat, quod nunquam  
 in malum vertat. Pecuniam non dabo,  
 quam numeraturum adulterè sciam: ne in  
 societate turpis facti aut consilij inue-  
 niar. Si potèro, reuocabo: sin minùs, non  
 adiuuabo scelus. Siue illum ira, quò non  
 debebat, impellit, siue ambitionis calor  
 abducit à tutis: non committam, vt possit  
 quandoque dicere, Ille amando me occi-  
 dit. Sæpè nihil interest inter amicorum  
 munera, & hostium vota. Quidquid illi

accidere optant, in id horum intempesti-  
na indulgentia impellit, atque instruit.  
Quid autem turpius, quàm ( quod euenit  
frequentissimè ) vt nihil intersit inter  
odium, & beneficium?

C A P. XV. Nunquam in turpitudi-  
nem nostram reditura, tribuamus. Cum  
summa amicitia sit, amicum sibi æquare;  
utrique simul consulendum est. Dabo  
egenti: sed vt ipse non egeam. succurram  
perituro: sed vt ipse non peream. nisi si fu-  
rurus ero magni hominis, aut magnæ rei  
merces. Nullum beneficium dabo, quod  
turpiter peterem. Nec exiguum dilatabo;  
nec magna pro paruis accipi patiar. Nam  
vt qui quod dedit, imputat, gratiam de-  
struit: ita qui quantum det, ostendit, mu-  
nus suum commendat; non exprobrat.  
Respicendæ sunt cuique facultates suæ;  
viresque: nè aut plus præstemus, quàm  
possumus, aut minus. Æstimanda est eius  
persona, cui damus. quædam enim mino-  
ra sunt, quàm vt exire à magnis viris de-  
beant; quædam accipiente minora sunt.  
Vtriusque itaque personam confer: & id  
ipsum, inter illas, quod donabis, examina,  
nunquid aut danti graue sit, aut paucum:  
nunquid rursus qui accepturus est, aut  
fastidiat, aut non capiat.

C A P. XVI. Urbem cui dam Alexander  
donabat vāsanus, & qui nihil animo  
non grande conciperet. cum ille cui do-

nabatur, seipſe menſus, tanti muneris invidiam refugiſſet, dicens non convenire fortunæ ſuæ: Non quæro, inquit, quid te accipere deceat, ſed quid me dare. Animoſa vox videtur, & regia: cùm ſit ſtuliſſima. Nihil enim per ſe quemquam decet: reſert quid, cui, quando, quare, ubi, & cetera, ſine quibus facti ratio non conſtabit. Tumidiſſimùm animal! ſi illum accipere hoc non decet, nec te dare. Habeatur perſonarum ac dignitatum proportio: & cùm ſit ubique virtutis modus, æquè peccat quod excedit, quàm quod deficit. Liceat iſtud ſanè tibi, & te in tantum fortuna ſuſtulerit, ut congiaria tua vrbes ſint: quas quanto maioris animi fuit non capere, quàm ſpargere? eſt tamen aliquis minor, quàm ut in ſinu eius condenda ſit ciuitas.

CAP. XVII. Ab Antigono Cynicus petiit talentum. reſpondit, plus eſſe, quàm quod Cynicus petere deberet. Reſpuſus petit denarium. reſpondit, minus eſſe, quàm quod regem deceret dare. Turpiſſima eſt eiufmodi cauillatio. Inuenit quomodo neutrum daret. in denario regem, in talento Cynicum reſpexit: cùm poſſet & denarium tamquam Cynico dare, & talentum tamquam regi. Ut ſit aliquid maius, quàm quod Cynicus accipiat; nihil tam exiguum eſt, quod non honeſtè regis humanitas tribuat. Si me

interrogas, probo. est enim intolerabilis  
 res, poscere nummos, & contemnere. In-  
 dixisti pecuniæ odium : hoc professus es.  
 hanc personam induisti : agenda est. Ini-  
 quissimum est, te pecuniam sub gloriâ  
 egestatis acquirere. Aspicienda ergo non  
 minus sua cuique persona est, quàm eius,  
 de quo iuando quis cogitat. Volo Chry-  
 sippi nostri vti similitudine de pilæ lusu:  
 quam cadere non est dubium, aut mitten-  
 tis vitio, aut accipientis. Tunc cursum  
 suum seruat, vbi inter manus vtriusque,  
 aptè ab utroque & iactata & excepta ver-  
 satur. necesse est autem lusor bonus, ali-  
 ter illam collusori longo, aliter breui mit-  
 teret. Eadem beneficij ratio est. nisi vtri-  
 que personæ, dantis & accipientis, apta-  
 tur : nec ab hoc exhibit, nec ad illum per-  
 ueniet, vt debet. Si cum exercitato & do-  
 cto negotium est, audaciùs pilam mitte-  
 mus. vtrunque enim venerit, manus il-  
 lam expedita & agilis repercutiet. Si cum  
 tirone & indocto : non tam rigidè, nec  
 tam excusè, sed languidiùs, & in ipsam  
 eius dirigentes manum, remissè occurre-  
 mus. Idem faciendum est in beneficiis.  
 quosdam doceamus, & satis iudicemus, si  
 conantur, si audent, si volunt. Facimus  
 autem plerumque ingratos, & vt sint, fa-  
 uemus : tamquam ita demum magna sint  
 beneficia nostra, si gratia illis referri non  
 potuit: vt malignis lusoribus propositum

est, collusorem traducere, cum damno scilicet ipsius lusus, qui non potest, nisi consentitur, extendi. Multi sunt tam prauæ naturæ, ut malint perdere quæ præstiterunt, quàm videri recepisse, superbi & imputatores. Quanto melius, quantoque humanius id agere, ut illi quoque partes suæ consent, & fauere; ut gratia sibi referri possit, benignè omnia interpretari; gratias agentem, non aliter quàm si referat, audire; præbere se facilem, ad hoc, ut quem obligauit, etiam exsolui velit? Male audire solet fenerator, si acerbè exigit: æquè, si in recipiendo tardus ac difficilis moras quærit: beneficium tam recipiendum est, quàm non exigendum. Optimus ille, qui dedit facilè, nunquam exigit: reddi gauisus est, bonâ fide quid præstitisset, oblitus, qui accipientis animo recepit.

CAP. XVIII. Quidam non tantùm dant beneficium superbè, sed etiam accipiunt: quod non est committendum. Iam enim transeamus ad alteram partem, tractaturi quomodo se gerere homines in accipiendis beneficiis debeant. Quodcunque ex duobus constat officium, tantumdem ab utroque exigit. Qualis pater esse debeat, cum inspexeris; scies non minus operis illic superesse, ut dispicias, qualem esse oporteat filium. sunt aliquæ partes mariti, sed non minores vxoris. Inuicem ista quantum exigunt, præstant,

& parem desiderant regulam : quæ, ut ait Hecaton, difficilis est. Omne enim honestum in arduo est, etiam quod vicinum honesto est. non enim tantum fieri debet, sed ratione fieri. Hac duce, per totam viam eundem est. minima maximaque ex huius consilio gerenda sunt : quomodo hæc suaserit, dandum. Hæc autem hoc primum censebit, non ab omnibus accipiendum. A quibus ergo accipiemus? Ut breuiter tibi respondeam : ab his, quibus dedisse vellemus. Num etiam maiore dilectu quærendus est, cui debeamus, quam cui præstemus? nam, ut non sequantur vlla incommoda (sequuntur autem plurima) graue tamen tormentum est debere, cui nolis. Contrà, iucundissimum est, ab eo accepisse beneficium, quem amare etiam post iniuriam possis. Illud verò homini verecundo & probo miserrimum est, si eum amare oportet, quem non iuuat. Toties admoneam necesse est, non loqui me de sapientibus, quos quidquid oportet, & iuuat; qui animum in potestate habent, & legem sibi, quam volunt, dicunt, & quam dixerunt, seruant : sed de imperfectis hominibus, honesta sequi volentibus, quorum affectus sæpè contumaciter parent. Itaque eligendus est, à quo beneficium accipiam. Et quidem diligentius quærendus beneficij, quam pecuniæ creditor. Huic enim reddendum est, quan-

tum accepi: & si reddidi, solutus sum ac liber. at illi plus soluendum est: & nihilominus etiam relatâ gratiâ, cohæremus. Debeo enim, cùm reddidi, rursus incipere: \* monetque amicitia non recipere indignum. Sic est beneficiorum quidem sacratissimum ius, ex quo amicitia oritur. Non semper, inquit, mihi licet dicere, Nolo: aliquando beneficium accipiendum est & inuito. Dat tyrannus crudelis & iracundus: qui munus suum fastidire te, iniuriam iudicaturus est. non accipiam? Eodem loco pone latronem & piratam, quo regem, animum latronis ac piratæ habentem. quid faciam? parùm dignus est, cui debeam. Cùm eligendum dico cui debeas, vim maiorem & metum excipio: quibus adhibitis, electio perit. Si liberum est tibi, si arbitrij tui est, utrùm velis, an non; id apud te ipse perpendes. si necessitas tollit arbitrium, scies te non accipere, sed parère. Nemo id accipiendo obligatur, quod illi repudiare non licuit. Si vis scire, an velim; effice, ut possim nolle. Vitam tamen tibi dedit. non refert quid sit, quod datur, nisi à volente volenti detur. Si servasti me, non idèò servator es. Venenum aliquando pro remedio fuit. non idèò numeratur inter salubria. Quædam profunt, nec obligant.

C A P. XIX. Tiber quidam tyrannus gladio diuisit, qui ad eum occidendum



venerat : non ideò illi tyrannus gratias egit, quòd rem quam medicorum manus reformidauerant, nocendo sanauit. Vides non esse magnum in ipsâ re momentum? quoniam non videtur dedisse beneficium, qui malo animo profuit. Casus enim beneficium est, hominis iniuria. Leonem in amphitheatro spectauimus, qui vnum è bestiariis agnitum; cùm quondam eius fuisset magister, protexit ab impetu bestiarum. Num ergo est beneficium, feræ auxilium? minimè: quia nec voluit facere, nec benefaciendi animo fecit. Quo loco feram posui, tyrannum pone. Et hic vitam dedit, & illa: nec hic, nec illa beneficium. quia non est beneficium, accipere cogi. non est beneficium, debere, cui nolis. Antè des oportet mihi arbitrium mei, deinde beneficium.

CAP. XX. Disputari de M. Bruto solet, an debuerit accipere à D. Iulio vitam, cùm occidendum eum iudicaret. Quam rationem in occidendo secutus sit, aliàs tractabimus. Mihi enim, cùm vir magnus fuerit in aliis, in hac re videtur vehementer errasse, nec ex institutione Stoicâ se gessisse: qui aut regis nomen extimuit, cùm optimus ciuitatis status sub rege iusto sit; aut ibi sperauit libertatem futuram, vbi tam magnum præmium erat & imperandi, & seruiendi; aut existimauit ciuitatem in priorem formam posse reuo-

cari, amissis pristinis moribus: futuram-  
 que ibi æqualitatem ciuilis iuris, & statu-  
 ras suo loco leges, vbi viderat tot millia  
 hominum pugnancia, non an seruirent,  
 sed vtri. Quanta verò illum aut rerum na-  
 turæ, aut vrbs suę tenuit obliuio, qui vno  
 interempto, defuturum credidit alium,  
 qui idem vellet: cū Tarquinius esset in-  
 uentus, post tot reges ferro ac fulminibus  
 occisos? Sed vitam accipere debuit: ob  
 hoc tamen non habere illum parentis lo-  
 co, qui in ius dādi beneficij iniuriā vene-  
 rat. Non enim seruauit is, qui non inter-  
 fecit; nec beneficium dedit, sed missio-  
 nem.

CAP. XXI. Illud magis venire in  
 disputationem potest aliquam, quid fa-  
 ciendum sit captiuo, cui redemptionis  
 pretium homo prostituti corporis & in-  
 famis ore promittit? Patiar me ab impu-  
 ro seruari? seruatus deinde, quam illi gra-  
 tiam referam? Viuam cum obsceno? non  
 viuam cum redemptore? Quid ergo pla-  
 ceat, dicam. Etiam ab aliquo tali acci-  
 piam pecuniam, quam pro capite depen-  
 dam: accipiam autem tamquam creditum,  
 non tamquam beneficium. Soluam illi  
 pecuniam: & si occasio fuerit seruandi,  
 periclitantem seruabo: in amicitiam, quæ  
 similes iungit, non descendam. nec serua-  
 toris illum loco numerabo, sed fenerato-  
 ris: cui sciam reddendum quod accepi.

Est aliquis dignus, à quo beneficium accipiam: sed danti nociturum est. idè non accipiam, quia ille paratus est mihi cum incommodo, aut etiam periculo suo prodesse. Defensurus est me reum: sed illo patrocinio, regem sibi est facturus inimicum. Inimicus sim, si cum ille pro me periclitari velit, ego, quod facilius est, non facio, ut sine illo pericliter. Ineptum & friuolum hoc Hecaton ponit exemplum Arcefilai, quem ait à filio familias oblatam pecuniam non accepisse, ne ille patrem sordidum offenderet. Quid fecit laude dignum? quòd furtum non recepit? quòd maluit non accipere, quàm reddere? quæ est enim alienam rem non accipere moderatio? Si exemplo magni animi opus est, utamur Græcini Iulij viri egregij, quem C. Cæsar occidit ob hoc vnum, quòd melior vir erat, quàm esse quemquam tyranno expediret. Is cum ab amicis conferentibus ad impensam ludorum pecunias acciperet, magnam pecuniam à Fabio Persico missam non accepit. Et obiurgantibus his, qui non æstimabant mittementem, sed missa, quòd repudiasset: Ego, inquit, ab eo beneficium accipiam, à quo propinationem accepturus non sim? Cumque illi Rebilus consularis, homo eiusdem infamiæ, maiorem summam misisset, instaretque, ut accipi iuberet: Rogo, inquit, ignoscas; nam & à Persico non acce-

pi. Vtrum hoc munera accipere est, an senatum legere?

CAP. XXII. Cum accipiendum iudicauerimus, hilares accipiamus, profiteres gaudium: & id danti manifestum sit, ut fructum praesentem capiat. Iusta enim causa laetitiae est, laetum amicum videre; iustior, fecisse. Gratè ad nos peruenisse indicemus, effusis affectibus: quod non ipso tantum audiente, sed ubique testemur. Qui gratè beneficium accepit, primam eius pensionem soluit.

CAP. XXIII. Sunt quidam, qui nolunt nisi secreto accipere: testem beneficii & conscium vitant: quos scias licet malè cogitare. Quomodo danti in tantum producenda notitia est muneris sui, in quantum delectatura est eum, cui datur: ita accipienti adhibenda concio est. Quod pudeat debere, ne acceperis. Quidam furtivè agunt gratias, & in angulo, & ad aurem. Non est ista verecundia, sed inficiandi genus. Ingratus est, qui, remotis arbitris, agit gratias. Quidam nolunt nomina secum fieri, nec interponi pararios, nec signatores aduocari, nec chirographum dare: idem faciunt, qui dant operam, ut beneficiū in ipsos collatum, quàm ignotissimum sit. Verentur palàm ferre, ut suā potius virtute, quàm alieno adiutorio consecuti dicantur. Rariores in eorum officiis sunt, quibus vitam, aut dignitatem

debent: & dum opinionem clientium timent, grauiorem subeunt ingratorum.

CAP. XXIV. Alij pessimè loquuntur de optimè meritis. Tutius est quosdam offendere, quàm demeruisse. argumentum nihil debentium, odio quærunt. Atqui nihil magis præstandum est, quàm vt memoria nobis meritorum hæreat, quæ subinde reficienda est: quia nec referre potest gratiam, nisi qui meminit; & qui meminit, iam refert. Nec delicatè accipiendum est, nec submissè & humiliter. Nam qui negligens est in accipiendo, cum omne beneficium recens placeat, quid faciet, cum prima eius voluptas refrixerit? Alius accepit fastidiosè, tanquam qui dicat: Non quidem mihi opus est; sed quia tam valde vis, faciam tibi mei potestatem. Alius supinè, vt dubium præstanti relinquat, an senserit: alius vix labra diduxit, & ingrator, quàm si tacuisset, fuit. Loquendum pro magnitudine rei impensius, & illa adiicienda; Plures quàm putas, obligasti. Nemo enim non gaudet beneficium suum latiùs patere. Nescis quid mihi præstiteris: sed scire te oportet, quanto plus sit quàm æstimas. Statim gratus est, qui se onerat. Nunquam tibi gratiam referre potero: illud certè non desinam vbique confiteri, me referre non posse.

CAP. XXV. Nullo magis Casa-

rem Augustum demeruit, & ad alia impetranda facile sibi reddidit Furnius, quàm quòd, cùm patri Antonianas partes secuto veniam impetrasset, dixit: Hanc vnam Cæsar habeo iniuriam tuam. effecisti vt viuerem, & morerer ingratus. Quid est tam grati animi, quàm nullo modo sibi satisfacere? quàm nec ad spem quidem exæquandi vnquam beneficii accedere? His atque eiusmodi vocibus id agamus, vt voluntas non lateat, sed aperiatur, vt luceat. Verba cessent licet. si quemadmodum debemus affecti sumus, conscientia eminebit in vultu. Qui gratus futurus est, statim dum accepit, de reddendo cogitat. Chrysippus quidem dicit, illum velut in certamen cursus compositum, & carceribus inclusum, opperiri debere suum tempus, ad quod velut dato signo profiliat. Et quidem magnâ illi celeritate opus est, magnâ contentione, vt consequatur antecedentem.

C A P. XXVI. Videndum est nunc, quid maximè faciat ingratos. Aut nimius sui suspectus, & insitum mortalitati virium, se suaque mirandi: aut auiditas, aut inuidia. Incipiamus à primo. Nemo non benignus est sui iudex. inde est, vt omnia meruisse se existimet, & in solutum accipiat: nec satis suo pretio se æstimatum putet. Hoc mihi dedit, sed quàm serò, sed post quot labores? quanto consequi plura

potuissem, si illum, aut illum, aut me colere maluissem? non hoc speraueram. In turbam coniectus sum. tam exiguo dignum me iudicauit. honestius præteriri fuit.

CAP. XXVII. Cn. Lentulus augur, diuitiarum maximum exemplum, antequam illum libertini pauperem facerent ( hic quater millies sestertium suum vidit. propriè dixi: nihil enim amplius quàm vidit ) ingenij fuit tam sterilis, quàm pusilli. Cum enim esset auarissimus, nummos citiùs emittebat, quàm verba: tanta illi inopia erat sermonis. Hic cum omnia incrementa sua D. Augusto deberet, ad quem attulerat paupertatem, sub honore nobilitatis laborantem; princeps iam ciuitatis, & pecuniâ, & gratiâ, subinde Augusto solebat queri, dicens, A studiis se abductum. Nihil tantum in se congestum esse, quantum perdidisset, relictâ eloquentiâ. At illi inter alia hoc quoque diuus Augustus præstiterat, quod illum derisu ac labore irritò liberauerat. Non patitur auiditas quemquã esse gratum. nunquam enim improbe spei, quod datur, satis est. Eò maiora cupimus, quò maiora venerunt: multoque concitator est auaritia, in magnarum opum congestu collocata. vt flammæ infinito acrior vis est, quo ex maiore incendio emicuit. Æquè ambitio non patitur quemquam in eâ

mensurâ honorum conquirere, quæ quondam eius fuit impudens votum. Nemo agit de tribunatu gratias: sed queritur, quod non est ad præturam usque perductus. nec hæc grata est, si deest consularis: ne hic quidem satiat; si unus est. Ultra se cupiditas porrigit, & felicitatem suam non intelligit: quia non vnde venerit, respicit, sed quod tendat. Omnibus his vehementius & importunius malum est invidia, quæ nos inquietat, dum comparat.

CAP. XXVIII. Hoc mihi præstitit: sed illi plus, sed illi maturius: & deinde nullius causâ agit, contra omnes sibi fauet. Quanto est simplicius, quanto pudenter, beneficium acceptum augere: scire neminem tanti ab alio, quanti a seipso æstimari? Plus accipere debuissim. sed illi facile non fuit plus dare: in multos dividenda liberalitas erat. Hoc initium est. boni consulamus, & animum eius, gratè excipiendo, euocemus. Parum fecit; sed sæpius faciet. illum mihi prætulit; & multis. ille non est mihi par virtutibus, nec officiis; sed habuit suam Venerem. Querendo non efficiam, ut maioribus dignus sim, sed ut datis indignus. Plura illis hominibus turpissimis data sunt. quid ad rem? quàm raro fortuna iudicat? Quotidie querimur, malos esse felices. sæpè quæ agellos pessimi cuiusque transierat,



optimorum virorum segetem grando percussit. Fert sortem suam quisque, ut in ceteris rebus, ita in amicitiiis. Nullum est tam plenum beneficium, quod non vellicare malignitas possit: nullum tam angustum, quod non bonus interpretes extendat. Nunquam deerunt causæ querendi, si beneficia à deteriore parte spectaueris.

CAP. XXIX. Vide quam iniqui sint diuinorum munerum æstimatores, etiam quidam professi sapientiam. Queruntur, quod non magnitudine corporum æquemus elephantes, velocitate ceteros, leuitate aues, impetu tauros: quod solidior sit cutis beluis, decentior damis, densior visis, mollior fibris: quod sagacitate nos natium canes vincant, quod acie luminum aquilæ, spatio ætatis corui, multa animalia nandi facilitate. Et cum quædam ne coire quidem in idem natura patiatur, ut velocitatem corporum & vires pares animalibus: ex diuersis ac dissidentibus bonis hominem non esse compositum, iniuriam vocant: & in negligentes nostri deos querimoniam iaciunt, quod non bona valetudo & vitiiis inexpugnabilis data sit, quod non futuri scientia. Vix sibi temperant, quin eoque impudentiæ prouehantur, ut naturam oderint, quod infra deos sumus, quod non in æquo illis

stetimus. Quanto satius est ad contemplationem tot tantorumque beneficiorum reuerti, & agere gratias, quod nos in hoc pulcherrimo domicilio voluerunt secundas sortiri, quod terrenis præfecerunt? Aliquis ea animalia comparat nobis, quorum potestas penes nos est? Quidquid nobis negatum est, dari non potuit. Proinde quisquis es iniquus æstimator sortis humanæ, cogita quanta nobis tribuerit parens noster, quanto valentiora animalia sub iugum miserimus, quanto velociora consequamur: quàm nihil sit mortale, non sub ictu nostro positum. Tot virtutes accepimus, tot artes, animum denique, cui nihil non eodem quo intendit momento peruium est, sideribus velociorem, quorum post multa sæcula futuros cursus antecedit. tantum denique frugum, tantum opum, tantum rerum aliarum super alias aceruatarum. Circumeas licet cuncta: & quia nihil totum inuenies, quod esse te mallet, ex omnibus singula excerpas, quæ tibi dari velles. Ita benè estimatâ naturæ indulgentiâ, confitearis necesse est, in deliciis te illi fuisse. Ita est: icarissimos nos habuerunt dii immortales, habentque! & qui maximus tribui honos potuit, ab ipsis proximos collocauerunt. Magna accepimus. Maiora non cepimus.

CAP. XXX. Hæc, mi Liberalis,

necessaria credidi, ut dicerem, & quia loquendum aliquid de magnis beneficiis erat, cum de minutis loqueremur, & quia inde manat etiam in cetera, huius detestabilis vitii audacia. Cui enim responderit gratè, quod munus existimabit magnum, aut reddendum, qui summa beneficia spernit? Cui salutem, cui spiritum debebit, qui vitam accepisse se à diis negat, quam quotidie ab illis petit? Quicumque ergo gratos esse docet, & hominum causam agit, & deorum: quibus nullius rei indigentibus, positis extra desiderium, referre nihilominus gratiam possumus. Non est, quod quisquam excusationem mentis ingratae ab infirmitate atque inopiâ petat, & dicat: Quid enim faciam, & quomodo? quando superioribus, dominisque rerum omnium gratiam referam? Referre facile est, si avarus es, sine impendio: si iners, sine opera. eodem quidem momento, quo obligatus es, si vis, eum quolibet paria fecisti: quoniam qui libenter beneficium accepit, reddidit.

CAP. XXXI. Hoc ex paradoxis Stoicæ sectæ minimè mirabile, ut me fert opinio, aut incredibile est, cum qui libenter accepit beneficium, reddidisse. Nam cum omnia ad animum referamus, fecit quisque quantum voluit. & cum pietas, fides, iustitia, omnis denique virtus intra se perfecta sit, etiam si illi manum

exerere non licuit, gratus quoque potest esse homo voluntate. Quotiens quod proposuit quisque consequitur, capit operis sui fructum. Qui beneficium dat, quid proponit? prodesse ei cui dat, & voluptati sibi esse. Si quod voluit, effecit, peruenitque ad me animus eius, ac mutuo gaudio affecit, tulit quod petiit. Non enim sibi inuicem aliquid reddi voluit; aut non fuit beneficium, sed negotiatio. Benè nauigauit, qui quem destinauit portum, tenuit: teli iactus certæ manus peregit officium, si petita percussit: beneficium qui dat, vult excipi gratè. habet quod voluit, si benè acceptum est. Sed sperauit emolumentum aliquod. non fuit hoc beneficium, cuius proprium est, nihil de redditu cogitare. Quod accipiebam, si eo animo accepi quo dabatur, reddidi. Alioquin pessima optimæ rei conditio est: vt gratus sim, ad fortunam mitto. Si illâ inuitâ respondere non possum, sufficit animus animo. Quid ergo? non quidquid potero, & faciam, & reddam? temporum rerumque occasionem sequar, & eius implere sinum cupiam, à quo aliquid accepi? sed malo loco beneficium est, nisi & excussis manibus esse grato licet.

C A P. XXXII. Qui accepit, inquit, beneficium, licet animo benignissimo acceperit, non consummauit officium suum. restat enim pars reddendi. Sicut in lusu

est aliquid, pilam scitè ac diligenter excipere; sed non dicitur bonus lusor, nisi qui aptè & expeditè remisit, quam exceperat. Exemplum hoc dissimile est. quare? quia huius rei laus in corporis motu est, & in agilitate, non in animo. explicari itaque totum debet, de quo oculis iudicatur. Nec tamen idè non bonum lusorem dicam, qui pilam, vt oportebat, excepit, si per ipsum mora, quò minùs, remitteret, non fuit. Sed quamuis, inquit, arti ludentis nihil desit, quia partem quidem fecit, sed & partem quam non fecit, potest facere: ludus tamen ipse imperfectus est: qui consummatur vicibus mittendi ac remittendi. Nolo diutiùs hoc refellere. existimemus ita esse: desit aliquid lusui, non lusori. sic & in hoc de quo disputamus, desit aliquid rei datæ, cui par alia deberur, non animo. Qui animum parem sibi nactus est, quantum in illo est, quod voluit, effecit.

CAP. XXXIII. Beneficium mihi dedit. accepi non aliter, quàm ipse accipi voluit. Iam habet, quod petit: & quod vnum petit, ego gratus sum. Post hæc vsus mei restat, & aliquod ex homine grato commodum. hæc non imperfecti officij reliqua pars est; sed perfecti accessio. Facit Phidias statuam: alius est fructus artis, alius artificij. artis est, fecisse quod voluit: artificij, fecisse cum fructu. Perfecit opus

opus suum Phidias, etiam si non vendidit. Triplex est illi fructus operis sui. vnus conscientiae: hunc absoluto opere percepit. alter famae, tertius vtilitatis: quae allatura est, aut gratia, aut veditio, aut aliqua commoditas. Sic beneficij fructus primus ille est, conscientiae. Hunc percepit, qui quò voluit, munus suum pertulit. Secundus est famae. tertius eorum, quae praestari inuicem possunt. Itaque cum benigne acceptum est beneficium, is qui dedit, gratiam quidem iam recepit, mercedem nondum. Debeo itaque quod extra beneficium est, ipsum quidem bene accipiendo persolui.

CAP. XXXIV. Quid ergo? inquit, retulit gratiam, qui nihil fecit? Plurimum fecit, bono animo bonum retulit: & quod est amicitiae, ex aequo. Post deinde aliter beneficium, aliter creditum soluitur. Non est quod expectes, vt solutionem tibi ostendam. res inter animos geritur. Quod dico, non videbitur durum, quamuis primo contra opinionem pugnet tuam, si te commodaueris mihi, & cogitaueris res esse plures, quam verba. Ingens copia est rerum sine nomine, quas non propriis appellationibus notamus, sed alienis commodatisque. Pedem & nostrum dicimus, & lecti, & veli, & carminis: canem, & venaticum, & marinum, & sidus. Quia non sufficimus, vt singulis singula assignemus:

quotiens opus est, mutuamur. Fortitudo est virtus, pericula iusta contemnens: aut scientia periculorum repellendorum, excipiendorum, prouocandorum. Dicimus tamen & gladiatorem fortem virum, & feruum nequam; quem in contemptum mortis temeritas impulit. Parsimonia est scientia vitandi sumptus superuacuos; aut ars re familiari moderatè vtendi: parcissimum tamen hominem vocamus pusilli animi & contracti; cùm infinitum interfit, inter modum & angustias. Hæc alia sunt naturâ: sed effecit inopia sermonis, vt & hunc & illum parcum vocemus; vt & ille fortis dicatur cum ratione fortuitâ despiciens, & hic sine ratione in pericula excurrans. Sic beneficium, est & actio, vt diximus, benefica, & ipsum quod datur per illam actionem: vt pecunia, domus, prætexta. Vnum vtrique nomen est: vis quidem ac potestas longè alia.

C A P. X X X V. Itaque attende iam intelliges, nihil me, quod opinio tua refugiat, dicere. Illi beneficio quod actio perficit, relata gratia est, si illud beneuolè excipimus: illud alterum quod re continetur, nondum reddidimus, & volumus reddere. Voluntati voluntate satisfacimus, rei rem debemus. Itaque quamuis retulisse illum gratiam dicamus, qui beneficium libenter accepit; iubemus tamen aliquid simile ei quod accepit, reddere. A

consuetudine quædam quæ dicimus, abhorrent: deinde aliâ viâ ad consuetudinem redeunt. Negamus iniuriam accipere sapientem: & tamen qui illum pugno percusserit, iniuriarum damnabitur. Negamus rem stulti esse: & tamen eum qui rem aliquam stulto surripuerit, furti condemnabimus. Insanire omnes stultos dicimus: nec tamen omnes curamus elcboro. his ipsis quos vocamus insanos, & suffragium & iurisdictionem committimus. Sic dicimus eum qui beneficium bono animo accepit, gratiam retulisse: nihilominus illum in cære alieno relinquimus, gratiam relaturum, etiam cum reddiderit. Exhortatio est illa, non infitatio beneficij. Ne timeamus, néve intolerabili sarcinâ depressi deficiamus animo. Bona mihi donata sunt, & fama defensa, detractæ sordes, spiritus, & libertas potior spiritu; & quomodo referre gratiam potero? quando ille veniet dies, quo illi animum meum ostendam? hic ipse est, quo ille suum ostendit. Excipe beneficium, amplexare, gaude: non quòd accipias, sed quòd reddas, debiturus sis. Non adibis tam magnæ rei periculum, ut casus ingratum facere te possit. Nullas tibi proponam difficultates, ne despondeas animo, ne laborum ac longæ servitutis expectatione deficias. non differo te: de præsentibus fiat. Nunquam eris gratus, nisi sta-



tim es. Quid ergo facies? non arma sumenda sunt: & fortasse erunt. non maria emetienda: fortasse etiam ventis minantibus solues. vis reddere beneficium? benignè accipe, retulisti gratiam: non ut soluisse te putes, sed ut securior debeas.

## LIBER TERTIVS.

## CAPVT I.

**N**ON referre beneficiis gratiam, & est turpe, & apud omnes habetur, *Æbucæ* Liberalis. Ideò de ingratis etiam ingrati queruntur: cùm interim hoc omnibus hæreat, quod omnibus displicet: adeoque in contrarium itur, ut quosdam habeamus infestissimos non post beneficia tantum, sed propter beneficia. Hoc prauitate naturæ accidere quibusdam, non negauerim: pluribus, quia memoriam tempus interpositum subduxit. Nam quæ recentia apud illos viguerunt, ea interiecto spatio obsolescunt. De quibus fuisse mihi tecum disputationem scio, cùm tu illos non ingratos vocares, sed oblitos; tanquam ea res ingratum excuset, quæ facit. An quia hoc accidit alicui, non sit ingratus: cùm hoc non accadat, nisi ingrato? Multa sunt genera ingratorum, ut furum, homicidarum: quorum vna culpa est, ceterum in partibus varietas magna. Ingratus est, qui beneficium accepisse se

negat, quod accepit: ingratus est, qui dissimulat: ingratus, qui non reddit: ingrattissimus omnium, qui oblitus est. Illi enim si non solvunt, tamen debent: & existat apud illos vestigium certè meritòrũ, intra malam conscientiam conclusorum: & aliquando ad referendam gratiam converti ex aliqua causa possunt, si illos pudor admonuerit, si subita honestæ rei cupiditas; qualis solet ad tempus etiam in malis pectoribus exsurgere: si inuitauerit facilis occasio: hic nunquam fieri gratus potest, cui totum beneficium elapsum est. Et verum tu peiorem vocas, apud quem gratia beneficij intercidit, an apud quem etiam memoria? Vitiosi oculi sunt, qui lucem reformidant: cæci, qui non vident. & parentes suos non amare, impietas est: non agnoscere, insania. Quis tam ingratus est, quàm qui quod in primâ parte animi positum esse debuit, & semper occurrere, ita seposuit & abiecit, ut in ignorantiam verteretur? appâret illum non sæpè de reddendo cogitasse, cui obrepfit obliuio.

C A P. II. Denique ad reddendam gratiam, & virtute opus est, & tempore, & facultate, & adspirante fortunâ. Qui meminit, sine impendio gratus est. Hoc quod non operam exigit, non opes, non felicitatem, qui non præstat; nullum habet, quo lateat, patrocinium. Nunquam enim voluit gratus esse, qui beneficium

tam longè proiecit, vt extra conspectum suum poneret. Quemadmodum quæ in vsu sunt, & manum quotidie tactumque patiuntur, nunquam periculum situs ad-eunt: illa quæ ad oculos non reuocantur, sed extra conuersationem, vt superuacua iacuerunt, sordes ipsâ colligunt vetustate: ita quidquid frequens cogitatio exercet ac renouat, memoriæ nunquam subducitur, quæ nihil perdit, nisi ad quod non sæpè respexit.

CAP. III. Præter hanc causam, aliæ quoque sunt, quæ nobis merita non-nunquam maxima velant. Prima omnium ac potissima, quòd nouis semper cupiditatibus occupati, non quid habeamus, sed quid petamus, inspicimus: non in id quod est, sed quod appetitur, intenti. Quidquid enim domi est, vile est. Sequitur autem, vt ubi quod acceperis, leue nouorum cupiditas fecit, auctor quoque eorum non sit in pretio. Amauimus aliquem & suspeximus, & fundatum ab illo statum nostrum professi sumus, quàm diu nobis placebant ea, quæ consecuti sumus: deinde irrumpit animum aliorum admiratio, & ad ea impetus factus est, vt mortalibus mos est, ex magnis maiora cupiendi: protinus excidit, quidquid antè apud nos beneficium vocabatur. nec ea intuemur, quæ nos aliis præposuere, sed ea sola quæ fortuna præcedentium ostentat. Non potest autem

quisquam & inuidere, & grátias agere: quia inuidere, querentis & mœsti est: grátias agere, gaudentis. Deinde, quia nemo nostrum nouit, nisi id tempus, quod cum maxime transit: ad præterita rari animum retorquent. Sic fit, ut præceptores, eorumque beneficia intercidant: quia totam pueritiam reliquimus. sic fit, ut in adolescentiam nostram collata pereant: quia ipsa nunquam retrahatur. Nemo quod fuit, tamquam in præterito, sed tamquam in perduto ponit: ideoque caduca memoria est, futuro imminentium.

CAP. IV. Hoc loco reddendum est Epicuro testimonium, qui assidue queritur, quod aduersus præterita simus ingrati, quod quæcunque percepimus bona, non in memoriam reducamus, nec inter voluptates numeremus: cum certior nulla sit voluptas, quam quæ iam eripi non potest. Præsentia bona nondum tota in solido sunt, potest illa casus aliquis incidere: futura pendent, & incerta sunt: quod præteriit, inter tuta sepositum est. Quomodo ergo gratus quisquam esse aduersus beneficia potest, qui omnem vitam suam transilit? Præsentium intuitus, ac præteritorum memoria gratum facit: memoriæ minimè tribuit, quisquis spei plurimè.

CAP. V. Quemadmodum, mi Liberalis, quædam res semel perceptæ herent; quædam ut scias, non est satis didicisse

(intercidit enim eorum scientia, nisi continetur) Geometriam dico, & sublimium cursum, & si qua alia propter subtilitatem lubrica sunt : ita beneficia quædam magnitudo non patitur excidere, quædam minora, sed numero pluria, & temporibus diuersa, effluunt. Quia (vt dixi) non subinde illa tractamus, nec libenter quid cuique debeamus, recognoscimus. Audi voces petentium. nemo non victuram semper in animo suo memoriam dixit: nemo non deditum se & deuotum professus est, & si quod aliud humiliter verbum, quo se oppigneraret, inuenit. Post exiguum tempus, iidem illi verba priora, quasi sordida & parum libera, euitant: perueniunt deinde eò, quò, vt ego existimo, pessimus quisque atque ingratus peruenit, vt obliuiscantur. Adeò enim ingratus est, qui oblitus est, vti gratus sit, cui beneficium in mentem venit.

CAP. VI. Hoc tam inuisum vitium, an impunitum esse debeat, quæritur: & an hæc lex, quæ in scholis exercetur, etiam in ciuitate ponenda sit, quâ ingrati datur actio. Quæ videtur æqua omnibus. quid ni? cum vrbes quoque urbibus, quæ præstitere exprobrent, & maioribus collata, à posteris exigant. Nostri maiores, maximi illi viri, ab hostibus tantum res repperierunt: beneficia magno animo dabant, magno perdebant. Exceptâ Macedonum

gente, non est in ullâ data aduersus ingratum actio. Magnumque hoc argumentum, dandam non fuisse: quia aduersus maleficiū omne consensimus. & homicidij, veneficiij, parricidij, violatarum religionum, aliubi atque aliubi diuersa pœna est: sed vbiq̃ue aliqua. Hoc frequentissimum crimen nusquam punitur, vbiq̃ue improbat. Neque absoluimus illud: sed cū difficilis esset incertæ rei æstimatio, tantū odio damnauimus, & inter ea reliquimus, quæ ad vindices deos mittimus.

CAP. VII. Rationes autem multæ mihi occurrunt, propter quas crimen hoc in legem cadere non debeat. Primum omnium, pars optima beneficij periit, si actio, sicut certæ pecuniæ, aut ex conducto & locato datur. Hoc enim speciosissimum est, quod dedimus vel perdituri: quod totum permisimus accipientium arbitrio. Si appello, si ad iudicem voco, incipit non beneficium esse, sed creditum. Deinde, cū res honestissima sit, referre gratiam, desinit esse honesta, si necessaria est. non enim magis laudabit quisquam gratum hominem, quàm eum qui depositum reddidit, aut quod debebat, citra iudicium soluit. Ita duas res, quibus in vitâ humanâ nihil pulchrius est, corrumpimus, gratum animum, & beneficium. Quid enim aut in hoc magnificum est, si beneficium non dat, sed commodat? aut

in illo qui reddit, non quia vult, sed quia necesse est? Non est gloriosa res, gratum esse: nisi tutum est, ingratum fuisse. Adijce nunc, quod huic vni legi omnia fora vix sufficient. Quis erit, qui non agat? quis, cum quo non agatur? omnes sua extollunt, omnes etiam minima, quæ in alios contrulere, dilatant. Præterea quæcunque in cognitionem cadunt, comprehendendi possunt, & non dare infinitam licentiam iudici. Ideò melior videtur conditio causæ bonæ, si ad iudicem, quàm si ad arbitrum mittitur: quia illum formula includit, & certos, quos non excedat, terminos ponit; huius libera, & nullis astricta vinculis religio, & detrahare aliquid potest, & adijcere, & sententiam suam non prout lex aut iustitia suadet, sed prout humanitas & misericordia impulit, regere. Ingrati actio non erat iudicem alligatura, sed regno liberrimo positura. Quid sit enim beneficium, non constat: deinde quantumcunque sit, refert quàm benignè illud interpreteretur iudex. Quid sit ingratus, nulla lex monstrat. Sepè & qui reddidit quod accepit, ingratus est: & qui non reddidit, gratus. De quibusdā etiā imperitus iudex dimittere tabellam potest: vbi fecisse, aut non fecisse pronuntiandum est, vbi prolatis cautionibus, controuersia tollitur. Vbi verò inter disputantes ratio ius dicit, ibi animi coniectura capienda

est: vbi id, de quo sola sapientia decernit, in controuersiam incidit, non potest ad hæc sumi iudex ex turba selectorum, quem census in album, & equestris hæreditas misit.

CAP. VIII. Itaque non hæc parùm idonea res visa est, quæ deduceretur ad iudicem, sed nemo huic rei satis idoneus iudex inuentus est: quod non admiraberis, si excusseris, quid habiturus fuerit difficultatis, quisquis in eiusmodi reum exisset. Donauit aliquis magnam pecuniam: sed diues, sed non sepsurus impendium. Donauit alius: sed toto patrimonio cessurus. Summa eadem est: beneficium idem non est. Etiam nunc adijce. Hic pecuniam pro addicto dependit: sed cum illam domo protulisset, ille dedit eandem: sed mutuam sumpsit, aut rogauit, & se obligari ingenti merito passus est. Eodem existimas loco esse illum, qui beneficium ex facili largitus est: & hunc, qui accepit, vt daret? Tempore quædam magna fiunt, nõ summâ. Beneficium est donata possessio, cuius fertilitas laxare possit annonam: beneficium est, vnus in fame panis. Beneficium est, donare regiones, per quas multa flumina & nauigabilia decurrant: beneficium est, arentibus siti, & vix spiritum per fccas fauces ducentibus, monstrare fontem. Quis inter se ista comparabit? quis expendet? difficilis est sententia, quæ non



rem, sed vim rei quærit. eadem licet sint, aliter data non idem pendent. Dedit mihi hic beneficium : sed non libenter, sed dedisse se questus est, sed superbius me quàm solebat, aspexit : sed tam tardè dedit, ut plus præstiturus fuerit, si citò negasset. Horum quomodo iudex inibit estimationem, cum sermo, & dubitatio, & vultus meriti gratiam destruant ?

CAP. IX. Quid quòd quædam beneficia vocantur, quia nimis cōcupiscuntur: quædam non sunt ex hac vulgari notâ, sed maiora, etiam si minùs apparent? Beneficium vocas, dedisse potentis populi civitatem, in quatuordecim gradus deduxisse, & defendisse capitis reum: quid vtilia suasse? quid retinuisse, ne in scelus rueret? quid gladium excussisse morituro? quid efficacibus remediis refocillasse ludentem, & quos desiderabat volentem sequi, ad vitæ cōsiliū reduxisse? quid assedisse ægro, & cum valetudo eius ac salus momentis constaret, excepisse idonea cibo tempora, & cadentes venas vino refecisse, & medicum adduxisse morienti? Hæc quis æstimabit? quis similibus beneficiis iubebit beneficia pensari? Donavit tibi domum: sed ego tuam supra te ruere prædixi. Dedit tibi patrimonium: sed ego naufrago tabulam. Pugnavit pro te, & vulnera excepit: at ego vitam tibi silentio dedi. Cum aliter beneficium detur, ali-

ter reddatur, paria facere difficile est.

CAP. X. Dies præterea beneficio reddendo non dicitur, sicut pecuniæ creditæ, Itaque potest, qui nondum reddidit, reddere. Dic enim, intra quod tempus deprehenderetur ingratus? maxima beneficia probationem non habent: sæpè intra tacitam duorum conscientiam latent. An hoc inducimus, ut ne demus beneficia sine teste? Quam deinde pœnam ingratis constituamus? vnam omnibus, cum disparia beneficia sint? an inæqualem, & pro cuiusque beneficio maiorem, aut minorem? Age, intra pecuniam versabitur taxatio: quid quòd quædam beneficia vitæ sunt, & maiora vitâ? His quæ pronunciabitur pœna? minor beneficio? iniqua est. par & capitalis? quid inhumanius, quàm cruentos esse beneficiorum exitus?

CAP. XI. Quædam, inquit, priuilegia parentibus data sunt. quomodo horum extra ordinem habita ratio est, sic aliorum quoque beneficiorum haberi debet. Parentum conditionem sacrauimus, quia expediebat liberos tolli: sollicitandi ad hunc laborem erant, incertam adituri fortunam. Non poterat illis dici, quod beneficia dantibus dicitur: Cui des, elige ipse tecum. Si deceptus es, quære dignum, adiuua. In liberis tollendis, nihil iudicio tollentium licet: tota res voti est. Itaque ut æquiore animo adirent aleam, danda

illis aliqua potestas fuit. Deinde alia conditio est parentum, qui beneficia, quibus dederunt, dant nihilominus daturi que sunt: nec est periculum, ne dedisse se illis mentiantur. In ceteris quæri debet, non tantum an receperint, sed an dederint. Horum in confesso merita sunt: & quia utile est iuventuti, regi; imposuimus illi quasi domesticos magistratus, sub quorum custodiâ contineretur. Deinde omnium parentum vnum erat beneficium: itaque æstimari semel potuit. alia diuersa sunt, dissimilia, infinitis inter se interual- lis distantia: itaque sub nullam regulam cadere potuerunt. cum æquius esset omnia relinqui, quàm omnia æquari.

C A P. XII. Quædam magno danti- bus constant: quædam accipientibus ma- gna sunt, sed gratuita tribuentibus: quæ- dam amicis data sunt, quædam ignotis. Plus est, quamuis idem detur, si ei detur, quem nosse à tuo beneficio incipis. Hic auxilia tribuit, ille ornamenta, ille solatia. Inuenies, qui nihil putet esse iucundius, nihil maius, quàm habere in quo calami- tas acquiescat: inuenies rursus, qui digni- tati suæ, quàm securitati, consuli malit: est qui plus ei debere se iudicet, per quem tutior est, quàm ei per quem honestior. Proinde ista maiora aut minora erunt, prout fuerit iudex, aut ad hæc, aut ad illa, inclinatus animo. Præterea creditorem

mihi ipse eligo : beneficium sæpè ab eo accipio , à quo nolo, & aliquando ignorans obligor. Quid facies? ingratum vocabis eum, cui beneficium infcio, & si sci- uisset, non accepturo, impositum est: non vocabis eum, qui utcumque acceptum non reddidit ?

CAP. XIII. Aliquis dedit mihi beneficium, sed idem postea fecit iniuriam. Vtrum vno munere ad patientiam omnium iniuriarum astringor : an perinde erit, ac si gratiam retulerim, quia beneficium suum ipse insequenti iniuriâ rescidit? Quomodo deinde æstimabis? vtrum plus sit quod accepit, an in quo læsus est? Dies me deficiet, omnes difficultates persequi tentantem. Tardiores, inquit, ad beneficia danda facimus, non vindicando data , nec infiratores eorum afficiendo pœnâ. Sed illud quoque tibi econtrario occurrat. multo tardiores futuros ad accipienda beneficia, si periculum causse dicendæ adituri erunt, & innocentiam sollicitiore habituri loco. Deinde, ctimus per hoc ipsi quoque ad danda tardiores. nemo enim libenter dat inuitis: sed quicumque ad benefaciendum bonitate inuitatus est, & ipsâ pulchritudine rei, etiam libentius dabit, nihil debituris nisi quod volent. Minuitur enim gloria eius officij, cui diligenter cautum est.

CAP. XIV. Deinde, pauciora erunt

beneficia? sed veriora. quid autem mali est, inhiberi beneficiorum temeritatem? Hoc enim ipsum secuti sunt, qui nullam legem huic constituerunt: ut circumspectius donaremus, circumspectius eligeremus eos, in quos merita conferrentur. Etiam atque etiam cui des, considera: nulla actio erit, nulla repetitio. Erras, si existimas succursurum tibi iudicem. Nulla lex te in integrum restituet: solam accipientis fidem specta. Hoc modo beneficia auctoritatem suam tenent, & magnifica sunt: pollues illa, si materiam litium feceris. Æquissima vox est, & ius gentium præ se ferens, Redde quod debes. Hæc turpissima est in beneficio, Redde. Quid reddet? Vitam, inquam, debet, dignitatem, securitatem, sanitatem. reddi maxima quæque non possunt. Aut pro his, inquit, aliquid quod tanti sit. Hoc est quod dicebam, interituram tantæ rei dignitatem, si beneficium mercem facimus. Non est incitandus animus ad auaritiam, ad querelas, ad discordiam: suâ sponte in ista fertur. Quantum possumus, resistamus, & quærenti occasiones, amputemus.

CAP. XV. Utinam quidem persuadere possemus, ut pecunias creditas tantum à volentibus acciperent! utinam nulla stipulatio emptorem venditori obligaret! nec pacta conuentaque impressis signis custodirentur! fides potius illa seruaret,

& æquum colens animus ! Sed necessaria optimis prætulerunt , & cogere fidem, quàm spectare malunt. Adhibentur ab utraque parte testes. ille per tabulas plurimum nomina, interpositis parariis , facit: ille non est interrogatione contentus, nisi rem manu suâ tenuit. O turpem humano generi fraudis ac nequitiae publicæ confessionem ! annulis nostris plus, quàm animis creditur. In quid isti viri ornati adhibiti sunt ? in quid imprimunt signa ? nempe ne ille neget accepisse se, quòd accepit. Hos incorruptos viros, & vindices veritatis existimas ? at his ipsis statim non aliter pecunię committentur. Ita non honestius erat à quibusdã fidem falli, quàm ab omnibus perfidiam timeri ? Hoc vnum deest avaritiæ , vt beneficia sine sponfore non demus. Generosi animi & magnifici est , iuare & prodesse. qui dat beneficia deos imitatur : qui repetit , feneratores. Quid illos , dum vindicamus , in turbam sordidissimam redigimus ?

C A P. X V I. Plures, inquit , ingrati erunt , si nulla aduersus ingratum datur actio. Imò potiùs, pauciores: quia maiore delectu dabuntur beneficia. Deinde, non expedit notum omnibus fieri, quàm multi ingrati sint. pudorem enim rei tollet multitudo peccantium : & desinet esse probri loco, commune maledictum. Nūquid iam vlla repudio erubescit , post-

quam illustres quædam ac nobiles fœminæ, non consulum numero, sed maritorum annos suos computant? & exeunt matrimonij causâ, nubunt repudij? Tam diu istud timebatur, quàm diu rarum erat. quia verò nulla sine diuortio acta sunt, quòd sæpè audiebant, facere didicerunt. Numquid iam vllus adulterij pudor est, postquam eò ventum est, vt nulla virum habeat, nisi vt adulterum irriter? argumentum est deformitatis, pudicitia. Quam inuenies tam miseram, tam sordidam, vt illi satis sit vnum adulterorum par? nisi singulis diuisit horas, & non sufficit dies omnibus? nisi ad alium gestata est, apud alium mansit? Infrunita & antiqua est, quæ nesciat, matrimonium vocari, vnius adulterium. Quemadmodum horum delictorum iam euauit pudor, postquam res latius euagata est: ita ingratos plures efficies, & audaciores, si numerare se cœperint.

CAP. XVII. Quid ergo? impunitus erit ingratus? Quid ergo? impunitus erit impius? quid malignus? quid avarus? quid impotens? quid crudelis? Impunita tu credis esse, quæ inuisa sunt? aut vllum supplicium grauius existimas publico odio? Pœna est, quòd non audet ab vlllo beneficium accipere, quòd non audet vlli dare, quòd omnium designatur oculis, aut designari se iudicat: quòd intellectum

optimæ rei ac dulcissimæ amisit. An tu infelicem vocas, qui caret acie oculorum, cuius aures morbus obstruxit: non vocas miserum eum, qui sensum beneficiorum amisit? Testes ingratorum omnium deos metuit, vrit illum & angit intercepti beneficij conscientia: denique satis hæc ipsa pœna magna est, quòd rei (vt dicebam) iucundissimæ fructum non percipit. At quem iuvat accepisse, æquali perpetuæque voluptate fruitur: & animum eius à quo accepit, non rem intuens, gaudet. Gratum hominem semper beneficium delectat, ingratum semel. Comparari autem potest vtriusque vita. cùm alter tristis sit & sollicitus, qualis esse inficiator, ac fraudulentus solet; apud quem non parentum qui debet, hōnor est, non educatoris, non præceptorum: alter lætus, hilaris, occasionem referendæ gratiæ expectans, & ex hoc ipso affectu gaudium grande percipiens; nec quærens quomodo decoquat, sed quemadmodum plenius vberiusque respondeat; non solùm parētibz & amicis, sed humilioribus quoque personis. Nam etiam si à seruo suo beneficium accepit, æstimat non à quo, sed quid accepit.

CAP. XVIII. Quamquam quæritur à quibusdam, sicut ab Hecatonē, an beneficium dare seruus domino possit? Sunt enim qui ita distinguant, Quædam



beneficia esse, quædam officia, quædam ministeria. Beneficium esse, quod alienus det: alienus est, qui potuit sine reprehensione cessare. Officium esse filij, vxoris, & earum personarum, quas necessitudo suscitât, & ferre opem iubet. Ministerium esse serui, quem conditio sua eo loco posuit, ut nihil eorum quæ præstat, imputet superiori. \* Propterea seruos qui negat dare aliquando beneficium, ignarus est iuris humani. refert enim cuius animi sit, qui præstat, non cuius status. Nulli præclusa virtus est, omnibus patet, omnes admittit, omnes inuitat, ingenuos; libertinos, seruos, reges, & exules. non elegit domum, nec censum; nudo homine contenta est. Quid enim erat tuti aduersus repentina, quid animus magnum promitteret sibi, si certam virtutem fortuna mutaret? Si non dat beneficium seruus domino; nec regi quisquam suo, nec duci suo miles. Quid enim interest, quali quis teneatur impero, si summo tenetur? Nam si seruo, quo minus in nomen meriti perueniat, necessitas obest, & patiendi vltima timor: idem istud obstat, & ei qui regem habet, & ei qui ducem: quoniam, quamquã sub dispari titulo, paria in illos licent. Atqui dant regibus suis, dant imperatoribus beneficia: ergo & dominis. Potest seruus iustus esse, potest fortis, potest magnanimus: ergo & beneficium dare

potest. Nam & hoc virtutis est. adeoque dominis serui beneficia possunt dare, ut ipsos sæpè beneficia sua fecerint. Non est dubiū, an seruus beneficiū dare possit cuilibet: quare ergo nō & domino suo possit?

CAP. XIX. Quia non potest, inquit, creditor domini sui fieri, si pecuniam illi dederit. Alioqui quotidie dominum suum obligat: peregrinantem sequitur, ægro ministrat, & labore summo colit. Omnia tamen ista, quæ alio præstante beneficia dicerentur, præstante seruo ministeria sunt. Beneficium enim id est, quod quis dedit, cum illi liceret & non dare: seruus autem non habet negandi potestatem: ita non præstat, sed paret, nec id se fecisse iactat, quod non facere non potuit. Etiam sub istâ lege vincam, & eò perducam seruum, ut in multa liber sit. Interim dic mihi, si tibi ostendero aliquem seruum pro salute domini sui, sine respectu suæ dimicantem & confossum vulneribus, reliquias tamen sanguinis ab ipsis vitalibus fundentem, & ut ille effugiendi tempus habeat, moram suâ morte quærentem: hunc tu negabis beneficium dedisse, quia seruus est? Si tibi ostendero aliquem, ut secreta domini prodat, nullâ tyranni pollicitatione corruptum, nullis terribus minis, nullis cruciatibus victum, auertisse quantum potuerit, suspiciones quæ-

rentis, & impendisse spiritum fidei: hunc tu negabis beneficium domino dedisse, quia seruus est? Vide ne eò magis sit, quò rarius est exemplum virtutis in seruis: eoque gratius, quòd cùm ferè inuisa imperia sint, & omnis necessitas grauis, commune seruitutis odium, in aliquo domini caritas vicit. Ita non ideò beneficium non est, quia à seruo profectum est: sed ideò maius, quia deterre-  
re ab illo nec seruitus quidem potuit.

CAP. XX. Errat, si quis existimat seruitutem in totum hominem descendere: pars melior eius excepta est. Corpora obnoxia sunt, & adscripta dominis: mens quidem sui iuris. quæ adeò libera & vaga est, vt ne ab hoc quidē carcere cui inclusa est, teneri queat, quo minùs impetu suo vtatur, & ingentia agat, & in infinitum comes cælestibus exeat. Corpus itaque est, quod domino fortuna tradidit. Hoc emit, hoc vendit: interior illa pars mancipio dari non potest. Ab hac quidquid venit, liberum est. non enim aus nos omnia iubere possumus, aut in omnia serui parere coguntur: contra rempublicam imperata non facient, nulli sceleris manus commodabunt.

CAP. XXI. Quædam sunt quæ leges nec iubent, nec vetant facere: in his seruus materiam beneficij habet. Quandiu præstatur, quod à seruis exigi solet,

ministerium est: ubi plus quàm quod seruo necesse est, beneficium. Vbi in affectum amici transit, definit vocari ministerium. Est aliquid, quod dominus præstare seruo debeat, ut cibaria, vestiarius: nemo hoc dixit beneficium. At indulgit, liberaliùs educauit, artes quibus erudiuntur ingenui, tradidit: beneficium est. Idem, e contrario, fit in persona serui. Quidquid est quod seruilis officij formulam excedit, quod non ex imperio, sed ex voluntate præstatur, beneficium est: si modò tantum est, ut hoc vocari potuerit, quolibet alio præstante.

CAP. XXII. Seruus ( ut placet Chrysippo ) perpetuus mercenarius est. Quemadmodum ille beneficium dat, ubi plus præstat quàm quod operis locauit: sic seruus ubi beneuolentiã erga dominum fortunæ suæ modum transiit, & altius aliquid ausus, quod etiam feliciùs nato decori esset, & spem domini antecessit, beneficium est intra domum inuentum. An æquum tibi videtur, quibus, si minus debito faciant, irascimur: non haberi gratiã, si plus debito solitoque fecerint? Vis scire, quando non sit beneficium? ubi dici potest. Quid si nollit? Vbi verò id præstat, quod nolle licuit, voluisse laudandum est. Inter se contraria sunt, beneficium & iniuria. Potest dare beneficium domino, si à domino iniuriam potest ac-

cipere : atqui de iniuriis dominorum in seruos, qui audiat, positus est, qui & sæuitiam & libidinem, & in præbendis ad vitium necessariis auaritiā compescat. Quid ergo ? Beneficium dominus à seruo accipit ? imò homo ab homine. Denique quod in illius potestate fuit, fecit : beneficium domino dedit : ne à seruo acciperis, in tuā potestate est. Quis autem tantus est, quem non fortuna indigere etiam infimis cogat ? Multa iam beneficiorum exempla referam, & dissimilia, & quædam inter se contraria. Dedit aliquis domino suo vitam, dedit mortem, seruauit perituum : & hoc si parum est, percundo seruauit. alius mortem domini adiuuit, alius decepit.

CAP. XXIII. Claudius Quadrigarius in duodeuicesimo annalium tradidit, cū obsideretur Adrummentum, & iam ad summam desperationem ventum esset, duos seruos ad hostem transfugisse, & operæ pretium fecisse. Deinde vrbe captā, passim discurrente victore, illos per nota itinera ad domum in quā seruierant, præcucurrisse, & dominam suam ante se egisse : & quærentibus quænam esset, dominam, & quidem crudelissimam ad supplicium ab ipsis duci, professos esse. Eductam deinde extra muros, summā turā celasse, donec hostilis ira consideret. deinde, vt satiatus miles ad Romanos

Romanos mores citò rediit: illos quoque ad suos redisse, & dominam sibi ipsos dedisse. Manumisit vtrumque cuestigio illa: nec indignata est ab his se vitam accepisse, in quos vitæ necisque potestatem habuisset. Potuit sibi hoc vel magis gratulari. Aliter enim seruata, munus notæ & vulgaris clementiæ habuisset: sic seruata, nobilis fabula, & exemplum duarum urbium fuit. In tantâ confusione captæ ciuitatis, cum sibi quisque cōsuleret, omnes ab illa præter transfugas fugerunt. At hi, vt ostenderent quo animo facta esset prior illa transitio, à victoribus ad captiuam transfugerunt, personam parricidarum ferentes. quod in illo beneficio maximum fuit, tanti iudicauerunt, ne domina occideretur, videri dominam occidisse. Non est, mihi crede, non est, dico, seruilis animi, egregium factum famâ sceleris emisse. C. Vettius, prætor Marforum, ducebatur ad Romanum imperatorem. Seruus eius gladium militi ipsi, à quo trahabatur, eduxit, & primùm dominum occidit: deinde, Tempus est, inquit, me & mihi consulere: iam dominum manumisi. atque ita se vno ictu transiecit. Da mihi quemquam, qui magnificentius dominum seruauit.

CAP. XXIV. Corfinium Cæsar obsidebat: tenebatur inclusus Domitius. Imperauit medico, eidemque seruo suo,

ut sibi venenum daret. Cum tergiuersantem videret: Quid cunctaris, inquit, tamquam tuâ in potestate totû istud sit? mortem rogo armatus. Tum ille promisit, & medicamentum innoxium bibendum illi dedit: quo cum sopitus esset, accessit ad filium eius: Iubeme, inquit, adseruandum ex euentu intelligis, an venenum patri tuo dederim. Vixit Domitius, & seruatus à Cæsare est: prior tamen illum seruus seruauerat.

C A P. XXV. Bello civili, proscriptum dominum seruus abscondit: & cum anulos eius sibi aptasset, ac vestē induisset, speculatoribus occurrit: nihil se deprecari, quo minùs imperata peragerent, dixit: & deinde ceruicem porrexit. Quanti viri est, pro domino eo tempore mori velle, quo erat rara fides dominum mori nolle: in publicâ crudelitate mitem inueniri, in publicâ perfidiâ fidelem? cum præmia prodicionis ingentia ostendantur, præmium fidei, mortem concupiscere?

C A P. XXVI. Nostri sæculi exempla non præteribo. Sub Tiberio Cæsare fuit accusandi frequens & pænè publica rabies, quæ omni civili bello grauius togatam ciuitatem confecit. Excipiebatur ebriorum sermo, simplicitas iocantium. nihil erat tutum: omnis sæuendi placebat occasio. Nec iam reorum expectabatur euentus, cum esset vnus. Cænabat

Paulus prætorius in conuiuio quodam, imaginem Tiberij Cæsaris habens, ectypam, & eminente gemmâ. Rem ineptissimam fecero, si nunc verba quæfiero, quemadmodum dicam illum matellam sumpsisse. Quod factum, simul & Maro, ex notis illius temporis vestigatoribus, notauit. At seruus eius cui neceiebantur insidiæ, ei ebrio anulum extraxit. & cum Maro conuiuas testaretur, admotam esse imaginem obscœnis, & iam subscriptionem componeret: ostendit in manu suâ seruus anulum. Si quis hunc seruum vocat, & illum contiuam vocabit.

CAP. XXVII. Sub diuo Augusto nondum hominibus verba sua periculosa erant, iam molesta. Rufus, vir ordinis senatorij, inter cœnam optauerat, ne Cæsar saluus rediret ex ea peregrinatione quam parabat: & adiecerat, Idem omnes & tauros & vitulos optare. Fuerunt qui illa diligenter audirent. Vt primum diluxit, seruus qui cœnanti ad pedes steterat, narrat quæ inter cœnam ebrius dixisset. hortatur, vt Cæsarem occupet, atque ipse se deferat. Vfus consilio, descendenti Cæsari occurrit. & cum malam mentem habuisse se pridie iurasset, id vt in se & filios suos recideret, optauit: & Cæsarem, vt ignosceret sibi rediretq; in gratiam secum, rogauit. Cum dixisset se Cæsar facere: Nemo, inquit, credet te mecum in gra-



tiam redisse, nisi aliquid mihi donaueris: petitq; non fastidiendam à propitio summam:& impetrauit. Cæsar ait: Meâ causâ dabo operam, ne vnquam tibi irascar. Honestè Cæsar, quòd ignouit, quòd liberalitatem clementiæ adiecit. Quicumque hoc audiuerit exemplum, necesse est Cæsarem laudet, sed cùm seruum antè laudauerit. Num expectas, vt tibi narrem manumissum, qui hoc fecerat? nec tamen gratis pecuniam pro libertate eius Cæsar numerauerat.

C A P. XXVIII. Post tot exempla num est dubium, quin beneficium aliquando à seruo dominus accipiat? Quare potius persona rem minuat, quàm personam res ipsa cohonestet? Eadem omnibus principia, eademque origo. nemo altero nobilior, nisi cui rectius ingenium, & artibus bonis aptius. Qui imagines in atrio exponunt, & nomina familiæ suæ longo ordine, ac multis stemmatum illigata flexuris, in parte primâ ædium collocant: noti magis, quàm nobiles sunt. Vnus omnium parens mundus est: siue per splendidos, siue per fordidos gradus, ad hunc prima cuiusque origo perducitur. Non est, quòd te isti decipiant; qui cùm maiores suos recensent, vbicunque defecit nomen illustre, illico deum fingunt. Neminem despexeris, etiam si circa illum obsoleta sunt nomina, & parùm indulgente

adiuta fortunâ. Siue libertini ante vos habentur, siue serui, siue exterarum gentium homines: erigite audacter animos, & quidquid in medio sordidi iacet, transilite. expectat vos in summo magna nobilitas. Quid superbiâ in tantam vanitatem attollimur, ut beneficia à seruis indignemur accipere, & sortem eorum spectemus, obliti meritorum. Seruum tu quemquam vocas, libidinis & gulæ seruus, & adulteræ, imò adulterarum commune mancipium? Seruum vocas quemquam tu? Quò tandem ab istis gerulis raperis, cubile istud tuum circumferentibus? quò te penulati isti in militum & quidem non vulgarem cultum subornati? quò, inquam, te isti efferunt? ad ostium alicuius ostiarij, ad hortos alicuius, ne ordinarium quidem habentis officium. Et deinde negas tibi beneficium à seruo tuo posse dari, cui osculum alieni serui beneficium est. Quæ est tanta animi discordia? eodem tempore seruos despicias, & colis. Imperiosus intra limen atque impotens, humilis foris: & tam contemptus, quàm contemnens. Neque enim vlli magis abijciunt animos, quàm qui improbè tollunt: nullique ad calcandos alios paratiores, quàm qui contumelias facere, accipiendo didicerunt.

CAP. XXIX. Dicenda hæc fuerunt, ad contundendam insolentiam hominum

ex fortuna pendentium, vindicandumque ius beneficij dandi à servis, ut à filiis quoque vindicaretur. Quæritur enim, an aliquando liberi maiora beneficia dare parentibus suis possint, quàm acceperint? Illud conceditur, multos filios maiores potentioresque exstitisse, quàm parentes suos: æquè & illud, meliores fuisse. Quod si constat, potest fieri, ut meliora tribuerint: cum & fortuna illis maior esset, & melior voluntas. Quidquid, inquit, est, quod dat patri filius, utique minus est: quia hanc ipsam dandi facultatem patri debet. Ita nunquam beneficio eius vincitur, cuius beneficium est ipsum, quod vincitur. Primum, quædam initium ab aliis trahunt, & tamen initiis suis maiora sunt. nec ideo aliquid non est maius eo à quo cœpit: quia non potuisset in tantum procedere, nisi cœpisset. Nulla non res principia sua magno gradu transit. Semina, omnium rerum causa sunt: & tamen minimæ partes sunt eorum quæ gignunt. Aspice Rhenum, aspice Euphratem, omnes denique inclytos amnes: quid sunt, si illos illic unde effluunt, æstimes? Quidquid est quo timentur, quo nominantur, in processu parauerunt. Tolle radicem. nemora non surgent; nec tanti montes vestientur. Aspice trabes, siue proceritatem æstimes, altissimas, siue crassitudinem spatiumque ramorum, latissimè fusas:

quantulum est his comparatum illud, quod radix tenui fibrâ complectitur? In-  
nituntur fundamentis suis templa, & illa  
vrbs mœnia: tamen quæ in firmamentum  
totius operis iacta sunt, latent. Idem in  
ceteris euenit: principia sua semper se-  
quens magnitudo obruit. Non potuissem  
quidquam consequi, nisi parentum bene-  
ficio antecessisset: sed non ideò quid-  
quid consecutus sum, minus est eo, sine  
quo consecutus non essem. Nisi me nu-  
trix aluisset infantem, nihil eorum quæ  
consilio ac manu gero facere potuissem,  
nec in hanc emergere nominis clarita-  
tem, quam ciuili ac militari industriâ me-  
rui. numquid tamen ideò maximis ope-  
ribus præferes nutricis officium? At quid  
interest, cum æquè sine patris beneficio,  
quàm sine nutricis, non potuerim ad vl-  
teriora procedere?

C A P. XXX. Quòd si initio meo,  
quidquid iam possum, debeo: cogita non  
esse initium mei patrem, ne auum quidem.  
Semper enim erit vltèrius aliquid, ex quo  
originis proximæ origo descendat. Atqui  
nemo dicit me plus debere ignotis, & vl-  
tra memoriam positis maioribus, quàm  
patri: plus autem debeo, si hoc ipsum  
quòd genuit me pater meus, maioribus  
suis debet. Quidquid præstiti patri, etiam  
si magnum est, infra æstimationem pater-  
ni muneris est: quia non essem, si non ge-

nuisset. Isto modo, etiam si quis patrem meum ægrum ac moriturum sanauerit, nihil præstare ei potero, quod non beneficio eius minus sit. non enim genuisset me pater, ni sanatus esset. Sed vide, ne illud verius sit æstimari, an id quod potui, & id quod feci, meum sit, mearum virium, meæ voluntatis. Illud quod natus sum, per se intueri quale sit: animaduertes exiguum & incertum, & boni maliq̃ue communem materiam. sine dubio primum ad omnia gradum: sed non idcò maiorem omnibus, quia primum. Seruauī patrem, & ad summam prouexi dignitatem, & principem vr̃bis suæ feci: nec tantum rebus à me gestis nobilitauī, sed ipsi quoque gerendarum ingentem ac facilem, nec tutam minus, quàm gloriosam dedi materiam. Honores, opes, quidquid humanos ad se animos rapit, congessi: & cum supra omnes starem, infra illum steti. Dic nunc, Hoc ipsum, quod ista potuisti, patris munus est. Respondebo tibi, Est prorsus, si ad ista facienda nasci satis est. sed si ad bene viuendum minima portio est viuere, & id tribuisti, quod cum feris mihi & animalibus quibusdam minimis, quibusdam etiam fœdissimis commune est; noli tibi asserere, quod non ex tuis beneficiis, etiam si non sine tuis, oritur. Puta me vitam pro vita reddidisse. Sic quoque munus tuum vici, cum ego dederim sentien-

ti, sentiens me dare: cùm vitam tibi non voluptatis meæ causâ, aut certè per voluptatem dederim: cùm tanto maius sit retinere spiritum, quàm accipere, quanto leuius mori ante mortis metum.

C A P. XXXI. Ego vitam dedi statim illâ vsuro: tu nescituro, an viuerem. ego vitam dedi, mortem timent: tu vitam dedisti, vt mori possem. ego vitam tibi dedi consummatam, perfectam: tu me expertem rationis genuisti, onus alienum. Vis scire, quàm non sit magnum beneficium, vitam sic dare? si exposuisses, nempe iniuria erat genuisse. Quo quidem colligo, minimum esse beneficium, patris matrisque concubitum: nisi accesserint alia, quæ prosequerentur hoc initium muneris, & aliis officiis ratum facerent. Non est bonum viuere, sed benè viuere. At benè uiuo; sed potui & malè. ita hoc tantum est tuum, quod uiuo. Si vitam imputas mihi per se, nudam, egentem consilij, & id vt magnum bonum iactas: cogita te mihi imputare muscarum ac vermium bonum. Deinde, vt nihil aliud dicam, quàm bonis artibus me studuisse, vt cursum ad rectum iter vitæ dirigerem: in ipso beneficio tuo, maius quàm quod dederas, recepisti. Tu enim me mihi rudem & imperitum dedisti: ego tibi filium, qualem genuisse gauderes.

C A P. XXXII. Aluit me pater. si idem

præsto, plus reddo : quia non tantum ali se, sed à filio ali gaudet, & maiorem ex animo meo, quam ex ipsa re, percipit voluptatem. Illius alimenta ad corpus tantum meum peruenerunt. Quid si quis intantum processit, ut aut eloquentiam pergentes enotesceret, aut iustitiam, aut bellicis rebus, & patri quoque ingentem circumfunderet famam, tenebrasque natalium suorum clara luce discuteret: non inæstimabile in parentes suos beneficium contulit? An quisquam Aristonem & Gryllum, nisi propter Xenophontem ac Platonem filios, nosset? Sophroniscum Socrates exspirare non patitur. Ceteros enumerare longum est, qui viuunt ob nullam causam aliam, quam quod illos liberorum eximia virtus tradidit posteris. Vtrum maius beneficium dedit M. Agrippæ pater, ne post Agrippam quidem notus : an patri dedit Agrippa, nauali coronâ insignis, vnicum adeptus inter dona militaria decus? qui tot in vrbe maxima opera excitauit, quæ & priorem magnificentiam vincerent, & nullâ postea vincerentur? Verum Octavius maius vllum beneficium dedit filio, an patri diuus Augustus, quamuis illum umbra adoptiui patris abscondit? Quantam cepisset voluptatem, si illum, post debellata arma ciuilia, vidisset securæ paci præsidentem, non agnoscens bonum suum, nec satis credens, quoties

resperisset ad se, potuisse illum virum in domo suâ nasci? Quid nunc ceteros persequar, quos iam consumpsisset obliuio, nisi illos filiorum gloria è tenebris eruisset, & adhuc in luce retineret? Deinde non quærimus, num quis filius patri maiora beneficia reddiderit, quàm à patre acceperat: sed an possit aliquis maiora reddere. Etiam si quæ retuli exempla, nondum satisfaciunt, nec beneficia parentum suorum supermicant: capit tamen hoc natura, quod nondum vlla ætas tulit. Si singula paternorum meritorum magnitudinem exuperare non possunt, plura in vnum congesta superabunt.

CAP. XXXIII. Seruauit in prælio patrem Scipio, & prætextatus in hostes equum concitauit: parum est, quòd ut perueniret ad patrem, tot pericula maximos duces cum maximè prementia contempsit, tot oppositas difficultates; quòd ad primam pugnam exiturus tiro per veteranorum corpora cucurrit; quòd annos suos transfiliuit. Adijce, ut idem patrem reum defendat, & conspirationi inimicorum potentium eripiat: ut alterum illi consularum, ac tertium, aliosque honores etiam consularibus concupiscendos congerat, ut pauperi raptas belli iure opes tradat, & quod est militaribus viris speciosissimum, diuitem illum spoliis etiam hostilibus faciat. Si adhuc parum est, ad-



ijce vt prouincias & extraordinaria imperia continuet: adijce vt dirutis maximis vrbibus, Romani imperij sine æmulo ad ortus occasusque venturi defensor & conditor, maiorem nobilitatem nobili viro adijciat. Dic Scipionis patrem: haud dubium est, quin generandi vulgare beneficium vicerit eximia pietas & virtus, ipsi vrbis nescio, vtrum maius præsidium affrens, an decus.

CAP. XXXIV. Deinde, si hoc parum est, finge aliquem tormenta patris discussisse, finge in se transtulisse. Licer tibi inquantum velis extendere beneficia filij, cum paternum munus & simplex sit, & facile, nec danti voluntarium. Quid necesse est multis? dedit etiam, quibus dedisse se nescit. In quo consortem habet, in quo spectauit legem patriam, præmia patrum, domus ac familiæ perpetuitatem, omnia potius quam eum cui dabat. Quid si quis sapientiam consecutus, hanc patri tradiderit, etiam nunc disputabimus, an maius aliquid dederit, quam acceperat: cum vitam beatam patri reddiderit, acceperit tantum vitam? Sed patris, inquit, beneficium est, quidquid facis, quidquid præstare illi potes. Et præceptoris mei, quod institutis liberalibus profeci. Ipsos tamen qui tradiderunt illa, transcendimus: vti que eos, qui prima elementa docuerunt. Et quamuis sine illis nemo quid-

quam assequi posset, non tamen quantumcunque quis assecutus est, infra illos est. multum, inter prima, ac maxima interest. nec ideo prima maximorum instar sunt, quia sine primis maxima esse non possunt.

CAP. XXXV. Iam tempus est quædam ex nostrâ (ut ita dicam) monetâ proferri. Qui id beneficium dedit, quo est aliquid melius, potest vinci: pater dedit filio vitam, est autem aliquid vitâ melius: ita pater vinci potest, quia dedit beneficium, quo est aliquid melius. Etiamnum, qui dedit alicui vitam, si semel & iterum liberatus est mortis periculo, maius accipit beneficium, quàm dedit: pater autem vitam dedit: potest ergo, si sæpiùs periculo mortis liberatus à filio fuerit, maius beneficium accipere, quàm dedit. Qui beneficium accepit, maius accipit, quò magis eo indiget. magis autem indiget vitâ qui vivit, quàm qui natus non est, ut qui ne indigere quidem omnino possit: maius ergo beneficium accipit pater, si vitam à filio accepit, quàm filius à patre, quòd natus est. Patris beneficia vinci à filiis beneficiis non possunt. quare? quia vitam accepit à patre: quam nisi accepisset, nulla dare beneficia potuisset. Hoc commune est patri cum omnibus, qui vitam dederunt alicui. non potuissent enim referre gratiam, nisi vitam accepissent.

Ergo nec medico in maius gratia referri potest. solet enim & medicus vitam dare: nec nautæ, si naufragum sustulit. Atqui & horum & aliorum, qui aliquo modo nobis vitam dederunt, beneficia vinci possunt: ergo & patrum possunt. Si quis mihi beneficium dedit, quod multorum beneficiis adiuuandum esset, ego autem beneficium illi dedi, quod nullius adiutorio egeret, maius dedi quàm accepi: pater filio vitam dedit perituram, nisi multa accessissent, quæ illam tuerentur: filius patri si dedit vitam, dedit eam, quæ nullius desideraret auxilium, in hoc, ut permaneret: ergo maius beneficium accepit à filio pater, qui vitam accepit, quàm ipse illi dederat.

C A P. X X X V I. Hæc non destruunt parentum venerationem, nec deteriores illis liberos faciunt, imò etiam meliores. naturâ enim gloriosa est virtus, & anteire priores cupit. alacrior erit pietas, si ad reddenda beneficia cum vincendi spe venerit. Id si patribus idem volentibus contigerit (quoniam pleraque sunt, in quibus nostro bono vincimur: ) vnde certamen tam optabile, vnde tantam felicitatem parentibus, ut fateantur se ipsos filiorum beneficiis impares? Nisi hoc ita iudicamus, excusationem damus liberis: & illos segniores ad referendam gratiam facimus, quibus stimulos adijcere debemus, & di-

cere, Hoc agite optimi iuuenes. posita est inter parentes ac liberos honesta contentio, dederint maiora, an receperint. Non ideo vicerunt, quia occupauerunt. sumite modò animum, qualem decet, & deficere nolite, vt vincatis optantes. Nec desunt tam pulchro certamini duces, qui ad similia vos cohortentur, ac per vestigia sua ire ad victoriam sæpè iam partam ex parentibus, iubeant.

C A P. XXXVII. Vicit Æneas patrem, ipse eius in infantia leue tutumque gestamen, grauem senio, per media hostiũ agmina, & per cadentis circa se vrbs ruinas ferens, cùm complexus sacra ac penates deos religiosus senex non simplici videntem sarcinã premeret: tulit illum per ignes, & quid non pietas potest? pertulit, colendumque inter conditores Romani imperij posuit. Vicere Siculi iuuenes: cùm Ætnã maiore vi peragitata, in vrbes, in agros, in magnam insulæ partem effudisset incendium, vexerunt parentes suos. Dissedisse creditum est ignes, & vtrimque flammã recedente limitem adaperitum, per quem transcurrerent iuuenes dignissimi, qui magna tutò auderent. Vicit Antigonus: qui cùm ingenti prælio superasset hostem, præmiũ belli ad patrem transfudit, & imperium illi Cypri tradidit. Hoc est regnum, nosse regnare, cùm possis. Vicit patrẽ, imperiosum quidem, T. Man-

lius: qui cū ad tempus relegatus esset à patre, ob adolescentiam brutam ac hebetem, ad tribunum plebis, qui patri suo dixerat diem, venit: petitoq; tempore, quod ille dederat, sperans fore proditorem parentis inuisi, ( & benè meruisse se de iuvene credebatur, cuius exilium pro grauissimo crimine inter alia Manlio obiciebat) nactus adolescens secretum, stringit occultatum sinu ferrum, & , Nisi iuras, inquit, te diem patri remissurum, hoc te gladio transfodiam. In tuâ potestate est, vtro modo pater meus accusatorem non habeat. Iuravit tribunus: nec fefellit, & causam accusationis remissæ concioni reddidit. Nulli alij licuit impunè tribunal in ordinem redigere.

CAP. XXXVIII. Alia ex aliis exempla subeunt eorum, qui parentes suos periculis eripuerunt, qui ex infimo ad summum protulerunt, & è plebe acervoque ignobili nunquam tacendos sæculis dederunt. Nullâ vi verborum, nullâ ingenij facultate exprimi potest, quantum opus sit, quàm laudabile, quamque nunquam à memoria hominum exiturum, posse hoc dicere: Parentibus meis parui, cessi: imperio eorum, siue æquum, siue iniquum fuit, obsequentem submissumque me præbui: ad hoc vnum contumax fui, ne beneficiis vincerer. Certate obsecro vos, & fusi quoque restituite aciem.

Felices, qui vicerint : felices, qui vincuntur. Quid eo adolescente præclarius , qui sibi ipsi dicere potuerit , neque enim fas est alteri dicere: Patrem meum beneficiis vici? Quid eo fortunatius sene, qui omnibus vbique prædicabit , à filio suo se beneficiis victum ? Quid autem est felicius, quàm sibi cedere ?

## LIBER QVARTVS.

## CAPVT I.

**E**X omnibus quæ tractauimus, *Æbuti Liberalis*, potest videri nihil tam necessarium, aut magis ( vt ait Salustius) cum cura dicendum , quàm quod in manibus est: An beneficium dare, & inuicem gratiam referre , per se res expetendæ sint ? Inueniuntur qui honesta in mercedem colant , quibusque non placeat virtus gratuita: quæ nihil habet in se magnificum, si quidquam habet vænale. Quid enim est turpius, quàm aliquem computare, quanti vir bonus sit : cum virtus nec lucro inuitetur , nec absterreatur dāno , adeoque neminem spe ac pollicitatione corrumpat , vt contra in se impendere iubeat , ac sæpiùs in vltro tributis sit ? Calcatis vtilitatibus ad illam eundum est, quocunque vocauit, quocunque misit, sine respectu rei familiaris : interdum etiam , sine vlla sanguinis sui parsi-

moniâ vadendum, nec vnquam imperium eius detrectandum. Quid consequar, inquit, si hoc fortiter, si hoc gratè fecero? quòd feceris. Nihil tibi extra promittitur: si quid fortè obuenerit commodi, inter accessiones numerabis. Rerum honestarum pretium, in ipsis est. Si honestum per se expetendum est; beneficium autem honestum est, non potest alia eius conditio esse, cum eadem natura sit. Per se autem expetendum esse honestum, sæpè & abundè probatum est.

CAP. II. In hac parte nobis pugna est cum Epicureorum delicatâ & umbraticâ turbâ, in conuiuio suo philosophantium: apud quos virtus voluptatum ministra est. Illis paret, illis deseruit, illas supra se videt. Non est, inquit, voluptas sine virtute. Sed quare ante virtutem est? De ordine putas disputationem esse? de re totâ, & de potestate eius ambigitur. non est virtus, si sequi potest. Primæ partes eius sunt. ducere debet, imperare, summo loco stare: tu illam iubes signum petere. Quid, inquit, tuâ refert? & ego, sine virtute, nego beatam vitam posse constare. Ipsam voluptatem, quam sequor, cui me mancipavi, remotâ illâ, improbo & damno. de hoc vno disputatur, vtrum virtus summi boni causa sit, an ipsa summum bonum. Vt hoc vnum quærat, ordinis tantum existimas mutationem? ista verò

confusio est & manifesta cæcitas, primis postrema præferre. Non indignor, quòd post voluptatem ponitur virtus, sed quòd omnino cum voluptate confertur. Contemptrix eius & hostis est, & longissimè ab illa resiliens, labori ac dolori familiarior, virilibus incommodis, quàm isti effæminato bono inferenda.

CAP. III. Hæc, Liberalis, dicenda fuerunt, quia beneficium (de quo nunc agitur) dare, virtutis est, & turpissimum id causâ vllius alterius rei dare, quàm vt datum sit. Nam si recipiendi spe tribueremus, locupletissimo cuique, non dignissimo, daremus: nunc verò diuiti importuno pauperem præferimus. non est beneficium quod fortunam spectat. Præterea, si vt prodessemus, sola nos inuitaret utilitas, minimè beneficia distribuere deberèt, qui facillimè possent, locupletes, & potentes, & reges, alienâ ope non indigètes. Diij verò tot munera, quæ sine intermissione diebus ac noctibus fundunt, non darèt. in omnia enim illis natura sua sufficit, ple-nosque & tutos, & inuiolabiles præstat. Nulli ergo beneficium dabunt, si vna dandi causâ est, se intueri ac commodum suum. Istud non est beneficium, sed sènus: circumspicere, non vbi optimè ponas, sed vbi quæstuosissimè habeas, vnde facillimè tollas. Quod cum longè à diis remotum sit, sequitur vt liberales sint. nam si vna



beneficij dandi causa sit utilitas: nulla autem ex nobis utilitas deo speranda est, nulla deo dandi beneficij causa est.

CAP. IV. Scio quid hoc loco respondeatur. Itaque non dat Deus beneficia, sed securus & negligens nostri, auersus à mundo, aliud agit, aut (quæ maxima Epicuro felicitas videtur) nihil agit, nec magis illum beneficia, quàm iniuriæ tangunt. Hoc qui dicit, non exaudit precantium voces, & vndique sublati in cælum manibus vota facientium, priuata ac publica. Quod profectò non fieret, nec in hunc furorem omnes mortales consensissent, alloquendi surda numina, & inefficaces deos: nisi nossent illorū beneficia nunc vltro oblata, nunc orantibus data; magna, tempestiua, ingentes minas interuentu suo soluentia. Quis est autem tam miser, tam neglectus, quis tam duro fato, & in pœnam genitus; ut non tantam deorum munificentiam senserit? Ipsos illos complorantes sortem suam, & querulos circumspice. inuenies non ex toto beneficiorum cælestiū expertes: neminem esse, ad quem non aliquid ex illo benignissimo fonte manauerit. Parum autem id, quod nascentibus ex æquo distribuitur? Ut quæ sequuntur, inæquali dispensata mensurâ, transeamus, parum dedit natura, cùm se dedit?

CAP. V. Non dat Deus beneficia. Vnde ergo ista quæ possides? quæ das? quæ negas? quæ seruas? quæ rapis? vnde hæc innumerabilia, oculos, aureis, animum mulcentia? vnde illa luxuriam quoque instruens copia? Neque enim necessitatibus tantummodo nostris prouisum est: vsque in delicias amamur. Tot arbusta, non vno modo frugifera, tot herbæ salutare, tot varietates ciborum, per totum annum digestæ, vt inerti quoque fortuita terræ alimenta præberent. Iam animalia omnis generis, alia in sicco solidoque, alia in humido innascentia, alia per sublime dimissa: vt omnis rerum naturæ pars tributum aliquod nobis conferret. Flumina hæc amœnissimis flexibus campos cingentia, illa præbitura commercii viam, vasto & nauigabili cursu vadentia: ex quibus quædam statis diebus mirabile incrementum trahunt, vt anhela & feruenti subiecta cælo loca subita vis æstiuæ torrentis irriget. Quid medicatorum torrentium venæ? quid in ipsis littoribus aquarum calentium exundatio?

—Te Lari maxime, séque  
Fluctibus, & fremitu assurgens Benace  
marino.

CAP. VI. Si pauca quis tibi donasset iugera, accepisse te diceres beneficium; immensa terrarum latè patentium spatia,

negas esse beneficium? Si pecuniam tibi aliquis donauerit, & arcam tuam (quoniam id tibi magnum videtur) impleuerit, beneficium vocabis: tot metalla defodit, tot flumina emisit in aëra, super quæ decurrunt sola aurum vehentia; argenti, ælis, ferri immane pondus omnibus locis obrutum, cuius inuestigandi tibi facultatem dedit, ac latentium diuitiarum in summâ terrâ signa disposuit: negas te accepisse beneficium? Si domus tibi donetur, in quâ marmoris aliquid resplendeat, & tectum nitidius, auro aut coloribus sparsum, non mediocre munus vocabis: ingens tibi domicilium, sine vlllo incendiij aut ruinæ metu struxit, in quo vides non tenues crustas, & ipsâ quâ secantur laminâ graciliores, sed integras lapidis pretiosissimæ moles, sed totas variæ distinctæque materiæ, cuius tu paruula frustra miraris, tectum verò aliter nocte, aliter interdiu fulgens: negas te vlllum munus accepisse? Et cum ista quæ habes magno æstimes, quod est ingrati hominis, nulli debere te iudicas? Vnde tibi istum quem trahis spiritum? vnde istam, per quam actus vitæ tuæ disponis, atque ordinas, lucem? vnde sanguinem, cuius cursu vitalis continetur calor? vnde ista palatum tuum saporibus exquisitis ultra satietatem laceffentia? vnde hæc irritamēta iam lassæ voluptatis? vnde ista quies,

DE BENEFICIIS, Lib. IV. 573  
in qua putrescis, ac marces? Nónne si  
gratus es, dices,

—*Deus nobis hac otia fecit :*

*Namque erit ille mihi semper Deus. illius  
aram*

*Sapè tener nostris ab ouilibus imbuet  
agnus.*

*Ille meas errare boues, ut cernis, & ipsum  
Ludere quæ vellem, calamo permisit  
agresti.*

Ille Deus est, non qui paucas boues, sed  
qui per totum orbem armenta dimisit,  
qui gregibus vbique passim vagantibus  
pabulum præstat, qui pascua hibernis æsti-  
ua substituit, qui non calamo tantum  
cantare, & agreste atque inconditum car-  
men ad aliquam tantum oblectationem  
modulari docuit, sed tot artes, tot vocum  
varietates, tot sonos, alios spiritu nostro,  
alios externo, cantus edituros, commen-  
tus est. Neque enim nostra ista, quæ inue-  
nimus, dixeris: non magis, quam quòd  
crescimus, quam quòd ad constitutum  
temporum sua corpori officia respon-  
dent. Nunc puerilium dentium lapsus,  
nunc adsurgentem iam ætatem, & in ro-  
bustiores gradum transeuntem puber-  
tas, & ultimus ille dies fugienti vitæ ter-  
minum ponens. Inrita sunt nobis omniū  
ætatum, omniumque artium semina, ma-  
gisterque ex occulto Deus producit in-  
genia.

CAP. VII. Natura, inquit, hæc mihi præstat. Non intelligis te, cum hoc dicis, mutare nomen Deo? Quid enim aliud est natura, quam Deus, & diuina ratio, toti mundo & partibus eius inserta? Quoties voles, tibi licet aliter hunc auctorem rerum nostrarum compellare. & Iouem illum optimum ac maximum ritè dices, & tonantem, & statorem: qui non (ut historici tradiderunt) ex eo quòd post votum susceptum, acies Romanorum fugientium steterit, sed quòd stant beneficio eius omnia, stator, stabilitorque est. hunc eundem & fatum si dixeris, non mentieris. nam cum fatum nihil aliud sit, quam series implexa causarum, ille est prima omnium causa, ex qua ceteræ pendent. Quæcunque voles illi nomina propriè aptabis, vim aliquam effectumque celestium rerum continentia. Tot appellationes eius possunt esse, quot munera.

CAP. VIII. Hunc & Liberum patrem, & Herculem, ac Mercurium nostri putant. Liberum patrem: quia omnium parens sit, quòd ab eo primum inuenta seminum vis est, consultura per voluptatem. Herculem: quia vis eius inuicta sit, quandoque lassata fuerit operibus editis, in ignem recessura. Mercurium: quia ratio penes illum est, numerusque, & ordo, & scientia. Quocunque te flexeris, ibi illum videbis occurrentem tibi. nihil ab illo

lo vacat:opus suum ipse implet. Ergo nihil agis ingratiſſime mortalium, qui te negas Deo debere, ſed naturæ. quia nec natura ſine Deo eſt, nec Deus ſine natura: ſed idem eſt vtrumque, nec diſtat. Officium ſi quod à Seneca accepiffes, Annæo te diceres debere, vel Lucio: non creditorem mutares, ſed nomen. quoniam ſiue prænomen eius, ſiue nomen dixiſſes, ſiue cognomen, idem tamen ille eſſet. Sic hunc naturam voca, fatum, fortunam: omnia eiufdem Dei nomina ſunt, variè vtentis ſuâ poteſtate. Et iuſtitia, probitas, prudentia, fortitudo, frugalitas, vnius animi bona ſunt: quidquid horum tibi placuit, animus placet.

CAP. IX. Sed ne in aliam diſputationem ex obliquo abeam, plurima beneficia ac maxima in nos Deus confert, ſine ſpe recipiendi: quoniam nec ille collato eget, nec nos ei quidquam conferre poſſumus: Ergo beneficium per ſe expetenda res eſt. vna ſpectatur in eo accipientis vtilitas: ad hanc accedamus, ſepoſitis commodis noſtris. Dicitis, inquit, diligenter eligendos quibus beneficia demus: quia nec agricolæ quidem ſemina arenis committunt. Quod ſi verum eſt, noſtram vtilitatem in beneficiis dandis ſequimur, quemadmodum in arando ſerendoque. neque enim ſerere, per ſe res expetenda eſt. Præterea, quæritis cui dan-

dum sit beneficium: quod non esset faciendum, si per se beneficium dare, expectanda res esset. quocunque loco, & quocunque modo daretur, beneficium erat. \* Honestum propter nullam aliam causam, quàm propter ipsum, sequimur. Tamen etsi nihil aliud sequendum est, quaerimus quid faciamus & quando, & quemadmodum: per hæc enim constat. Itaque cum eligo cui dem beneficium, id ago, ut beneficium sit: quia si turpi datur, nec honestum esse potest, nec beneficium.

CAP. X. Depositum reddere, per se res expectanda est: non tamen semper reddam, nec quolibet loco, nec quolibet tempore. aliquando nihil interest, utrum infitier, an palàm reddam. Intuebor utilitatem eius, cui redditurus sum, & nociturum illi depositum negabo. Idem in beneficio faciam. videbo quando dem, cui dem, quemadmodum, quare. Nihil enim sine ratione faciendum est: non est autem beneficium, nisi quod ratione datur: quoniam ratio, omnis honesti comes est. Quàm sæpè hominum, donationem suam inconsultam obiurgantium, hanc audimus vocem, Mallem perdidisse, quàm illi dedisse? Turpissimum genus damni est, inconsulta donatio: multoque gravius malè dedisse beneficium, quàm non recepisse. Aliena enim culpa est, quòd non recepimus: quòd cui daremus

non eligimus, nostra. In electione nihil minus, quàm hoc quod tu existimas, spectabo, à quo recepturus sim. eligo enim eum qui gratus, non qui redditurus sit. Sæpè autem & non redditurus, gratus est; & ingratus, qui reddidit. Ad animum tendit æstimatio mea. Idèò locupletem, sed indignum præteribo: pauperi viro bono dabo. Erit enim in summâ inopiâ gratus: & cùm omnia illi deerunt, supererit animus. Non lucrum ex beneficio capto, non voluptatem, non gloriam. vni placere contentus, in hoc dabo, vt quod oportet faciam: quod oportet autem, non est sine electione: quæ qualis futura sit, interrogas?

CAP. XI. Eligam virum integrum, simplicem, memorem, gratum, alieni abstinentem, sui non auarè tenacem, beneuolum. Hunc verò cùm elegero, licet nihil illi fortuna tribuat, quo referre gratiam possit, ex sententiâ res gesta erit. Si utilitas me & sordida computatio liberalem facit, si nulli prosum, nisi vt inuicem ille mihi profit: non dabo beneficium proficiscenti in diuersas longinquasque regiones, non dabo abfuturo semper, non dabo sic affecto, vt spes ei nulla sit conualescendi, non dabo ipse deficiens. non enim habeo tempus recipiendi. Atqui vt scias, rem per se expetendam esse, benefacere; aduenis modò in nostrum delatis



portum, & statim abituris, succurrimus. Ignoto naufrago nauem, quâ reuehatur, & damus & instruimus. Discedit ille, vix satis noto salutis auctore, & nunquam ampliùs in conspectum nostrum reuersurus, debitores nobis deos delegat, precaturque vt illi pro se gratiam referant: interim nos iuuat sterilis beneficij conscientia. Quid cum ipso vitæ in fine constitimus, cum testamentum ordinamus, non beneficia nobis nihil profutura diuidimus? quantum temporis consumitur, quandiu secretò agitur, quantum & quibus demus? Quid enim interest, quibus demus, à nullo recepturi? Atqui nunquam diligentius damus, nunquam magis iudicia nostra torquemus, quàm vbi remotis vtilitatibus, solum ante oculos honestum stetit: tandiu officiorum mali iudices, quandiu illa deprauat spes ac metus, ac inertissimum vitium, voluptas. Vbi mors interclusit omnia, & ad ferendam sententiam incorruptum iudicem misit, quærimus dignissimos, quibus nostra tradamus: nec quidquam curâ sanctiore componimus, quàm quod ad nos non pertinet.

CAP. XII. Et mehercule tunc magna voluptas subit cogitantem, Hunc ego locupletiores faciam: huius dignitati adiectis opibus, aliquid splendoris affundam. Si non damus beneficia, nisi

recepturi, intestatis moriendum sit. Dicitis, inquit, beneficium creditum insolubile esse : creditum autem non est res per se expetenda. Cùm creditum dicimus, imagine & translatione utimur. Sic & legem, iusti iniusti que regulam esse : & regula non est res per se expetenda. Ad hæc verba demonstrandæ rei causâ descendimus. Cùm dico creditum, intelligitur tanquam creditum. Vis scire ? adiicio insolubile , cùm creditum nullum non solui aut possit , aut debeat. Adeo beneficium utilitatis causâ dandum non est , ut sæpè , quemadmodum dixi, cum damno ac periculo dandum sit. Sic latronibus circumuentum defendo , ut tuto transire permittatur : reum gratiâ laborantem tutor, & hominum potentium factionem in me conuerto , quas illi detrahero sordes, sub accusatoribus iisdem fortasse sumpturus , cùm abire in partem alteram possim, & securus spectare aliena certamina: spondeo pro iudicato, & suspensum amici bonis libellum deiicio, creditoribus eius me obligaturus: ut possim seruare proscriptum, ipse proscriptionis periculum adeo. Nemo Tusculanum aut Tiburtinum emere paratus , salubritatis causâ, & æstiuæ secessus, quoto anno empturus sit disputat : cùm emerit, tuendum est. Eadem in beneficiis ratio est. nam cùm interrogaueris, quid red-

dat, respondebo, bonam conscientiam;  
 Quid reddit beneficium? dic tu mihi,  
 quid reddat iustitia, quid innocentia,  
 quid magnitudo animi, quid pudicitia,  
 quid temperantia, si quidquam præter  
 ipsas petis.

CAP. XIII. Mundus in quid in-  
 cessum absoluit? in quid sol diem exten-  
 dit & contrahit? omnia ista beneficia  
 sunt: fiunt enim nobis profutura. Quo-  
 modo mundi officium est, circumagere  
 rerum ordinem, quomodo solis loca mu-  
 tare, ex quibus oriatur, in quæ cedat, &  
 hæc salutaria nobis facere sine præmio:  
 ita viri officium est inter alia, & benefi-  
 cium dare. Quare ergo dat? ne non det,  
 ne occasionem benefaciendi perdat. Vo-  
 bis voluptas est, inertis otio assuefacere  
 corpusculum, & securitatem soporis si-  
 millimam appetere, & sub densâ umbrâ  
 latitare, tenerrimisque cogitationibus,  
 quas tranquillitatem vocatis, animi mar-  
 centis oblectare torporem, & cibis po-  
 tionibusque intra hortorum latebram cor-  
 pora ignaviâ pallentia saginare: nobis  
 voluptas est, dare beneficia vel laboriosa,  
 dum aliorum labores leuent; vel pericu-  
 losa, dum alios à periculis extrahant: vel  
 rationes nostras aggrauatura, dum alio-  
 rum necessitates & angustias laxent.  
 Quid meâ interest, an recipiam benefi-  
 cia? etiam cum recepero, danda sunt.

Beneficium, eius commodum spectat cui præstatur, non nostrum : alioquin nobis, non illi, damus. Itaque multa, quæ summam vtilitatem aliis afferunt, pretio gratiam perdunt. Mercator vrbibus prodest, medicus ægris, mango vœnalibus: sed omnes isti, quia ad alienum commodum pro suo veniunt, non obligant eos quibus profunt.

CAP. XIV. Non est beneficium quod in quæstum mittitur. Hoc dabo, hoc recipiam: auctio est. Non dicam pudicam, quæ amatorem vt incenderet repulit: quæ aut legem, aut virum timuit, vt ait Ouidius,

*Qua quia non licuit, non dedit, illa dedit.*  
Non immeritò in numerum peccantium refertur, quæ pudicitiam timori præstitit, & non sibi. eodem modo qui beneficium vt reciperet dedit, non dedit. Ergo & nos beneficium damus animalibus, quæ aut vsui, aut alimento futura nutrimus? beneficium damus arbutis quæ colimus, ne siccitate, aut immoti & neglecti soli duritiâ, laborent? Nemo ad agrum colendum ex æquo & bono venit, nec ad vllam rem, cuius extra ipsam fructus est. Ad beneficium dandum non adducit cogitatio auara, nec sordida, sed humana, liberalis, cupiens dare etiam cùm dederit, & augere nouis ac recentibus vetera: & non habens propositum, quanto ei qui

præstat bono futura sit : alioquin humile est, sine laude, sine gloria, prodesse, quia expedit. Quid magnifici est, se amare, sibi parcere, sibi acquirere ? Ab omnibus istis vera beneficij dandi cupido auocat : ad detrimentum, inicetâ manu, trahit, & vtilitates relinquit, ipso benefaciendi opere lætissima.

CAP. XV. Numquid dubium est, quin contraria sit beneficio iniuria ? Quomodo iniuriam facere, per se vitanda ac fugienda res est : sic beneficium dare, per se expetenda. illic turpitude, contra omnia præmia in scelus hortantia, valet : ad hoc inuitat honesti per se efficax species. Non mentiar, si dixerò, neminem non amare beneficia sua, neminem non ita compositum animo, ut libentiùs eum videat, in quem multa congeffit : cui non caussa sit iterum dandi beneficij, semel dedisse. quod non accideret, nisi nos ipsa delectarent beneficia. Quàm sæpè dicentem audias ? Non sustineo illum deserre, cui dedi vitam, quem è periculo eripui. Rogat me ut causam suam contra homines gratiosos agam. Nolo : sed quid faciam ? iam illi semel, iterumque affui. Non vides inesse isti rei propriam quamdam vim, quæ nos beneficia dare cogit ? primùm quia oportet, deinde quia dedimus. Cui initio ratio non fuisset præstandi, aliquid ei præstamus ob hoc, quia

præstitimus. Adeoque nos ad beneficia non impellit utilitas, ut & inutilia tueri ac fovere perseueremus, solâ beneficij caritate: cui etiam infeliciter dato, indulgere, tam naturale, quàm liberis prauis.

CAP. XVI. Iidem isti gratiam referre ipsos fatentur, non quia honestum est, sed quia utile. quod non esse ita, minore operâ probandum est. Quia quibus argumentis collegimus beneficium dare, per se rem expetendam esse, iisdem etiam hoc colligemus. Fixum est illud, à quo in cetera probationes nostræ exeunt, honestum ob nullam aliam causam, quàm quia honestum sit, coli. Quis ergo controuersiam facere audebit, an gratum esse, honestum sit? Quis non ingratum detestetur hominem, sibi ipsi inutilem? Quid autem cum tibi narratur de eo, qui aduersus summa beneficia amici sui ingratus est, quomodo id fers? vtrum tamquam rem turpem fecerit, an tamquam utilem rem sibi & profuturam omiserit? Puto, nequam hominem existimas: cui pœnâ, non cui curatore opus sit. quod non accideret, nisi gratum esse, per se expetendum, honestumque esset. Alia fortasse minus dignitatem suam præferunt, & an sint honesta, interprete egent: hoc expositum est, pulchriusque, quàm ut splendor eius dubiè ac parùm luceat. Quid tam laudabile, quid tam æqualiter

in omnium animos receptum ; quàm referre benè meritis gratiam ?

CAP. XVII. Ad hoc, dic mihi, quæ caussa nos perducit ? Lucrum ? quod qui non contemnit, ingratus est. Ambitio ? & quæ iactatio est soluisse, quod debebas ? Metus ? nullus ingrato. huic enim vni rei non posuimus legem, tamquam satis natura canisset. Quomodo nulla lex amare parentes, indulgere liberis iubet : superuacuum est enim, in quod imus, impelli. quemadmodum nemo in amorem sui cohortandus est, quem cum nascitur trahit : ita ne ad hoc quidem, ut honesta per se petat. Placet suapte naturâ : adeoque gratiosa virtus est, ut insitum sit etiam malis, probare meliora. Quis est, qui non beneficus videri velit ? qui non inter scelera & iniurias opinionem bonitatis affectet ? qui non ipsis quæ impotentissimè fecit, speciem aliquam induat re-cti ? velit quoque & iis videri beneficium dedisse quos læsit ? Gratias itaque agi sibi ab his, quos afflixere, patiuntur : bonos-que se ac liberales fingunt, quia præstare non possunt. Quod non facerent, nisi illos honesti & per se expetendi amor cogeret moribus suis opinionem contrariam quærere, & nequitiam abdere ; cuius fructus concupiscitur, ipsa verò odio pudori-que est : nec quisquam tantum à naturali lege descinit, & hominem exuit,

ut animi causâ malus sit. Dic enim cuilibet ex istis, qui rapto viuunt, an ad illa quæ latrociniiis & furtis consequuntur, malint ratione bonâ peruenire? Optabit ille, cui grassari & transeuntes percutere quæstus est, potius illa inuenire, quàm eripere. Neminem reperies, qui non nequitie præmiis, sine nequitia, frui malit. Maximum hoc habemus naturæ meritum, quòd virtus in omnium animos lumen suum præmittit: etiam qui non sequuntur illam, vident.

CAP. XVIII. Ut scias, per se expectandam esse grati animi affectionem, per se fugienda res est ingratum esse: quoniam nihil æquè concordiam humani generis dissociat ac distrahit, quàm hoc vitium. Nam quo alio tuti sumus, quàm quòd mutuis iuuamur officiis? hoc vno instructior vita, contraque incursiones subitas munitior est, beneficiorum commercio. Fac nos singulos: quid sumus? præda animalium & victimæ, ac vilissimus & facillimus sanguis. Quoniam ceteris animalibus in tutelam sui satis virium est. Quæcunque vaga nascuntur, & actura vitam segreget, armata sunt: hominem imbecillitas cingit: non vnguium vis, non dentium, terribilem ceteris fecit: nudum & infirmum, societas munit. Duas res dedit, quæ illum obnoxium ceteris, validissimum facerent, rationem &



societatem. Itaque qui par esse nulli posset, si diduceretur, rerum potitur. Societas illi dominium omnium animalium dedit: societas terris genitum, in alienæ naturæ transmisit imperium, & dominari etiam in mari iussit. Hæc morborum impetus arcuit, senectutis adminicula prospexit, solatia contra dolores dedit: hæc fortes nos facit, quòd licet contra fortunam aduocare. Hanc tolle: & unitatem generis humani, quæ vita sustinetur, scindes. tolletur autem, si effices, ut ingratus animus non per se vitandus sit, sed quia aliud illi timendum est. Quàm multi sunt enim, quibus ingratis esse tutò licet: denique ingratum voco, quisquis metu gratus est.

CAP. XIX. Deos nemo sanus timet. Furor est enim metuere salutaria: nec quisquam amat, quos timet. Tu denique Epicure Deum inermem facis. omnia illi tela, omnem detraxisti potentiam, & ne cuiquam metuendus esset, proiecisti ipsum extra metum. Hunc igitur septum ingenti quodam & inexplicabili muro, diuisumque à contactu & à conspectu mortalium, non habes quare verearis: nulla illi nec tribuendi, nec nocendi materia est. In medio interuallo huius & alterius cæli desertus, sine animali, sine homine, sine re, ruinas mundorum supra se circaque se cadentium cuitat, non exaudiens

vota, nec nostri curiosus. Atqui hunc vis videri colere, non aliter quàm parentem: grato, vt opinor, animo: aut si non vis videri gratus, quia nullum habes illius beneficium, sed te atomi & istæ micæ tuæ fortè ac temerè conglobauerunt, cur collis? Propter maiestatem, inquis, eius eximiam, singularemque naturam. Vt concedam tibi: nempe hoc facis nullâ spe, nullo pretio inductus. Est ergo aliquid per se expetendum, cuius te ipsa dignitas ducit: id est honestum. Quid est autem honestius, quàm gratum esse? huius virtutis materia tam latè patet, quàm vita.

CAP. XX. Sed inest, inquit, huic bono etiam vtilitas aliqua. cui enim virtuti non inest? sed id propter se expeti dicitur, quod quamuis habeat aliqua extra se commoda, sepositis quoque illis ac remotis, placet. Prodest gratum esse: cro tamen gratus, etiam si noceat. Qui gratus est, quid sequitur? vt hæc res illi alios amicos, alia beneficia conciliet? Quid ergo si quis sibi offensas concitaturus est? si quis intelligit, adeò per hoc se nihil consecuturum, vt multa etiam ex reposito acquisitoque perdenda sint: num libens in detrimenta descendet? Ingratus est, qui in referendâ gratiâ secundùm datum videt, qui sperat cùm reddit. Ingratum voco, qui ægro affidet, quia testamentum facturus est, cui de hereditate,

aut de legato vacat cogitare. Faciat licet omnia, quæ facere bonus amicus & memor officij debet, si animo eius obuersatur spes, si captator est, & hamum iacit: ut aues, quæ laceratione corporum aluntur, lassæ morbo pecora, & casura è proximo speculantur; ita hic imminet morti, & circa cadauer volat.

CAP. XXI. Gratus animus ipsâ virtute propositi sui capitur. Vis scire hoc ita esse, nec illum utilitate corrumpi? Duo sunt genera grati hominis. dicitur gratus, qui aliquid pro eo quod acceperat, reddit. hic fortasse ostentare se potest: habet quod iactet, quod proferat. dicitur gratus, qui bono animo accepit beneficium, bono debet. Hic intra conscientiam clusus est. quæ illi contingere potest utilitas ex affectu latenti? Atqui hic, etiam si ultra facere nihil potest, gratus est: amat, debet, referre gratiam cupit. Quidquid ultra desideras, non ipsi deest. Artifex est etiam, cui ad exercendam artem instrumenta non suppetunt: nec minus canendi peritus, cuius vocem exaudiri fremitus obstrepentium non finit. Volo referre gratiam, post hoc aliquid superest mihi, non ut gratus, sed ut solutus sim. Sæpe enim & qui gratiam retulit, ingratus est: & qui non retulit, gratus. Nam ut omnium aliarum virtutum, ita huius, ad animum tota æstimatio redit.

hic si in officio est, quidquid defuit, fortuna peccat. Quomodo est disertus etiam qui tacet, fortis etiam qui compressis manibus, vel & alligatis: quomodo gubernator etiam qui in sicco est, quia consummata scientiæ nihil deest, etiam si quid obstat quo minus se utatur: ita gratus est, etiam qui vult tantum, nec habet huius voluntatis suæ ullum alium, quàm se testem. Imò amplius adijciam. est aliquando gratus, etiam qui ingratus videtur, quem mala interpretis opinio in contrarium traducit. Hic quid aliud sequitur, quàm ipsam conscientiam? quæ etiam obruta delectat, quæ concioni ac famæ reclamation, & in se omnia reponit, & cum ingentem ex altera parte turbam contrasentientium aspexit, non numerat suffragia, sed vnâ sententiâ vincit. Si verò bonam fidem perfidiæ suppliciis affici videt, non descendit è fastigio, sed supra pœnam suam consistit.

CAP. XXII. Habeo, inquit, quod volui, quod petij. Non pœnitet, nec pœnitebit, nec ullâ iniquitate me eò fortuna perducet, ut hanc vocem audiam. Quid mihi volui? quid mihi nunc prodest bona voluntas? Prodest & in equuleo; prodest & in igne. qui si singulis membris admoueatur, & paullatim viuum corpus circumbeat: licet ipsum corpus plenum bonâ conscientia stillet: placebit illi

ignis, per quem bona fides collucebit. Nunc quoque illud argumentum, quamvis dictum iam, reducat. Quid est quare grati velimus esse, cum morimur? quare singulorum perpendamus officia? quare id agamus in omnem vitam nostram memoriâ decurrente, ne cuius officij videamur oblitî? Nihil iam superest, quò spes porrigatur. in illo tamen cardine positi, abire è rebus humanis quàm gratissimi volumus. Est videlicet magna in ipso opere merces rei, & ad alliciendas mentes hominum ingens honesti potentia: cuius pulchritudo animos circumfudit, & delinitos admiratione luminis ac fulgoris sui rapit. At multa hinc commoda oriuntur. Et tutior est vita melioribus, amorque & secundum bonorum iudicium, ætasque securior, quam innocentia, quam grata mens prosequitur. Fuisset enim iniquissima rerum natura, si hoc tantum bonum miserum, & anceps, & sterile fecisset. Sed illud intueri, an ad istam virtutem, quæ sæpè tuto ac facili aditur, etiam per saxa, & rupes, & feris ac serpentibus obsessum iter, fueris iturus.

CAP. XXIII. Non ideo per se non est expectandum, cui aliquid extrâ quoque emolumentum adhæret. ferè enim pulcherrima quæque, multis & aduenticiis comitata sunt dotibus: sed illas tra-

hunc, ipsa præcedunt. Num dubium est, quin hoc humani generis domicilium, circuitus solis ac lunæ, vicibus suis temperet? quin alterius calore alantur corpora, terræ relaxentur, immodici humores comprimantur, alligantis omnia hiemis tristitiâ frangatur: alterius tepore efficaci & penetrabili rigetur maturitas frugum? quin ad huius cursum fecunditas humana respondeat? quin ille annum observabilem fecerit circumactu suo; hæc mensem, minoribus se spatiis flectens? Ut tamen detrahas ista, non erat ipse sol idoneum oculis spectaculum, dignusque adorari, si tantum præteriret? non erat digna suspectu luna, etiam si otiosum sidus transcurreret? Ipse mundus quoties per noctem ignes suos fudit, & tantum stellarum innumerabilium refulsit, quem non intentum in se tenet? quis sibi illa, tunc cum miratur, prodesse cogitat? Adspice ista tacito supernè cælo labentia, quemadmodum velocitatem suam sub specie stantis atque immoti operis abscondant. Quantum istâ nocte, quam tu in numerum ac discrimen dierum observas, agitur? quanta rerum turba sub hoc silentio evolvitur? quantam fatorum seriem certus limes adducit? Ista quæ tu non aliter, quàm in decorem sparsa consideras, singula in opere sunt. Nec enim est, quod existimes septem sola discurre-

re, cetera hærere. paucorum motus comprehendimus : innumerabiles verò, longiusque à conspectu nostro seducti dij, eunt, redeuntque. Et ex his qui oculos nostros patiuntur, plerique obscuro gradu pergunt, & per occultum aguntur. Quid ergo ? non caperis tantæ molis aspectu, etiam si te non regat, non custodiat, non foueat, generetque, ac spiritu suo rigeat ?

CAP. XXIV. Quemadmodum hæc cum primum vsum habeant, & necessaria vitaliaque sint, maiestas tamen eorum totam mentem occupat : ita omnis virtus, & in primis illa grati animi, multum quidem præstat, sed non vult ob hoc diligere : amplius quiddam in se habet, nec satis ab eo intelligitur, à quo inter vtilia numeratur. Gratus est, quia expedit : ergo & quantum expedit. Non recipit sordidum virtus amatorem : soluto ad illam sinu veniendum est. Ingratus hoc cogitat : Volebam gratiam referre, sed timeo impensam, timeo periculum, vereor offensam : faciam potius, quod expedit. Non potest eadem ratio & gratum facere, & ingratum. Vt diuersa illorum opera, ita inter se diuersa proposita sunt. Ille ingratus est, quamuis non oporteat, quia expedit : hic gratus est, quamuis non expediat, quia oportet.

CAP. XXV. Propositum est nobis

secundum rerum naturam vivere, & deorum exemplum sequi: dii autem quodcunque faciunt, in eo nihil præter ipsam faciendi rationem sequuntur. nisi fortè existimas illos fructum operum suorum ex fumo extorere, & turis odore percipere. Vide quanta quotidie moliantur, quanta distribuunt, quantis terras fructibus impleant, quàm opportunis & in omnes oras ferentibus ventis maria permoueant, quantis imbribus repente deiectis solum molliant, venasque fontium arentes reintegrent, & infuso per occulta nutrimento renouent. Omnia ista sine mercede, sine villo ad ipsos perueniente commodo, faciunt. Hæc quoque nostra ratio, si exemplari ab suo non aberrat, seruet, ne ad res honestas conducta veniat. Pudeat vllum venale esse beneficium: gratuitos habemus deos.

CAP. XXVI. Si deos, inquit, imitaris, da & ingratis beneficia. Nam & sceleratis sol oritur, & piratis patent maria. Hoc loco interrogant, an vir bonus daturus sit beneficium ingrato, sciens ingratum esse? Permite mihi aliquid interloqui, ne interrogatione insidiosâ capiamur. Duos ex constitutione Stoicâ accipe ingratos. alter ingratus, quia stultus est. Stultus, etiam malus est: qui malus est, nullo vitio caret: ergo & ingratus est. Sic omnes malos dicimus, intemperan-



tes, avaros, luxuriosos, malignos : non quia ista omnia singulis magna & nota vitia sint, sed quia esse possint : & sunt, etiamsi latent. Alter est ingratus, qui à vulgo dicitur, in hoc vitium naturâ pronus & propensus. Illi ingrato, qui sic hac culpâ non caret, quomodo nullâ caret, dabit beneficium vir bonus. nulli enim dare poterit, si tales homines submouerit. Huic ingrato, qui beneficiorum fraudator est, & in hanc partem procubuit animo, non magis dabit beneficium, quàm decoctori pecuniam credet, aut depositum committet ei, qui iam pluribus abnegauit. Timidus dicitur aliquis, quia stultus est : & hoc quidem malos sequitur, quos indiscreta & vniuersa vitia circumstant. dicitur timidus propriè, naturâ etiam ad inanes sonos pauidus. Stultus omnia vitia habet, sed non in omnia naturâ pronus est. alius in avaritiam, alius in luxuriam, alius in petulantiam inclinatur.

CAP. XXVII. Itaque errant illi, qui interrogant Stoicos : Quid ergo? Achilles timidus est? Quid ergo? Aristides, cui iustitia nomen dedit, iniustus est? Quid ergo? & Fabius, qui cunctando restituit rem, temerarius est? Quid ergo? Decius mortem timet? Mucius proditor est? Camillus desertor? Non hoc dicimus, sic omnia vitia esse in omnibus,

quomodo in quibusdam singula eminent: sed malum ac stultum nullo vitio vacare. nec audacem quidem timoris absoluiamus: ne prodigum quidem avaritiâ liberamus. Quomodo omnes sensus habet, nec ided tamen omnes homines aciem habent Lynceo similem: sic qui stultus est, non tam acria & concitata habet omnia, quàm quidam quædam. Omnia in omnibus vitia sunt: sed non omnia in singulis exstant. Hunc natura ad avaritiam impellit: hic libidini, hic vino deditus est: aut si nondum deditus, ita formatus, ut in hoc illum mores sui ferant. Itaque ut ad propositum reuertar, nemo non ingratus est, qui malus est: habet enim omnia nequitie semina: tamen propriè ingratus appellatur, qui ad hoc vitium vergit. huic ergo beneficium non dabo. Quomodo malè filiæ consulit, qui illam contumelioso & sæpè repudiato collocavit: quomodo malus paterfamilias habebitur, qui negotiorum gestorum damnato, patrimonij sui curam mandaverit: quomodo dementissimè testabitur, qui tutorem filio reliquerit, pupillorum spoliatores: sic pessimè beneficia dare dicetur, quicumque ingratos eligit, in quos peritura conferat.

CAP. XXVIII. Dij quoque, inquit, multa ingratissimis tribuunt. Sed illa bonis parauerant: contingunt autem

etiam malis, quia separari non possunt. Satius est autem, prodesse etiam malis propter bonos, quàm bonis deesse propter malos. Ita, quæ refert, diem, solem, hiemis æstatisque cursus, & media veris autumnique temperamenta, imbres, & fontium haustus, ventorum statos flatus, pro vniuersis inuenerunt: excerpere singulos non potuerunt. Rex honores dignis dat, congiarium & indignis: Frumentum publicum tam fur quàm periurus & adulter accipiunt, & sine delectu morum, quisquis ciuis est. cum aliquid est, quod tanquam ciui, non tanquam bono datur, ex æquo boni ac mali ferunt. Deus quoque quædam in vniuersum humano generi dedit, à quibus excluditur nemo. nec enim poterat fieri, ut ventus bonis viris secundus esset, contrarius malis: commune autem bonum erat patere commerciū maris, & regnum humani generis relaxari. Nec poterat lex casuris imbribus dici, ne in malorum improborumque rura defluerent. Quædam in medio ponuntur. Tam bonis quàm malis conduntur vrbes: monumenta ingeniorum, & ad indignos peruentura, publicauit editio: medicina & sceleratis opem ministrat. Compositiones remediorum salutarium nemo suppressit, ne sanarentur indigni. In his exiget censuram, & personarum æstimationem.

nem, quæ separatim tanquam digno dantur: non in his, quæ promiscuè turbam admittunt. Multum enim refert, utrùm aliquem non excludas, an eligas. Ius fori omnibus dicitur: pace etiam homicidæ fruuntur: sua repetunt, etiam qui aliena rapuerunt. Percussores, & domi ferrum exercentes, murus ab hoste defendit: legum præsidio, qui plurimum in illas peccauerunt, proteguntur. Quædam non poterant certis contingere, nisi vniuersis darentur. Non est itaque quod de istis disputes, ad quæ publicè inuitati sumus: illud quod iudicio meo ad aliquem peruenire debet, ei quem ingratum sciam, non dabo.

CAP. XXIX. Ergo, inquit, nec consilium deliberanti dabis ingrato, nec aquam haurire permittes, nec viam erranti monstrabis? an hæc quidem facies, sed nihil donabis? Distinguem istud: certè tentabo distinguere. Beneficium, est opera utilis, sed non omnis opera utilis beneficium est. Quædam enim tam exigua sunt, ut beneficij nomen non occupet. Duæ res coire debent, quæ beneficium efficiant. Primum, rei magnitudo: quædam enim sunt infra huius nominis mensuram. Quis beneficium dixit, quadram panis, aut stipem æris abjecti, aut ignis accendendi factam potestatem? & interdum ista plus prosunt, quàm maxima: sed ta-

men vilitas sua illis , etiam vbi tempore facta sunt necessaria , detrahit pretium. Deinde quod potissimum est , oportet accedat : vt eius causâ faciam , ad quem volebam peruenire beneficium ; dignum-  
 que cum iudicem , & libens id tribuam , percipiensque ex munere meo gaudium. quorum nihil est in istis , de quibus loquebamur. Non enim tanquam dignis illa tribuimus , sed negligenter tanquam parua : & non homini damus , sed humanitati.

CAP. XXX. Aliquando daturum me etiam indignis quædam non negauerim , in honorem aliorum : sicut in petendis honoribus quosdam turpissimos nobilitas industris , sed nouis , prætulit. Non sine ratione , sacra est magnarum virtutum memoria : & esse plures bonos iuuat , si gratia bonorum non cum ipsis cadat. Cicero-  
 nem filium quæ res consulem fecit , nisi pater ? Cinnam nuper quæ res ad consulatum recepit ex hostium castris ? quæ Sextum Pompeium , aliosque Pompeios , nisi vnius viri magnitudo ? tanta quidem , vt satis altè omnes suos etiam ruina eius attolleret. Quid nuper Fabium Perficum , cuius osculum etiam impuri vitabant , sacerdotem non in vno collegio fecit , nisi Verrucosi , & Allobrogici , & illi trecenti , qui hostium incur-  
 sioni

fioni pro rep. vnam domum obiecerant? Hoc debemus virtutibus, vt non præsentes solum illas, sed etiam ablatas è conspectu colamus. Quomodo illæ id egerunt, vt non in vnam ætatem prodescent, sed beneficia sua etiam post ipsas relinquerent: ita & nos non vnâ ætate grati sumus. Hic magnos viros genuit, dignus est beneficiis, qualiscumque est. dignos dedit. Hic egregiis maioribus ortus est: qualiscumque est, sub vmbra suorum lateat. Vt loca sordida percussu solis illustrantur, ita inertes maiorum suorum luce resplendeant.

CAP. XXXI. Excusare hoc loco, mi Liberalis, deos volo. Interdum enim solemus dicere: Quid sibi voluit prouidentia, quæ Aridæum regno imposuit? Illi putas hoc datum? patri eius datum est, & fratri. Quare C. Cæsarem orbi terrarum præfecit, hominem humani sanguinis auidissimum, quem non aliter fluere in conspectu suo iubebat, quàm si ore excepturus esset? Quid? ergo tu illi hoc datum existimas? patri eius Germanico datum, datum auo, proauoque, & ante hos aliis non minùs claris viris, etiam si priuati parcesque aliis vitam exegerunt. Quid tu, cum Mamercum Scaurum Cos. faceres, ignorabas ancillarum suarum menstruum ore illum hiantem exceptare? Num-

quid enim ipse dissimulabat? numquid purus videri volebat? Referam dictum tibi eius in se, quod circumferri memini, & ipso præsentē laudari. Pollioni Asi-  
nio iacenti, obsceno verbo usus, dixerat se facturum id quod pati malebat. & cum Pollionis attritiorem vidisset frontem: Quidquid, inquit, mali dixi, mihi & capiti meo. Hoc dictum suum ipse narrabat. Hominem tam palam obscenum, ad fasces, & ad tribunal admisi-  
sti? nempe dum veterem illum Scau-  
rum, senatus principem cogitas, indignè fers sobolem eius iacere.

CAP. XXXII. Deos videre est, ut alios indulgentiùs tractent, propter parentes auósque, alios propter futuram nepotum pronepotumque, ac longè sequentium posterorum indolem. Nota est enim illis operis sui series. omnium illis rerum per manus suas iturarum scientia in aperto semper est: nobis ex abdito subit. & quæ repentina putamus, illis prouisa veniunt ac familiaria. Sint hi reges, quia maiores eorum non fuerunt, quia pro summo imperio habuerunt iustitiam, abstinentiam, quia non remp. sibi, sed se reip. dicauerunt. Regnent hi, quia vir bonus quidam proavus eorum fuit: qui animum supra fortunam gessit, qui in dissensione ciuili, quoniam ita expediebat reip. vinci quàm vincere ma-

luit. Referri illi gratia tam longo spatio non potuit. in illius respectum iste populo præsideat: non quia scit aut potest, sed quia alius pro eo meruit. Hic corpore deformis est, ad spectu fœdus, & ornamenta sua traducturus. iam me homines accusabunt, cæcum & temerarium dicent, nescientem quo loco, quæ summis ac excellentissimis debentur, ponam. At ego scio, alij me istud dare, alij olim debitum solvere. Vnde isti norunt illū quemdam, gloriæ sequentis fugacissimum, eo vultu ad pericula euntem, quo alij ex periculo redeunt? nunquam bonum suum à publico distinguunt? Vbi, inquis, iste, aut quis est? apud me istæ expensorum acceptorumque rationes dispunguntur. Ego quid cui debeam, scio. aliis post longam diem repono, aliis in antecessum: ac prout occasio, & reip. meæ facultas tulit.

C A P. XXXIII. Ingrato ergo aliquando quædam, sed non propter ipsum dabo. Quid si, inquit, nescis, vtrum gratus sit, an ingratus? expectabis donec scias, an dandi beneficij tempus non amittes? Expectare longum est. nam (ut Plato ait) difficilis humani animi coniectura est: non expectare, temerarium est. Huic respondebimus, nunquam expectare nos certissimam rerum comprehensionem: quoniam in arduo est veri ex-



ploratio: sed eà ire, quà ducit veri similitudo. Omne hac viâ procedit officium. sic ferimus, sic nauigamus, sic militamus, sic vxores ducimus, sic liberos tollimus: cùm omnium horum incertus sit euentus. Ad ea accedimus, de quibus benè sperandum esse credimus. Quis enim pollicetur ferenti prouentum, nauiganti portum, militanti victoriam, marito pudicam vxorem, patri pios liberos? Sequimur quà ratio, non quà veritas trahit. Expecta, vt nisi benè cessura non facias, & nisi compertâ veritate nihil moueris: relicto omni actu vita consistit. Dum verisimilia me in hoc aut in illud impellant, non verebor beneficium dare ei, quem verisimile erit gratum esse.

CAP. XXXIV. Multa, inquit, interuenient, per quæ & malus pro bono surrepat, & bonus pro malo displiceat. fallaces enim sunt rerum species, quibus credimus. Quis negat? sed nihil aliud inuenio, per quod cogitationem regam. His veritas mihi vestigiis sequenda est: certiora non habeo. Hæc vt quàm diligentissimè æstimem, operam dabo, nec citò illis assentiar. Sic enim in prælio potest accidere, vt telum meum in comilitonem manus dirigat, aliquo errore decepta; & hosti, tamquam meo, parcam. sed hoc & rarò accidet, & non vitio meo: cui propositum est hostem ferire, ciuem

defendere. Si sciam ingratum esse, non dabo beneficium. At obrepfit, at imposuit. nulla hinc culpa tribuentis est, quia tamquam grato dedi. Si promiseris, inquit, te daturum beneficium, & postea ingratum esse scieris, dabis, an non? Si facis, sciens peccas: das enim cui non debes. si negas, & hoc modo peccas: quia non das ei, cui promissisti. Secta vestra hoc loco titubat, & illud superbum promissum, numquam sapientem facti sui pœnitere, nec umquam emendare quod fecerit, nec mutare consilium. Non mutat sapiens consilium, omnibus his manentibus quæ erant, cum sumeret. Ideo numquam illum pœnitentia subit: quia nihil melius illo tempore fieri potuit, quàm quod factum est: nihil melius constitui, quàm quod constitutum est. Ceterum ad omnia cum exceptione veniet, si nihil inciderit quod impediat: ideò omnia illi succedere dicimus, & nihil contra opinionem accidere, quia præsumit animo, posse aliquid interuenire, quod destinata prohibeat. Imprudentium ista fiducia est, fortunam sibi spondere: sapiens utramque partem eius cogitat. scit quantum liceat errori, quàm incerta sint humana, quàm multa consiliis obstant. incipitem rerum ac lubricam sortem suspensus sequitur, & consiliis certis incertos euentus. Exceptio autem, sine qua ni-

hil destinat, nihil aggreditur, & hîc illum tuetur.

CAP. XXXV. Promisi beneficium, nisi si quid incidisset, quare non deberem dare. Quid enim, si quod illi pollicitus sum, patria sibi me dare iusserit? Si lex lata erit, ne id quisquam faciat, quod ego me amico meo facturum promiseram? Promisi tibi filiam in matrimonium. postea peregrinus apparuisti: non est mihi cum extraneo connubium. Eadem lex me defendit, quæ vetat. Tunc fidem fallam, tunc inconstantia crimem audiam, si cum omnia eadem sint, quæ erant promittente me, non præstitero promissum. alioquin quidquid mutatur, libertatem facit de integro consulendi, & meam fidem liberat. Promisi aduocationem: postea apparuit per illam causam præiudicium in patrem meum quæri. promisi me peregrè vnà exiturum: sed iter infestari latrociniiis nunciatur. in rem præsentem venturus fui: sed æger filius, sed puerpera vxor tenet. Omnia esse debent eadem, quæ fuerunt cum promitterem, vt promittentis fidem teneas. Quæ autem maior fieri mutatio potest, quàm si te malum virum & ingratum comperi? quod tamquam digno dabam, indigno negabo, & irascendi quoque causam habebam deceptus.

CAP. XXXVI. Inspiciam tamen,

& quantum sit de quo agitur: dabit mihi consilium promissæ rei modus. Si exiguum est, dabo: non quia dignus es, sed quia promissi. nec tamquam munus dabo, sed verba mea redimam, & aurem mihi peruellam: damno castigabo promittendi temeritatem. Ecce ut doleat, ut postea consideratiùs loquaris: quod dicere solemus, linguarium dabo. Si maius erit, non committam (quemadmodum Mæcnas ait) ut sestertio centies obiurgandus sim. Inter sese enim utrumque comparabo. Est aliquid, in eo quod promiseris, perseverare: est rursus multum in eo, ne indigno beneficium des. Hoc tamen quantum sit, attendendum. si leue, conuiueamus: si verò magno mihi aut detrimento, aut rubori futurum, malo semel excusare, quare negauerim, quàm semper, quare dederim. Totum, inquam, in eo est, quanti promissi mei verba taxentur. Non tantum quod temerè promisi, retinebo, sed quod non rectè dedi, repetam. Demens est, qui fidem præstat errori.

CAP. XXXVII. Philippus Macedonum rex habebat militem manu fortem, cuius in multis expeditionibus vtilem expertus operam, subinde ex præda aliquid illi virtutis causâ donauerat, & hominem vernalis animæ crebris auctoramentis accendebat. Hic naufragus in possessiones cuiusdam Macedonis ex-

pulsus est. quod ut Macedoni illi nunciatum est, accucurrit, spiritum eius recollectit, in villam illum suam transtulit, lectulo suo cessit, affectum, semianimemque recreavit, diebus triginta impensâ suâ curavit, refecit, viatico instruxit, subinde dicentem : Gratiam tibi referam. videre tantum mihi imperatorem meum contingat. Narravit Philippo naufragium suum, auxilium tacuit, & protinus petiit, ut sibi prædia cuiusdam donaret. Ille quidam erat hospes eius, is ipse, à quo receptus erat, à quo sanatus. Multa interim reges, in bello præsertim, opertis oculis donant. non sufficit homo iustus vnus tot armatis cupiditatibus. non potest quisquam eodem tempore & bonum virum, & bonum ducem agere. Quomodo tot millia hominum insatiabilia satiabuntur? quid habebunt, si suum quisque habuerit? Hoc Philippus sibi dixit, cum illum induci in bona quæ petebat iussit. Expulsus bonis suis ille, non ut rusticus iniuriam tacitus tulit, contentus quòd non & ipse donatus esset: sed Philippo epistolam strictam ac liberam scripsit: quâ acceptâ ita exarsit, ut statim Pausaniæ mandaret, bona priori domino restitueret. ceterum improbissimo militi, ingratusissimo hospiti, auidissimo naufrago, stigmata inscriberet, ingratum hospitem te-

stantia. Dignus quidem fuit, cui non inscriberentur illæ litteræ, sed insculperentur, qui hospitem suum, nudo & naufrago similem, in id in quo iacuerat ipse littus expulerat. Sed videbimus, quis modus pœnæ seruandus fuerit: auferendum utique fuit, quod summo scelere innaserat. Quis autem pœnâ eius moueretur, qui id commiserat, propter quod nemo miserari miseris posset?

C A P. XXXVIII. Dabit tibi Philippus quia promisit, etiam si non debet, etiam si iniuriam, etiam si scelus facturus est, etiam si vno facto præclusurus est naufragis litora? Non est leuitas, à cognito & damnato errore discedere: & ingenuè fatendum est: Aliud putavi: deceptus sum. Hæc verò superbæ stultitiæ perseverantia est: Quod semel dixi, qualecunque est, fixum ratumque sit. Non est turpe, cum re mutare consilium. Age, si Philippus possessorem illum eorum litorum reliquisset, quæ naufragio ceperat, nonne omnibus miseris aquâ & igni interdixerat? Potius est, inquit, intra fines regni mei, te litteras istas oculis inscribendas, durissimâ fronte circumferre. ostende quàm sacra res sit mensa hospitalis. præbe in facie tuâ legendum istud decretum, quo caueatur, ne miseris tecto iuuare capitale sit. Magis ista constitutio sic erit rata, quàm

si illam in æs incidissem.

CAP. XXXIX. Quare ergo, inquit, Zeno vester, cum quingentos denarios mutuos cuidam promississet, & illum parum idoneum comperisset, amicis suadentibus ne daret, perseveravit credere, quia promiserat? Primum alia conditio est in credito, alia in beneficio. Pecuniæ, etiam malè creditæ, exactio est. & appellare debitorem ad diem possum, & si foro cesserit, portionem feram. beneficium & totum perit, & statim. Præterea hoc mali viri est, illud mali patrisfamiliae. Deinde ne Zeno quidem, si maior fuisset summa, credere perseverasset. Quingenti denarii sunt. Illud quod dici solet, in morbo consumat. fuit tanti, non renocare promissum suum. Ad cœnam quia promisi, ibo, etiam si frigus erit; non quidem, si niues cadent. Surgam ad sponsalia, quia promisi, quamvis non concoxerim: sed non, si febricitauero. Sponsum descendam, quia promisi: sed non si spondere in incertum iubebis, si fisco obligabis. Subest, inquam, tacita exceptio, si potero, si debebo, si hæc ita erunt. Effice, ut idem status sit, cum exigitur, qui fuit cum promitterem. destituere leuitas non exit, si aliquid interuenit noui. Quid miraris, cum conditio promittentis mutata sit, mutatum esse consilium? eadem mihi omnia præsta: & idem sum.

Vadimonium promittimus, tamen deferitur. Non in omnes datur actio. deferentem vis maior excusat.

CAP. XL. Idem etiam illâ in quaestione responsum existima, an omnimodo referenda sit gratia, & an beneficium utrique reddendum sit. Animum præstare gratum debeo: ceterum aliquando me referre gratiam non patitur mea infelicitas, aliquando felicitas eius cui debeo. Quid enim regi, quid pauper diuiti reddam? utrique cum quidam recipere beneficium, iniuriam iudicent, & beneficia subinde aliis beneficiis onerent. Quid amplius in horum personam possum, quàm velle? nec enim idèò beneficium nouum reiicere debeo, quia nondum prius reddidi. Accipiam tam libenter, quàm dabitur: & præbebo me amico meo exercendæ bonitatis suæ capacem materiam. Qui noua accipere non vult, acceptis offenditur. Non refero gratiam. quid ad rem? non est per me mora, si aut occasio mihi deest, aut facultas. Ille præstitit mihi. nempe cum occasionem haberet, cum facultatem. Verum bonus vir est, an malus? apud bonum virum, bonam causam habeo: apud malum, non ago. Ne illud quidem existimo faciendum, ut referre gratiam, etiam inuitis his quibus refertur, properemus, & instemus cedentibus. Non est referre gra-



tiam, quod volens acceperis, nolenti reddere. Quidam, cum aliquod illis missum est munusculum, subinde aliud intempestive remittunt, & nihil se debere testantur. Reijciendi genus est, protinus aliud inuicem mittere, & munus munere expungere. Aliquando & non reddam beneficium cum possim, quando plus mihi detracturus ero, quam illi collaturus: si ille non erit sensurus ullam accessionem recepto eo, quo reddito, mihi multum abscissurum erit. Qui festinat utique reddere, non habet animum grati hominis, sed debitoris. Et breuiter dicam, qui nimis citò cupit soluere, inuitus debet: qui inuitus debet, ingratus est.

## LIBER QUINTVS.

## CAPVT I.

**N** prioribus libris videbar consummasse propositum, cum tractassem, quemadmodum dandum esset beneficium, & quemadmodum accipiendum. hi enim sunt huius officij fines. Quidquid ultra moror, non seruió materiæ, sed indulgeo: quæ quò ducit, sequendum est; non quò inuitat. Subinde enim nascetur, quod læssat aliquâ dulcedine animum, magis non necessarium, quam superuacuum. Verùm quia ita vis, perseueremus, peractis quæ rem contine-

bant, scrutari etiam ea quæ sunt his con-  
 nexa, verum non cohærentia: quæ quis-  
 quis diligenter inspicit, nec facit operæ  
 pretium, nec tamen perdit operam. Tibi  
 autem homini naturâ optimo, & ad be-  
 neficia propenso, Liberalis Æbuci, nulla  
 eorum laudatio satisfacit. Neminem um-  
 quam vidi tam benignum, etiam leuissi-  
 morum officiorum æstimatorem. Iam  
 bonitas tua cœsusque prolapsa est, ut tibi  
 dari putes beneficium, quod vlli datur.  
 paratus es, ne quem beneficij pœniteat,  
 pro ingratis dependere. Ipse usque ad  
 abesse ab omni iactatione, usque ad sta-  
 tim exonerare cupis quos obligas, ut  
 quidquid in aliquem confers, velis vide-  
 ri non præstare, sed reddere. Ideoque  
 plenius ad te sic data reuertuntur. nam  
 ferè sequuntur beneficia non reposcen-  
 tem: & ut gloria fugientes magis ac ma-  
 gis sequitur, ita fructus beneficiorum  
 gratius respondet illis, per quos etiam  
 esse ingratis licet. Per te verò non est  
 mora, quò minus beneficia qui accepe-  
 runt, ultro repetant: nec recusabis con-  
 ferre alia, & suppressis dissimulatisque  
 plura ac maiora adiacere. Propositum  
 optimi viri, & ingentis animi est, tam diu  
 ferre ingratum, donec feceris gratum.  
 Nec te ista ratio decipiet. succumbunt  
 vitia virtutibus, si illa non citò odisse  
 properaueris.

CAP. II. Illud utique vnicè tibi placet, velut magnificè dictum : Turpe est beneficiis vinci. quod an sit verum, non immeritò quæri solet : longèque aliud est, quàm mente concipis. Nunquam enim in rerum honestarum certamine superari turpe est : dummodo arma non proicias, & victus quoque velis vincere. Non omnes ad bonum propositum easdem afferunt vires, easdem facultates, eandem fortunam: quæ optimorum quoque consiliorum, dumtaxat exitus, temperat. Voluntas ipsa rectum petens, laudanda est, etiam si illam alius gradu velociori antecessit. non ut in certaminibus, ad spectaculum editis, meliorem palma declarat : quamquam in illis quoque sæpè deteriores prætulit casus. Vbi de officio agitur, quod uterque à sua parte esse quàm plenissimum cupit, si alter plus potuit, & ad manū habuit materiā sufficientē animo suo, si illi, quantum conatus est, fortuna permisit; alter autem voluntate par est, etiā si minora quā accepit reddidit, aut omnino nō reddidit, sed vult reddere, & toto in hoc intentus est animo: hic non magis victus est, quā qui in armis moritur. quem occidere facilius hostis potuit, quàm auertere. Quod turpe existimas, id accidere viro bono non potest, ut vincatur. nunquam enim succumbet, numquam renunciabit. ad vlti-

num usque diem vitæ stabit paratus, & in hac statione morietur: magna se accepisse præ se ferens, paria voluisse.

CAP. III. Lacedæmonij vetant suos pancratio aut cestu decernere, vbi inferiorem ostendit victi confessio. Cursor meram prior contingit: velocitate alium, non animo, antecessit. Luctator ter abiectus, perdidit palmam, non tradidit. Cum inuictos esse Lacedæmonij ciues suos magno æstimarent, ab his certaminibus remouerunt, in quibus victorem facit non iudex, non per se ipse exitus, sed vox cedentis, & tradere iubentis. Hoc quod illi in ciuibus suis custodiunt, virtus ac bona voluntas omnibus præstat, ne vñquam vincantur: quoniam quidem etiam inter superantia animus inuictus est. Ideò nemo trecentos Fabios victos dicit, sed occisos. Et Regulus captus est à Pœnis, non victus: & quisquis alius sauiensis fortunæ vi ac pondere oppressus, non submittit animum. In beneficiis idem est. plura aliquis accepit, maiora, frequentiora: non tamen victus est. Beneficia fortasse beneficiis victa sunt, si inter se data & accepta computes: si dantem & accipientem comparaueris, quorum animi & per se æstimandi sunt, penes neutrum erit palma. Solet enim fieri, ut etiam cum alter multis vulneribus confossus est, alter leuiter quidem saucius,

pares exisse dicantur, quamvis alter videatur inferior.

CAP. IV. Ergo nemo vinci potest beneficiis: si scit debere, si vult referre, si quod rebus non potest, animo æquat. Hic, quàm diu in hoc permanet, quàm diu tenet voluntatem, gratum animum signis approbat: quid interest, ab utrâ parte munuscula plura numerentur? Tu multa dare potes: at ego tantum accipere possum. tecum stat fortuna: mecum bona voluntas. tamen tam par tibi sum, quàm multis armatissimis nudi, aut leuiter armati. Nemo itaque beneficiis vincitur: quia tam gratus est quisque, quàm voluit. Nam si turpe est beneficiis vinci, non oportet à præpotentibus viris accipere beneficium, quibus gratiam referre non possis. A principibus dico, à regibus: quos eo loco fortuna posuit, ex quo largiri multa possent, pauca admodum & imparia datis recepturi. Reges & principes dixi, quibus tamen potest opera nauari, & quorum illa excellens potentia per animorum consensum ministeriumque constat. Sunt quidam extra omnem subducti cupiditatem, qui vix ullis humanis desideriis continguntur: quibus nihil potest præstare ipsa fortuna. Necessesse est à Socrate beneficio vincar: necesse est à Diogene, qui per medias Macedonum gazas nudus incessit, calcatis

regiis opibus. Nónne illè tunc meritò & sibi & ceteris, quibus ad dispiciendam veritatem non erat offusa caligo, supra eum eminere visus est, infra quem omnia iacebant? Multo potentior, multo locupletior fuit, omnia tunc possidente Alexandro. plus enim erat, quod hic nollet accipere, quàm quod ille posset dare.

CAP. V. Non est turpe, ab his vinci. neque enim minùs fortis sum, si cum invulnerabili me hoste committis: nec ideò ignis minùs vrere potest, si in materiam incidit inviolabilem flammis: nec ideò ferrum secandi vim perdidit, si non recipiens ictum lapidis solidus, inuictæque aduersus dura naturæ, diuidendus est. Idem tibi de homine gratò respondeo. Non turpiter vincitur beneficiis, si ab his obligatus est, ad quos aut fortunæ magnitudo, aut eximia virtus aditum redituris ad se beneficiis clausit. A parentibus ferè vincimur. nam tam diu illos odio habemus, quàm diu graues iudicamus, & quàm diu beneficia illorum non intelligimus. Cùm iam ætas aliquid prudentiæ collegit, & apparere cœpit, propter illa ipsa eos amari à nobis debere, propter quæ non amabantur, admonitiones, severitatem, & inconsultæ adolescentiæ diligentem custodiam, rapiuntur nobis. Paucos vsque ad verum fructum à liberis percipiendum perduxit ætas: ce-

teri liberos onere senserunt. Non est tamen turpe, vinci beneficiis à parente, quidni non sit turpe, cum à nullo turpe sit? Quibusdam enim & pares, & impares sumus. pares animo, quem solum illi exigunt, quem nos solum promittimus: impares fortunâ, quæ si cui obstitit quò minùs referret gratiam, non ideo illi tamquam victo erubescendum est. Non est turpe, non consequi, dummodo sequaris. Sæpè necesse est, antè alia beneficia petamus, quàm priora reddidimus. Nec ideo non petimus, aut turpiter petimus, quia non reddituri debebimus: quia non per nos erit mora, quò minùs gratissimi simus. Sed interueniet aliquid extrinsecus, quod prohibeat. nos tamen nec vincemur animo, nec turpiter his rebus superabimur, quæ non sunt in nostrâ potestate.

CAP. VI. Alexander Macedonum rex gloriari solebat, à nullo se beneficiis victum. Non est quod nimius animi Macedonas, & Græcos, & Caras, & Persas, & nationes districtas sine exercitu suspiciat: ne hoc sibi præstitisse regnum, à Thraciæ angulo porrectum usque ad litus incogniti maris, iudicet. Eâdem re gloriari Socrates potuit, eâdem Diogenes, à quo victus est. Quid ni victus sit illo die, quo homo supra mensuram humanæ superbiæ tumens, vidit

aliquem, cui nec dare quidquam posset, nec eripere? Archelaus rex Socratem rogavit, ut ad se veniret. dixisse Socrates traditur, Nolle se ad eum venire, à quo acciperet beneficia, cum reddere illi paria non posset. Primum, in ipsius potestate erat, non accipere: deinde ipse dare beneficium prior incipiebat. Veniebat enim rogatus, & id dabat, quod utique ille non erat Socrati redditurus. Etiamnum Archelaus daturus erat aurum & argentum, recepturus contemptum auri & argenti. Non poterat ergo Archelao referre Socrates gratiam? & quid tantum erat accepturus, quantum dabat, si ostendisset hominem vitæ ac mortis peritum, veriusque fines tenentem? Si regem, in luce mediâ errantem, ad rerum naturam admisisset, usqueeò eius ignarum, ut quo die solis defectio fuit, regiam cluderet; & filium (quod in luctu ac rebus aduersis moris est) tonderet? Quantum fuisset beneficium, si timentem è latebris suis extraxisset, & bonum animum habere iussisset, dicens: Non est ista solis defectio; sed duorum siderum coitus, cum luna humiliore currens viâ, infra ipsum solem, orbem suum posuit, & illum obiectu sui abscondit: quæ modò partes eius exiguas, si in transcurso strinxit, obducit; modò plus tegit, si maiorem partem sui objecit; mo-



dò excludit totius adsp̄ctum, si recto libramento inter solem terrasque media successit? Sed iam ista sidera huc & illò diducet velocitas sua. iam recipient diem terræ, & hic ibit ordo per sæcula: quæ dispositos ac prædictos dies habent, quibus sol intercurſu lunæ vetetur omnes radios effundere. Paullùm expecta. iam emerget, iam istam velut nubem relinquet, iam exsolutus impedimentis, lucem suam liberè mittet. Socrates parem gratiam Archelao referre non posset, si illum docuisset regnare? parùm scilicet magnum beneficium à Socrate accipiebat, si vllum dare potuisset Socrati? Quare ergo hoc Socrates dixit? Vt factus, & cuius per figuras sermo procedere solitus erat, derisor omnium, maximè potentium, maluit illi vafre negare, quàm contumaciter ac superbè. Dixit se nolle beneficia ab eo accipere, cui non posset paria reddere. Timuit fortasse, ne cogeretur accipere quæ nollet: timuit, ne quid indignum Socrate acciperet. Diceret aliquis: Negaret, si nollet. Sed instigasset in se regem insolentem, & omnia sua magno æstimari volentem. Nihil ad rem pertinet, utrùm dare aliquid regi nolis, an accipere à rege: in æquo utramque ponit repulsam. & superbo fastidiri acerbius est, quàm non timeri. Vis scire, quid verè noluerit? No-

luit ire ad voluntariam seruitutem is, cuius libertatem ciuitas libera ferre non potuit.

CAP. VII. Satis (vt existimo) hanc partem tractauimus, an turpe esset beneficiis vinci: quod qui quærit, scit non solum homines sibiipsis beneficium dare. manifestum enim fuisset, non esse turpe à seipso vinci. Atqui apud Stoicos quosdam & de hoc ambigitur, an possit aliquis sibi beneficium dare? an debeat referre sibi gratiam? quod vt videretur quærendum, illa fecerunt. Solemus dicere, Gratias mihi ago, & De nullo queri possum alio, quàm de me: Ego mihi irascor, & Ego à me pœnas exigam. & Odi me. multa præterea huiusmodi, per quæ vnusquisque de se, tamquam de altero loquitur. Si nocere, inquit, mihi possum: quare non & beneficia mihi dare possum? Præterea quæ si in alium contulissem, beneficia vocarentur: quare si in me contuli, non sint? Quod si ab altero accepissem, deberem: quare si mihi ipse dedi, non debeam? Quare sim aduersus me ingratus, quod non minùs turpe est, quàm in se sordidum esse, & in se durum ac sænum, & sui negligentem? Tam alieni corporis leno malè audit, quàm sui. Nempe reprehenditur assentator, & aliena subsequens verba, paratus ad falsa laudator: non minùs placens sibi, & se suspiciens, &, vt ita

dicam, assentator suus. Vicia non tantum cum foris peccant, inuisa sunt, sed cum in se retorquentur. Quem magis admiraberis, quam qui imperat sibi, quam qui se habet in potestate? Gentes facilius est barbaras, impatientesque alieni arbitrij, regere, quam animum suum continere, & tradere sibi. Plato, inquit, agit Socrati gratias, quod ab illo didicit: quare Socrates non agat, quod ipse se docuit? M. Cato ait: Quod tibi deest, à teipso mutuare. quare donare mihi non possum, si commodare possum? Innumerabilia sunt, in quibus consuetudo nos diuidit. Dicere solemus: Sine tu, loquar tecum: &, Ego mihi aurem peruellam. Quæ si vera sunt, quemadmodum aliquis sibi irasci debet, sic & gratias agere: quomodo obiurgare se, sic & laudare: quomodo damno sibi esse, sic & lucro potest. Iniuria & beneficium, contraria sunt. si de aliquo dicimus, Iniuriam sibi fecit: poterimus dicere, Beneficium sibi dedit.

CAP. VIII. Nemo sibi debet. naturâ prius est, ut quis debeat, deinde ut gratiam referat. debitor non est sine creditore, non magis quam maritus sine uxore, aut sine filio pater. Aliquis dare debet, ut aliquis accipiat: non est dare, nec recipere, in dexteram manum de sinistra transferre. Quomodo nemo se portat, quamuis corpus suum moneat &

transferat: quomodo nemo, quamuis pro se dixerit, affuisse sibi dicitur, nec statutam sibi tamquam patrono ponit: quomodo si æger cum curâ suâ conualluit, mercedem à se non exigit: sic in omni negotio, etiam cum aliquis probè fecerit, non tamen debet referre gratiam sibi, quia non habebit, cui referat. Ut cōcedam aliquē dare sibi beneficium: dū dat, & recepit. ut concedā aliquē à se accipere beneficiū, dū accipit, reddit. Domi (quod ainnt) versura fit, & velut lusoriū nomen statim transit. Neque enim alius dat quàm qui accipit, sed vnus atque idem. Hoc verbum **DEBERE**, non habet nisi inter duos locum: quomodo ergo in vno consistit, qui se obligando liberat? Ut in orbe ac pilâ nihil est imum, nihil summum, nihil extremum, nihil primum, quia motu ordo mutatur, & quæ sequebantur præcedunt, & quæ occidebant oriuntur, omnia quomodocunque ierint, in idem reuertuntur: ita in homine existima fieri. cum illum in multa mutaueris, vnus est. Cecidit se: iniuriarum cum quo agat, non habet. alligauit & clausit: de vi non tenetur. beneficium sibi dedit: protinus danti reddidit. Rerum natura nihil dicitur perdere, quia quidquid illi auellitur, ad illam redit: nec perire quidquam potest, quod quò excidat non habet, sed eodem

reuoluitur vnde discedit. Quid simile, inquit, habet hoc exemplum propositæ quæstioni? dicam. Puta te ingratum esse, non peribit beneficium: habet illud, qui dedit. puta te recipere nolle: apud te est, antequam redditur. Non potes quidquam amittere: quia quod detrahitur, nihilominus tibi acquiritur. Intra te ipsum orbis agitur. accipiendo das, dando accipis.

CAP. IX. Beneficium, inquit, sibi dare oportet: ergo & referre gratiam oportet. Primum illud falsum est, ex quo pendent sequentia. Nemo enim sibi beneficium dat, sed naturæ suæ paret, à qua ad caritatem sui compositus est: vnde illi summa cura est nocitura vitandi, profutura appetendi. Itaque nec liberalis est, qui sibi donat: nec clemens, qui sibi ignoscit: nec misericors, qui malis suis tangitur. Quod aliis præstare liberalitas est, clementia, misericordia: sibi præstare natura est. Beneficium res voluntaria est: at prodesse sibi, necessarium est. Quò quis plura beneficia dedit, beneficentior est. Quis vmquam laudatus est, quòd sibi ipsi fuisset auxilio? quòd se eripuisset latronibus? nemo sibi beneficium dat, non magis quàm hospitium: nemo sibi donat, non magis quàm credit. Si dat sibi quisque beneficium, semper dat, sine intermissione dat: inire beneficiorum suorum non

non potest numerum. Quomodo ergo gratiam referet, cum per hoc ipsum, quo gratiam refert, beneficium det? Quomodo enim discernere poterit, vtrum det sibi beneficium, an reddat, cum intra eundem hominem res geratur? Liberaui me periculo: beneficium mihi dedi. iterum me periculo libero: do beneficium, an reddo? Deinde vt primum illud concedam, dare nos beneficium nobis: quod sequitur, non concedam. nam etiam si damus, non debemus. quare? quia statim recipimus. Accipere beneficium nos oportet, deinde debere, deinde referre. Debendi locus non est, quia sine vllâ morâ recipimus. Dat nemo, nisi alteri: debet nemo, nisi alteri: reddit nemo, nisi alteri. id intra vnum non potest fieri, quod toties duos exigit.

CAP. X. Beneficium est, præstitisse aliquid vtiliter. verbum autem Præstitisse, ad alios spectat. Numquid non demens videbitur, qui aliquid vendidisse sibi se dicet? quia venditio alienatio est, & rei suæ, iurisque sui, in alium translatio. Atqui quemadmodum vendere, sic dare aliquid, à se dimittere est, & id quod tenueris, habendum alteri tradere. Quod si est, beneficium nemo sibi dedit: quia nemo dat sibi aliquid. Duo contraria in vnum coeunt, vt idem sit dare, & accipere. Sed etiamnum multum interest, inter

dare, & accipere. quidni? cum ex diuerso ista verba posita sint. atqui si quis sibi beneficium dat, nihil interest inter dare & accipere. Paulloantè dicebam, quædam ad alios pertinere, & sic esse formata, vt tota significatio illorum discedat à nobis. Frater sum, sed alterius. nemo est enim suus frater. Par sum, sed alicui. quis est enim par sibi? Quod comparatur, sine altero non intelligitur: quod iungitur, sine altero non est. Si & quod datur, sine altero non est: & beneficium sine altero non est. Id ex ipso vocabulo apparet, in quo hoc continetur, benefecisse. Nemo autem sibi benefacit; non magis quàm sibi fauet, quàm suarum partium est. Diutiùs hoc & pluribus exemplis licet prosequi. quidni? cum inter ea sit habendum beneficium, quæ secundam personam desiderant. Quædam cum sint honesta, pulcherrima, summæ virtutis, nisi cum altero non habent locum. Laudatur, & inter maxima humani generis bonæ, fides colitur. num quis ergo dicitur sibi fidem præstitisse?

CAP. XI. Venio nunc ad vltimam partem. Qui gratiam refert, aliquid debet impendere, sicut qui soluit pecuniam: nihil autem impendit, qui gratiam sibi refert, non magis quàm consequitur, qui beneficium à se accepit. Beneficium. & gratiæ relatio, vtrò ci-

troque ire debent: intra vnum hominem non est vicissitudo. Qui ergo gratiam refert, inuicem prodest ei, à quo consecutus est aliquid: qui sibi gratiam refert, cui prodest? sibi. Et quis non alio loco relationem gratiæ, alio beneficium cogitat? Qui gratiam sibi refert, sibi prodest. & quis vniquam ingratus hoc noluit facere? imò quis non ingratus fuit, vt hoc faceret? Si gratias, inquit, nobis agere debemus, & gratiam referre debemus. Dicimus autem, Ago gratias mihi, quòd illam vxorem nolui ducere, & cum illo non contraxi societatem. Cum hoc dicimus, laudamus nos: & vt factum nostrum comprobemus, gratias agendum verbis abutimur. Beneficium est quod potest, & cum datum est, non reddi: qui sibi beneficium dat, non potest non recipere, quod dedit: ergo non est beneficium. Alio tempore beneficium accipitur, alio redditur. In beneficio hoc est probabile, & suspiciendum, quòd alteri vt aliquis prodesset, utilitatis inrerim suæ oblitus est: quòd alteri dedit, ablaturus sibi. hoc non facit, qui beneficium sibi dat. Beneficium dare, socialis res est, aliquem conciliat, aliquem obligat: sibi dare, non est socialis res, neminem conciliat, neminem obligat, neminem in spem inducit, vt dicat: Hic homo colendus est. illi beneficium de-

E c ij



dit : dabit & mihi. Beneficium est, quod quis non suâ causâ dat, sed eius cui dat: is qui sibi beneficium dat, suâ causâ dat: non est ergo beneficium.

CAP. XII. Videor tibi iam illud, quod in principio dixeram, mentitus? Dicis me abesse ab eo qui operæpretium facit: imò totam operam bonâ fide perdere? Expecta. etiam hoc verius dices, simul ac te ad has latebras perduxero: à quibus cum euaseris, nihil amplius affectus eris, quàm ut eas difficultates effugas, in quas licuit non descendere. Quid enim boni est, nodos operosè soluere, quos ipse ut solueres, feceris? Sed quemadmodum quædam in oblectamentum ac iocum sic alligantur, ut eorum solutio imperito difficilis sit; quæ ille qui implicuit, sine vlllo negotio separat; quia commissuras eorum & moras nouit: & nihilominus illa habent aliquam voluptatem; tentant enim acumen animorum & intentionem excitant: Ita hæc quæ videntur callida & insidiosa, securitatem, torporem ac segnitiam ingeniis auferunt, quibus modò campus in quo vagentur, sternendus est, modò scabri aliquid & confragosi obiciendum, per quod erepant, & sollicitè vestigium faciant. Dicitur nemo ingratus esse. id sic colligitur. Beneficium est quod prodest: prodesse autem nemo homini malo po-

test, ut dicitis Stoici: ergo beneficium non accipit malus: itaque nec ingratus est. Etiamnum, beneficium honesta & probabilis res est. Apud malum nulli honestæ rei aut probabili locus est: ergo nec beneficio: quod si accipere non potest, nec reddere quidem debet. & ideo non fit ingratus. Etiamnum, ut dicitis: Bonus vir omnia rectè facit: si omnia rectè facit, ingratus esse non potest. Bonus beneficium reddit; malus non accipit. quod si est, nec bonus quisquam ingratus est, nec malus: ita ingratus in rerum natura est nomen, & hoc inane. Vnum est apud nos bonum, honestum. id peruenire ad malum non potest: desinit enim malus esse, si ad illum virtus intraverit. Quandiu autem malus est, nemo illi dare beneficium potest: quia bona malâque dissentiunt, nec in vnum cunt. Ideò nemo illi prodest: quia quidquid ad illum peruenit, id pravo usu corrumpit. Quemadmodû stomachus morbo vitiat, & colligens bilem: quoscunq; accipit cibos mutat, & omne alimentum in causam doloris trahit: ita animus cæcus, quidquid illi commiseris, id onus suum, & perniciem, & occasionem miseriæ facit. Felicissimis itaque opulentissimisq; plurimum ætus subest, minusq; se inveniunt, quò in maiorem materiam inciderunt, quâ flu-

Atuantur. Ergo nihil potest ad malos peruenire, quod profit: imò nihil quod non noceat. Quæcunque enim illis contigerunt, in naturam suam vertunt, & extra speciosa, profuturaque si meliori darentur, illis pestifera sunt. Ideò nec beneficium dare possunt: quoniam nemo potest, quod non habet, dare: hic beneficiendi voluntate caret.

CAP. XIII. Sed quamuis hæc ita sint, accipere tamen malus potest, quæ beneficiis similia sunt: quibus non redditus, ingratus erit. Sunt animi bona, sunt corporis, sunt fortunæ. Illa animi bona, à stulto ac malo submouentur: ad hæc admittitur, quæ & accipere potest, & debet reddere: & si non reddit, ingratus est. Nec hoc ex nostra constitutione tantum. Peripatetici quoque, qui felicitatis humanæ longè lateque terminos ponunt, aiunt, minuta peruenire beneficia ad malos. hæc qui non reddit, ingratus est. Nobis itaque beneficia esse non placet, quæ non sunt animum factura meliorem: commoda tamen illa esse, & experenda, non negamus. Hæc & viro bono dare malus potest, & accipere à bono: vt pecuniam, vestem, honores, & vitam. quæ si non reddet, in ingrati nomen incidet. At quomodo ingratum vocas, eo non reddito, quod negas esse beneficium? Quædam etiam si vera non sint,

propter similitudinem eodem vocabulo comprehensa sunt. Sic pyxidem, & argenteam & auream dicimus. sic illiteratum, non ex toto rudem, sed ad litteras altiores non perductum. sic qui malè vestitum & pannosum vidit, nudum se vidisse dicit. Beneficia ista non sunt: habent tamen beneficij speciem. Quomodo ista sunt tamquam beneficia: sic & ille tamquam ingratus est, non ingratus. Falsum est. quia illa beneficia, & qui dat appellat, & qui accipit. Ita & qui veri beneficij specie fefellit, tam ingratus est, quàm veneficus, qui soporem cùm venenum crederet, miscuit.

CAP. XIV. Cleanthes vehementius agit. Licet, inquit, beneficium non sit quod accipit, ipse tamen ingratus est: quia non fuit redditurus, etiam si accepisset. Sic latro est, etiam antequam manus inquinet: quia ad occidendum iam armatus est, & habet spoliandi atque interficiendi voluntatem. Exercetur & aperitur opere nequitia, non incipit. Ipsum quod accepit, beneficium non erat, sed vocabatur. Sacrilegi dant pœnas, quamvis nemo vsque ad deos manus porrigat. Quomodo, inquit, aduersus malum ingratus est quisquam, cùm malo dari beneficium non possit? Eâ scilicet ratione, quia accepit ab illo aliquid ex his, quæ apud imperitos bona sunt:

quorum si malis copia est, ipse quoque in simili materiâ gratus esse debet: & illa qualiacunque sunt, cum pro bonis acceperit, pro bonis reddere. *Æs* alienum habere dicitur, & qui aureos debet, & qui corium formâ publicâ percussum, quale apud Lacedæmonios fuit, quod vsum numeratæ pecuniæ præstat. Quo genere obligatus es, hoc fidem exsolue.

CAP. XV. Quid sint beneficia, an & in hanc sordidam humilemque materiam deduci magnitudo nominis clari debeat; ad vos non pertinet: ad alios spectat, verum. Vos ad speciem veri componite animum: & dum honestum dicitis, quidquid est id, quod nomine honesti jactatur, id colite. Quomodo, inquit, nemo per vos ingratus est, sic rursus omnes ingrati sunt. Nam (vt dicitis) omnes stulti mali sunt: qui autem habet vitium vnum, habet omnia: omnes autem stulti & mali sunt. omnes ergo ingrati sunt. Quid ergo? non vndique humano generi conuicium fit? non publica querela est, beneficia perisse, & paucissimos esse, qui de benemerentibus non inuicem pessimè mereantur? Nec est quòd hanc tantùm nostram murmurationem putes, pro pessimo prauoque numerantium, quidquid citra recti formulam cecidit. Ecce nescio, quæ, non ex philosopho-

rum domo clam, sed ex medio conven-  
tu, populos gentesque damnatura vox  
mittitur:

—*Non hospes ab hospite tutus,  
Non socer à genero. fratrum quoque gra-  
tia rara est:*

*Imminet exitio vir coniugis, illa ma-  
riti.*

Hoc iam amplius est. beneficia in sce-  
lus versa sunt: & sanguini eorum non  
parcitur, pro quibus sanguis fundendus  
est. Gladio ac venenis beneficia sequi-  
mur: ipsi patriæ manus afferre, & fasci-  
bus suis illam premere, potentia ac di-  
gnitas est. Humili se ac depresso loco  
putat stare, quisquis non supra republi-  
cam stetit. Accepti ab illa exercitus in ip-  
sam convertuntur, & imperatoria con-  
cio est, Pugnate contra coniuges, pugna-  
te contra liberos: aras, focos, penates,  
armis incessite. Qui ne triumphaturi  
quidem intrare urbem iniussu senatus de-  
beretis, quibusque exercitum victorem  
reducentibus curia extra muros præbere-  
tur: nunc ciuibus cælis, persusi cruore  
cognato, urbem subrectis intrate vexil-  
lis. Obmutescat inter militaria signa li-  
bertas; & ille victor, pacatorque gen-  
tium populus, remotis procul bellis, om-  
ni terrore compresso, intra muros obsef-  
sus, aquilas suas horreat.

C A P. X V I. Ingratus est Coriolanus:

E c v

serò & post sceleris poenitentiam pius.  
 posuit arma, sed in medio patricidio po-  
 suit. Ingratus Catilina. parùm est illi  
 capere patriam, nisi euerterit, nisi Allo-  
 brogum in illam cohortes immiserit, &  
 trans Alpes accitus hostis, vetera & in-  
 genita odia satiauerit, ac diu debitas in-  
 ferias Gallicis bustis duces Romani per-  
 soluerint. Ingratus C. Marius, ad con-  
 sulatum à caliga perductus: qui nisi Cim-  
 bricis cædibus Romana funera æquaue-  
 rit, nisi ciuilis exitij & trucidationis non  
 tantùm dederit signum, sed ipse signum  
 fuerit, parùm mutatam ac repositam in  
 priorem locum fortunam suam sentiet.  
 Ingratus L. Sulla: qui patriam durio-  
 ribus remediis quàm pericula erant, sa-  
 nauit. qui cùm à Prænestinâ arce, vsque  
 ad Collinam portam, per sanguinem hu-  
 manum incessisset, alia edidit in vrbe  
 prælia, alias cædes: legiones duas, quod  
 crudele est, post victoriam; quod nefas,  
 post fidem, in angulum congestas con-  
 trucidauit, & proscriptionem commen-  
 tus est: dii magni! vt qui ciuem Roma-  
 num occidisset, impunitatem, & pecu-  
 niam, tantum non ciuicam acciperet. In-  
 gratus Cn. Pompeius: qui pro tribus  
 consulatibus, pro triumphis tribus, pro  
 tot honoribus, quos ex maxima parte  
 immaturus inuaserat, hanc gratiam rei-  
 publicæ reddidit, vt in possessionem eius

alios quoque induceret, quasi potentia suæ detractus inuidiam, si quod nulli licere debebat, pluribus licuisset: dum extraordinaria concupiscit imperia, dum prouincias, ut eligat, distribuit, dum ita triumuiris remp. diuidit, ut tamen in suâ domo duæ partes essent, eò redegit populum Rom. ut saluus esse non posset, nisi beneficio seruitutis. Ingratus ipse Pompeij hostis ac victor, qui à Gallia Germaniaque bellum in urbem circum-egit, & ille plebicola, ille popularis, castra in circo Flaminio posuit, propius quàm Porcenæ fuerant. Temperauit quidem ius crudelitatemque victoriæ. quod dicere solebat, præstitit: neminem occidit nisi armatum. Quid ergo est? Ceteri arma cruentius exercuerunt, satiati tamen aliquando abiecerunt: hic gladium citò condidit, nunquam posuit. Ingratus Antonius in dictatorem suum, quem iure cæsum pronuntiauit, interfectoresque eius in prouincias & imperia dimisit, patriam verò proscriptionibus, incursionibus, bellis laceratam, post tot mala, destinauit ne Romanis quidem regibus: ut quæ Achæis, Rhodiis, & plerisque urbibus claris ius integrum, libertatemque cum immunitate reddiderat, ipsa tributum spadonibus penderet.

CAP. XVII. Deficiet dies, enu-

E c vj



merantem ingratos, usque in ultima patriæ exitia. Nequè immensum erit, si percurrere cœpero, ipsa respublica quàm ingrata in optimos ac deuotissimos sibi fuerit: quàmque non minùs sæpè peccauerit, quàm in ipsam peccatum est. Camillum in exilium misit: Scipionem dimisit. exulauit post Catilinam Cicerò, diruti eius penates, bona direpta, factum quidquid victor Catilina fecisset. Rutilius innocentiae pretium tulit in Asia latere: Catoni populus Romanus præturam negauit, consularum pernegauit. Ingrati publicè sumus. Se quisque interroget: nemo non aliquem queritur ingratum: Atqui non potest fieri, ut omnes querantur, nisi querendum est de omnibus. Omnes ergo ingrati sunt. Tantùm? & cupidi omnes, & maligni omnes, & timidi omnes, illi in primis qui videntur audaces. Adijce, & ambitiosi omnes sunt, & impij omnes. Sed non est quòd irascaris. ignosce illis: omnes insaniunt. Nolo te ad incerta reuocare, ut dicam, Quàm ingrata sit iuuentus, vide. Quis non patri suo supremum diem, ut innocens sit, optat? ut moderatus, expectat? ut pius, cogitat? Quotus quisque vxoris optimæ mortem timet, ut non computet? Cui rogo litigatori defenso, tam magni beneficij, ultra res proximas, memoria durauit? Illud in confesso est.

quis sine querela moritur? quis extremo die dicere audeat:

*Vixi, & quem dederat cursum fortuna,  
peregi?*

quis non recusans, quis non gemens exit? Atqui hoc ingrati est, non esse contentum præfato tempore. Semper pauci dies erunt, si illos numeraueris. Cogita, non esse summum bonum in tempore. quantumcunque est, boni consule. Ut prorogetur tibi dies mortis, nihil proficit ad felicitatem: quoniam morâ non fit beatior vita, sed longior. Quanto satius est, gratum aduersus perceptas voluptates, non aliorum annos computare, sed suos benignè æstimare, & in lucro ponere? Hoc me dignum iudicauit Deus? hoc satis est. Potuit plus? sed hoc quoque beneficium est. Grati simus aduersus deos, grati aduersus homines, grati aduersus eos, qui nobis aliquid præstiterunt; grati etiam aduersus eos qui nostris præstiterunt.

CAP. XVIII. In infinitum, inquis, me obligas, cum dicis, & nostris. itaque pone aliquem finem. Qui filio beneficium dar, ut dicis, & patri eius dar. Primùm vnde, quò, quæro. Deinde illud utique mihi determinari volo, si & patri beneficium datur, numquid & fratri? numquid & patruo? numquid auo? numquid uxori, & socero? Dic mihi, vbi

debeam desinere : quousque personarum seriem sequar. Si agrum tuum coluero, tibi beneficium dederò : si domum tuam ardentem restinxero, aut ne cadat ex-  
pero, tibi beneficium non dabo? Si seruum tuum seruauero, tibi imputabo : si filium tuum seruauero, non habebis beneficium meum?

CAP. XIX. Dissimilia ponis exempla: quia qui agrum meum colit, agro beneficium non dat, sed mihi : & qui domum meam, quò minùs ruat fulcit, præstat mihi. ipsa enim domus sine sensu est. Debitorem me habet, quia nullum habet. Et qui agrum meum colit, non illum, sed me demereri vult. Idem de seruo dicam. mei mancipij res est, mihi seruatur: ideò ego pro illo debeo. Filius ipse beneficij capax est. itaque ille accipit: ego beneficio letor. contingor, non obligor. Velim tamen, tu qui debere non putas, respondeas mihi: filij bona valetudo, felicitas, patrimonium, pertinet ad patrem? felicior futurus est, si saluum habuerit filium: infelicior, si amiserit? Quid ergo? qui & felicior fit à me, & infelicitatis maximæ periculo liberatur, non accipit beneficium? Non, inquit. quædam enim in alios conferuntur, sed ad nos vsque permanant. ab eo autem exigi quidque debet, in quem confertur: sicut pecunia ab eo peritur, cui credita est, quamuis

ad me illa aliquo modo venerit. Nullum beneficium est, cuius commodum non & proximos tangat, nonnunquam etiam longius positos. Non quæritur, quò beneficium ab eo cui datum est, transferatur, sed ubi primò collocetur. à reo tibi ipso & à capite repetitio est. Quid ergo? oro te, non dicis, filium mihi donasti, & si hic perisset, victurus non fui? pro eius vita beneficium non debes, cuius vitam tuæ præfers? Etiamnum cum filium tuum servavi, ad genua procumbis, diis vota solvis, tamquam ipse servatus. Illæ voces exeunt tibi: Nihil interest, mea an me servaveris. duos servasti: imò me magis. Quare ista dicis, si non accipis beneficium? quia & si filius meus pecuniam mutuam sumpserit, creditori numerabo, non tamen ego debuerò. quia etsi filius meus in adulterio deprehensus erit, erubescam, non ideò ego ero adulter. Dico me tibi obligatum pro filio: non quia sum, sed quia volo me offerre tibi debitorem voluntarium. At pervenit ad me summa ex incolumitate eius voluptas, summa utilitas, & orbitatis gravissimum vulnus effugi. Non quæritur nunc, an profueris mihi, sed an beneficium dederis. prodest enim & animal, & lapis, & herba: nec tamen beneficium dant, quod numquam datur, nisi à volente. Tu autem non vis patri, sed filio dare: & inte-

rim, ne nosti quidem patrem. Itaque cū dixeris, Patri ergo beneficium non dedi, filium eius seruando? contrā oppone, Patri ergo beneficium dedi, quem non noui, quem non cogitavi? Et quid, quod aliquando euenit, ut patrem oderis, filium serues: beneficium ei videberis dedisse, cui tunc inimicissimus eras, cū dares? Sed ut dialogorum altercatione sepositā, tamquam Iurisconsultus respondeam, mens spectanda est dantis. Beneficium ei dedit, cui datum voluit. Sicut si in patris honorem fecit, pater accepit beneficium: sic pater beneficio in filium collato non obligatur, etiam si fruitur. Si tamen occasionem habuerit, volet & ipse præstare aliquid: non tamquam soluendi necessitatem habeat, sed tamquam incipiendi causam. Repeti à patre beneficium non debet: si quid pro hoc benignè facit, iustus, non gratus est. Nam illud finiri non potest: si patri do beneficium, & matri, & auo, & auunculo, & liberis, & affinibus, & amicis, & seruis, & patriæ. Vbi ergo beneficium incipit stare? Sorites enim ille inexplebilis subit: cui difficile est modum imponere, quia paullatim surrepit, & non desinit serpere. Illud solet quæri: Fratres duo diffident. si alterum seruo, an dem beneficium, ei cui fratrem inuisum non periisse molestè laturus est? Non est dubium, quin beneficium

sit etiam inuito prodesse: sicut non dedit beneficium, qui inuitus profuit.

CAP. XX. Beneficium, inquit, vocas, quo ille offenditur, quo torquetur? Multa beneficia tristem frontem & asperam habent, quemadmodum secare & vrere vt sanes, & vinculis coercere. Non est spectandum an doleat quis beneficio accepto: sed an gaudere debeat. Non est malus denarius, quem barbarus & ignarus formæ publicæ reiecit. Beneficium & odit, & accepit: si modò id prodest, si is qui dabat, vt prodesset dedit. nihil refert an bonam rem malo animo quis accipiat. Agedum, hoc in contrariū verte. Odit fratrem suum, quē illi expedit habere. hunc occidi. non est beneficium, quāuis ille dicat esse, & gaudeat. Insidiosissimè nocet, cui gratiæ aguntur pro iniuria. Video. Prodest aliqua res, & ideò beneficium est: nocet, & ideò non est beneficium. Ecce, quod nec profit, nec noceat, dabo: & tamen beneficiū est. Patrem cuius in solitudine exanimē inueni, corpus ei⁹ sepeliui. nec illi profui (quid enim illius intererat, quo genere dilaberetur?) nec filio. quid enim per hoc commodi accessit illi? Dicam quid consecutus sit: officio solenni & necessario per me factus est. Præstiti patri eius, quod ipse præstare voluisset, necnon & debuisset. Hoc tamen ita beneficium est, si non mi-

ſericordiæ & humanitati dedi, vt quodlibet cadauer abſconderem: ſed ſi corpus agnoui, ſi filio tunc hoc præſtare me cogitavi. At ſi terram ignoto mortuo inieci, nullum habeo huius officij debitorem, in publicum humanus. Dicit aliquis, Quid tantopere quæris, cui dederis beneficium, tamquam repetiturus aliquando? Sunt qui nunquam iudicant eſſe repetendum, & has cauſas afferunt. Indignus, etiam repetenti non reddet: dignus, ipſe per ſe referet. Præterea ſi bono viro dedisti, expecta: ne iniuriam illi facias appellando, tamquam non fuiſſet ſua ſponte redditurus. ſi malo viro dedisti, ſer. Beneficium verbo ne corrueris, creditum faciendo. Præterea, lex quod non iuſſit repeti, vetuit. Vera ſunt iſta. quàm diu me nihil vrget, quàm diu fortuna nihil cogit, petam potiùs beneficium quàm repetam: ſed ſi de ſalute liberorum agitur, ſi in periculum vxor deducitur, ſi patriæ ſalus ac libertas mittit me etiam quò ire nollem, imperabo pudori meo, & teſtabor omnia me feciſſe, ne opus eſſet mihi auxilio hominis ingrati. nouiſſimè recipiendi beneficij neceſſitas, repetendi verecundiam vincet. Deinde, cum bono viro beneficium do, ſic do, tamquam nunquam repetiturus, niſi neceſſe fuerit.

CAP. XXI. Sed lex, inquit, non

permittendo exigere, vetuit. Multa legem non habent, nec actionem : ad quæ consuetudo vitæ humanæ, lege omni valentior, dat aditum. Nulla lex iubet amicorum secreta non eloqui, nulla lex fidem etiam inimico præstare. Quæ lex ad id præstandum nos quod alicui promissimus, alligat ? Querat tamen cum eo qui arcanum sermonem non continuerit, & fidem datam, nec servatam, indignabor. Sed ex beneficio, inquit, creditum facis. Minimè. non enim exigo, sed repeto : & ne repeto quidem, sed admonéo. Ne vltima quidem necessitas in hoc ager, ut ad eum veniam, cum quo diu mihi luctandum sit. Qui tam ingratus est, ut illi non sit satis admoneri, cum transibo, nec dignum iudicabo, qui gratus esse cogatur. Quomodo fenerator quosdam debitores non appellat, quos scit decoxisse, & in quorum pudorem nihil superest, quod pereat : sic ego quosdam ingratos palam ac pertinaciter præteribo, nec ab ullo beneficium repetam, nisi à quo non ablaturus ero, sed recepturus.

CAP. XXII. Multi sunt, qui nec negare sciant, quod acceperunt, nec referre : qui nec tam boni sunt quàm grati, nec tam mali quàm ingrati, segnes & tardi, lenta nomina, non mala. Hos ego non appellabo, sed commonefaciam, & ad of-



ficiū aliud agentes educam, qui statim  
 mihi sic respondebunt: Ignosce, non me-  
 hercule sciui hoc te desiderare, alioquin  
 vltro obtulissem. Rogo ne me ingratum  
 existimes. memini quid mihi præstiteris.  
 Hos ego quare dubitem, & sibi meliores  
 & mihi facere? Quemcunque potuero,  
 peccare prohibebo, multo magis ami-  
 cum, & ne peccet, & ne in me potissimum  
 peccet. Alterum illi beneficium do, si il-  
 lum ingratum esse non patior: nec durè  
 illi exprobrabo quæ præstiti, sed quàm  
 potero mollissime, vt potestatem referen-  
 dæ gratiæ faciam, renouabo memoriam  
 eius, & petam beneficium: ipse me repe-  
 tere intelliget. Aliquando vtar verbis du-  
 rioribus, si emendari illum sperauero  
 posse. nam deploratum propter hoc quo-  
 que non exagitaro, ne ex ingrato inimi-  
 cum faciam. Quòd si admonitionis quo-  
 que suggillationem ingratis remittimus,  
 segniores ad reddenda beneficia facie-  
 mus. Quosdam verò sanabiles & qui fie-  
 ri boni possunt, si quid illos momorde-  
 rit, perire patiemur admonitione subla-  
 tã? quã & pater filium aliquando corre-  
 xit, & vxor maritum aberrantem ad se  
 reduxit, & amicus languentem amici fi-  
 dem erexit.

. CAP. XXIII. Quidam vt exper-  
 giscantur, non ferendi, sed commouendi  
 sunt: eodem modo quorundam ad refe-

rendam gratiam fides non cessat, sed languet. hanc peruellamus. Noli munus tuum in iniuriam vertere. iniuria est enim, si in hoc non repetis, ut ingratus sim. Quid si ignoro, quid desideres? quid si occupationibus districtus, & in alia vocatus, occasionem non obseruauit? ostende mihi quid possim, quid velis. Quare desperas, antequam tentas? quare prope-  
ras & beneficium, & amicum, perdere? Vnde scis nolim, an ignorem, an animus, an facultas desit mihi? experire. Admo-  
nebo ergo, non amarè, non palàm, sine conuicio: sic, ut se redisse in memoriam, non reduci putet.

CAP. XXIV. Causam dicebat apud diuum Iulium ex veteranis quidam, paulò violentior aduersus vicinos suos, & causâ premebatur. Meministi, inquit, Imperator in Hispania talum te torxisse, circa Sucronem? cùm Cæsar meminisse se dixisset: Meministi quoque, inquit, sub quâdam arbore minimum vmbrae spargente, cùm velles residere feruentissimo sole, & esset asperrimus locus, in quo ex rupibus acutis, vnica illa arbor eruperat, quemdam ex commilitonibus penulam suam subtrauisse? Cùm dixisset Cæsar: Quid ni meminerim? & quidem siçi confectus, quia impeditus ire ad fontem proximum non poteram, repere manibus volebam, nisi commilito, homo fortis ac

strenuus; aquam mihi in galeâ suâ attulisset. Potes ergo, inquit, Imperator, agnoscere illum hominem, aut illam galeam? Cæsar ait, se non posse galeam agnoscere, hominem pulchrè posse: & adiecit, puto ob hoc iratus, quod se à cognitione mediâ ad veterem fabulam adduceret. Tu utique ille non es. Merito, inquit, Cæsar me non agnoscis. nam cum hoc factum est, integer eram. postea ad Mundam in acie oculus mihi effossus est, & in capite lecta ossa. Nec galeam illam si videres, agnosceres; machinâ enim Hispanâ diuisa est. Vexit illi exhiberi negotium Cæsar: & agellos, in quibus vicinalis via, causa rixæ ac litium fuerat, militi suo donauit.

CAP. XXV. Quid ergo? non repeteret beneficium ab Imperatore, cuius memoriam multitudo rerum confunderat? quem fortuna ingens, exercitus disponentem, non patiebatur singulis militibus occurrere? Non est hoc repetere beneficium, sed resumere bono loco positum, & paratum: ad quod tamen ut sumatur, manus porrigenda est. Repetam itaque, quia hoc aut necessitate facturus ero, aut illius causâ, à quo repetam. Tiberius Cæsar inter initia dicenti cuidam, Meministi, antequam plures notas familiaritatis veteris proferret: Non memini, inquit, quid fuerim. Ab hoc

nedum esset repetendum beneficium, optanda erat obliuio. Auerfabatur omnium amicorum & æqualium notitiam, & illam solam præsentem fortunam suam adspici, illam solam cogitari ac narrari volebat: inquisitorem habebat, veterem amicum. Magis tempestiuè repetendum est beneficium, quàm petendum. Adhibenda verborum moderatio, vt nec ingratus possit dissimulare. Tacendum & expectandum, si inter sapientes viueremus: & tamen sapientibus quoque indicare melius fuisset, quid rerum nostrarum status posceret. Deos, quorum notitiam nulla res effugit, rogamus: & illos vota non exorant, sed admonent. Diis quoque, inquam, Homericus ille sacerdos allegat officia, & aras religiosè cultas, quò obsequentes faciat: & parent. Moneri velle ac posse, secunda virtus est. Huc illuc frænis leniter motis flectendus est animus, paucis sui rector optimus. proximi sunt, qui admoniti in viam redeunt. His non est dux detrahendus. Opertis oculis inest acies, sed sine vsu, quã lumen à diis immissum ad ministeria sua euocat. instrumenta cessant, nisi illa in opus suũ artifex mouerit. Inest in rerum animis voluntas bona: sed torpet modò delicijs ac situ, modò officij inscitiã. Hanc vtilè facere debemus: nec irati relinquere in vitio, sed vt magistri pue-

rorum discentium patienter ferre offensiones memoriæ labentis. Quæ, quemadmodum subjecto vno aut altero verbo, ad contextum reddendæ orationis adducta est, sic ad referendam gratiam admonitione reuocanda est.

## LIBER SEXTVS.

## CAPVT I.

**Q**UADAM, Liberalis virorum optime, exercendi tantum ingenij causâ quærentur, & semper extra viam iacent: quædam & dum quærentur, oblectamento sunt, & quæsitæ vsui. Omnium tibi copiam faciam. tu illa, vtcumque tibi visum erit, aut peragi iubeto, aut ad explicandum ludorum ordinem induci. His quoque si abire protinus iusseris, nonnihil actum erit. nam etiam quod discere superuacuum est, prodest cognoscere. Ex vultu igitur tuo pendebo, prout ille suaserit mihi: alia detinebo diutius, alia expellam, & capite agam.

CAP. II. An beneficium eripi possit, quæsitum est. Quidam negant posse. non enim res est, sed actio: quomodo aliud est munus, aliud ipsa donatio: aliud qui nauigat, aliud ipsa nauigatio. Et quamuis æger non sit sine morbo, non tamen idem est æger & morbus: ita aliud est beneficium ipsum, aliud quod ad  
vnum-

unumquemque nostrum beneficio peruenit. Illud incorporale est, irritum non fit: materia illius huc & illuc iactatur, & dominum mutat. Itaque cum eripis, ipsa rerum natura reuocare quod dedit non potest. Beneficia sua interrupt, non rescindit. Qui moritur, tamen vixit: qui amisit oculos, tamen vidit. Quæ ad nos peruenerunt, ne sint effici potest: ne fuerint, non potest. pars autem beneficij & quidem certissima est, quæ fuit. Nonnumquam vsu beneficij longiore prohibemur, beneficium quidem ipsum non eradicatur. Licet omnes in hoc vires suas natura aduocet, retro illi agere se non licet. Potest eripi domus, & pecunia, & mancipium, & quicquid est, in quo hæsit beneficij nomen: ipsum verò stabile & immotum est. Nulla vis efficiet, ne hic dederit, ne ille acceperit.

CAP. III. Egregiè mihi videtur M. Antonius apud Rabirium poetam, cum fortunam suam transeuntem aliò videbat, & sibi nihil relictum, præter ius mortis, id quoque, si citò occupauerit, exclamare: Hoc habeo, quodcunque dedi. O quantum habere potuit, si voluisset! Hæ sunt diuitiæ certæ, in quacunque sortis humanæ leuitate, vno loco permansturæ: quæ quò maiores fuerint, hoc minorem habebunt inuidiam. Quid tamquam tuo parcis? Procurator es. Omnia

ista quæ vos tumidos, & supra humana elatos, obliuisci cogunt vestræ fragilitatis, quæ ferreis claustris custoditis armati, quæ ex alieno sanguine rapta vestro defenditis; propter quæ classes cruentaturas maria deducitis; propter quæ quassatis vrbes, ignari, quantum telorum in aduersos fortuna comparet; propter quæ ruptis tories affinitatis, amicitiae, collegij fœderibus, inter contendentes duos terrarum orbis elusus est; non sunt vestra. in depositi causa sunt, iam iamque ad alium dominum spectantia, aut hostis illa, aut hostilis animi successor, inuader. Quæris quomodo illa tua facias? donando. Consule ergo rebus tuis; & certam tibi earum atque inexpugnabilem possessionem para: honestiores illas non solum, sed tutiores facturus. illud quod suspicis, quo te diuitem ac potentem putas quandiu possides, sub nomine sordido iacet. Domus est, feruus est, nummi sunt: cum donasti, beneficium est.

CAP. IV. Fateris, inquit, nos aliquando beneficium non debere ei, à quo accepimus: ergo creptum est. Multa sunt propter quæ beneficium debere desinimus: non quia ablatum, sed quia corruptum est. Aliquis reum me defendit: sed uxorem meam per vim stupro violauit. Non abstulit beneficium, sed opponendo

illi parem iniuriam, soluit me debito: & si plus læsit, quàm antè profuerat, non tantùm gratia exstinguitur, sed vlciscendi querendique libertas fit, vbi in comparatione beneficij præponderauit iniuria. ita non aufertur beneficium, sed vincitur. Quid? non tam duri quidam, & tam scelerati patres sunt, vt illos auersari & eiurare ius fasque sit? Numquid ergo illi abstulerunt, quæ dederant? minimè: sed impietas sequentium temporum, commendationem omnis prioris officij sustulit. Non beneficium tollitur, sed beneficij gratia: & efficitur, non ne habeam, sed ne debeam. Tamquam pecuniam aliquis mihi credidit: sed domum meam incendit. pensatum est creditum damno: nec reddidi illi, nec tamen debeo. Eodem modo & hic. qui aliquid benignè aduersus me fecit, aliquid liberaliter, sed postea multa superbè, contumeliosè, crudeliter: eo loco me posuit, vt perinde liber aduersus eum sim, quasi non accepissem. vim beneficiis suis attulit. Colonum suum non tenet, quamuis tabellis manentibus, qui segetem eius proculcauit, qui succidit arbusta: non quia recepit quod pepigerat, sed quia ne reciperet, effecit. Sic debitori suo creditor sæpe damnatur, vbi plus ex aliâ causâ abstulit, quàm ex credito petit. Non tantùm inter creditorem & debitorem iudex sedet



qui dicat, Pecuniam credidisti. Quid ergo? pecus abegisti, seruum eius occidisti, agellum quem non emeris, possides: estimatione factâ, debitor discede, qui creditor veneras. Inter beneficia quoque & iniurias ratio confertur. Sæpè, inquam, beneficium manet, nec debetur, si secuta est dantem pœnitentia, si miserum se dixit, quòd dedisset, si cùm daret, suspirauit, vultum obduxit, perdere se credidit, non donare: si suâ causâ, aut certè non meâ dedit: si non desit insultare, gloriari, & vbique iactare, & acerbum munus suum facere. Manet itaque beneficium, quamuis non debeatur: sicuti quædam pecuniæ, de quibus ius creditori non dicitur, debentur, sed non exiguntur.

CAP. V. Dedisti beneficium: iniuriam postea fecisti: & beneficio gratia debetur, & iniuriæ ultio. Nec ego illi gratiam debeo, nec ille mihi pœnam: alter ab altero absoluitur. Cùm dicimus, Beneficium illi reddidi: non hoc dicimus, illud nos quod acceperamus reddidisse, sed aliud pro illo. Reddere enim est, rem pro re dare. Quid ni? cùm omnis solutio non idem reddat, sed tantumdem. Nam & pecuniam dicimur reddidisse, quamuis numerauimus pro argenteis aureos, quamuis non interuenerint nummi, sed delegatione & verbis perfecta solutio sit. Videris mihi dicere:

Perdis operam. Quorsum enim pertinet scire me, an maneat quod non debetur Jurisconsultorum; istæ acutæ ineptiæ sunt, qui hereditatem negant vsucapi posse: sed ea quæ in hereditate sunt: tamquam quidquam aliud sit hereditas, quàm ea quæ in hereditate sunt. Illud mihi potius distingue, quod potest ad rem pertinere, cum idem homo beneficium mihi dedit, & postea fecit iniuriam, utrùm & beneficium illi reddere debeam, & me ab illo nihilominus vindicare, ac veluti duobus nominibus separatim respondere: an alterum alteri contribuiere, & nihil negotij habere, ut beneficium iniuriâ tollatur, beneficio iniuria. Illud enim video in foro fieri. quid in vestrà scholâ iuris sit, vos sciatis. Separantur actiones, & de eo quod agimus, de eodem nobiscum agitur. Non confunditur formula, si qui apud me pecuniam deposuerit, idem mihi postea furtum fecerit, & ego cum illo furti agam, & ille mecum depositi.

CAP. VI. Quæ proposuisti, mi Liberalis, exempla, certis legibus continentur, quas necesse est sequi: lex legi non miscetur. Vtraque suâ viâ it: depositum habet suam actionem propriam, tam meherculè quàm furtum. Beneficium nulli legi subiectum est: me arbitro vitur: licet me comparare inter se

quantum profuerit mihi quisque, aut quantum nocuerit: tum pronuntiare, vtrum plus debeat mihi, an debeam. In illis nihil est nostræ potestatis: eundem est, quâ ducimur. In beneficio tota potestas mea est: ego itaque iudico illa, non separo, nec diduco, sed iniurias ac beneficia ad eundem iudicem mitto. Alioquin iubēs me eodem tempore amare & odisse, queri & gratias agere: quod natura non recipit. Potius comparatione factâ inter se beneficij & iniuriæ, videbō an etiam ultro mihi debeat. Quomodo si quis scriptis nostris, alios supernè imprimat versus, priores litteras non tollit, sed abscondit: sic beneficium superueniens iniuria apparere non patitur.

**CAP. VII.** Vultus tuus, cui regendum me tradidi, colligit rugas, & attrahit fontem, quasi longius exeam. Vide-  
ris mihi dicere:

*Quò tantum mihi dexter abis? huc dirige cursum.*

*Littus amæ.*

Non possum magis. Itaque si huic satisfactum existimas, illò transeamus, an ei debeat aliquid qui nobis inuitus profuit. Hoc apertius potui dicere, nisi propositio deberet esse confusior, ut distinctio statim subsecuta ostenderet, vtrumque queri, an ei deberemus, qui nobis,

dum non vult, profuit; & an ei, qui dum nescit. Nam si quis coactus aliquid boni fecit, quin nos non obliget, manifestius est, quàm ut vlla in hoc verba impendenda sint. Et hæc quæstio facillè expeditur, & si qua similis huic moveri potest, si totiens illò cogitationem nostram conuerterimus. Beneficium nullum est, nisi quod ad nos primùm aliqua cogitatio defert, deinde amica & benigna. Itaque nec fluminibus gratias agimus, quamvis aut magna nauigia patiantur, & ad subuehendas copias largo ac perenni alueo currant, aut piscosâ & amœna pinguibus aruis interfluant: nec quisquam Nilo beneficium debere se iudicat, non magis quàm odium, si immodicus superfluxit, tardeque recessit: nec ventus beneficium dat, licet lenis & secundus adspiret: nec utilis & salubris cibus. Nam qui beneficium mihi daturus est, debet non tantùm prodesse, sed velle. Ideò nec mutis animalibus quidquam debetur: & quàm multos est periculo velocitas equi rapuit? nec arboribus: & quàm multos æstu laborantes, ramorum opacitas rexit? Quid autem interest, utrùm mihi qui nescit, profuerit, an qui scire non potuit? cum utriusque velle defuerit. Quid autem interest, utrùm me iubeas naui, aut vehiculo, aut lanceæ debere beneficium: an ei qui æquè quàm ista propositum benefaciens

di nullum habuit, sed profuit casu?

CAP. VIII. Beneficium aliquis nesciens accipit, nemo à nesciente. Quomodo multos fortuita sanant, nec ideo remedia sunt, & in flumen alicui cecidisse frigore magno, causa sanitatis fuit: quomodo quorundam, flagellis quartana discussa est, & metus repentinus animum in aliam curam auertendo suspectas horas sefellit: nec ideo quidquam horum etiam si saluti fuit, salutare est: sic quidam nobis prosunt, dum nolunt, imò quia nolunt, non tamen ideo illis beneficium debemus. Quid si perniciofa illorum consilia fortuna deflexit in melius, an existimas me debere ei quidquam, cuius manus cum me peteret, percussit hostem meum, qui nocuisset, nisi errasset? Sæpè testis dum apertè peierat, etiam veris testibus abrogauit fidem, & reum velut factione circumuentum miserabilem reddidit. Quosdam ipsa, quæ premebat, potentia eripuit: & iudices quem damnaturi erant causâ, damnare gratiâ noluerunt. Non tamen hi beneficium dederunt, quamuis profuerint. quia telum quò missum sit, non quò peruenerit, quæritur: & beneficium ab iniuria distinguit, non euentus, sed animus. Aduersarius meus dum contraria dicit, & iudicem superbiâ offendit, & vnum testem temerè dimittit, causam meam erexit. Non quæro an

pro me errauerit, quia contra me voluit.

C A P. IX. Nēpe vt gratus sim, velle debet idem facere quod ille. vt beneficium daret, velle debuit. Nam quid est iniquius hominē, qui eum odit, à quo in turba calcatus, aut respersus, aut quō nollet, impulsus est? At quid est aliud, quod illum querelæ eximat, cū in re sit iniuria; quā nescisse quid faceret? Eadem res efficit, ne hic beneficium dederit, ne ille iniuriam fecerit. & amicū & inimicū voluntas facit. Quā multos militiæ morbus eripuit? quosdam ne ad ruinam domus suæ occurrerent, inimicus vadimonio tenuit: ne in piratarum manus peruenirent, quidam naufragio consecuti sunt. Nec his tamen beneficium debemus: quoniam extra sensum officij casus est: nec inimico cuius nos lis exercuit, dum vexat ac detinet. Non est beneficium, nisi quod à bona voluntate proficiscitur, nisi illud agnoscit, qui dedit. Profuit aliquis mihi dum nescit: nihil illi debeo. profuit cū vellet nocere: imitabor ipsum.

C A P. X. Ad primum illum reuertamur, vt gratiam referam, aliquid facere me vis: ipse vt beneficium mihi daret, nihil fecit. Vt ad alterum transeamus, vis me huic gratiam referre, vt quod à nolente accepi, volens reddam. Nam quid de tertio loquar, qui ab iniuria in benefi-

cium delapsus est? Ut beneficium tibi debeam, parum est voluisse te dare: ut non debeam, satis est; noluisse. Beneficium enim voluntas nuda non efficit: sed quod beneficium non esset, si optimæ ac plenissimæ voluntati fortuna deesset, id quæ beneficium non est, nisi fortunam voluntas antecessit. Non enim profuisse tibi mihi oportet, ut ob hoc tibi obliget, sed ex destinato profuisse.

CAP. XI. Cleanthes exemplo eiusmodi utitur: Ad quærendum, inquit, & accersendum ex academia Platonem, duos pueros misi. alter totam porticum perscrutatus est, alia quoque loca in quibus illum inueniri posse sperabat, percurrit, & domum non minùs lassus quàm irritus rediit: alter apud proximum circulatorem resedit, & dum vagus atque error vernaculis congregatur, & ludit, transeuntem Platonem, quem non quæsierat, inuenit. Illum, inquit, laudabimus puerum, qui, quantum in se erat, quod iussus est fecit: hunc, feliciter inermem, castigabimus. Voluntas est, quæ apud nos ponit officium: cuius vide quæ conditio sit, ut me debito obstringat. Parum est illi velle, nisi profuit: parum est profuisse, nisi voluit. Puta enim aliquem donare voluisse, nec donasse. animum quidem eius habeo, sed beneficium non habeo: quod consummat & res, & animus. Quemad-

modum ei qui voluit mihi pecuniam credere, sed non credidit, nihil debeo: ita ei qui voluit mihi beneficium dare, sed non potuit, amicus quidem ero, sed non obligatus. Et volam illi aliquid præstare: nam & ille voluit mihi, ceterum si benigniore fortunâ vsus præstitero, beneficium dederò, non gratiam retulero. Ille mihi gratiam debebit referre: huic initium à me fiet numerandi.

CAP. XII. Intellego iam quid velis quærere. non opus est te dicere: vultus tuus loquitur. Si quis suâ causâ nobis profuit, eïne, inquis, debetur aliquid? hoc enim sæpe te conquerentem audio, quòd quædam quæ homines sibi præstant, aliis imputant. Dicam, mi Liberalis: sed prius hanc quæstiunculam diuidam, & rem æquam ab iniquâ separabo. Multum enim interest, vtrum aliquis beneficiû nobis det suâ causâ, an nostrâ: an suâ & nostrâ. Ille qui totus ad se spectat, & nobis prodest, quia aliter sibi prodesse non potest: eo loco mihi est, quò qui pecori suo hibernum & æstiuum pabulum prospicit; eo loco, quo qui captiuos suos, vt commodius vaneant, pascit; & optimos boves saginat ac defricat; quò lanista, qui familiam suam summâ curâ exercet, atque ornât. Multum (vt ait Cleanthes) à beneficio distat negotiatio.



CAP. XIII. Rursus non sum tam iniquus, ut nihil ei debeam, qui cum mihi utilis esset, fuit & sibi. Non enim exigo, ut sine respectu sui mihi consulat: imò etiam opto, ut beneficium mihi datum, vel magis danti profuerit: dummodo id qui dabat, duos intuens dederit, & inter me seque diuiserit. Licet id ipse ex maiore parte possideat, si modò me in consortium admisit, si duos cogitauit: ingratus sum, non solum iniustus, nisi gaudeo hoc illi profuisse, quod proderat mihi. Summæ malignitatis est, non vocare beneficium, nisi quod dantem aliquo incommodo affecit. Aliter illi, qui beneficium dat suâ causâ, respondebo. Quare potius te mihi profuisse dices, quam me tibi? Puta, inquit, aliter fieri non posse me magistratum, quàm si decem captos ciues ex magno captiuorum numero redemero: nihil debebis mihi, cum te seruitute ac vinculis liberauero? atqui meâ id causâ faciam. Aduersus hoc respondeo. Aliquid istic tuâ causâ facis, aliquid meâ. tuâ, quòd redimis: meâ, quòd eligis. tibi enim ad utilitatem tuam satis est, quoslibet redemisse. Itaque debeo, non quòd redimis me, sed quòd eligis. poteras enim & alterius redemptione idem consequi. quod meâ. Utilitatem rei partiris mecum, & me in beneficium recipis, duobus profuturum.

Præfers me aliis : hoc totum meâ causâ facis. Itaque si prætorem te factura esset decem captiuorum redemptio , decem autem soli captiui essemus , nemo quidquam tibi deberet ex nobis ; quia nihil haberes , quod cuiquam imputares , à tua vtilitate seductum. Non sum iniquus beneficij interpres : nec desidero illud mihi tantum dari , sed & tibi.

CAP. XIV. Quid ergo , inquit , si in sortem nomina vestra coniici iussissem , & tuum nomen inter redimendos exisset , nihil deberes mihi ? imò deberem , sed exiguum. Quid sit hoc , dicam. Aliquid meâ causâ facis , quod me ad fortunam redemptionis admittis. quod nomen meum exit , sorti debeo : quod exire potuit , tibi. Aditum mihi ad beneficium tuum dedisti , cuius maiorem partem fortunæ debeo : sed hoc ipsum tibi , quod fortunæ debere potui. Illos ex toto præteribo , quorum mercenarium beneficium est : quod qui dat , non computat cui , sed quanti daturus sit , quod vndique in se conuersum est. Vendit mihi aliquis frumentum. vivere non possum , nisi emero : sed non debeo vitam , quia emi. Nec quàm necessarium fuerit , æstimo , sine quo victurus non fui : sed quàm gratuitum , quod non habuissem , nisi emissem. in quo inuehendo mercator non cogitauit quantum auxiliij allaturus.

esset mihi, sed quantum lucri sibi. Quod emi, non debeo.

CAP. XV. Isto modo, inquit, ne medico quidquam debere te, nisi mercedulam dices: nec præceptori, quia aliquid numeraueris. atqui omnium horum apud nos magna caritas, magna reuerentia est. Aduersus hoc respondetur, quædam pluris esse, quàm emuntur. Emis à medico rem inæstimabilem, vitam ac valetudinem bonam: à bonarum artium præceptore studia liberalia, & animi cultum. Itaque his non rei pretium, sed operæ soluitur, quòd deseruiunt, quòd à rebus suis auocati nobis vacant. mercedem non meriti, sed occupationis suæ ferunt. Aliud tamen dici potest verius, quod statim ponam, si prius quomodo istud refelli possit, ostendero. Quædam, inquit, pluris sunt quàm vānierunt, & ob hoc aliquid mihi extra pro illis, quamuis empta sint, debes. Primum, quid interest quanti sint, cum de pretio, inter ementem & vendentem conuenerit? Deinde non vāniit illud suo pretio, sed tuo. Pluris est, inquit, quàm vāniit. Sed pluris vānire non potuit: pretium autem cuiusque rei pro tempore est. Cum benè ista laudaueris: tanti sunt, quanto pluris vānire non possunt. præterea nihil venditori debet, qui benè emit. Deinde etiam si pluris ista sunt, non tamen vllum istic tuum munus est,

ut non ex usu effectuve, sed ex consuetudine & annonâ æstimetur. Quod tu pretium ponis. trajicienti maria, & per medios fluctus, cum è tertæ conspectu recessit, certam secanti viam, & prospicienti futuras tempestates, & securis omnibus iubenti subito vela stringi, armamenta demitti, paratos ad incursum procellæ & repentinum impetum stare: huic tamen tantæ rei præmium vectura persolvit. Quanti æstimas in solitudine hospitium, in imbre tectum, in frigore balneum, aut ignem? scio tamen quanti ista cõsecuturus diversorium subeam. Quantum nobis præstat, qui labentem domum suscipit? & agentem ex imo rimas insulam, incredibili arte suspendit? certo tamen & levi pretio futura conducitur. Murus nos ab hostibus tutos, & à subitis latronum incursionibus præstat. notum est tamen, illas tûres, pro securitate publicâ propugnacula habituras, excitaturus faber, quid in diem mereat.

CAP. XVI. Infinitum erit, si latius exempla conquiram, quibus appareat, passim magna constare. Quid ergo? quare medico & præceptoris plus quiddam debeo, nec aduersus illos mercede defungor? Quia ex medico ac præceptore in amicum transeunt, & nos non arte quam vendunt, obligant, sed benignâ & familiari voluntate. Itaque medico, qui

nihil amplius quàm manum tangit, & me inter eos, quos perambulat, ponit, sine ullo affectu facienda vitandaue præcipiens, nihil amplius debeo: quia me non tamquam amicum vidit; sed tamquam imperatorem. Ne præceptorem quidem habeo cur venerer, si me in grege discipulorum habuit, si non putavit: dignum propriâ & peculiari curâ, si numquam in me direxit animum: & cum in medium effunderet, quæ sciebat, non didici, sed excepi. Quid ergo est, quare istis debeatur multum? non quia pluris est quod vendiderunt quàm emimus, sed quia nobis ipsi aliquid præstiterunt. Ille plus impendit, quàm medico necesse est: pro me, non pro fama artis, extimuit: non fuit contentus remedia monstrare, sed admonuit. Interea sollicitus, affedit, ad suspecta tempora occurrit: nullum ministerium oneri illi, nullum fastidio fuit. Gemitus meos non securus excepit: in turba multorum inuocantium, ego illi potissima cura fui. tantum aliis vacauit, quantum mea valetudo permiserat. Huic ego non tamquam medico, sed tamquam amico, obligatus sum. Alter rursus in docendo, & laborem & tedium tulit, præter illa quæ præcipientibus in commune dicuntur, aliqua instillauit ac tradidit, hortando bonam indolem erexit, & modò laudibus fecit animum, modò ad

monitionibus discuffit defidiam. Tum ingenium latens & pigrum, iniectâ (vt ita dicam) manu, extraxit: nec quæ sciebat, malignè dispensauit, quò diutiùs effet necessarius, sed cupiit, si posset, vniuersa transfundere. Ingratus sum, nisi illum inter gratissimas necessitudines diligo.

CAP. XVII. Sordidissimorum quoque artificiorum institutoribus supra constitutum aliquid adiecimus, si nobis opera illorum enixior visa est: & gubernatori, & opifici vilissimæ mercis, & in diem se locanti corollarium aspersimus. In optimis verò artibus quæ vitam aut conseruant, aut excolunt, qui nihil se plus existimat debere quàm pepigit, ingratus est. Adijce, quòd talium studiorum traditio miscet animos. hoc cùm factum est, tam medico quàm præceptori pretium operæ soluitur, animi deberur.

CAP. XVIII. Plato cùm flumen naue transisset, nec ab illo quidquam portitor exegisset, honori hoc suo datum credens, dixit positum illi esse apud Platonem officium. Deinde paullopòst, cùm alium atque alium gratis eadem transfueheret sedulitate, negauit illi iam apud Platonem positum officium. Nam vt tibi debeam aliquid, pro eo quod præstas, debes non tantum mihi præstare, sed tamquam mihi. non potes ob id quemquam appellare, quod spargis in populum.

Quid ergo? nihil deberetur pro hoc? Nihil, tamquam ab vno. cum omnibus soluam, quod tibi cum omnibus debeo.

CAP. XIX. Negas, inquit, vllum dare beneficium eum, qui me gratuitâ naue per flumen Padum tulit? nego. aliquid boni facit, beneficium non dat. Facit enim suâ causâ; aut vtique non meâ. Ad summam, ne ipse quidem se mihi beneficium iudicat dare: sed aut reipub. aut vicinîæ, aut ambitioni suæ præstat: & pro hoc aliud quoddam commodum expectat, quàm quod à singulis recepturus est. Quid ergo, inquit, si Princeps ciuitatem dederit omnibus Gallis, si immunitatem Hispanis, nihil hoc nomine singuli debent? Quid ni debeant? debebunt autem non tamquam proprium beneficium, sed tamquam publici partem. Nullam, inquit, habuit cogitationem mei. Illo tempore, quo vniuersis proderat, noluit mihi propriè ciuitatem dare: nec in me direxit animum. Ita quare ei debeam qui me sibi non substituit, cum facturus esset quod fecit? Primum, cum cogitauit Gallis omnibus prodesse, & mihi cogitauit prodesse. eram enim Gallus: & me, etiam si non meâ, publicâ tamen notâ comprehendit. Deinde ego quoq; illi non tamquam proprium debebo, sed quomodo vnus è populo: non tamquam pro me soluam, sed tamquam pro patria conferam.

CAP. XX. Siquis patriæ meæ pecuniam credat, non dicam me illius debitorem, nec hos æa alienum profitebor, aut candidatus, aut reus: ad exsoluendum tamen hoc, portionem meam dabo. Sic istius muneris quod vniuersis datur, debitorem me nego: quia mihi dedit quidem, sed non propter me: & mihi quidem, sed nesciens an mihi daret: nihilominus aliquid mihi dependendum sciam, quia ad me quoque circuitu longo peruenit. Propter me factum debere esse, quoddam obliget. Isto, inquit, modo, nec Luna nec Soli quidquam debes: non enim propter te mouentur. Sed cum in hoc moueantur, vt vniuersa conferuent, & pro me mouentur: vniuersorum enim pars sum. Adiice nunc, quod nostra, & horum conditio, dissimilis est. Nam qui mihi prodest, vt per me proficit & sibi, non dedit beneficium: quia me instrumentum utilitatis suæ fecit. Sol autem & Luna etiam si nobis profunt, non in hoc tamen profunt, vt per nos profint sibi. quid enim nos illis conferre possumus?

CAP. XXI. Sciam, inquit, Solem ac Lunam nobis velle prodesse, si nolle potuerint. illis autem non licet non moueri. ad summam, consistât, & opus suum intermittant. Hoc vide quot modis refellatur. Non ideo minus vult, qui non



potest nolle. imò magnum argumentum est firmæ voluntatis, ne mutare quidem posse. Vir bonus non potest non facere, quod facit: non enim erit bonus, nisi fecerit. ergo nec bonus vir beneficium dat, quia facit quod debet. non potest autem non facere, quod debet. Præterea multum interest, utrùm dicas, Non potest hoc non facere, quia cogitur: an, Non potest nolle. Nam si necesse est illi facere, non debeo ipsi beneficium, sed cogenti. Si necesse est illi velle ob hoc, quia nihil habet melius quod velit, ipse se cogit. Ita quod tamquam coacto non deberem, tamquam cogenti debeo. Desinant, inquit, velle. Hoc loco tibi occurrat, Quis tam demens est, ut eam neget voluntatem esse, cui non est periculum desinendi, vertendique se in contrarium: cum ex diuerso nemo æquè videri debeat velle, quàm cuius voluntas usque eò certa est, ut æterna sit? An si is quoque vult, qui potest statim nolle, is non videbitur velle, in cuius naturam non cadit nolle?

C A P. XXII. Agedum, inquit, si possunt, resistant. Hoc dicis, Omnia ista ingentibus interuallis diducta, & in custodiam vniuersi disposita, stationes suas deferant, subitâ confusione rerum sidera sideribus incurrant, & ruptâ rerum concordia in ruinam diuina labantur, con-

textusque velocitatis citatissimæ, in tot sæcula promissas vices in medio itinere destituat, & quæ nunc eunt alternis redeuntque opportunis libramētis, mundum ex æquo temperantia, repentino concrementur incendio, & ex tanta varietate solvantur, atque eant in vnum omnia. Ignis cuncta possideat, quem deinde pigra nox occupet, & profunda vorago tot deos sorbeat. Est tanti, ut tu coarguaris, ista concidere? Prosum tibi etiam inuito, euntque ista tuâ causâ, etiamsi maior illis alia, ac prior causa est.

C A P. XXIII. Adijce nunc, quod non externa cogunt deos, sed sua illis in legem æterna voluntas est. statuerunt, quæ non mutarent. Itaque non possunt videri facturum aliquid, quamvis nolint: quia quidquid desinere non possunt, perseverare voluerunt: nec umquam primi consilij deos pœnitet. Sine dubio stare illis & desciscere in contrarium, non licet: sed non ideò; quia vis sua illos in proposito tenet, ex imbecillitate permanent: sed quia non licet ab optimis aberrare, & sic ire decretum est. In primâ autem illâ constitutione, cum vniuersa disponderent, etiam nostra viderunt, rationemque hominis habuerunt. Itaque non possunt videri suâ tantum causâ decurrere, & explica-

re opus suum : quia pars operis sumus  
 & nos. Debemus ergo & Soli, & Lunæ,  
 & cæteris cœlestibus beneficium : quia  
 etiam si potiora illis sunt, in quæ oriun-  
 tur, nos tamen in maiora ituri iuuant.  
 Adijce, quòd destinato iuuant. ideoque  
 obligati sumus, qui non in beneficium  
 ignorantium incidimus, sed hæc quæ ac-  
 cipimus, accepturos scierunt : & quam-  
 quam maius illis propositum sit, maior-  
 que actus sui fructus, quàm seruare mor-  
 talia : tamen in nostras quoque vtilitates  
 à principio rerum præmissa mens est, &  
 is ordo mundo datus, vt appareat curam  
 nostri non inter vltimam habitam. Debe-  
 mus parentibus nostris pietatem : & mul-  
 ti non vt gignerent, coierunt. Dij non  
 possunt videri nescisse, quid effecturi es-  
 sent, cum omnibus alimenta prorsus, &  
 auxilia prouiderint : nec eos per negligen-  
 tiam genuere, quibus tam multa genuer-  
 ant. Cogitauit enim nos antè natura,  
 quàm fecit : nec tam leue opus sumus, vt  
 illi potuerimus excidere. Vide quantum  
 nobis permiserit, quàm non intra homi-  
 nes, humani imperij conditio sit. vide  
 in quantum corporibus vagari liceat,  
 quæ non coërcuit sine terrarum, sed  
 omnem in partem sui misit. vide, animi  
 quantum audeant, quemadmodum so-  
 li aut nouerint deos, aut quærant, &  
 mente in altum datâ diuina comitemur.

Scias non esse hominem tumultuarium. & incogitatum opus. Inter maxima rerum suarum, natura nihil habet quo magis gloriatur, aut certè cui gloriatur. Quantus iste furor est, controuersiam diis muneris sui facere? Quomodo aduersus eos hic erit gratus, quibus gratia referri sine impendio non potest, qui negat ab his accepisse se, à quibus cummaximè accipit, qui & semper daturi sunt, & numquam recepturi? Quanta autem peruersitas, ob hoc alicui non debere, quia etiam inficianti benignus est: & continuationem ipsam, seriemque beneficij, argumentum vocare necessariò dantis? Nolo. sibi habeat. quis illum rogat? & omnes alias impudentis animi voces his adstrue. Non ideo de te minùs meretur is, cuius liberalitas ad te etiam dum negas peruenit: cuiusque beneficiorum, vel hoc maximum, quòd etiam querenti daturus est.

...CAP. XXIV... Non vides, quemadmodum teneram liberorum infantiam parentes ad salubrium rerum patientiam cogant? Flentium corpora, ac repugnantium, diligenti curâ fouent: & ne membra libertas immatura derorqueat, in rectum exitura constringant: & mox liberalia studia inculcant, adhibito timore nolentibus. Ad vltimum, audacem iuuentam frugalitati, pudori,

moribus bonis, si parum sequitur, coactam applicant. Adolescentibus quoque, ac iam potentibus sui, si remedia metu aut intemperantiâ reiiciunt, vis adhibetur ac seruitus. Itaque beneficiorum maxima sunt, quæ à parentibus accipimus, dum aut nescimus, aut nolumus.

CAP. XXV. His ingratis, & repudiantibus beneficia, non quia nolunt, sed ne debeant, similes sunt ex diuerso nimis grati: qui aliquid incommodi precari solent his quibus obligati sunt, aliquid aduersi, in quo affectum memorem accepti beneficij approbent. An hoc rectè faciant, & piâ voluntate, quæritur: quorum animus simillimus est prauo amore flagrantibus, qui amicæ suæ optant exilium, ut desertam fugientemque comitentur: optant inopiam, ut magis desideranti donent: optant morbum, ut assideant: & quidquid inimicus optaret, amantes uolunt. Ferè idem itaque exitus est odij, & amoris insani. Tale quiddam & his accidit, qui amicis incommoda optant, quæ detrahant, & ad beneficium iniuriâ veniunt: cum satius sit vel cessare, quam per scelus officio locum quærere. Quid si gubernator à diis tempestates infestissimas, & procellas petat, ut gravior ars sua periculo fiat? quid si imperator deos oret, ut magna vis hostiû circumfusa castris, fossas subito impetu compleat, & vallum

vallum trepidante exercitu conuellat, & in ipsis portis infesta signa constituat, quò maiore cum gloria rebus lapsis profligatisque succurrat? Omnes isti beneficia sua detestabili viâ ducunt, qui deos contra eum aduocant, cui ipsi affuturi sunt, & antè illos sterni, quàm erigi volunt. Inhumana ista, & peruersè grati animi natura est, contra eum optare, cui honestè deesse non possis.

CAP. XXVI. Non nocet illi votum meum, inquit, quia simul opto & periculum, & remedium. Hoc dicis, non nihil te peccare, sed minus quàm si sine remedio periculum optares. Nequitia est, vt extrahas, mergere; euertere, vt suscites; vt emittas, includere. Non est beneficium, iniuriæ finis: nec vñquam id detraxisse meritum est, quod ipse qui detraxit, intulerat. Non vulneres me malo, quàm sanes. potes inire gratiam, si quia vulneratus sum, sanas: non, si vulneras, vt sanandus sim. Nunquam cicatrix, nisi collata vulnere, placuit: quod ita coisse gaudemus, vt non fuisse malleamus. Si hoc ei optares, cuius nullum beneficium haberes, inhumanum erat votum: quanto inhumanius ei optas, cui beneficium debes?

CAP. XXVII. Simul, inquit, vt possim ferre illi opem, precor. Primum, vt te in mediâ parte voti tui occupem,

iam ingratus es. nondum audio quid illi velis præstare : scio quid illum velis pati. Sôlicitudinem illi & metum, & maius aliquod imprecariis malum. optas ut ope indigeat : hoc contra illum est. optas ut tuâ indigeat ope : hoc pro te est. non succurrere vis illi, sed solvere. Qui sic properat, ipse solui vult, non solvere. Ita quod vnum in voto tuo honestum videri poterat, turpe & ingratum est, nolle debere. optas enim, non ut tu facultatem habeas referendæ gratiæ, sed ut ille necessitatem implorandæ. Superiorem te facis, & quod nefas est, benè meritum ad pedes tuos mittis. quanto satius est, honestâ voluntate debere, quàm per malam rationem solvere ? Si inficiareris quod acceperas, minùs peccares : nihil enim nisi quod dederat, amitteret : nunc vis illum subiici tibi iacturâ rerum suarum, & status mutatione in id devocari, ut infra beneficia sua iaceat. Gratum te reputabo? coram eo, cui prodesse vis, opta. Votum tu istud vocas, quod inter gratum & inimicum potest diuidi? quod non dubites aduersarium & hostem fecisse, si extrema taceantur? Hostes quoque optauerunt capere quasdam vrbes, ut seruarent : & vincere quosdam, ut ignoscere. nec ideò non hostilia vota : in quibus, quod mitissimum est, post crudelitatem venit. Denique qualia esse lu-

dicas vota, quæ nemo tibi minùs volet, quàm is pro quo fiunt, succedere? pessimè cum eo agis, cui vis à diis noceri, à te succurri: iniquè cum ipsis diis. Illis enim durissimas partes imponis, tibi humanas. ut tu profis, dii nocebunt? Si accusatorem submitteres, quem deinde remoueres, si aliquâ illum lite implicares, quam subinde discuteret; nemo de tuo scelere dubitaret: quid interest, utrùm istud fraude tentetur, an voto? nisi quòd potentiores illi aduersarios quæris. Non est quod dicas: Quam enim illi iniuriam facio? Vorum tuum aut superuacuum est, aut iniuriosum: imò iniuriosum, etiamsi irritum. Quidquid non efficis, Dei munus est: iniuria verò, quidquid optas. Sat est. tibi non aliter debemus irasci, quàm si feceris.

CAP. XXVIII. Si vota, inquit, valuissent, & in hoc valuissent, ut tutus esses. Primùm, certum mihi optas periculum sub incerto auxilio. deinde utrūque certum puta: quod nocet, prius est. Præterea tu conditionem voti tui nosti: me tempestas occupauit, portus ac præsidij dubium. Quantum existimas tormentum, etiamsi accepero, eguisse? etiamsi seruatus fuero, trepidasse? etiamsi absolutus fuero, causam dixisse? Nullius merus tam gratus est finis, ut non gratioꝛ sit solida & incontussa securitas. Opta, ut



reddere mihi beneficium possis, cum opus erit, non ut opus sit. Si esset in tuâ potestate quod optas, ipse fecisses.

CAP. XXIX. Quanto hoc honestius votum est? Opto in eo statu sit, quo semper beneficia distribuat, nunquam desideret. Sequatur illum materia, quâ tam benignè utitur largiendo iuuandoque, ut nunquam illi sit dandorum beneficiorum inopia, datorum pœnitentia. Naturam per se pronam ad humanitatem, ad misericordiam, & clementiam, irritet ac prouocet turba gratorum: quos illi & habere contingat, nec experiri necesse sit. Ipse nulli implacabilis sit, ipsi nemo placandus. tam æquali in eum fortuna indulgentiâ perseueret, ut nemo in illum possit esse, nisi conscientiam gratus. Quanto hæc iustiora vota sunt, quæ te in nullam occasionem differunt, sed gratum statim faciunt? Quid enim prohibet referre gratiam prosperis rebus? quàm multa sunt, per quæ quidquid debemus, reddere etiam felicibus possumus? fidele consilium, assidua conuersatio, sermo comis, & sine adulatione iucundus; aures, si deliberare velit, diligentes; tutæ, si credere; conuictus familiaritas. Neminem tam altè secunda posuerunt, ut non illi eò magis amicus desit, quia nihil absit.

CAP. XXX. Ista tristis, & omni voto submouenda occasio, ac procul re-

pellenda. ut gratus esse possis, iratis diis opus est? Nec ex hoc quidem peccare te intelligis, quod melius cum eo agitur, cui ingratus es? Propone in animo tuo carcerem, vincula, sordes, seruitutem, bellum, egestatem: hæ sunt occasiones tui voti. si quis tecum contraxit, per ista dimittitur. Quin potius cum potentem esse velis, cui plurimum debes, & beatum? Quid enim (ut dixi) vetat, te referre etiam summâ felicitate præditis gratiam? cuius plena tibi occurret & varia materia. Quid tu nescis debitum etiam locupletibus solui? Nec te inuitum dstringam: Omnia sanè excluserit opulenta felicitas; monstrabo tibi, cuius rei inopiâ laborent magna fastigia, quid omnia possidentibus desit. Scilicet ille, qui verum dicat, & hominem inter mentientes stupentem, ipsaque consuetudine pro rectis blanda audiendi, ad ignorantiam veri perductum, vindicet à consensu concentuque falforum. Non vides quemadmodum illos in præceps agat extincta libertas, & fides in obsequium seruile submissa, dum nemo ex animi sui sententia suadet, dissuadetque, sed adulandi certamen est, & vnum amicorum omnium officium, vna contentio, quis blandissimè fallat? Ignorauere vires suas, & dum se tam magnos quàm audiunt, credunt, attraxere superuacua, & in discrimen re-

rum omnium peruentura bella: vtilem & necessariam rupere concordiam: secuti iram, quam nemo reuocabat, multorum sanguinem hauserunt, fusuri nouissimè suum, dum vindicant inexplorata pro certis, flectique non minùs existimant turpe quàm vinci, & perpetua credunt, quæ in summum perducta maximè nurant. Ingentia super se ac suos regna fregerunt, nec intellexerunt, in illâ scenâ, & vanis & citò diffluentibus bonis refulgente, ex eo tempore ipsos nihil non aduersi expectare debuisse, ex quo nihil veri audire potuerunt.

C A P. X X X I. Cùm bellum Græciæ indiceret Xerxes, animum tumentem, oblitumque quàm caducis confideret, nemo non impulit. Alius aiebat, non laturos nuncium belli, & ad primam aduentus famam, terga versuros: alius, nihil esse dubij, quin illâ mole non vinci solum Græcia, sed obrui posset: magis verendum, ne vacuas desertasque vrbes inuenirent, & profugis hostibus vastæ solitudines relinquerentur, non habituris, vbi tantas vires exercere possent. Alius, illi vix rerum naturam sufficere, angusta esse classibus maria, militi castra, explicandis equestribus copiis campestria, vix patere cælum satis ad emittenda omni manu tela. Cùm in hunc modum multa vndique iactarentur, quæ hominem ni-

miâ æstimatione sui furentem concitarent, Demaratus Lacedæmonius solus dixit, ipsam illam quâ sibi placeret multitudinem indigestam & grauem, metuentam esse ducenti : non enim vires, sed pondus habere: immodica numquam regi posse; nec diu durare, quidquid regi non potest. In primo, inquit, statim monte Lacones obiecti, dabunt tibi sui experimentum. Tot ista gentium millia trecenti morabuntur, hærebunt in vestigio fixi, & commissas sibi angustias tuebuntur, & corporibus obstruent. tota illos Asia non mouebit loco. tantas minas belli, & pænè totius generis humani ruentis imperum, paucissimi sustinebunt. Cùm te mutatis legibus suis natura transmiserit, in semitâ hærebis, & æstimabis futura damna, cùm putaueris quanti Thermopylarum angusta constiterint. Scies te fugari posse, cùm scieris posse retineri. Cedent quidem tibi pluribus locis, velut torrentis modo ablati, cuius cum magno terrore prima vis defluit: deinde hinc atque illinc coorientur, & tuis te viribus prement. Verum est quod dicitur, maiorem belli apparatus esse, quàm qui recipi ab his regionibus possit, quas oppugnare constituis. Sed hæc res contra nos est: ob hoc ipsum te Græcia vincet, quia non capit. vti toro te non potes. Præterea, quæ vna rebus salus est, occurrere ad

primos rerum impetus, & inclinatis opem  
 ferre non poteris, nec fulcire ac firmare  
 labantia. Multò antè vinceris, quàm vi-  
 ctum esse te sentias. Ceterùm non est,  
 quòd exercitum tuum ob hoc sustineri  
 putes non posse, quia numerus eius duci  
 quoque ignotus est. Nihil tam magnum  
 est, quod perire non possit: cui nascitur in  
 perniciem, vt alia quiescant, ex ipsâ ma-  
 gnitudine suâ causa. Acciderunt quæ  
 Demaratus prædixerat. Diuina atque hu-  
 mana impellentem, & mutantem quid-  
 quid obstiterat, trecenti stare iusserunt:  
 stratusque per totam passim Græciam  
 Xerxes intellexit, quantum ab exercitu  
 turba distaret. Itaque Xerxes pudore,  
 quàm damno miserior, Demarato gra-  
 tias egit, quòd solus sibi verum dixisset,  
 & permisit petere quod vellet: petit ille,  
 vt Sardes maximam Asiæ ciuitatem cur-  
 rû vectus intraret, rectam capite tiaram  
 gerens. id solis datum regibus. Dignus  
 fuerat præmio, antequam peteret: sed  
 quàm miserabilis gens, in quâ nemo fuit,  
 qui verum diceret regi, nisi qui non di-  
 cebat sibi?

CAP. XXXII. Diuus Augustus  
 filiam intra pudicitie maledictum impu-  
 dicam relegauit, & flagitia Principalis  
 domus in publicum emisit: admissos  
 gregatim adulteros, pererratam noctur-  
 nis comestationibus ciuitatem, forum

ipsum ac rostra, ex quibus pater legem de adulteriis tulerat, filix in stupra placuisse, quotidianum ad Marfiam concursus: cum ex adultera in quaestuarium versa, ius omnis licentiae sub ignoto adultero peteret. Hæc tam vindicanda Principi quàm tacenda (quia quarundam rerum turpitudine etiam ad vindicantem redit) parùm potens iræ publicauerat. Deinde cum, interposito tempore, in locum iræ subiisset verecundia, gemens, quòd non illa silentio preffisset, quæ tamdiu nescierat, donec loqui turpe esset, sæpè exclamavit; Horum mihi nihil accidisset, si aut Agrippa, aut Mæcenas vixisset. Adeò toti habenti millia hominum, duos reparare difficile est. Cæsæ sunt legiones; & protinus scriptæ, fracta classis; & intra paucos dies nataui noua. scuitum est in opera publica ignibus, surrexerunt meliora consumptis: totâ vitâ, Agrippæ & Mæcenatis vacauit locus. Quid putem? de fuisse similes qui assumerentur, an ipsius vitium fuisse, qui maluit queri, quàm querere? Non est quod existimemus, Agrippam & Mæcenatem solitos illi vera dicere: qui si vixissent, inter dissimulantes fuissent. Regalis ingenij mos est, in præsentium contumeliam, amissa laudare, & his virtutem dare vera dicendi, à quibus iam audiendi periculum non est.

CAP. XXXIII. Sed ut me ad propositum reducam, vides quàm facile sit, gratiam referre felicibus, & in summo humanarum opum positis. Dic illis non quod volunt audire, sed quod audisse semper volent: plenas aures adulationibus, aliquando vera vox intret: da consilium utile. Quæris, quid felici præstare possis? effice, ne felicitati suæ credat: ut sciat illam multis & fideis manibus continendam. Parum in illum contuleris, si illi semel stultam fiduciam permanfuræ semper potentiæ excusseris, docuerisque mobilia esse quæ dedit casus, & maiore cursu fugere quàm veniunt: nec his portionibus, quibus ad summa peruentum est, retrò iri? sapè inter fortunam maximam & ultimam nihil interesse? Nescis quantum sit pretium amicitiae, si non intelligis multum te ei daturum, cui dederis amicum, rem non domibus tantum, sed sæculis raram: quæ non aliubi magis deest, quàm ubi creditur abundare. Quid? istos tu libros, quos vix nomenclatorum complectitur aut memoria, aut manus, amicorum existimas esse? Non sunt isti amici, qui agminè magno ianuam pulsant, qui in primas & secundas admissiones digeruntur. Consuetudo ista vetus est regibus, regesque simulantibus, populum amicorum describere. Est proprium superbæ, magno æsti-

mare introitum, ac tactum sui liminis; pro honore dare, ut ostio suo propius affideas, ut gradum prior intra domum ponas, in qua deinceps multa sunt ostia, quæ receptos quoque excludunt.

CAP. XXXIV. Apud nos primi omnium C. Gracchus & mox Liuius Drusus instituerunt segregare turbam suam, & alios in secretum recipere, alios cum pluribus, alios cum vniuersis. Habuerunt itaque isti amicos primos, habuerunt & secundos, numquam veros. Amicum vocas, cuius disponitur salutatio? aut potest huius tibi patere fides, qui per fores malignè apertas non intrat, sed illabitur? Huic peruenire vsque ad distringendam libertatem licet, cuius vulgare & publicum verbum & promiscuum ignotis, AVE, non nisi suo ordine emittitur? Ad quemcumque itaque istorum veneris, quorum salutatio urbem concutit, scito, etiam si animaduerteris obsessos ingenti frequentia vicis, & comitantium in vtramque partem cateruis itinera compressa, tamen venire te in locum hominibus plenum, amicis vacuum. In pectore amicus, non in atrio quaeritur. illo recipiendus est, illic retinendus, & in sensus recondendus. Hoc doce, gratus es. Malè de te existimas, si inutilis es, nisi afflicto; si rebus bonis superuacuis. Quemadmodum te & in dubiis, & in ad-



uersis, & in lætis sapienter geris, vt dubia prudenter tractes, aduersa fortiter, læta moderatè: ita in omnia vtilem te amico exhibere potes. Aduersa eius si nec deserueris, nec optaueris, multa nihilominus, vt non optes, in tantâ varietate, quæ tibi materiam exercendæ fidei præbeant, incident. Quemadmodum qui optat diuitias alicui in hoc, vt illarum partem ipse ferat, quamuis pro illo videatur optare, sibi prospicit: sic qui optat amico aliquam necessitatem, quam adiutorio suo fideque discutiatur, quod est ingrati, se illi præfert, & tanti æstimat illum miserum esse, vt ipse gratus sit, & ob hoc ipsum ingratus est. Exonerare enim se vult, & vt graui sarcinâ liberare. Multum interest, utrùm properes referre gratiam, vt reddas beneficium; an, vt ne debeas. Qui reddere vult, illius se commodo aptabit, & idoneum illi venire tempus volet: qui nihil aliud quàm ipse liberari vult, quacunque ad hoc cupiet peruenire, quod est pessimæ voluntatis.

· C A P. X X X V. : Ista, inquam, nimia festinatio ingrati est. id apertius exprimere non possum, quàm si repetiuero quod dixi. Non vis reddere acceptum beneficium, sed effugere. Hoc dicere videris; Quando isto carebo? quocunque modo mihi laborandum est, ne isti obligatus

sim. Si optares vt illi solueres de suo, multum abesse videreris à grato; hoc quod optas, iniquius est. Exsecraris enim illum, & caput sanctum tibi, dirâ imprecatione defigis. Nemo, vt existimo, de immanitate animi tui dubitaret, si aperte illi paupertatem, si captiuitatem, si famem ac metum imprecareris. At quid interest, vtrum vox ista tua sit, an votum? Sanus aliquid horum opta. I nunc, & hoc esse grati puta, quod ne ingratus quidem faceret, qui modò non vsque in odium, sed tantum ad infitiationem beneficij perueniret.

C A P. XXXVI. Quis pium dicet Ænean, si patriam capi voluerit, vt captiuitate patriam eripiat? Quis Siculos iuuenes, vt bona liberis exempla monstrarent, si optauerunt vt Ætna immensâ ignium vi supra solitum ardens, daret ipsis occasionem exhibendæ pietatis, ex medio parentibus incendio raptis? Nihil debet Scipioni Roma, si Punicum bellum vt finiret, perseuerare maluit: nihil Deciiis, quòd morte patriam seruauerunt, si prius optauerant, vt deuotioni fortissimæ locum vltima rerum necessitas faceret. Grauißima infamia est medici, opus querere. Multi quos auxerant morbos, & irritauerant, vt maiore gloriâ sanarena, non potuerunt discutere, aut cum magnâ miserorum vexatione vicerunt.

CAP. XXXVII. Callistratum aiunt, ita certè Hecaton auctor est, cùm in exilium iret, in quod multos simul cum illo seditiosa ciuitas & intemperanter libera expulerat, optante quodam, vt Atheniensibus necessitas restituendi exules esset, abominatum talem reditum. Rutilius noster animosius. cùm enim quidam illum consolaretur, & diceret instare arma ciuilia: breui futurum, vt omnes exules reuerterentur: Quid tibi, inquit, mali feci, vt mihi peiorem reditum, quàm exitum optares? Malo, vt patria exilio meo erubescat, quàm reditu mœreat. Non est istud exilium, cuius neminem non magis, quàm damnatum, pudet. Quemadmodum illi seruauerunt bonorum ciuium officium, qui reddi sibi penates suos noluerunt clade communi, quia satius erat duos vnico malo affici, quàm omnes publico: ita non seruat grati hominis affectum, qui benè de se merentem difficultatibus vult opprimi, quas ipse submo-ueat: qui etiam si benè cogitat, malè precatur. Ne in patrocinium quidem, nedum in gloriam est, incendium exstinxisse quod feceris.

CAP. XXXVIII. In quibusdam ciuitatibus, impium votum sceleris vicem tenuit. Demades certè Athenis, eum qui necessaria funeribus venditabat, damnauit, cùm probasset magnum lu-

crum optasse : quod contingere illi sine multorum morte non poterat. Quæritamen solet, an merito damnatus sit. Fortasse optauit, non ut multis venderet, sed ut carè : ut paruo sibi constarent, quæ venditurus esset. Cùm constet negotiatio ex empto & vendito, quare votum eius in vnam partem trahis, cùm lucrum ex vtraque sit? Præterea omnes licet, qui in ista negotiatione sunt, damnes : omnes enim idem volunt, idem intra se operant. Magnam hominum partem damnabis. cui enim non ex alieno incommodo lucrum? Miles bellum optat. agricolam annonæ caritas erigit. eloquentiæ exoptat pretium litium numerus. medicis grauis annus in quæstu est. institores delicatarum mercium, iuuentus corrupta locupletat. nullâ tempestate ; nullo igne lædantur testæ : iacebit opera fabrilis. Vnius votum deprehensum est, omnium simile est. An tu Arruntium, & Aterium, & ceteros qui captandorum testamentorum artem professi sunt, non putas eadem habere, quæ designatores & libitinarios, vota? illi tamen quorum mortes optent, nesciunt : hi familiarissimum quemque, ex quo propter amicitiam spei plurimum est, mori cupiunt. Illorum damno nemo viuit : hos quisquis differt, exhaurit. Optant ergo, non tantum ut accipiant, quod turpi seruitute

meruerunt, sed etiam ut tributo graui liberentur. Non est itaque dubium, quin hi magis quod damnatum est in vno, optent: quibus quisquis morte profuturus est, vitâ nocet. Omnium tamen istorum tam nota sunt vota, quàm impunita. Denique se quisque consulat, & in secretum pectoris sui recedat, & inspiciat quid tacitus optauerit. quàm multa sunt vota, quæ etiam sibi fateri pudet: quàm pauca, quæ facere coram teste possumus!

C A P. XXXIX. Sed non quidquid reprehendendum, etiam damnandum est: sicut hoc votum amici, quod in manibus est, malè vtentis bonâ voluntate, & in id incidentis, quod cuitat, nam dum gratum animum festinat ostendere, ingratus est. Hic, ait, in potestatem meam recidat, gratiam meam desideret, sine me saluus, honestus, iustus esse non possit. tam miser sit, ut illi beneficij loco sit, quidquid redditur. Hæc diis audientibus. Circumueniant illum domesticæ insidiæ, quas ego possim solus opprimere. instet potens inimicus & grauis, infesta turba nec inermis; & creditor urgeat & accusator.

C A P. XL. Vide quàm sis æquus, horum optares nihil, si tibi beneficium non dedisset. Ut alia taceam, quæ grauiora committis, pessima pro optimis referendo, hoc certe delinquis, quod non

expectas suum cuiusque rei tempus: quod æquè peccat, qui non sequitur, quàm qui antecedit. Quomodo non semper beneficium recipiendum est, sic non utique reddendum. Si mihi non desideranti redderes, ingratus esses: quanto ingrator es, qui desiderare me cogis? Exspecta, quare subside apud te munus meum non vis? quare obligatum molestè fers? quare, quasi cum acerbo scœnatorum, signare rationem parem properas? Quid mihi negotium quæris? quid in me deos immittis? quomodo exigeres, qui sic reddis?

CAP. XLI. Ante omnia ergo, Liberalis, hoc discamus, beneficia securè debere, & occasiones reddendorum observare, non manu facere: hanc ipsam cupiditatem primo quoque tempore liberandi se, meminerimus ingrati esse. Nemo enim libenter reddit, quod inuitus debet: & quod apud se non vult esse, onus iudicat esse, non munus. Quanto melius ac iustius, in promptu habere merita amicorum: & offerre, non ingerere, nec obæratum se iudicare? quoniam beneficium commune vinculum est, & inter se duos alligat. Dic, Nihil moror, quo minùs tuum reuertatur ad te: opto hilaris accipias. si necessitas alterutri nostrum imminet, fatoque quodam datum est, ut aut tu cogaris beneficium recipere, aut ego accipere, det potius qui solet. Ego para-

rus sum: Nulla mora in Turno. ostendam hunc animum, cū primum tempus aduenerit: interim dii testes sunt.

C A P. X L I I. Soleo, mi Liberalis, notare hunc in te affectum, & quasi manu prendere, verentis & æstuantis, ne in villo officio sis tardior. Non decet gratum animum sollicitudo, sed contrā, summa fiducia sui: & ex conscientia veri amoris, dimissa omnis anxietas. Tam cum vitio est, recipere quod non debes, quā non dare quod debes. hoc beneficij primum dati sit ius, vt recipiendi tempus eligat, qui dedit. At vereor, ne homines de me sequiūs loquantur. Malè agit, qui famæ, non conscientie gratus est. Duos istius rei iudices habes: te, quem non potes fallere; & illum, quem potes. Quid ergo, si nulla interuenerit occasio? semper debebo? Debebis: sed palam debebis, sed libenter debebis, sed cum magna voluptate apud te depositum intueberis. Pæniter accepti beneficij, quem nondum redditi piget. quare qui tibi dignus visus est, à quo acciperes, indignus videatur, cui debeas?

C A P. X L I I I. In magnis erroribus sunt, qui ingentis animi credunt, proferre, donare, plurium sinum ac domum replere: cū ista interdum non magnus animus faciat, sed magna fortuna. Nesciunt, quanto maius ac difficilius inte-

rim sit capere, quàm fundere. Nam ut nihil alteri detrahā, quoniam vtrumque vbi ex virtute sit, par est: non minoris est animi beneficium debere, quàm dare. eò quidem operosius hoc quàm illud, quò maiore diligentia custodiuntur accepta, quàm dantur. Ideò non est trepidandum, quàm citò reponamus, nec properandum intempestiuè: quia æquè delinquit, qui ad referendam gratiam properat tempore alieno, quàm qui suo cessat. Positum est illi apud me. nec illius nomine, nec meo timeo. benè illi cautum est. non potest hoc beneficium perdere, nisi mecum: imò ne mecum quidem. Egi illi gratias, id est, retuli. Qui nimis de beneficio reddendo cogitat, nimis cogitare alterum de recipiendo putat. Præstet se in vtrumque facilem: si vult recipere beneficium, referamus, reddamusque læti. illud apud nos custodiri mauult; quid thesaurum eius eruimus? quid custodiam recusamus? dignus est, cui, vtrum volet, liceat. Opinionem quidem & famam eo loco habeamus, tamquam non ducere, sed sequi debeat.



LIBER SEPTIMVS.  
CAPVT I.

**S**ONVM, mi Liberalis, habeas animum volo :

*In manibus terra. Non hic te carmine  
longo,*

*Atque per ambages & longa exorsa te-  
nebo.*

Reliqua hic liber cogit: & exhaustâ materiâ, circumspicio, non quid dicam, sed quid non dixerim. Boni tamen consules quidquid superest, cum tibi superfuerit. Si voluissem lenocinari mihi, debuit paullatim opus crescere, & ea pars in finem referuari, quam quilibet etiam satiatus appeteret. Sed quidquid maximè necessarium erat, in primum statim congesti: nunc si quid effugit, recolligo. Nec mehercule, si me interrogas, nimis ad rem existimo pertinere, vbi dicta sunt quæ regunt mores, persequi cetera, non in remedium animi, sed in exercitationem ingenij inuenta. Egregiè enim hoc dicere Demetrius Cynicus, vir meo iudicio magnus, etiam si maximis compareretur, solet: Plus prodesse, si pauca præcepta sapientiæ teneas, sed illa in promptu tibi & in vſu sint, quàm si multa quidem didiceris, sed illa non habeas ad manum. Quemadmodum, inquit, magnus lucta-

tor est, non qui omnes numeros nexuſq; perdidicit, quorum vſus ſub aduerſario rarus eſt, ſed qui in vno ſe aut altero bene & diligenter exercuit, & eorum occaſiones intentus expectat: nec enim refert, quàm multa ſciat, ſi ſcit quantum victoriæ ſatis eſt: ſic in hoc ſtudio multa delectant, pauca vincunt. Licet nescias, quæ ratio Oceanum effundat ac reuocet: quare ſeptimus quiſque annus ætati ſignum imprimat: quare latitudo porticus ex remoto ſpectantibus, non ſeruet proportionem ſuam, ſed vltima in anguſtias coëant, & columnarum nouiſſima interualla iungantur: quid ſit, quod geminorum cōceptum ſeparet, partum iungat. vtrum vnus concubitus ſpargatur in duos, an toties concepti ſint. cur pariter natis fata diuerſa ſint, maximisq; rerum ſpatiis diſtent, quorum inter ortus minimum intereſt: Non multum tibi nocebit tranſiſſe, quæ nec licet ſcire, nec prodeſt. Inuoluta veritas in alto latet. Nec de malignitate naturæ queri poſſumus: quia nullius rei difficilis inuentio eſt, niſi cuius hic vnus inuentæ fructus eſt, inueniſſe. Quidquid nos meliores beatoſq; facturum eſt, aut in aperto, aut in proximo poſuit. Si animus fortuita contempſit, ſi ſe ſuprà metum ſuſtulit, nec auidâ ſpe infinita complectitur, ſed didicit à ſe petere diuitias: ſi deorum hominumq; formi-

dinem eiecit, & scit non multum esse ab homine timendum, à Deo nihil: si contemptor omnium, quibus torquetur vita, dum ornatur, eò perductus est, ut illi liqueat, mortem nullius mali esse materiam, multorum finem: si animum virtuti consecrauit, & quacumque vocat illa, planum putat: si sociale animal est, & in commune genitus, mundum ut vnam domum spectat, & conscientiam suam diis aperit, semperque tamquam in publico viuit: si se magis veritus quam alios, subductus illis tempestatibus, in solido ac sereno stetit: consummauit scientiam utilem, atque necessariam. reliqua oblectamenta otij sunt. Licet enim iam in tutum retracto animo, ad hæc quoque excurrere, cultum, non robur, ingeniis asferentia.

CAP. II. Hæc Demetrius noster utraque manu tenere proficientem iubet, hæc nusquam dimittere, imò affigere & partem sui facere, eoque quotidianâ meditatione perducere, ut suâ sponte occurrant salutaria, & ubique ac statim desiderata præsto sint: & sine mora vlla veniat illa turpis honestique distinctio, sciatque nec malum esse vllum nisi turpe, nec bonum nisi honestum. Hac regulâ vitæ opera distribuat: ad hanc legem & agat cuncta, & exigat: miserimosque mortalium iudicet, in quantis-

cumque opibus refulgebunt, ventri ac libidini deditos, quorum animus inertis otio torpet. Dicat ipse sibi: Voluptas fragilis est & brevis: fastidit obiecta: quod avidius hausta est, citius in contrarium recidens, cuius subinde necesse est aut pœniteat, aut pudeat. In quâ nihil est aut magnificum, aut quod naturam hominis, diis proximi, deceat. res humilis, membrorum turpium ac vilium ministerio veniens, exitu fœda. Ista est voluptas & homine & viro digna, non implere corpus, nec saginare, nec cupiditates irritare, quarum tutissima est quies: sed perturbatione carere, & eâ quæ hominum inter se rixantium ambitus concutit, & eâ quæ intolerabilis ex alto venit, ubi de diis famæ creditum est, vitiisque illos nostris æstimauimus. Hanc voluptatem æqualem, intrepidam, numquam sensuram sui tædium, percipit hic quem deformamus cum maxime: qui, ut ita dicam, diuini iuris atque humani peritus, præsentibus gaudet, ex futuro non pendet. nihil enim firmi habet, qui in incerta propensus est. Magnis itaque curis exemptus, & distorquentibus mentem, nihil sperat, aut cupit, nec se mittit in dubium, suo contentus. Nec illum existimes paruo esse contentum. omnia illius sunt. non sic, quemadmodum Alexandri fuerunt: cui, quamquam in litto-

re maris rubri steterat, plus deerat quàm quàm venerat. illius ne ea quidem erant, quæ tenebat, aut vicerat, cùm in Oceano Onesicritus præfectus classibus præmissus explorator erraret, & bella in ignoto mari quæreret. Non satis apparebat inopem esse, qui extra naturæ terminos arma proferret? qui se in profundum, inexploratum & immensum, auiditate cæcâ prorsus immitteret? Quid interest, quot eripuerit regna, quot dederit, quantum terrarum tributo premat? tantum illi deest, quantum cupit.

CAP. III. Nec hoc Alexandri tantum vitium fuit, quem per Liberi Herculisque vestigia felix temeritas egit, sed omnium quos fortuna ingratum implendo. Cyrum & Cambysem, & totum regni Persici stemma percense. quem inuenies, cui modum imperij satietas fecerit? qui non vitam in aliquâ ulterius procedendi cogitatione finierit? Nec id mirum est. quidquid cupiditati contigit, penitus hauritur & conditur: nec interest, quantum in id quod inexplabile est, congeras. Vnus est sapiens, cuius omnia sunt, nec ex difficili tuenda. Non habet mittendos trans maria legatos, nec merenda in ripis hostilibus castra, non opportunis castellis disponenda præsidia, non opus est legione, nec equestribus turmis. Quemadmodum dij immortales regnum  
inermes

inermes regunt, & illis rerum suarum ex edito tranquilloque tutela est; ita hic officia sua, quamuis latissimè pateant, sine tumultu obit: & omne humanum genus, potentissimus eius optimusque, infra se videt. Derideas licet: ingentis spiritus res est, cum Orientem Occidentemque lustraueris animo, quo etiam remota & solitudinibus interclusa penetrantur, cum tot animalia, tantam copiam rerum, quas natura beatissimè fundit, aspexeris, emitte hanc Dei vocem: Hæc omnia mea sunt. Sic fit, ut nihil cupiat: quia nihil est extra omnia.

CAP. IV. Hoc ipsum, inquis, volui. teneo te: volo videre, quomodo ex his laqueis, in quos tuâ sponte decidisti, expliceris. Dic mihi. quemadmodum potest aliquis donare sapienti, si omnia sapientis sunt? nam id quoque quod illi donat, ipsius est. Itaque non potest dari beneficium sapienti: cui quidquid datur, de suo datur. atqui dicitis, sapienti posse donari. Idem autem me scito, & de amicis interrogare. Omnia dicitis illis esse communia: ergo nemo quidquam amico donare potest: donat enim illi communia. Nihil prohibet aliquid & sapientis esse, & eius qui possidet, cui datum & assignatum est. iure civili omnia regis sunt: & tamen illa quorum ad regem pertinet vniuersa possessio, in singulos dominos descripta

H h

sunt, & vnaquęque res habet possessorem suum. Itaque dare regi & domum, & mancipium, & pecuniam possumus: nec donare illi de suo dicimur. Ad reges enim potestas omnium pertinet, ad singulos proprietas. Fines Atheniensium aut Campanorum vocamus, quos deinde inter se vicini priuatâ terminatione distinguunt. & totus ager huius aut illius reipublicę est: pars deinde suo domino quęque censetur. ideoque donare agros nostros reip. possumus, quamuis illius esse dicantur: quia aliter illius sunt, aliter mei. Numquid dubium est, quin seruus cum peculio, domini sit? dat tamen domino suo munus. Non enim ideo nihil habet seruus, quia non est habiturus, si dominus illum habere noluerit: nec ideo non est munus, cum volens dedit, quia potuit cripi, etiam si noluisset. \* Quemadmodum probemus omnia (nunc enim omnia sapientis esse, inter nos conuenit) illud quod quęritur colligendum est, quomodo liberalitatis materia aduersus eum superfit, cuius vniuersa esse concessimus. Omnia patris sunt, quę in liberorum manu sunt: quis tamen nescit, donare aliquid & filium patri? Omnia deorum sunt: tamen diis posuimus donum, & stipem iecimus. Non ideo quod habeo, meum non est, si tuum est: potest enim idem esse meum & tuum. Is, inquis, cuius

prostitutæ sunt, leno est: omnia autem sapientis sunt, inter omnia autem & prostitutæ sunt: ergo & prostitutæ sapientis sunt. leno autem est, cuius prostitutæ sunt ergo sapiens est leno. Sic illum vetant emere. dicunt enim: Nemo rem suam emit: omnia autem sapientis sunt: ergo sapiens nihil emit. Sic vetant & mutuum sumere, quia nemo vsuram pro pecuniâ suâ pendit. Innumerabilia sunt, per quæ cauillantur, cum pulcherrimè, quid à nobis dicatur, intelligant.

CAP. V. Enimuero sic omnia sapientis esse dico, ut nihilominus proprium quisque in rebus suis dominium habeat: quemadmodum sub optimo rege, omnia rex imperio possidet, singuli dominio. Tempus istius probandæ rei veniet. interim hoc huic quæstioni sat est, id quod aliter sapientis, aliter meum est, me posse donare sapienti. Nec mirum est, aliquid ei cuius est totum, posse donari. Conduxi domum à te. in hac aliquid tuum, aliquid meum. res tua est: vsus rei tuæ, meus est. Itaque nec fructus tanges, colono tuo prohibente, quamuis tuâ in possessione nascantur: & si annona carior fuerit, aut fames,

*Hec frustra magnum alterius spectabis  
aceruum,*

in tuo natum, in tuo positum, in horrea  
iturum tua. Nec conductum meum,

H h ij



quamquam sis dominus, intrabis: nec seruum tuum, mercenarium meum abduces: & abs te rhedam si conduxero, beneficium accipies, si tibi in vehiculo tuo sedere permiserō. Vides ergo posse fieri, ut aliquis accipiendo quod suum est, munus accipiat.

C A P. V I. In omnibus istis quæ modò retuli, vterque eiusdem rei dominus est. quomodo? quia alter rei dominus est, alter vsus. Libros dicimus esse Ciceronis: eosdem Dorus librarius suos vocat: & vtrumque verum est. alter illos tamquam auctor sibi, alter tamquam emptor asserit: ac rectè vtriusque dicuntur esse. Vtriusque enim sunt: sed non eodem modo. sic potest T. Liuius à Doro accipere, aut emere libros suos. Possum donare sapienti, quod viritum meum est, licet illius sint omnia. Nam cum regio more cuncta conscientiam possideat, singularum autem rerum in vnumquemque proprietas sit sparsa; & accipere munus, & debere, & emere, & conducere potest. Cæsar omnia habet; fiscus eius priuata tantum, ac sua: & vniuersa in imperio eius sunt, in patrimonio propria. Quid eius sit, quid non sit, sine diminutione imperij quæritur. nam id quoque quod tamquam alienum abiudicatur, aliter illius est. Sic sapiens vniuersa animo possidet, iure ac dominio sua.

CAP. VII. Bion modò omnes sacrilegos argumentis esse colligit, modò neminem. Cùm omnes de saxo deiecturus est, dicit: Quisquis id quod deorum est, sustulit & consumpsit, atque in vsum suum vertit, sacrilegus est: omnia autem deorum sunt: quod quisque ergo tollit, deorum tollit, quorum omnia sunt: ergo quisquis tollit aliquid, sacrilegus est. Deinde cùm effringi templa, & expilari impunè Capitolum iubet: dicit, Nullum sacrilegium esse. quia quicquid sublatum est ex eo loco qui deorum erat, in eum transfertur locum, qui deorum est. Hic respondetur: Omnia quidem deorum esse, sed non omnia diis dicata. In his observari sacrilegium, quæ religio numini adscripsit. Sic & totum mundum deorum esse immortalium templum, solum quidem amplitudine illorum ac magnificentia dignum: & tamen à sacris profana discerni, & non omnia licere in angulo, cui nomen fani impositum est, quæ sub cælo & conspectu siderum licent. Iniuriam sacrilegus Deo quidem non potest facere, quem extra ictum sua divinitas posuit: sed tamen punitur, quia tamquam Deo fecit. Opinio illum nostra, ac sua, obligat pœnæ. Quomodo ergo sacrilegus videtur, qui aliquid aufert sacri, etsi quocunque transtulit, quod surripuerat, intra terminos est mundi. Sic & sa-

pianti furtum potest fieri. Aufertur enim illi, non ex his quæ vniuersa habet, sed ex his quibus dominus inscriptus est, quæ viritum ei seruiunt. Illam alteram possessionem agnosceret, hanc nolet habere, etsi poterit: emitteretque illam vocem, quam Romanus Imperator emisit, cum illi ob virtutem & benè gestam Rempub. tantum agri decerneretur, quantum arando vno die circuire potuisset: Non est, inquit, vobis eo opus ciue, cui plus opus sit, quàm vni ciui. Quanto maioris viri putas, respuisse hoc munus, quàm meruisse? multi enim fines aliis abstulerunt, sibi nemo constituit.

CAP. VII. Ergo cum animum sapientis intuemur, potentem omnium, & per vniuersa dimissum, omnia illius esse dicimus: cum ad hoc ius quotidianum, si ita res tulerit, capite censebitur. Multum interest, possessio eius animi magnitudine æstimetur, an censu. hæc vniuersa habere, de quibus loqueris, abominabitur. Non referam tibi Socratem, Chrysippum, Zenonem, & ceteros magnos quidem viros, maiores tamen, quia in laudem vetustorum inuidia non obstat. Paullò antè Demetrium retuli: quem mihi videtur rerum natura, nostris tulisse temporibus, ut ostenderet, nec illum à nobis corrumpi, nec nos ab illo corripì posse: virum exactæ (licet neget ipse) sa-

pientia, firmaque in his quæ proposuit constantia: eloquentia verò eius, quæ res fortissimas deceat, non concinnata, nec in verba sollicita, sed ingenti animo, prout impetus tulit, res suas prosequentis. Huic non dubito, quin providentia & talem vitam, & talem dicendi facultatem dederit, ne aut exemplum sæculo nostro, aut conuicium deesset.

CAP. IX. Demetrio si res nostras aliquis deorum possidendas velit tradere sub lege certâ, ne liceat donare, affirmaverim repudiaturum, dicturumque: Ego verò me ad istud inextricabile pondus non alligo, nec in altam faciem rerum hunc expeditum hominem demitto. Quid ad me defers populorum omnium mala? quæ nec daturus quidem acciperem: quoniam multa video, quæ me donare non deceat. Volo sub conspectu meo ponere, quæ gentium oculos regumque perstringunt? volo intueri pretia sanguinis, animarumque vestrarum? Prima mihi luxuriæ spolia propone: siue illa vis per ordinem expandere, siue (ut est melius) in vnum aceruum dare. Video elaboratam scrupulosâ distinctione restitutionem, & scædissimorum pigerrimorumque animalium testas, ingentibus pretiis emptas, in quibus ipsa illa quæ placet varietas, subditis medicamentis, in similitudinem veri coloratur. Video istic men-

fas, & æstimatum lignum senatoris censu, eò pretiosius, quò illud in plures nodos, arboris infelicitas torfit. Video istic crystallina, quorum accendit fragilitas pretium. omnium enim rerum voluptas apud imperitos, ipso quo fugare debet periculo, crescit. Video murrhina pocula. parum scilicet luxuria magno furit, nisi quod vomant, capacibus gemmis inter se propinarent. Video vniones, non singulos singulis auribus comparatos: iam enim exercitatae aures oneri ferendo sunt: iunguntur inter se, & insuper alij binis superponuntur. non satis muliebris infania viros subiecerat, nisi bina ac terrena patrimonia auribus singulis pependissent. Video sericas vestes, si vestes vocandæ sunt, in quibus nihil est quo defendi aut corpus, aut denique pudor possit: quibus sumptis, mulier parùm liquidò, nudam se non esse iurabit. Hæc ingenti summâ, ab ignotis etiam ad commercium gentibus accersuntur, ut matronæ nostræ, ne adulteris quidem plus sui in cubiculo, quàm in publico ostendant.

CAP. X. Quid agis auaritia? quot rerum caritate aurum tuum victum est? omnia ista quæ retuli, in maiore honore pretioque sunt. Nunc volo tuas opes recognoscere, laminas vtriusque materiæ, ad quas cupiditas nostra caligat. At me-

hercule terra, quæ quidquid utile futurum nobis erat protulit, ista defodit & merfit, & ut noxiis rebus ac malo gentium in medium prodituris, toto pondere incubuit. Video ferrum ex iisdem tenebris esse prolatum, quibus aurum & argentum: ne aut instrumentum in cædes mutuas deesset, aut pretium. Et adhuc ista aliquam materiam habent: est in quo errorem oculorum animus subsequi possit: video istic diplomata, & syngraphas, & cautiones, vacua habendi simulacra, umbras quasdam avaritiæ laborantis, per quas decipiant animum, inanium opinione gaudentem. Quid enim ista sunt? quid scænus, & kalendarius, & usura, nisi humanæ cupiditatis extra naturam quæsitæ nomina? Possum de rerum natura queri, quod aurum argentumque non interius absconderit, quod non illis maius, quam quod detrahi posset, pondus iniecerit. Quid sunt istæ tabulæ, quid computationes, & vanale tempus, & sanguinolentæ centesimæ? voluntaria mala ex constitutione nostrâ pendentia, in quibus nihil est, quod subijci oculis, quod teneri manu possit, inanis avaritiæ somnia. O miserum, si quem delectat sui patrimonij liber magnus, & vasta spatia terrarum colenda per vinctos, & immensi greges pecorum per provincias ac regna pascendi, & familia bellicosæ nationibus maior, &

Hh v

ædificia priuata laxitatem urbium magnarum vincentia ! Cùm benè ista , per quæ diuitias suas disposuit ac fudit , circumspexerit , superbumque se fecerit , si quidquid habet , ei quod cupit comparet , pauper est. Dimittè me , & illis diuitiis meis redde. Ego regnum sapientiæ noui , magnum , securum. ego sic omnia habeo , vt omnium sint.

CAP. XI. Itaque cùm C. Cæsar illi ducenta donaret , ridens reiecit , ne dignam quidem summam iudicans , quâ non acceptâ gloriaretur. Dij deæque , quàm pauxillo illum animum aut honorare voluit , aut corrumpere ! Reddendum egregio viro testimonium est. Ingentem rem ab illo dici audiri , cùm miraretur dementiam eius , quòd se putasset tanti posse mutari. Si tentare inquit , me constituerat , toto illi fui experiendus imperio.

CAP. XII. Sapienti ergo donari aliquid potest , etiam si sapientis omnia sunt : æquè nihil prohibet , cùm omnia amicis dicamus esse communia , aliquid amico donari. Non enim mihi sic cum amico communia omnia sunt , quomodo cum socio , vt pars mea sit , pars illius : sed quomodo patri matrique communes liberi sunt : quibus cùm duo sunt , non singuli singulos habent , sed singuli bipos. Primum omnium iam efficiam , vt

quisquis est iste, qui me in societatem vocat, sciat se nihil mecum habere commune. Quare quia hoc consortium solum inter sapientes est, inter quos amicitia est. ceteri non magis amici sunt, quàm socij. Deinde pluribus modis communia sunt. Equestria omnium equitum Romanorum sunt. in illis tamen locus meus sit proprius, quem occupaui. hoc si cui cessi, quamuis illi commune cesserim, tamen aliquid dedisse videor. Quædam quorundam sub certâ conditione sunt. habeo in equestribus locum, non ut vendam, non ut locem, non ut habitem: in hoc tantum, ut spectem. Propterea non mentiar, si dicam me habere in equestribus locum: sed cùm in theatrum veni, si plena sunt equestria, & iure habeo locum illic, quia sedere est mihi liberum: & non habeo, quia ab his, cum quibus ius mihi loci commune est, occupatus est. Idem inter amicos puta fieri. Quidquid habet amicus, commune est nobis: sed illius proprium est, qui tenet. uti, illo nolente, non possum. Derides me, inquis. Si quod amici est, meum est, liceat mihi vendere. Non licet. nam nec equestria: & tamen communia tibi cum ceteris equitibus sunt. Non est argumentum, idcò aliquid tuum non esse, quia vendere non potes, quia consumere, quia mutare in deterius aut melius



non potes. Tuum enim est, etiam quod sub lege certâ tuum est. Accepi, sed certè non minùs habes.

CAP. XIII. Ne te traham longiùs, Beneficium maius esse non potest: ea per quæ beneficium datur, possunt esse maiora, & plura, in quæ se benevolentia effundat, & sic sibi indulgeat, quemadmodum amantes solent: quorum plura oscula, & complexus arctiores, non augent amorem, sed exercent. Hæc quoque, quæ venit quæstio, profligata est in prioribus: itaque breuiter perstringetur. Possunt enim in hanc, quæ data sunt aliis, argumenta transferri. Quæritur, an qui omnia fecit, ut beneficium redderet, reddiderit. Ut scias, inquit, illum non reddidisse, omnia fecit, ut redderet. Apparet ergo, non esse id factum, cuius faciendi occasionem non habuit. Ut creditori suo pecuniam non soluit is, qui ut solueret, ubique quæsiuit, nec inuenit. Quædam eius conditionis sunt, ut effectum præstare debeant: quibusdam pro effectum est, omnia attentasse, ut efficerent. Si omnia fecit ut sanaret, peregit medicus partes suas. etiam damuato reo, oratori constat eloquentiæ officium, si omni arte usus est. Laus imperatori etiam victo, & duci redditur, si & prudentia, & industria, & fortitudo muneribus suis functa est. Omnia fecit, ut beneficium redderet: obstitit

illi felicitas tua. Nihil incidit durius, quod veram amicitiam experiretur. Locupleti donare non potuit, sano assidere, felici succurrere: gratiam retulit, etiam si tu beneficium non recepisti. Præterea, huic intentus semper, & huius rei tempus operiens, qui in hoc multum curæ, multum sedulitatis impendit, plus laboravit, quàm cui citò referre gratiam contigit.

CAP. XIV. Debitoris exemplum dissimile est: cui parum est pecuniam quæsisse, nisi soluit. Illic enim stat acerbis super caput creditor, qui nullum diem gratis occidere patiatur: hinc benignissimus, qui cum te viderit concursantem & sollicitum atque anxium, dicat: Mitte hanc de pectore curam. Desine tibi molestus instare. omnia à te habeo. Iniuriam mihi facis, si me quidquam amplius desiderare iudicas. Plenissimè ad me peruenit animus tuus. Dic, inquit, mihi. reddidisse beneficium diceres illum, si gratiam retulisset. Eodem ergo loco est, qui reddidit, & qui non reddidit. Contrà, nunc illud pone, si oblitus esset accepti beneficii, si ne tentasset quidem gratus esse, negares illum gratiam retulisse? At hic diebus noctibusque se lassavit, & omnibus aliis renunciavit officiis, huic vni imminens, & operatus, nequa se fugeret occasio. eodem ergo loco ornat,

ille qui curam referendæ gratiæ abiecit, & hic qui numquam ab illa recessit? iniquus es, si rem à me exigis, cùm videas animum non defuisse. Ad summam, putas, cùm captus esses, me pecuniam mutuum, rebus meis in securitatem creditoris oppositis, nauigasse hieme iam sæuâ, per infesta latrociniis littora, emensum quidquid periculi afferre potest etiam pacatum mare: peragratis omnibus solitudinibus, cùm quos nemo non fugiebat ego quærerem, tandem ad piratas perueni: & iam te alius redemerat. negabis me gratiam retulisse? etiamsi in illâ nauigatione pecuniam, quam saluti tuæ contraxeram, naufragus perdidisti, etiam in vincula quæ detrahare tibi volui, ipse incidi: negabis me retulisse gratiam? At mehercule Athenienses, Harmodium & Aristogitonem, tyrannicidas vocant: & Mucij manus in hostili arâ relictâ, instar occisi Porcenæ fuit: & semper contra fortunam luctata virtus, etiam citra effectum propositi operis, enituit. Plus præstitit, qui fugientes occasiones secutus est, & alia atque alia captauit, per quæ referre gratiam posset, quàm is quem, sine vlllo sudore, gratum prima fecit occasio.

CAP. XV. Duas, inquit, res ille tibi præstitit, voluntatem, & rem: tu quoque illi duas debes. Merito istud diceres ei, qui tibi reddidit voluntatem otiosam:

huic verò, qui & vult, & conatur, & nihil intentatum relinquit, non potes dicere, vtrumque enim præstat, quantum in se est. Deinde, non semper numero numerus æquandus est: aliquando vna res pro duabus valet. Itaque in locum rei succedit tam propensa voluntas, & cupida reddendi. Quod si animus sine re, ad referendam gratiam non valet: nemo aduersus deos gratus est, in quos voluntas sola confertur. Diis, inquit, nihil aliud præstare possumus. Sed si huic quoque, cui referre gratiam debeo, nihil aliud præstare possum: quid est, quare non eo aduersus hominem gratus sim, quo nihil amplius in deos confero?

C A P. XVI. Si tamen quid sentiam quæris, & vis signare responsum: hic beneficium recepisse se iudicet: ille se sciat non reddidisse. Hic illum dimittat: ille se teneat. hic dicat, Habeo: ille respondeat, Debeo. In omni quæstione propositum sit nobis bonum publicum. præcludendæ sunt excusationes ingratas, ad quas refugere possint, & sub quibus inficiationem suam tegere. Omnia feci? fac etiam nunc. Quid tu tam imprudentes iudicas maiores nostros fuisse, vt non intelligerent iniquissimum esse, eodem loco haberi eum qui pecuniam, quam à creditore acceperat, libidine aut aleâ absumpsit, & eum qui incendio, aut latro-

cinio, aut aliquo casu tristiore, aliena cum suis perdidit: nullam excusationem receperunt, ut homines scirent fidem utrique præstandam. Satiùs enim erat à paucis etiam iustam excusationem non accipi, quàm ab omnibus aliquam tentari. Omnia fecisti ut redderes. Hoc illi satis sit: tibi parum. Nam quemadmodum ille, si enixam & sedulam operam transire pro irrita patitur, cui gratia referatur indignus est: ita tu ingratus es, nisi ei qui voluntatem bonam in solum accepit, eò libentiùs debes, quia dimitteris. Non rapias hoc, nec testeris: occasiones reddendi nihilominus quæras. Redde illi, quia repetit; huic, quia remittit: illi, quia malus; huic, quia non malus. Ideoque non est, quod ad te hanc quæstionem iudices pertinere: an quod beneficium quis à sapiente acceperit, reddere debeat, si ille definit esse sapiens, & in malum versus est. Redderes enim & depositum, quod à sapiente accepisses: & etiam malo redderes creditum: quid est, cur non & beneficium? Quia mutatus est ille, te mutat? Quid? si quid à sano accepisses, ægro non redderes: cum plus semper imbecillo amico debeamus? & hic æger est animo: adiuvetur, feratur. Stultitia, morbus est animi. Distinguendum hoc, quo magis intelligatur, existimo.

CAP. XVII. Duo sunt beneficia: unum, quod dare nisi sapiens sapienti non potest: hoc est absolutum & verum beneficium. alterum, vulgare, plebeium, cuius inter nos imperitos commercium est. De hoc non est dubium, quin illi qualiscunque est debeam reddere, siue homicida, siue fur, siue adulter euasit. Habent scelera leges suas. melius istos iudex, quàm ingratus, emendat. nemo te malum, quia est, faciat. Malo beneficium projiciam, bono reddam. huic, quia debeo; illi, ne debeam.

CAP. XVIII. De altero beneficii genere dubitatur, quod si accipere non potui nisi sapiens, ne reddere quidem nisi sapienti possum. Puta enim me reddere. ille non potest recipere: non est iam huius rei capax. scientiam vtendi perdidit. Quid si me remittere manco pilam iubeas? stultum est dare alicui, quod accipere non possit. Vt respondere ab ultimo incipiam: Non dabo illi, quod accipere non poterit: reddam, etiam si accipere non poterit. Obligare enim non possum, nisi accipientem: liberari tantùm, si reddo, possum. Ille vti illo non poterit? viderit. penes illum erit culpa, non penes me.

CAP. XIX. Reddere est, inquit, accepturo tradidisse. Quid enim si cui vinum debeas, & hoc ille infundere reticu-

lo iubeat, aut cribro: reddidisse te dices, aut reddere voles, quod dum redditur, inter duos perit? Reddere, est id quod debeas, ei cuius est, volenti dare. hoc vnum mihi præstandum est. Vt quidem habeat, quod à me accepit, iam vltioris est curæ. Non tutelam illi, sed fidem debeo: multoque satius est, illum non habere, quam me non reddere. Et creditori statim in macellum laturo, quod accepit, reddam. etiam si mihi adulteram cui numerem, delegauerit, solvam: & si nummos quos accipiet in sinum suum discinctus fundet, dabo. Reddendum enim mihi est: non seruandum, cum reddidero, auguendum. Beneficij accepti, non redditus custodiam debeo. Dum apud me est, saluum fit. ceterum licet accipientis manibus effluat, dandum est reposcenti. Reddam bono, cum expediet; malo cum peteret. Tale, inquit, beneficium, quale accepisti, non illi potes reddere. Accepisti enim à sapiente: stulto reddis. Imò reddo illi, quale nunc potest accipere: nec per me fit deterius, sed per illum. id quod accepi, reddam. Cui si ad sapientiam redierit, reddam quale accepi: dum in malis est, reddam quale ab illo potest accipi. Quid, inquit, si non tantum malus factus est, sed ferus, sed immanis, qualis Apollodorus, aut Phalaris: & huic beneficium, quod acceperas, reddes? Mutationem sa-

pientis tantam natura non patitur. nam  
 in pessima ab optimis lapsus, necesse est  
 etiam in malo vestigia boni teneat. Num-  
 quam in tantum virtus exstinguitur, ut  
 non certiores animo notas imprimat,  
 quàm ut illas eradat vlla mutatio. Feræ  
 inter nos educatæ, cum in silvas erupe-  
 runt, aliquid mansuetudinis pristinæ re-  
 tinent: tantumque à placidissimis absunt,  
 quantum à veris feris & numquam hu-  
 manam manum passis. Nemo in summam  
 nequitiam incidit, qui umquam hæsit sa-  
 pientiæ. altiùs infectus est, quàm ut ex  
 toto elui, & transire in colorem alium  
 possit. Deinde interrogo, vtrum iste ferus  
 sit animo tantum, an & in perniciem pu-  
 blicam excurrat? Proposuisti enim mihi  
 Apollodorum & Phalarin tyrannum,  
 quorum si naturam habet intra se malus,  
 quidni ego isti beneficium situm reddam,  
 ne quid mihi cum eo sit iuris amplius? Si  
 verò sanguine humano non tantum gau-  
 det & pascitur, sed & suppliciis omnium  
 ætatum crudelitatem insatiabilem exer-  
 cet, nec irâ, sed auiditate quadam sequen-  
 di furit, si in ore parentum filios iugulat,  
 si non contentus simplici morte, distor-  
 quer, nec vrit solum perituros, sed exco-  
 quit, si ara eius cruore semper recenti ma-  
 det: parum est huic beneficium non red-  
 dere. Quicquid erat, quo mihi cohære-  
 ret, intercisâ iuris humani societas absci-



dit. Si præstitisset quidem mihi aliquid, sed arma patriæ meæ inferret: quidquid meruerat, perdidisset, & referre illi gratiam scelus haberetur. si non patriam meam impugnat, sed suæ gravis est, & sepositus à mea gente, suam exagitat: abscidit nihilominus illum tanta prauitas animi. etiam si non inimicum, inuisum mihi efficit: priorque mihi ac porior eius officij ratio est, quod humano generi, quàm quod vni homini debeo.

CAP. XX. Sed quamuis hoc ita sit, & ex eo tempore omnia mihi in illum sint libera, ex quo, corrumpendo fas omne, vt nihil in eum nefas esset, effecerit: illum mihi seruandum modum credam, vt si beneficium illi meum neque vires maiores daturum est in exitium commune, nec confirmaturum quas habet, id autem erit, quod illi reddi sine perniciæ publicæ possit, reddam. Seruabo filium eius infantem. quid hoc beneficium obest cuiquam eorum, quos crudelitas eius lacerat? pecuniam quæ satellitem stipendio teneat, non subministrabo. Si marmora & vestes desiderabit, nihil oberit cuiquam id quo luxuria eius instruitur: militem & arma non suggeram. Si pro magno petet munere artifices scænæ, & scorta, & quæ feritatem eius emolliant, libens offeram. Cui tiremes & cerasas non mitterem, luso-

rias & cubiculatas, & alia ludibria regum in mari lasciuentium mittam. Et si ex toto eius sanitas desperata fuerit, eadem manu beneficium omnibus dabo, illi reddam : quando ingeniis talibus vitæ exitus remedium est : optimumque est obire ei, qui ad se numquam rediturus est. Sed hæc rara nequitia est, & semper portenti loco habita, sicut hiatus terræ, & de cauernis maris ignium eruptio. Itaque ab illa recedamus : de his loquamur, quæ detestamur sine horrore. Huic homini malo, quem inuenire in quolibet foro possum, quem singuli timent, reddam beneficium, quod accepi. Non oportet mihi nequitiam eius prodesse, quod in me non est, redeat domum bonus an malus. Quàm diligenter istud exerce-rem, si non redderem, sed darem? Hic locus fabulam poscit.

CAP. XXI. Pythagoricus quidam emerat à futore phæcasia, rem magnam, non præsentibus nummis. Post aliquot dies venit ad tabernam, redditurus : & cum clausam diu pulsaret, fuit qui diceret : Quid perdis operam tuam ? futor ille quem quæris, elatus, combustus est. Quod nobis fortasse molestum est, qui in æternum nostros amittimus : tibi minime, qui scis futurum, ut renascatur. iocatus in Pythagoricum. At philosophus noster, treis aut quatuor denarios ( non

inuitâ manu } domum retulit, subinde concutiens. Deinde cùm reprehendisset hanc suam non reddendi tacitam voluptatē; intelligens arrisisse sibi illud lucellum, redit ad eandem tabernam, & ait: Ille tibi viuit. tu redde, quod debes. Deinde per clostrum, quâ se commissura laxauerat, quatuor denarios in tabernam inseruit, ac misit, pœnas à se exigens improbæ cupiditatis, ne alieno assuesceret.

CAP. XXII. Quod debes, quære cui reddas: & si nemo poscet, ipse te appella. Malus an bonus sit, ad te non pertinet. Redde & accusa, non oblitus, quemadmodum inter vos officia diuisa sunt. illi obliuio imperata est, tibi meminisse mandauimus. Errat tamen, si quis existimat, cùm dicimus eum qui beneficium dedit, obliuisci oportere, excutere nos illi memoriam rei præsertim honestissimæ. quædam præcipimus ultra modum, vt ad verum & suum redeant. Cùm dicimus, Meminisse non debet: hoc volumus intelligi, prædicare non debet, nec iactare, nec grauis esse. Quidam enim beneficium quod dederunt, omnibus circulis narrant. hoc sobrij loquuntur, hoc ebrij non continent: hoc ignotis ingerunt, hoc amicis committunt. Vt hæc nimia & exprobratrix memoria subderet, obliuisci eum qui dedit, iussi.

mus, & plus imperando quàm præstari poterat, silentium suasimus.

CAP. XXIII. Quoties parum fiducia est in his quibus imperas, amplius est exigendum quàm satis est, ut præstetur quantum satis est. In hoc omnis hyperbole extenditur, ut ad verum mendacio veniat. Itaque qui dixit,

*Qui candore niues anteirent, cursibus  
auras :*

quod non poterat fieri, dixit: ut crederetur quantum plurimum posset. Et qui dixit,

*His immobilior scopulis, violentior ame-  
ne :*

ne hoc quidem se persuasurum putavit, aliquem tam immobilem esse, quàm scopulum. Numquam tantum sperat hyperbola, quantum audet: sed incredibilia affirmat, ut ad credibilia perueniat. Cum dicimus, *Qui beneficium dedit, obliuiscatur*: hoc dicimus, similis sit oblito; memoria eius non appareat, nec incurrat. Cum dicimus, beneficium repeti non oportere, non ex toto repetitionem tollimus: sæpè enim opus est malis exactore, etiam bonis admonitore. Quid ergo? occasionem ignorantibus non ostendam? necessitates illi meas non detegam, quare nescisse se aut mentiatur, aut doleat? Interueniat aliquando admonitio, sed verecunda, quæ non poscat, nec in ius vocet:

CAP. XXIV. Socrates amicis audientibus : Emissẽm, inquit, pallium, si nummos haberẽm. Neminẽm poposcit, omnes admonuit à quo acciperet, ambitus fuit. Quid ni esset? Quantulum enim erat, quod Socrates accipiebat? at multum erat, commeruisse, à quo Socrates acciperet. Non illos castigare molliùs potuit, Emissẽm, inquit, pallium, si nummos haberẽm. Post hæc quisquis prope-  
rauerit, serò dat. iam Socrati defuit. Propter acerbos exactores, repetere prohibemus : non ut numquam fiat, sed ut parcè.

CAP. XXV. Aristippus aliquando delectatus vnguento : Malè, inquit, istis effœminatis eueniat, qui rem tam bellam infamauerunt. Idem dicendum est: Malè istis improbis & importunis beneficiorum suorum quadruplatoribus eueniat, qui tam bellam admonitionem inter amicos sustulerunt. Ego tamen utar hoc iure amicitiae, & beneficium ab eo repetam, à quo petissem: qui alterius beneficij loco accepturus est, potuisse reddere. Numquam, ne querens quidem, dicam:

———— *Eiectum littore egentem*

*Excepi. & regni demens in parte locavi.*  
Non est ista admonitio, non: conuicium est. Hoc est in odium beneficia perducere: hoc est efficere, ut ingratum esse, aut liceat,

liceat, aut iuuet. Satis, abundeque est, submissis & familiaribus verbis, memoriam reuocare:

*Sa benè quid de te merui, fuit aut tibi quidquam*

*Dulce meum:*

Ille inuicem dicat: Qui ni merueris? ciectum littore egentem excepisti.

CAP. XXV. Sed nihil, inquit, profecimus: dissimulat, oblitus est. quid facere debeam? Quæris rem maximè necessariam, & in quâ hanc materiam consummari decet, quemadmodum ingrati ferendi sint? Placido animo, mansueto, magna. Numquam te tam inhumanus, & immemor, & ingratus, offendat, ut non tamen dedisse delectet. Numquam in has voces iniuria impellat: Vellem non fecisse. Beneficij tui etiam infelicitas placeat. Semper illum pœnitebis, si te ne nunc quidem pœnitet. Non est, quòd indigneris tamquam aliquid nolui accipere: magis mirari deberes, si non accepisset. Alium labor, alium impensa deterret: alium periculum, alium turpis verecundia, ne dum reddit, fateatur accepisse: alium ignorantia officij, alium pigritia, alium occupatio. Adspice, quemadmodum immensa hominum cupiditates hient semper, & poscant: non miraberis ibi neminem reddere, ubi nemo satis accipit. Quis est istorum tam firma

mentis ac solidæ, ut tutò apud eum beneficia deponas? alius libidine insanit, alius abdomini seruit, alius lucri totus est, cuius summam non vinctes: alius inuidiâ laborat, alius cæcâ ambitione, & in gladios ruente. Adijce torporem mentis ac senium, & huic contrariam inquieti pectoris agitationem, tumultusque perpetuos. adijce æstimationem sui nimiam & tumorem, ob quæ contemnendus est, insolentem. Quid contumaciam in peruersa nitentium, quid leuitatem semper aliò transilientem loquar? Huc accedat temeritas præceps, & numquam fidele consilium daturus timor, & mille errores, quibus volumur: audacia timidissimorum, discordia familiarissimorum, & publicum malum, incertissimis fidere, fastidire possessa, optare quæ consequi posse spes non fuit.

CAP. XXVII. Inter affectus inquietissimos, rem quietissimam, fidem quæris? Si tibi vitæ nostræ vera imago succurret, videberis tibi videre captæ cum maximè ciuitatis faciem, in quâ, omisso pudoris restique respectu, vires in consilio sunt, velut signo ad permittenda omnia dato. Non igni, non ferro abstinetur: soluta legibus scelera sunt: nec religio quidem, quæ inter arma hostilia supplices texit, vllum impedimentum est ruentium in prædam. Hic ex

priuato, hic ex publico, hic ex profano, hic sacro rapit : hic effringit, hic transil-  
lit, hic non contentus angusto itinere, ipsa quibus arcetur, euertit, & in lucrum ruinâ venit. Hic sine cæde populatur, hic spolia cruentâ manu gestat. nemo non fert aliquid ex altero. In hac auiditate generis humani, ne tu nimis fortunæ communis oblitus es, qui quætis inter rapientes referentem. Si indignaris ingratos esse: indignare luxuriosos, indignare auaros, indignare impudicos, indignare ægros deformes, senes pallidos: Est istud graue vitium, est intolerabile, & quod dissociet homines, quod concordiam, quâ imbecillitas nostra fulcitur, scindat ac dissipet: sed vsquæo vulgare est, vt illud nec qui queritur quidem effugerit.

CAP. XXVIII. Cogita tecum, an quibuscumque debuisti, gratiam retuleris, an nullum vmquam apud te perierit officium, an omnium te beneficiorum memoria comitetur: Videbis quæ puero data sunt, ante adulescentiam elapsa: quæ in iuuenem collata sunt, non perdurasse in senectutem. Quædam perdidimus, quædam proiecimus, quædam è conspectu nostro paulatim exierunt: à quibusdam oculos auertimus. Vt excusem tibi imbecillitatem tuam, in primis fragilis est memoria, & rerum turbæ non



sufficit. necesse est quantum recipit, emittat, & antiquissima recentissimis obruat. Sic factum est, ut minima apud te nutriceis esset auctoritas: quia beneficium eius longius ætas sequens posuit. sic factum est, ut præceptoris tibi non esset vlla veneratio: si c. euēnit, ut circa consularia occupato comitia, aut sacerdotiorum candidato, quæsturæ suffragator excideret. Fortasse vitium, de quo quereris, si te diligenter excusseris, in sinu inuenies. Inique publico irasceris crimini, stultè tuo. ut absoluaris, ignosce. Meliorem illum facies ferendo, utique peiorem exprobrando. non est, quod frontem eius indures: sine, si quid est pudoris residui, seruet. Sæpè dubiam verecundiam, vox conuiciantis clarior, rupit nemo id esse, quod etiam videtur, timet. deprehensus pudor amittitur.

CAP. XXIX. Perdidisti beneficium. Numquid quæ consecrauimus, perdidisse nos dicimus? Inter consecrata beneficium est, etiam si malè respondit, benè collocatum. Non est ille, qualem sperauimus. Simus nos quales fuimus, ei dissimiles. damnum tunc factum, nunc apparuit. Ingratus non sine nostro pudore protrahitur: quoniam quidem querela amissi beneficii, non benè dati signum est. Quantum possumus, causam eius apud nos agamus: fortasse non po-

tuit, fortasse ignorauit: fortasse facturus est. Quædam nomina bona, lentus ac sapiens creditor fecit, qui sustinuit, ac morâ fouit. Idem nobis faciendum: nutriamus fidem languidam.

CAP. XXX. Perdidi beneficium. Stulte, non nosti detrimenti tui temporaria perdidisti, sed cum dares: nunc palam factum est. Etiam in his quæ videntur in perditio, moderatio plurimum profuit. Vt corporum, ita animorum molliter vitia tractanda sunt. sæpè quod explicauit mora, pertinaciâ trahentis abruptum est. Quid opus est maledictis? quid querelis? quid insectatione? quare illum liberas? quare dimittis? Si ingratus est, iam nihil debet. Quæ ratio est, exacerbare eum, in quem magna contuleris, ut ex amico dubio fiat non dubius inimicus, & patrociniû sibi nostrâ infamiâ quærat? Nec desit qui dicat: Nescio quid est, quòd eum, cui tantum debuit, ferre non potuit. subest aliquid. Nemo non superioris dignitatem quærendo, etiam si non inquinauit, aspersit: nec quisquam fingere contentus est lenia, cum magnitudine mendaciij fidem quærat.

CAP. XXXI. Quanto illa melior via, quâ seruetur illi species amicitiae, & si reueri ad sanitatem velit, etiam amicitia? Vincit malos pertinax bonitas: nec quisquam tam duri infestique aduersus

diligenda animi est, ut etiam vi tractus bonos non amet: quibus hoc quoque cœpit debere, quod impune non soluit. Ad illa itaque cogitationes tuas flecte. Non est mihi relata gratia: quid faciam? quod dii omnium rerum optimi auctores: qui beneficia ignorantibus dare incipiunt, ingratis perseuerant. Alius illis obiicit negligentiam nostri, alius iniquitatem: alius illos extra mundum suum proiicit, & ignauos, hebetesque sine luce, sine villo opere destituit. Alius solem, cui debemus, quod inter laborem quietemque tempus diuisimus, quod non tenebris immerfi confusionem æternæ noctis effugimus, quod annum cursu suo temperat, & corpora alit, fata euocat, percoquit fructus, saxum aliquod, aut fortuitarum ignium globum, & quiduis potius quam deum appellat. Nihilominus tamen more optimorum parentum, qui maledictis suorum infantium arrident, non cessant dii beneficia congerere, de beneficiorum auctore dubitantibus: sed æquali tenere bona sua per gentes populosque distribuunt, vnam potentiam sortiti, prodesse. Spargunt opportunis imbribus terras, maria flatu mouent, siderum cursu norant tempora, hiemes æstatemque interuentu lenioris spiritus molliunt: errorem labentium animarum placidi ac

propitij ferunt. Imitemur illos. demus, etiam si multa in irritum data sint: demus nihilominus aliis, demus ipsis, apud quos iactura facta est. Neminem ab excitandâ domo ruina deterruit: & cùm penates ignis absumpsit, fundamenta repente adhuc arcâ ponimus, & vrbes haustas sæpius eodem solo condimus. Adeò ad bonas spes pertinax animus est. Terrâ marique humana opera cessarent, nisi malè cadentia iterum tentare libuisset.

CAP. XXXII. Ingrâtus est non mihi fecit iniuriam, sed sibi: ego beneficio meo, cùm darem, vsus sum. nec ideò pigriùs dabo, sed diligentius. quod in hoc perdidì, ab aliis recipiam. Sed huic ipsi beneficium dabo iterum, & tamquam bonus agricola, curâ cultuque sterilitatem soli vincam. Perit mihi beneficium: iste omnibus. Non est magni animi dare & perdere: hoc est magni animi, perdere & dare.

FINIS.

ANT 131620

THE UNIVERSITY OF CHICAGO

DEPARTMENT OF THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS

THE HISTORY OF ARTS



